

5

# TRACTATUS DE TUMORIBUS & ULCERIBUS

*Solidam Theoriam, atque tutiorem praxim  
complectens.*

## ACCEDUNT EPISTOLÆ DUÆ

- I. *Circa compositionem quorundam remediorum, quorum mirabiles effectus  
jactant, sed præparationem abscondunt.*
- II. *Circa naturam, & virtutem quorundam remediorum, quæ adversus  
luem veneream nuper proposita sunt.*

AUCTORE  
JOANNE ASTRUC

PROF. REG. MEDIC. ET REGIS A CONSIL. MED.

*Ego fateor me ex eorum numero esse conari, qui proficiendo scribunt, &  
scribendo proficiunt. D. August. Epist. 143. n. 2.*

Ex Gallico Sermone in Latinum Versus.



VENETIIS,

Typis, & impensis NICOLAI PEZZANÆ.

CID ID CCLXVI.

SUPERIORUM PERMISSU, AC PRIVILEGIO.

# DECLARATION

I, the undersigned, do hereby declare that the foregoing is a true and correct copy of the original as the same appears in the records of the Court.

Witness my hand and seal this 1st day of January, 1901.

JOHN W. COOPER, Clerk of the Court.

By \_\_\_\_\_, Deputy Clerk of the Court.

Attest, my hand and seal this 1st day of January, 1901.

JOHN W. COOPER, Clerk of the Court.

By \_\_\_\_\_, Deputy Clerk of the Court.

Attest, my hand and seal this 1st day of January, 1901.

JOHN W. COOPER, Clerk of the Court.

By \_\_\_\_\_, Deputy Clerk of the Court.

Attest, my hand and seal this 1st day of January, 1901.

JOHN W. COOPER, Clerk of the Court.

By \_\_\_\_\_, Deputy Clerk of the Court.

Attest, my hand and seal this 1st day of January, 1901.

JOHN W. COOPER, Clerk of the Court.

By \_\_\_\_\_, Deputy Clerk of the Court.

Attest, my hand and seal this 1st day of January, 1901.

JOHN W. COOPER, Clerk of the Court.

By \_\_\_\_\_, Deputy Clerk of the Court.

Attest, my hand and seal this 1st day of January, 1901.

JOHN W. COOPER, Clerk of the Court.

By \_\_\_\_\_, Deputy Clerk of the Court.

Attest, my hand and seal this 1st day of January, 1901.

JOHN W. COOPER, Clerk of the Court.

By \_\_\_\_\_, Deputy Clerk of the Court.

Attest, my hand and seal this 1st day of January, 1901.

JOHN W. COOPER, Clerk of the Court.



# MONITUM.

**V**erisimile duxit (a) Hippocrates omnes omnino morbos ulcerare esse; verum Hippocratem nimis late locutum esse existimarem, ad quamcumque significationem verbum *ulceris* producendo; quamvis hoc pro Auctoris decore ejusdem Commentatores valde extendant; attamen dubitari non potest omnes fere morbos locales cum aliquo tumore conjunctos esse ipsamque febrim tumores inflammatorios, aut erysipelatosos, quorum ipsa aut causa, aut effectus est, comitari.

Tumorum itaque, ulcerumque tractatus ad medicinæ elementa spectare censendum est, qui iccirco alios morbos antecedere debet, atque ad ipsorum cognitionem, & facilius, & tutius nos ducere ex quo tot Medici tam recentes, quam veteres de hoc certatim ferme scripserunt.

De ea re scribendum igitur suscipio, quæ fuit tam sæpe tractata, at aliqua mihi spes illucescit me frustra non esse laborem, studiumque consumpturum. Etenim de qualibet medicinæ parte illud absque dubio affirmari potest, quod de alia re Cicero (b) *Simonidem* dicentem inducit: *quanto plus considero, tanto res videtur obscurior.*

Sicque magnus eorum numerus, qui de hoc scripserunt, cum mei esse ducerem (c) *Vetustis novitatem, obscuris lucem, dubiis fidem; novis auctoritatem dare*, cumque quantum fieri potest, hoc munere fungi conatus sim, potius diligentiolem efficere, quam me deterere valuit.

Nihil de tumorum, atque ulcerum natura, causisque statui, quod partium, ubi morbus sedem habet, manifesta dispositione non comprobaretur, nulla adest medicinæ theoriam illustrandi ratio, nulla methodus partium a morbis productam perturbationem certo dignoscendi quam statum earum naturalem, communesque functiones, atque hujusmodi perturbationes simul comparare.

Quo autem ad praxim attinet, solum remedia certa, atque efficacia.

\* 2

cia.

(a) Libr. de fractur. §. 32. Editionis Lindenianæ: *si quis alios morbos esse ulcera dixerit, habet*, hic sermo aliquam verisimilitudinem.

(b) De natura Deorum. §. 22.

(c) Plin. in Pref. Hister. Natur.



cia proponere studui, quæ essent experimentis, ac optimorum Practicorum usu firmata. Inutilia, atque inefficacia, quæ in libris temere transcribuntur, prorsus rejeci. Quod profecto ad praxis emendationem est opus. Vana enim innumerabilium incertorum, atque inutilium remediorum jactantia ad nil aliud, quam ad ipsius inopiam inservit: *Copia inutilium inopiam facit*. Nullam autem novam sententiam protuli, quam firmis rationibus non confirmatam curaverim: oppositas tamen opiniones nec exponere, nec confutare necessarium fore sum arbitratus. Quarum descriptio præterquam quod longa nimis, atque molesta, ( si mea subsistit ) inutilis etiam fuisset, cum ad dissipandas erroris nubes, solum, ut veritas pateat, requiratur.

Medicos novi, qui propria opera formulis communibus replent, quos imitari nolui; hæ formulæ nil iis inserviunt, qui medicinæ principia prorsus non ignorant, quique remedia pro circumstantiis opportuna simul conjungere ex se optime norunt. Et e contra plurimum iis obesse possunt, qui aut ignari, aut in medicina etiam rudes hisce formulis in omnibus circumstantiis, nullo consilio habito indiscriminatim utantur.

Brevitati itaque quam maxime consului, cum medicinæ scientia sit longa, tempusque pro adeptione brevissimum; *Ars longa, vita brevis*. Ceteroquin maxima illa volumina, quibus abundant Bibliothecæ, a nemine legi, quis ignorat? nec miror si pauca illa utilia, & gravia, quæ in his reperiuntur, a magno, immensoque inutilium, atque extraneorum cumulo prorsus extinguantur, ac suffocentur.

At ita brevitatem sum profecutus ne tamen obscurus fierem, iccirco ordinem secutus sum magis accuratum, res apte, atque idonee disposui, principia paullatim, atque simpliciter explicavi, necessarias deinceps illustrationes, ut difficultates, quæ occurrunt, facile dissolverentur, præposui. Hac methodo spem habeo, & viam lectoribus explanavisse, & eo perduxisse, ut me ipsi & sequi, & intelligere facile possent. *Ordinis hæc virtus est*.

Cum hoc opus solum publica, non mea utilitate adductus perfecterim, nolui meum nomen inscribere. Ut tamen fidem, quæ libris anonymis denegatur, aliquam ipsi compararem, commonendum putavi hoc a fene medico factum esse, qui in studiis, in practica, in edocendo, toto suo vitæ curriculo versatus est.



# INDEX CAPITUM

## MONITUM.

*Tumorum generica descriptio.*

Pag. I

### LIBER PRIMUS

De Phlegmone, & Tumoribus phlegmonosis.

Caput I.	<b>D</b> E Phlegmone, aut inflammatione.	3
II.	De Abscessu, aut Apostemate.	10
III.	De Gangræna, aut sphacelo, inflammationem subsequentibus.	16
IV.	De Gangræna sicca, aut scorbutica.	21
V.	De Furunculo, sive de Clavo.	23
VI.	De Hordeolo.	28
VII.	De Dracunculo, aut vena medinæ.	32
VIII.	De Anthrace, sive Carbunculo.	38
IX.	De Panaritio.	42
X.	De Parotidibus, Bubonibus, ceterisque axillarum & inguinum tumoribus.	47
XI.	De Pernionibus.	54
XII.	De Jugillatione, sive Ecchymosi.	58

### LIBER SECUNDUS.

De Erysipelate & de Tumoribus erysipelatosi.

Caput I.	<b>D</b> E Erysipelate.	62
II.	De Herpete.	71
III.	De Scabie.	77
IV.	De Papulis.	81
V.	De Esseris, sive morbo porcino.	83
VI.	De Sudaminibus.	85
VII.	De Lentiginibus, sive rubris quibusdam faciei maculis.	88
VIII.	De Gutta rosacea.	90
IX.	De Crustis lacteis.	93
X.	De Vitiligine sive mentagra.	96
XI.	De Varis.	98
XII.	De Tinea.	100
XIII.	De Malo mortuo.	106
XIV.	De Nævis maternis.	110

## LIBER TERTIUS.

De Oedemate, &amp; de Tumoribus oedematosis.

Caput I.	<b>D</b> E Oedemate ..	114
II.	De Hydatidibus ..	120

## LIBER QUARTUS.

De Scirrho, &amp; de Tumoribus scirrhosis.

Caput I.	<b>D</b> E scirrho ..	125
II.	De Cancro ..	132
III.	De Nodis, sive Gangliis ..	142
IV.	De Verrucis ..	144
V.	De Clavis pedum ..	146

## LIBER QUINTUS.

De Tumoribus, qui ad nullam quattuor præcedentium classium referri possunt,  
& quintam sejunctim classem constituunt.

Caput I.	<b>D</b> E Strumis ..	148
II.	De Tumoribus cisticis, aut lupis ..	156
III.	De Lupis capitis ..	162
IV.	De Botio, sive Bronchocele ..	164
V.	De Gummis aut tumoribus gummosis ..	171
VI.	De Tumoribus sebaceis, sive sarcomatis ..	177
VII.	De Emphysemate ..	180

## LIBER SEXTUS.

De Ulceribus.

Caput I.	<b>D</b> E ulceribus in genere ..	183
II.	De Ulceribus benignis, & simplicibus ..	186
III.	De Ulceribus siccis, quæ nulla ratione, vel difficulter admodum in suppurationem vergunt ..	192
IV.	De Ulceribus putridis, quæ nimis putrescunt ..	195
V.	De Ulceribus callosis ..	198
VI.	De Ulceribus fistulosis ..	202
VII.	De Ulceribus, quæ ad ossa usque pertingunt ..	205
VIII.	De Ulceribus cum carnis excrescentiis, sive hypersarcosi ..	208

IX. De



- IX. De Ulceribus, quæ carne nedum replentur, sed in eodem morbo-  
so statu jugiter persistunt. 211
- X. De Ulceribus, quæ difficillime cicatrizantur. 214

EPISTOLA PRIMA.

Circa compositionem quorundam remediorum, quorum utilitatem prædicant, sed  
preparationem abscondunt. 217

EPISTOLA SECUNDA.

Circa naturam atque profectum nonnullorum remediorum, quæ adversus luem ve-  
neream multopere commendantur. 224



viii  
NOI RIFORMATORI

Dello Studio di Padova.

**A**Vendo veduto per la fede di Revisione, ed Approvazione del P. Fr. Filippo Rosa Lanzi Inquisitor General del Santo Officio di Venezia, nel Libro intitolato *Tractatus de Tumoribus, & Ulceribus, Theoriam, atque tutiorem praxim complectens. Accedunt Epistolae duae Auctore Joanne Astruc, MS.* non v'esser cos'alcuna contro la Santa Fede Cattolica, e parimente per Attestato del Segretario nostro, niente contro Principi, e buoni costumi, concediamo Licenza a Niccolò Pezzana, che possi esser stampato, osservando gli ordini in materia di Stampe, e presentando le solite copie alle Pubbliche Librerie di Venezia, e di Padova.

Dat. li 3. Giugno 1765.

{ *Angelo Contarini Proc. Rif.*

{  
{ *Francesco Morosini 2º. Cav. Proc. Rif.*

Registrato in Libro a Carte 241. al Num. 1462.

*Davidde Marchesini Segr.*

5. Giugno 1765.

Registrato al Magistrato Eccell. degli Esecut. contro la Bestemmia.

*Francesco Gadaldini Segr.*





# TRACTATUS

D E

## TUMORIBUS.

---

### *Tumorum Generica descriptio.*

**T**umores generice sunt elevationes, siue prominentiæ, quæ partium vicinarum libellam excedunt.

In scholis distinguuntur tumores in *naturales*, *non naturales* & *præter-naturales*, siue contra naturam.

Tumores *naturales* illi sunt, qui ad corporis conformationem pertinent: tales sunt nares, genæ, & phalanges primi digiti pedum.

*Non naturales*, minime ad naturalem corporis structuram attinent, sed in aliquibus partibus superveniunt pro peculiaribus casibus, ut in abdominis intumescencia mulierum utero gestantium.

Tandem *præter naturales* siue contra naturam, quæ materiem hujus operis constituere debent, illi sunt, qui contra naturæ leges eveniunt; ideoque veros morbos producant.

Hujusmodi tumores a duplici causa procedunt; vel cum nonnullæ solidæ, aut molles corporis partes positum mutant: hujus generis sunt luxatio capitis humeri, sub axilla tumorem producent, atque descensus Epiplooi, aut intestini tumorem inguinis inducens, vel cum humor aliquis in aliqua parte congeritur.

Hi tumores *humorales* proprie dicuntur, de quibus in hoc tractatu sermone instituire cogitavimus.

Ipsi plerumque quatuor genera constituunt, quæ sunt *Phlegmone*, *Erysipelas*, *Oedema*, atque *Scirrhus*. Hæc generica divisio a veteribus recepta est, quæ totidem humoribus respondebat, quos in humano corpore admittebant; idcirco phlegmone a rubro sanguine originem ducebat; Erysipelasabile; oedema a pituita; & scirrhus a melancholia; hujusmodi tamen divisio multiplici ratione peccat.

1. Quia ipsa phlegmone ab erysipelate distinguit, quod unam simul originem agnoscit.

2. Quia non complectitur tumores ab aere productos, quales sunt tumores *flatusi*, *Emphysematis* nomine insigniti.

*Astruc de Tumoribus.*

A

3. Quia




3. Quia non comprehendit tumores a pinguedine in propriis cellulis inspissata natos, qui *tumores adiposi* dicuntur.

Melius enim erat, tumores dividere in illos, qui a sanguine producuntur, uti phlegmone, & Erysipelas; in tumores a lymphâ natos, ut oedema; in illos ab humoribus excrementitiis genitos, ut scirrhus; in illos denique ab aere factos, quales est emphysema; in eos tandem ab adipe confectos, qui *sebacei* sunt.

Tamen, postquam obviæ divisionis errores animadverterim, optimum censui in hoc tractatu veteri usui plerorumque auctorum esse inserviendum, qui se hac materia egerunt.

Opus enim in quattuor libros dividam, in quibus successive de phlegmone, Erysipelate, Oedemate, atque scirrho loquar. Quintum tandem addam, in quo de Emphysemate, tumoribus sebaceis, ceterisque, qui ad quattuor priora genera non pertinent, speciatim tractabo.

Animadvertendum est, tumores quattuor priorum generum simplices esse posse, vel compositos: simplices sunt, ubi tumor sibi proprios characteres tantum præferat; ita phlegmone simplex est, cum proprias notas tantum retineat; contra vero compositi appellantur tumores, cum, præter proprios characteres, alios reliquorum tumorum admittunt; ita phlegmone composita appellatur phlegmone Erysipelatosa, oedematosa atque scirrhusa, cum, præter propria symptomata, illa erysipelatis, oedematis, aut scirrhi ostendat. Eadem ratione erysipelas phlegmonosum, oedematosum, scirrhusum esse potest; tum oedema phlegmonosum, erysipelatosum, aut scirrhusum; tandem scirrhus erysipelatosus, phlegmonosus, & oedematosus fieri potest.





# LIBER PRIMUS

## DE PHLEGMONE, ET TUMORIBUS PHLEGMONOSIS.

### CAPUT PRIMUM

#### *De Phlegmone aut Inflammatione.*

##### *Descriptio.*

**L** N omnibus corporis humani mollibus partibus tumores produci possunt cum calore, dolore, tensione, renitentia, atque rubore, qui rubor a compressione non evanescit: hæc symptomata hujusmodi tumoribus essentialia sunt; non uno tamen eodemque gradu partes semper afficiunt.

II. Hæc tumoris species omnibus mollibus partibus communes sunt, pinguedinosis videlicet, carneis, membranaceis, tendineis, vel aponevroticis; plerumque tamen corporis superficiem, viscera, aut musculos agrediuntur, ubi vasa sanguinea confertiora sunt.

III. Interdum hujusmodi tumores limites ostendunt, qui facile circumscribi possunt; plerumque tamen sensim, sensimque ad latera ita imminuuntur, ut margines ipsis assignari nequeant.

IV. Phlegmonosi tumores interdum comitem febriem non habent; plerumque tamen accedit cum reliquis symptomatis calore, vigilia, siti, horrore &c.; quandoque febris tumorem præcedit, & tunc ipsa morbus essentialis est, tumor vero symptoma. Interdum febris, atque tumor una superveniunt, & tunc utrumque ab eadem causa procedit; plerumque tamen febris tumorem subsequitur, ejusdemque est effectus, sive symptoma.

V. Hujusmodi tumor a Græcis appellatus fuit *φλεγμονή*, scilicet *incendium* caloris ergo, qui ipsum comitatur; Latini eadem de causa ipsum *inflammationem* nuncuparunt; Galli vero utroque nomine utuntur; illud tamen inflammationis frequentius adhibent.

VI. Quatuor stadia inflammationis distinguuntur.

1. *Initium*, &

2. *Incrementum*, ubi phenomena, quæ initio conspiciuntur, sensim augentur.

3. *Status*, sive *consistentia*, ubi phenomena eodem gradu perstant.

4. *Decrementum*, sive *resolutio*, in qua phenomena imminuuntur, & tumor paulatim evanescit.

Quandoque, loco resolutionis, suppuratio accidit, in qua, postquam phenomena summum gradum sævitiei attigerint, tumor putrescit, & *abscessum*, sive *apostema* producit. Interdum etiam, quod magis teterrimum est, in eadem morbi periodo, tumor nigrescit, complanatur, indolens fit, & *Gangrena* supervenit a sphacelo subsecutura.



## Differentiæ.

1. Phlegmones sunt *internæ*, vel *externæ*; internæ partem internam occupant; externæ partem externam.
2. Isti tumores, vel *magni* sunt, vel *parvuli*; quod 1. ab elevatione, 2. extensione, 3. renitentia, 4. gradu caloris, ruboris, & doloris dignoscitur.
3. Interdum *febrim comitem* habent, interdum *sine febre* sunt; febris plerumque grandiores, & internos comitatur, non vero reliquos.
4. Modo *circumscripti* sunt, videlicet margines ostendunt; modo *non circumscripti*, videlicet indefinitos limites præferunt.
5. *Simplices* sunt, quando proprijs symptomatis tantum pollent; *Compositi*, quando, præter propria symptomata, alia ceterorum tumorum admittunt, tunc appellantur *phlegmones erysipelatosæ*, *œdematosæ* aut *scirrhosæ*; prout aliqua symptomata, erysipelatis, œdematis, aut scirrho sibi associant.
6. *Systrophicæ* appellantur, cum in suppurationem tendunt; & *non systrophicæ*, cum resolvuntur.

## Causæ.

Calor, rubor, atque dolor pulsatilis, quæ phlegmones essentialia phænomena sunt, ostendunt hunc tumorem a sanguinis congestionem pendere, qui vasa nonnulla permeare nequit, & contra naturæ leges congeritur. Scimus arterias sanguinem partibus ferentes, post multiplicem divisionem capillorum exiguitatem sumere; atque uno, eodemque loco duplicem retem constituere: altera est capillaribus arteriis contexta, innumeris lateralibus anastomosis inter se communicantibus, quæ tandem initia respondentium venarum intrant, quæ sanguinem reducere debent; altera retis a similibus capillaribus vasis, lymphaticis tamen, conficitur, quæ vascula, ab his exiguis arteriis nata, (post innumeras anastomoses) in communem truncum lymphaticum confluunt, qui lympham in vasa lympham devehentia deferret, a quibus sanguinis circulo additur.

Hoc specimen sufficit, ut concludamus, sanguinem posse in singula parte triplici ratione detineri. 1. per *stagnationem* inflando, atque dilatando arterias capillares, ubi subsidet, & hæc *phlogosis* est, sive primus gradus phlegmones. 2. per *irruptionem*, sive *devolutionem* (a) vasa lymphatica penetrando, quæ ab arteriis capillaribus nascuntur, quod fit, postquam diameter arteriarum capillarum a stagnante sanguine dilatata fuerit, lumenque vasorum lymphaticorum expansum, quod revera *phlegmone* est, sive secundus gradus phlegmones. 3. per *extravasationem* cum a maxima arteriolarum, lymphaticorumque dilatatione tandem disrumpuntur, & contenti liquores propinquas partes implent, ac tunc *phlegmone systrophica* dicitur, sive tertius, aut postremus gradus phlegmones.

Quamvis motus cordis sit causa efficiens circulationis sanguinis, quæ (juxta cordis motus) celerior, aut segnior esse debebit; attamen verum est, conditio-

(a) D. Vieussenius primus fuit, qui in inflammatione, sive phlegmone observaret irruptionem sanguinis in vasa lymphatica. Vide novum systema vasorum. pag. 109.



ditionem sanguinis circulantis in singulis partibus, vasorumque statum ( per quæ ipse circumvehitur ) causas speciales esse, quibus sanguinis circulus promovetur, aut retardatur; idcirco sanguis in his partibus facilius circulabit, in quibus fluidior erit, vel modica quantitate ferretur, vel intumescentiæ, aut rarefactioni præternaturali non subicietur; pari ratione diversarum partium vasa perpendi debent, per quæ eo facilius deferretur sanguis, quo magis ea patula, & permeabilia erunt, atque eorum robur validiores contractiones excitabit.

Ex his consequitur, sanguinem subsistere debere per certum arteriarum capillarium tractum; & stagnationi locum præbere, quæ præcedit irruptionem, atque extravasationem triplici de causa: a vitio sanguinis, a vitio vasorum affectæ partis, atque a vitio una sanguinis, & vasorum.

Hæ sunt tres classes generales causarum phlegmones, quæ nunc singillatim perpendi debent.

I. Vitium sanguinis, per quod in aliqua parte subsisti potest, triplex est.

1. *Nimia copia*, quæ afficiendam partem aggreditur; hac de causa oculi inflammatio alterius inflammationi succedit; renis inflammatio, alterum inflammatum renem subsequitur, atque splenis phlogosis ab illa jecoris procedit. Communicatio vasorum sanguineorum harum partium locum præbet, ut ab affecta parte sanguis uberius in propinquam irruat, & phlegmone inducat.

2. *Spissitudo* sanguinis externo frigore, aut intromisso veneno in affecta parte contracta; quo pacto frigus, ventus, pluvia, atque nix phlegmone partes afficiunt ipsis obnoxias. Pariterque pars aliqua phlegmone corripitur, demorsa ab animale coagulanti veneno prædita.

3. *Nimia rarefactio* externa de causa in aliqua parte sanguini superveniens; ardor enim solaris, aut morsus cujusdam animalis, acri veneno imbuti, phlegmone producit. His specialibus causis generales addi debent, videlicet plethora, sanguinis spissitudo, ejusdemque nimia ad rarefactionem proclivitas, quæ ad augmentum causarum homogenearum, sive ejusdem speciei magnopere conducunt.

II. Vitium vasorum in his partibus triplex pariter esse potest.

1. Eorum *compressio*, cum vasa pressa, atque obstructa liberum renuunt sanguinis transitum; ita cujusvis partis glandularum, repentina præsertim, intumescencia phlegmone producit.

2. eorum *constrictio*, cum per circumpositarum tendinearum fibrarum contractionem coarctantur, ita convulsio persistens, aut dolor, vel partis alicujus irritatio, phlegmone gignit; Etenim conjunctivæ irritatio ophtalmiam facit, dolor dentium, gingivarum inflammationem, & puris acrimonia ulcerum inflammationem parit.

3. Eorum *contusio*, cum abraduntur, aut distenduntur, ut ordinatis oscillationibus, pro circulationis negotio, non amplius inserviant: ita ictus, aut membrorum contorsiones, quas patiuntur ægri, dum luxatum membrum suo loco reponitur, producant in collisis partibus inflammationem; hic referri debent inflammationes, quæ ab ossium fractorum fragmentis procedunt.

His specialibus causis addi debent generales, quales sunt lassitudo, aut defectus roboris vasorum, quod oscillationes infirmat; insuper habitualis implicatio eorum, quæ cursum sanguinis retardat.

III. Vitia sanguinis, & vasorum, quæ una concurrunt ad inflammationes producendas, gravissima sunt, sed satis ex antea actis deducuntur.

*Astruc de Tumoribus.*

A 3

*Sympto-*



*Symptomata.*

1. Rubor inflammationi essentialis est, ipse a sanguinis congesti quantitate procedit; itaque gradus ruboris quantitati respondet stagnantis sanguinis, sive gradui ruboris, & rarefactionis ejusdem cruoris, vel denique speciali infartui vasorum cutaneorum.

2. Rubor in inflammatione est persistens, neque a compressione evanescit, ut in Erysipellate, quia compressio nunquam exprimit sanguinem in profundioribus vasis contentum.

3. Calor vulgarem calorem superat, quod procedit a quantitate sanguinis stagnantis, & a calore, quem ipse adipiscitur, dum continuo ab arteriarum pulsibus teritur. Idcirco quo uberior in inflammatis partibus erit sanguis, eo magis attenuabitur, atque calefiet.

4. Renitentia, per quam pars affecta in phlegmone compressioni magis obstitit, quam in oedemate, aut erysipellate; non ita tamen in scyrho. Hæc renitentia a numero vasorum, eorumque summa plenitudine originem habet.

5. Calor intensissimus est in parte inflammata, modo hæc inflammatio producat ab augmento contractionum omnium vasorum, fibrarumque circumstantium, præsertim cum vasa arteriosa affecta sint, & sanguis subsistens suæ qualitatis ergo validam impressionem faciat.

6. Dolor phlegmone semper comitatur; ipse a distractione gignitur, quam patiuntur filamenta nervea ex parte vasorum tumentium, & gradui distractionis semper proportionalis est.

7. Dolor pulsatilis est, videlicet pro singulo arteriæ pulsu recrudescit, quia nervorum distractio pro qualibet pulsatione augetur, quæ pulsatio in phlegmone validior est.

8. Febris in grandiore, interna præsertim, phlegmone adest, quæ potissimum dependet a perturbatione circulationis, quam inflammatio inducit, ut in febrium tractatu rite explanatur; nihilominus scimus auctum dolorem febrem non parum augere.

9. Vigilæ, sitis, atque inappetentia obviæ sunt hujus febris consecutiones.

*Explicatio Differentiarum.*

1. Phlegmone vel interna, vel externa est, quod dependet, vel ab applicatione causarum externarum, vel a dispositione partium internarum, quæ ipsam producant.

2. Phlegmone vel magna, vel exigua apparet pro partium extensione, quas occupat; pro gradu actionis causarum, quæ ipsam producant; pro copia congesti sanguinis, atque febris vehementia, quæ ipsam comitatur.

3. Phlegmone sine febre, vel cum febre est, prout sanguinis circulatio in reliquo corpore plus, minusve interruptitur.

4. Phlegmones, vel circumscriptæ sunt, vel non, prout in glandula, aut viscere pariter circumscripto locantur, vel in aliqua parte sedem habent, quæ limites non præferat.

5. Phlegmones sunt systrophicæ vel non systrophicæ, prout vasa sanguinea integra sunt, vel concisa, videlicet a stagnatione, aut irruptione producantur.



## Diagnosis.

Tria sunt Diagnosis objecta.

1. Phlegmones distinguere debent a reliquis tumoribus; rubor enim, calor, atque dolor ipsas facile distinguunt ab oedemate, atque scyrho; erysipelatis vero respectu ex eo non solum distinguuntur, quod tumor magis promineat, sed præsertim, quod rubor in Erysipelate a compressione evanescat; in phlegmone non ita.

2. Variæ phlegmones species insuper distinguere debent, videlicet grandiores a parvis; simplices a compositis; febrem ferentes ab apireticis; circumscriptæ a non circumscriptis; tandem quæ resolvuntur ab iis, quæ in suppurationem tendunt. Hujusmodi differentiæ facile ab antea facta descriptione deteguntur.

3. Causæ phlegmonum, etiam diversæ sunt distinguendæ; hæc tamen distinctio pro curatione parvi penditur, nam sedulo inquirenti facile erit causas cognoscere narratione ægrorum ducto, quæ phlegmones inducunt.

## Prognosis.

Judicia, quæ circa phlegmones consecutiones institui debent, a quattuor potissimum capitibus derivant.

I. A parte quam phlegmone occupat; idcirco quæ adipem, aut partes carnosas infestant, minus periculosæ sunt illis, quæ partes glandulosas, tendineas, aut nerveas tenent; externæ minus periculi habent, quam si in gutture, ore, aurium ductu, ano, aut vagina sedem haberent; minus etiam periculosæ sunt, quam si in pulmone, ventriculo, aut intestinis locarentur.

II. A gradu morbi; idcirco quo magis phlegmone extenditur, durescit, elevatur, aut dolet, eo magis pertimescenda videtur.

III. A symptomatum vehementia; quare febris, dolor, vigiliæ, convulsionēs, deliria &c., quæ phlegmones comitantur, aut ipsis superveniunt, periculum augent.

IV. A modo, quo phlegmone finem habet, generice ipsa 1. in resolutionem, 2. suppurationem, 3. indurationem, 4. aut gangrænam definit.

1. *Resolutio* vix magis salubris est, ea attenditur, cum durities, dolor, calor sint modici, & circa septimam diem, vel paulo post tumor imminuatur.

2. Post resolutionem *suppuratio* secundum locum tenet; phenomenorum enim persistentia, post septimum, aut octavum diem, dolor tumoris pulsationis ipsam prænunciant. Sed præsertim phenomenorum augmentum cum tensione, dolore, & pulsatione.

3. *Induratio* tumoris valde teterrima est, & in ea phlegmones specie plerumque evenit, ubi glandula infarcitur; nam interdum, phlegmone resoluta, glandula dura, & scirrhusa persistit, quod indicat imperfectam valetudinem.

4. *Gangræna* tandem est deterior phlegmones desinentia. Ipsam suspicari licebit, cum symptomata omnia post octavum, aut nonum diem exacerbentur, nullo instante suppurationis indicio, quod magis confirmatur, dum cutis relaxatur, atque nigrescit absque suppuratione, sed cum totali doloris cessatione.



*Curatio.*

Phlegmones curatio varias indicationes implere debet, quæ tum internas, cum externas partes respiciunt.

1. Indicationes internæ sunt. 1. imminuere quantitatem sanguinis affluentis; quod obtinetur repetitis venæ sectionibus, quæ copiam cruoris imminuendo in vasis contenti in eadem ratione pariter imminuit quantitatem sanguinis, qui singulas partes irrorat, & pari ratione illum etiam partis inflammata.

His positis in omni phlegmone necessum erit initio morbi, venam frequenter atque ubertim secare, sed sectionum numerus, & magnitudo in singulis casibus magnitudini, vehementiæ, & pernicipi ipsius morbi respondebunt; sufficiat enim admonere, venæ sectiones initio, vel augmento phlegmones esse instituendas; nam in phlegmone confirmata pæne frustraneæ evadunt.

2. Imminuere impetum, quo sanguis partem inflammata aggreditur; id obtinetur usu venæ sectionum, cujuscvis speciei ipsæ sint: nam (sanguinem depauperando) copia etiam spirituum animalium imminuitur, atque ex hoc vis contractilis cordis labefactatur, sed tutius est, venæ sectiones revulsivas adhibere, quæ non solum imminuunt quantitatem sanguinis, sed etiam sanguinis cursum a parte inflammata distrahunt; hac de causa pedum venæ sectiones utiles sunt in omnibus capitis, vultus atque colli inflammationibus; demum illæ brachiorum in reliquis inflammationibus imi ventris, atque extremitatum inferiorum.

3. Attenuare sanguinem nimis spissum, ipsumque magis idoneum reddere, ut partis inflammata facile vasa permeet; hæc absolvitur indicatio, potionem exhibendo ptisanæ aperientis, qualis est infusio plantæ capillaris, vel etiam decoctio glycyrrhizæ sive cichorei silvestris.

4. Compescere nimiam sanguinis rarefactionem, quæ impletur indicatio uberimam propinando aquam pullorum emulsione interdum subactam, vel ptisanam ex radice acetosæ confectam, addito nitro, crystallo minerali, aut syrupo limonum, verum etiam levem exhibendo limoneam.

5. Curare ne sanguis chylo rudiori, aut nimio remisceatur, qui ipsam condensaret: hac de causa, æger exacta diætâ detinetur simplicis juris, præsertim si febris adsit, sed si hæc absit, duplex exigua comestio in die permittitur; de cetero jus tantum propinatur.

6. Primas vias expiare obviorum purgantium usu, vel emetico si opus sit; generice enim præmissis venæ sectionibus, in omnibus tum internis, tum externis phlegmonibus ægrum purgare oportet, ut pravæ digestionis reliquiæ penitus eliminantur, sed purgationis methodus diversa esse debet, pro varia phlegmones indole. In externo itaque phlegmone vulgaria purgantia, quin immo validiora adhiberi possunt, verum etiam tuto emetica, præsertim cum sordes copiosas in primis viis liceat suspicari. Sed cum phlegmone partes internas occupet, purgantium delectus difficilior est. Ideoque in pulmonum inflammatione leniora purgantia ut manna, & cassia tantum locum habent, quamvis tamen, & hic emeticum interdum prodest; at in ventriculi inflammatione lenissima, seu melius lavacri adinstar sunt propinanda hujusmodi remedia, quod pariter intelligitur circa intestinorum inflammationem, cum ipsa universalis sit, & extensa, nam in dysenterica inflammatione, quæ minus extenditur, non solum permittitur, verum requiritur usus emeticorum, & ipecacuanhæ potissimum.

7. Tan-



7. Tandem absque mora , post generalium remediorum exhibitionem sanguinis spissitudinem corrigere aperientium potionum ope ; verum refrigerantibus , & ptisanis ab iis 3. , & 4. articulo indicatis , parum diversis rarefactionem temperare .

II. His indicationibus , quæ ad internam medelam pertinent , sequentes adhibendi debent quæ extrinsecus locum habent , suntque :

1. Relaxare atque extendere partis inflammatae contextum , ut dolor immineatur , vasa dilatentur , atque ruptura præcaveatur .

Pro hoc scopo adhibentur : 1. embrocationes cum lacte tepenti , vel decoctionibus emollientibus , malvæ , altæ , parietariæ , brancæ ursinæ &c. confectæ . 2. fomenta cum lacte simul , & similibus decoctionibus parata . 3. cataplasmata emollientia ex lacte , & mica panis leviter excocta , verum ex oryzis lacte excoctis , & pauco melle remixtis subacta . Hæc postrema remedia identidem renovari debent , prout exsiccantur , quod cito , vel sero evenit juxta calorem partis inflammatae , vel spissitudinem ipsius cataplasmati .

2. Fovere resolutionem , cum animadvertatur ipsam incipere , vel jam inceptam esse . Nam nimia sollicitudo in his casibus plerumque nocet . Tunc enim remedia resolventia adhiberi possunt plus , minusve efficacia pro tumoris varia conditione . Talia sunt 1. mica panis cum vino rubro excocta , paucis etiam additis guttis spiritus vini ; 2. cataplasma quattuor farinarum resolventium vino ebullitarum , sive cataplasma parietariæ tritæ , expressæ & irroratæ spiritu vini , vel aqua vulneraria , vel spiritu vini camphorato simplici , aut sale ammoniaco actuatæ . 3. fomentationes spiritus vini , in quo solutus fuerit sapo venetus ; vel aquæ simplicis vitæ camphorata , sale etiam ammoniaco actuatæ . Possunt etiam linteola his liquoribus madefieri , & parti resolvendæ applicari . 4. apud rusticos etiam familiaris est finus vaccinus lacte irroratus , vel pauco aceto , qui tumori calidus applicatur .

Si resolventium applicatio dolorem partis auxerit , signum erit , inflammationem nondum esse resolvendam , ideoque ad emollientia , & anodyna revertendum erit . Generice dolor valetudini maxime obsistit : quare si anodyna externa non sufficiant , interna narcotica erunt exhibenda , qualia sunt syrupus diacodii , vel karabis ad dosim semis unciae , vel pillulæ cynoglossi ad quattuor , vel quinque grana , verum etiam tinctura anodyna ad quindecim , aut viginti guttas idoneo vehiculo propinata .

III. Istorum remediorum prudenti administratione perfecta plerumque resolutio obtinetur . Duplex tamen conditio ad hoc requiritur ; *altera* , quod vasa partis inflammatae suas pulsationes continuent , quin immo paulo validiores sint , ut in phlegmonibus evenit , verum quod eodem tempore reliquæ fibræ , quæ partem infirmam componunt , contractiones sibi proprias conservent , validiores potius ; *altera* est , quod causæ inflammationem producentes cujuscvis indolis sint , copia videlicet , spissitudo vel rarefcentia sanguinis , tum compressio , constrictio , vel contusio vasorum capillarium in parte affecta , remediorum usu , aut diætæ regimine cessent , vel magna ex parte saltem imminuantur .

In concursu harum conditionum apparet sanguinem attenuari , & fluidiorem reddi arteriarum pulsibus , atque nisu contractilium fibrarum , adjuvantibus ideoque vasa omnia , perquam subtilissima undique permeare . Denique sanguinis stagnationem imminui , ut etiam dolorem , calorem , ruborem , & ita inflammationem , atque reliqua symptomata paulatim ita infirmari , ut penitus tandem abeant . *Hæc perfecta resolutio* dicitur , cum nullum supersit morbi vestigium .

Hæc



Hæc resolutio facile perficitur, cum simplex sanguinis stagnatio habeatur, absque devolutione in vasa lymphatica, aut infartu in parte affecta nam vasis tunc semel referatis, cruor obvium cursum statim recuperat. Difficilior magis videtur resolutio, cum stagnatio devolutione sanguinis in lymphatica copuletur, quia tunc non solum sanguinis circuitus, verum etiam lymphæ restitui debet, atque orificia lymphaticorum coarctari ne globulos cruoris recipiant.

Difficillima tandem redditur resolutio, cum tertia phlegmones species præfens sit, in qua sanguinis extravasatio devolutioni, atque stagnationi additur; quoniam in hoc casu oporteret, non solum quod sanguis, atque lymphæ proprium circuitum recuperaret, verum orificia capillarium coarctarentur, atque sanguis extravasatus derelicta vasa, rursus permearet, quod difficile est obtineri, ne hujusmodi phlegmones species facile in abscessus sytrophicos dictos convertatur; nihilo tamen minus in eodem casu resolutio fieri potest quin immo interdum feliciter evadit. Extant enim exempla innumera ecchymosium cum sanguinis stagnatione, quæ plerumque resolutæ sunt, modo grandiores aut neglectæ non fuerint.

Ex his consequitur, in resolutione phlegmones a stagnatione natas subsequente, sanguinem in propriis vasis figi, quæ integra perstiterint; verum in phlegmonibus, ubi stagnatio devolutioni additur, resolutionem, per vasa sanguinea eque, ac lymphatica una fieri, donec arctatio vasorum lymphaticorum renuat sanguinis transitum per eorum lumina; Tandem, ut in tertio casu evenit, ubi extravasatio stagnationi, & devolutioni simul accedit; resolutionem per sola vasa lymphatica amplius non fieri. Tunc lymphæ, quæ partem irrorat, abluunt, attenuant, solvitque paulatim sanguinem inspissatum, ipsumque secum in vasa trahit, in quæ defertur;

Hac methodo insensibiliter resolutio fit, & color sensim sensimque partis affectæ a nigro in violaceum, a violaceo in luteum, a luteo in cinereum, ab hoc tandem in colorem naturalem transitum facit, quod quidem observatur in omni ecchymosi perfecte resoluta.

Quod Resolutio in ecchymosi inspissati sanguinis ita peragatur facili experimento certiores fieri volui. Valide itaque omnes canis artus pulsavi sectioni destinati, seu melius dicam, universalem ecchymosim in ipsum intuli; duplicem vero post diem ipsum dissecui, cum crederem resolutionem capisse, atque statim subclaviam sinistram vixi, dum animal adhuc calebat, ut fieri solet in vasorum lymphaticorum ostensione, hac ratione innumera vasa lymphatica facile conspexi, quæ veniebant a contusionibus cutaneis, ipsaque lymphæ vulgari spissiori, & valde rubicundo colore imbutæ, repleti vidi, quod confirmabat ea vasa iterum jam hausisse sanguinis partem in collisionibus extravasati.

## C A P U T S E C U N D U M.

### *De Abscessu, sive Apostemate.*

#### *Descriptio.*

**V**idimus præcedenti capite casus, in quibus phlegmone resolvitur, modo adsit duplex indicata conditio; Venit hic inquirendum, ubi phlegmone in oppositis casibus resolvi nequeat, videlicet.

I. Quan-



1. Quando obstacula insuperabilia sint, atque vasa sanguinea lateralia ita infarciuntur, ut non sufficiant pro idoneo circuitu.
2. Quando segniter imminuatur sanguinis copia, aut impetus compescatur.
3. Quando fero, aut difficulter dolor partis affectæ abeat.
4. Quando perperam fibras partis inflammatae adstringentibus remediis medici indurent.
5. Tandem quando fibræ ejusdem partis inflammatae irritentur vel sanguis rarefiat usu intempestivo remediorum resolyentium.

In omnibus hisce casibus resolutio impossibilis evadit, ideoque necessum erit, quod intra septimum, & nonum diem, phlegmone alterutram subsequen-  
tium consecutionum suscipiat.

1. Si pulsatio arteriarum, atque fibrarum oscillatio in parte affecta, in quo vitalitas consistit, præsens sit; in hoc casu sanguis irruens, naturam mutabit, & in pus convertetur, atque congestionis speciem gignet, quam græci *πρωσίμα* appellarunt. Romani vero *abscessum* appellant, quod idem sonat; quamvis tamen utrumque nomen apud gallos recipiatur, attamen illud *abscessus* obvium magis est.

2. Contra, ubi arteriarum pulsus fibrarumque oscillationes destruantur, pars affecta livida fiet, & ex gangræna in sphacelum transibit. Subsequenti capitulo explanabimus secundum hujusmodi phlegmones exitum; at in hoc sat erit, explicare mutationem sanguinis in pus, sive ortum abscessus, aut apostematis.

### Causæ.

Pulsationes Arteriarum atque oscillationes fibrarum in phlegmone auctæ, atque continuatæ, debent tandem irruentem, aut extravasatum sanguinem attenuare atque resolvere, qui actioni continenti, atque duplicatæ harum causarum subjicitur.

Ex alia parte motus insensibilis, qui partes sanguinis exagitat, & sub fermentationis nomine innotescit, augetur & ipse, ac proinde facilius componentes molleculas sejungit, novumque connubium producit, quod novum humorem constituit. Hæc postrema causa necessario ad formationem puris conducit; nam hoc certum est, absque fermentatione nullam humorum Methamorphosin oriri.

Ambo hi motus triturationis, atque fermentationis aucti, sensim, sensimque naturam sanguinis pervertunt, ipsumque in pus convertunt: quare haberi debent pro causis suppurationis efficientibus; Sed ut clarius incedamus, naturales sanguinis conditiones cum qualitatibus puris comparari debent.

1. Sanguis est ruber; pus vero album.
2. Sanguis a frigore figitur; non vero pus.
3. Sanguis aqua levior est; pus in ipsa fundum petit.
4. Sanguis sapore destituitur; pus salitum apparet.
5. Sanguis nunquam corrodet; utique vero pus.
6. Sanguis, semel condensatus ab aqua, non resolvitur; non ita pus.
7. Sanguis non male olet; pus vero foetens est.

Nihilo tamen minus a sanguine pus gignitur, verisimiliter per successivas mutationes, quas ille subit, infra explicandas.

Scimus sanguinem componi quattuor diversis partibus, videlicet, 1. ex parte rubra, sive globulosa sanguinis. 2. ex parte gelatinosa, sive lymphatica cras-  
fiori.



fiori; 3. ex gelatinosa, aut lymphatica tenuiori; 4. tandem ex serosa, aut urinosa.

Etenim in phlegmone, a duplicatis arteriarum pulsibus, validioribus omnium fibrarum oscillationibus, motu partium intestino, quem excitat fermentatio, a calore tandem, quem ipsa inducit, insensibiliter derivat.

1. Quod pars rubra sanguinis, quæ tenuis est, evanescat, formamque saltem mutet.

2. Pars vero serosa dissipetur, vel calore, vel haustu vasorum lymphaticorum.

3. Reliquæ vero gelatinosæ portiones, quæ in phlegmone supersunt, restantur, attenuentur, fundantur, atque intimius simul ita coeant, ut novum oriatur connubium sub *puris* nomine cognitum.

Ex his patet, pus sibi proprias qualitates adipisci, per quas a sanguine distinguitur.

1. Album est, quia partes globulosæ sanguinis, quæ rubedinem faciunt, jam dissipatæ fuerunt.

2. A frigore ipsum non condensatur, quia pars gelatinosa crassior, quæ in sanguine coagulum facit, in pure ita attenuatur, ut amplius nequeat a frigore inspissari.

3. Sanguine pus gravius est, atque in aqua subsidet, quia partes globulosæ, & serosæ sanguinis, quæ ipsum leviores faciunt, dissipatæ fuerunt, & pars gelatinosa in pure superstes, suapte natura, aqua gravior est.

4. Pus acre, atque falsum observatur, quia pene omnia sanguinis salia complectitur, & quidem minus resoluta serosæ partis defectus ergo jam dissipatæ, verum etiam minus implicata, quia partes gelatinosæ in pure tenuiores sunt.

5. Eadem de causa pus corrodens est, præsertim cum a sanguine producat, acre valde, vel diu in parte affecta detento.

6. Pus ab aqua resolvitur, quia moleculæ, quæ ipsum gignunt, cum magis quam in sanguine invicem se jungantur, facilius etiam sinunt aquæ ingressum pro ipsarum solutione.

Tali pacto enim sanguis per successivas mutationes in pus convertitur, sive in humorem a sanguine prorsus diversum. Haud absimili ratione alimenta in chylum, chylus in sanguinem, sanguis in recrementa mutatur; uno verbo ita omnes naturæ methamorphoses in natura peraguntur.

#### Symptomata.

1. Cruor tantum valet in verum, & laudabile pus converti; reliqui humores *puriformem* potius substantiam producant.

2. Pus laudabile album, parumque cinereum est, coctum, spissum, fundum petens, difficulter resolvitur, certa quadam dulcedine pollet, parum fluit, quia pars gelatinosa aliqualem consistentiam ipsi conservat, salia implicat, ipsorumque virtutem imminuit, quin imo ipsa minori copia, atque minori acredine donata, in pure reperiuntur.

3. Inferioris notæ pus liquidum est, serosum, inæquale, & grumosum, luteum, fuscum, lividum, saniosum, viride, fluens, salitum, corrosivum atque acre, quod statim ab aqua funditur, ipsamque lacticinosam reddit, quia pars gelatinosa in ipso soluta est, & salia ab aqua sui juris facta acriora evadunt, magisque agunt.

4. Pus



4. Pus semel perfectum destruit, corroditque exiguas cavitates, in quibus continetur; tunc unica cavitas gignitur, vel in pluribus cellulis coacervatur: in *primo casu* abscessus simplex producitur; in *altero vero* plures abscessus, si-ve abscessus cellularis ortum habet.

5. Cum pus in partibus pinguedinosi, aut carnosae sedem habeat, abscessus *boni moris* appellatur, quia hæ partes innumeris sanguineis vasis stipatæ laudabilius pus suppeditant.

6. Cum pus partes nerveas, tendineas, aut membranaceas infestet, abscessus *mali moris* dicitur, quia in his partibus multa sunt vasa lymphatica, quæ ferofum, inæquale, ideoque malæ notæ pus producant.

7. Dum pus carnosas, aut adiposas tantum partes aggreditur, abscessus *simplex*, si-ve *non complicatus* est; at si ita extendatur, ut ossa propinqua cariet, vel nervum, aut tendinem theca expoliet, aut circa eorum longitudinem, vel alicujus articuli anfractus sibi pandat viam, abscessus tunc *complicatus* gignitur.

### Diagnosis.

In Abscessu tria Stadia distingui debent: videlicet dum ipse imminet; dum incipit; dum tandem inceptus est.

I. Cognoscitur phlegmone in suppurationem vergere, si-ve melius abscessum instare.

1. Ubi phlegmone eodem statu persistat post septimum, octavum, aut nonum diem. 2. ubi rubor, calor, dolor, resistentia, atque febris, absque nova causa, augeantur. 3. tandem ubi pulsatio universalior, & validior fiat. Hippocrates hæc signa recognovit suppurationis instantis. *Sectione II. Aphorismo 47. dum pus fit, dolor, & febris magis intenduntur, quam ubi confectum est.*

II. Cognoscitur abscessum incipere. 1. dum phlegmone acuminatur, ut omnis dolor in hoc apice videatur coercitus. 2. dum hic apex complanatur, & digito prementi cedit. 3. dum tandem ipse a pressione albescit.

III. Innotescit, abscessum confectum esse. 1. quando tumor sensibiliter apicem ostendat, superius indicatum; 2. quando sub apice, a pressione, mollities, atque vacuum perferantur. 3. quando latera tumoris premendo, fluctuatio quædam appareat, seu (melius dicam) *Antitypia* apicem versus. 4. quando circa tumorem partes minus tensæ, rubræ, aut dolentes observentur.

IV. Interdum tamen evenit, quod abscessus profundi sint, nullumque apicem sensibilem ostendant, ut vix fluctuatio perferantur; cetera tamen signa, ut durities, phenomenorum decrementum, atque horum morborum obvia praxis satis docere debent: quare Hippocrates *sectione 6. ait: Quibus suppuratio in corpore existens non innotescit, iis ob crassitiam loci non innotescit.*

V. Tandem de qualitate abscessus judicium ferre valebimus, ante, vel post ejusdem aperitionem.

1. Antequam abscessus aperiatur, tumoris tactu judicatur, ipsum simplicem esse, si unicus conspiciatur Apex, & una cavitas, in qua mollities perferantur; compositum vero, & cellularem esse, si plures apices, pluresque molles anfractus appareant; Callosum esse, si ipse duritiem præferat; tandem complicatum, vel non existere juxta sedem quam occupat.

2. Post abscessus aperitionem, ejusdem conditio in propatulo est; nam tunc oculus, digitus, & specillum rem satis declarant.



*Prognosis.*

Omnes abscessus gravem morbum, & periculosum producant; detrimentum tamen variat.

1. Juxta qualitatem abscessus, nam simplex minus periculosus est; non ita compositus, aut cellularis; abscessus vero non complicatus minus periculi habet, quam complicatus cum carie ossium, aut tendinum, vel articulo-  
rum læsione.

2. Juxta magnitudinem, nam abscessus valde extensus, atque profundus magis lædit, quam angustus, & superficialis.

3. Juxta positum, quem occupat, nam abscessus in adipe, aut Carne minus infestat, quam si ossa articulos, aut tendines aggrederetur.

4. Juxta naturam, numerum, & vehementiam symptomatum, quæ ipsum comitantur.

5. Juxta periculum, quod adest, ne aliquam cavitationem abscessus intret.

*Curatio.*

Jam animadvertimus, tria stadia abscessus dari; videlicet suppurationem instantem, inceptam, & perfectam: juxta tria hæc stadia enim curatio dirigitur.

I. Cum suppuratio tantum immineat, venæ sectiones iterabuntur, prout vires ægri permiserint, diæta tenuissima simplicis juris conveniet, & purgatio plus minusve efficax prout opus requiret; dolor narcoticis intus sumptis imminui debet, extrinsecus etiam cataplasmata emollientia, & anodyna applicabuntur; uno verbo, repeti debent remedia omnia superius in curatione phlegmones proposita.

II. Modo vero suppuratio incepta sit, ipsam accelerari oportebit, topicorum maturantium applicatione, qualia sunt, 1. Cataplasmata ex pulpa confecta plantarum emollientium, uti malva, bismalva, acetosa, branc-ursina, radix liliorum sub cinere excocta, quibus addi poterit oleum liliorum, aut basilicum.

2. Interdum cum fructu adhibentur cœpæ, sive scillæ aqua excoctæ & in pulmentum redactæ, vetus fermentum, pultaque panis.

3. Plerumque, postquam herbæ emollientes sub cinere excoctæ fuerint, teruntur, & trans cribrum feruntur: hæc basis est omnium cataplasmatum maturantium; additur vero pro libito oleum liliorum, dyachilum solutum, vetus fermentum &c. ex quibus massa subigitur.

4. Si abscessus acuminari incipiat, apex obducitur pulvino basilico imbuto, tumoris reliquum proposito cataplasmate cooperiendo.

III. Hac methodo suppuratio producit, ideoque cum perfecta sit, sequentes indicationes absolvi debent; 1. abscessus jam suppuratus cultro, sive caustico lapide erit aperiendus: prima methodus convenit, cum abscessus superficialis sit, ut simplex incisio pandat viam; at causticum magis valet, cum abscessus profundus sit, unica ratio, per quam intimius tumorem perscrutabimur. 2. quocumque modo aperitio fiat, pars semper magis inclinata est incidenda, videlicet inferna, ut pus facilius erumpat; qua de causa ratio habenda erit positui, quem æger in curationis decursu servare debet; hæc lex unam tantum exceptionem admittit, nempe cum abscessus se offerat in aliqua parte minus declivi; in hoc casu plerumque incisio est instituenda,  
ubi



ubi materies se offert, inferne novam aperturam interdum instituendo, si opus requirat.

3. Quando aperitio perfecta est, pus evacuari debet leniter comprimendo circumferentiam abscessus, postquam cavitas filis siccis repletur, non admodum comprimendo, sed omnia pulvinis ex filamentis confectis, & idoneis compressis obtegendo, hoc est quod appellant *primum apparatus*.

4. Viginti quatuor horis transactis sensim, sensimque filamenta removen-  
tur, quod plerumque in abscessu benevertit, & postquam ulcus leniter repur-  
gatum fuerit, turundæ applicantur digestivo onustæ, atque pulvinis eodem re-  
medio imbutis apparatus cooperitur, & super ipsum idoneæ imponuntur com-  
pressæ.

5. Digestivum, quod adhibetur priori apparatu, confectum est ex tere-  
binthina, & luteo ovorum; cui substituitur interdum basilicum, atque inter-  
dum basilico additur oleum Hyperici, vel tinctura Myrrhæ, & Aloes; vel  
Myrrha ipsa pulverizata, cum abscessus salitus valde, & foetens observetur;  
quin immo quandoque unguentum egyptiacum addiderunt; turundæ etiam  
aqua vitæ canphorata madefieri possunt, ante quam digestivo onerentur, dum  
fundus ulceris pallidus appareat; ideoque diversimode modificantur remedia,  
prout occasio postulaverit.

6. Paucos post dies ulcus detersum conspici solet, videlicet in omni sui  
ambitu rubet, & tunc unguentum Arcei addi solet, ne caro cito nimis cre-  
scat, aut spongiosa fiat; interdum etiam balsamum Arcei solummodo est adhi-  
bendum, additis etiam paucis guttis balsami viridis, circa quod carnis incre-  
mento ratio habenda est;

7. Cum ulcus carne repletum sit, ut margines partium vicinarum adæquet,  
cicatrizatio sedulo curari debet, hac de causa pulvere inspergitur terebin-  
thinæ aqua excoctæ, & pulvini sicci, aut filamenta applicantur; si carnes limites  
suos excedant, alumine insperguntur, aut leviter lapide infernali lambuntur.

### *Quæstiones, atque Responsiones.*

I. Quonam casu sit aperiendus abscessus ante perfectam suppurationem?

1. Quando suspicemur tumorem posse aliquam cavitatem pervadere, ut in  
abdomine, thorace, aut in ano.

2. Cum pus, ossa, tendines, aut articulos erodere possit.

3. Quando abscessus periculosum aliquod symptoma minetur, ut parotides,  
febres malignas, intercipiendo sanguinem a capite reducem.

II. Quandonam sit expectanda perfecta suppuratio?

1. In phlegmonibus glandularum, quæ non aperiuntur, nisi glandulæ pu-  
tridæ sint.

2. In phlegmonibus callosis in scirrhum vergentibus, quæ nunquam aperi-  
endæ sunt, nisi callositates a pure resolutæ fuerint.

3. In tumoribus cisticis, in quibus expectanda est, cistis putrescentia, ut  
facile abradatur, & perfectam valetudinem finat.

4. Animadvertendum tamen est in his casibus omnibus, abscessus esse ape-  
riendos ante perfectam etiam suppurationem, modo cunctatio periculum importet.

III. Sunt ne aperiendæ omnes cavitates, sive sinus abscessuum?

Hæc lex generalis est, quæ tantum abrogatur subsequentibus casibus.

1. In sinibus cutaneis, ubi pus facile exprimitur.

2. In



2. In sinibus declivibus, ubi pus sponte defluit.
3. In sinibus, ubi facilius est inferne novum aditum puri pandere.
4. In sinibus nimis profundis, in quibus grandiores incisiones fieri deberent. Nihilominus, in iisdem casibus, sedulo incedendum est; nam tandem novos hiatus patefacere necessum est, ab initio morbi sæpe neglectos.

IV. Tandem suntne omnes, & semper abscessus aperiendi?

Minime quidem: in abscessibus enim levioribus, & cutaneis faciei, & colli, in infantibus potissimum, vitari debent hujusmodi incisiones, attendendo spontaneum puris exitum. Hac methodo levigata, & vix conspicua superest cicatrix; sed in abscessibus, ferro, aut igne dissectis, imperfecta semper, & scabra relinquitur partium coalescentia.

## C A P U T T E R T I U M.

*De Gangræna, aut de Sphacelo inflammationem subsequentibus.*

*Descriptio.*

**P**RO *emortuis* habentur partes humani corporis, quæ calore, sensu, elaterio, atque robore carent, atque lividum, sive nigerrimum colorem præferunt: hic status, *mortificatio* appellatur, quæ tamen in incipientem, & confirmatam distinguitur.

Dum proprietates nuper allatæ tantum valde labefactantur, & partis color in fuscum, nigricantem mutatur, tum exiguæ bullæ in superficie apparent, rubro liquore, livido, aut nigerrimo turgidæ; hic status est mortificationis incipientis quam Græci appellarunt *Γάγγραινα*.

Verum si in morbi progressu, pars affecta omnem calorem, sensum, atque elasticitatem amittat, pressioni cedat, restitui nequeat, nigra appareat, in frustula decidat (præsertim cum morbus humidæ indolis sit, nam si ficcus fuerit, pars magis induruerit) in utroque casu hic status est mortificationis completæ, quam Greci *Σφαιέλος* dixerunt. Romani utrumque retinuerunt, sed uno nomine utramque mortificationis speciem *syderationem* nuncupaverunt. Galli græca nomina amplexi sunt, sed illud gangrænæ sæpius.

*Causæ.*

Ut intelligamus, quid sit partis alicujus mors, vitæ ejusdem naturâ erit perpendenda. *Rectum enim est index sui, & obliqui.*

Vita enim consistit in successiva systole, atque diastole arteriarum, fibrarumque ordinata oscillatione, ut sanguis, lympa, & ipsa recrementa proprium circulum servare valeant; hi motus sensibiliores sunt in arteriis, sed similes extant in membranis, quæ partes componunt, & in fibris, quæ membranas faciunt; ex quo consequitur, mortem alicujus partis &c. cessationem esse systoles, atque diastoles, fibrarumque oscillationis.

Ita gangrænâ a levioribus causis procedit, quæ infirmant hujusmodi oscillationes; sphacelus vero a causis validioribus originem ducit, quæ oscillationes penitus tollunt.



*Causæ Gangrænæ.*

**O**scillationes infirmantur, atque labefactantur duplici generaliori de causa; videlicet, 1. omne quod vasorum, fibrarumque elaterium nimis intendat, ut oscillationibus eorum opponatur, 2. omne quod elaterium hujusmodi nimis relaxet, ut vasa, atque fibræ proprios motus amplius exequi nequeant.

I. Elaterium vasorum fibrarumque nimis intenditur:

1. Continua mora sanguinis in phlegmone, cujus resolutio impossibilis sit, præsertim si loco emollientium remediorum, adstringentia, repellentia, aut resolventia præpostere adhibita fuerint.

2. Sanguinis mora a vinculo aut pressione constanti nata, quod cum præcedenti convenit.

3. Frigore externo, quod in eadem parte humores figit, & hac de causa volumine auget; animadvertendum est in hoc casu, non esse partem congelatam igne calefaciendam, ne tali pacto humores rarefiant, atque morbus crescat, sed potius erit pars leviter nive, aut glacie confricanda.

II. Ad alteram causam quod attinet gangrænæ, qua vasorum fibrarumque elaterium imminuitur, quod fit,

1. A serositate, quæ in hydrope, anasarca, & œdemate partes invadit.

2. A consumptione, & languore partium in senibus, aut a diuturnis morbis labefactatis.

3. a Paralyfi, quæ jam diu partem aliquam afficit.

*Causæ Sphaceli.*

Oscillationes vasorum, atque fibrarum, quæ vitam partium constituunt, duplici potissimum de causa supprimuntur.

I. A causis, quæ gangrænam faciunt, nuper allatis, modo augeantur & diu persistant, ut gangræna tandem in sphacelum desinat.

II. A solutione fibrarum, sive vasorum partis affectæ, quæ erit effectus,

1. Nimie plenitudinis, & distensionis vasorum, per quam disrumpuntur.

2. Corrosionis ab aliquo acerrimo humore ortæ, qui vasa, fibrasque rodet, ut serositas salina in hydrope, aut œdemate; pus acre, in abscessibus, aut ulceribus; humor scorbuticus in scorbuto; sanguis putrescens in ecchymosi; venenum ab animantium venenatorum ictibus intromissum.

3. Actionis ignis in applicatione cauterii actualis, aut in combustionibus.

4. Actionis remediorum cathetericorum, ut in applicatione cauterii potentialis.

5. Tandem in contusionibus grandioribus, quæ pene universalem excoarctationem inducunt.

*Symptomata.*

1. In Gangræna pars frigidior evadit, quia sanguis pene omnem circulationem amittit.

2. Mollis fit, quia elaterium fibrarum imminuitur.

3. Diutius pressionis foveam servat, quia labefactatum est partis elaterium.

4. Fusca, livida, aut nigra apparet pro varia sanguinis effluentis qualitate, aut gradu alterationis, quem tunc adipiscitur.

5. Sensum pene omnem amittit, quia filamenta nervosa, ibi distributa, nimis comprimuntur, atque relaxantur.

*Astruc de Tumoribus.*

B

6. Bul-



Bullis cooperitur serositate superius descripta turgidis, quæ serositas a sanguine exprimitur, & paulatim cutis texturam pervadendo ab epidermide, cujus fabrica densior est, impeditur, ne ultra procedat; ipsam tamen subleuat, ita ut bullas producat plus, minusve coloratas pro quantitate sanguinis, quæ secum tulerat.

7. Tandem superficies abraditur, quia affluens serositas ipsam a cute separat.

Hujusmodi phenomena omnia in Sphacelo magis, quam in gangræna conspicua fiunt, persistentiæ ergo causarum producentium. In sphacelo enim calor, tensio, sensus omnino pereunt, & pars ipsa affecta, in putrim, aut frustula concidit, modo non exsiccetur, aut cornea fiat, quod in gangræna scorbutica evenit, de qua infra locuturi erimus.

### Diagnos.

Maxime ad prognosticum atque curationem refert, non solum distinguere gangrænam ab ipso sphacelo; verum etiam recognoscere damna, quæ hujusmodi morbi inferunt, atque gradus diversos horum morborum detegere.

I. Sequentia signa gangrænam prænunciant.

1. Cognitio, atque præsentia causarum, quæ ipsam possunt inducere, quæ de causa, morbi theoriam nosse oportet.

2. Initium mollitiæ, & imminutio sensibilitatis, præsertim cum hæc eveniant in phlegmone, in qua tensio, atque sensus conspicuiores esse debent.

3. Imminutio, aut mutatio naturalis coloris affectæ partis.

II. Gangrænam præsentem indicant,

1. Partis affectæ frigus.

2. Amissio sensus.

3. Mollities.

4. Livor, atque nigredo.

5. Tandem bullæ, quæ producuntur, aut facilitas, qua epidermis decedit.

III. Instantem sphacelum prænunciant.

1. Præsentia, atque persistentia gangræne, quæ ipsum semper præcedit.

2. Augmentum symptomatum, quæ gangrænam respiciunt.

IV. Sphacelum confirmant,

1. Totalis sensus amissio.

2. Partis frigus, circa quod probe distingui debet calor naturalis ab eo, quem propinquæ partes præbere possunt.

3. Absoluta nigredo.

4. Cutis decidentia.

5. Tandem fætor, qui his phenomenonis additur, in gangræna humida potissimum.

### Prognosis.

Gangræna sphacelum producit, & hic mortem, modo prompte remediis non occurramus, quare prognosis horum morborum semper teterrima est.

1. Gangræna partium internarum, atque sphacelus morbi letales sunt;

2. Idem asseri potest de gangræna, atque sphacelo partium tendinearum externarum, quæ scindi nequeunt, & grandiores progressus faciunt.

3. Hi morbi vero pene semper mortales sunt in senibus, hydropicis, atque pthificis &c.



4. Syncope, singultus, & rigores, in his morbis, mortem indicant.

5. Gangræna, quæ a causa interna procedit, magis periculosa est, & curatu difficilior, quam si ab externa causa originem ducat.

6. Plerumque enim non convalescit, nisi gangræna, quæ a causa externa accidentali procedit, quæque juvenem subjectum, sanum, & bene constitutum infestat, atque partem aggreditur, quæ facile scindi possit, vel saltem pro opere abradi, aut torreretur absque gravi incommodo possit.

#### Curatio.

Modo minimum adsit gangrænæ indicium, modo etiam antequam manifeste se offerat, ipsam suspicari liceat, erit tunc, tum externis, cum internis remediis præoccupanda.

I. Remedia interna hujusmodi sunt.

1. Iteratæ venæ sectiones, si excessus inflammationis gangrænâ producat.

2. Remedia cordialia, potabilia, ut lilium, sal volatile viperarum, pulvis earundem, diascordium, theriaca, mithridatum, atque aqua Theriacalis.

3. Potiones diaphoreticæ, sive decoctiones foliorum scabiosæ, scordii, cardii benedi, & radicum scorzonæræ, vincetoxici, & angelicæ.

4. Purgantia, & emetica ipsa si gangrænâ febris continua cum rigore, & exacerbatione adoriatur, verum si gangrænâ detrimentum sub exacerbationibus increfcere, videatur.

Quod si gangræna ab alia causa, ab inflammatione prorsus diversa, originem ducat, phlebotomia, atque purgatio minus conveniunt, & potiones, sive cordiales prorsus tantum locum habent, quæ quarta quoque hora repeti debent.

Scoti Medici in actis societatis Edemburgensis, & Angli in Transactionibus Philosophicis chinæchinæ usum magnopere commendarunt, sive in decoctum, sive in substantiam, in gangrænâ effectibus uti potissimum remedium tum ad morbum præoccupandum, tum ad ipsum sistendum, ipso & nos in Gallia usi sumus, sed effectus promissis non responderunt; ab ipso potius aliquam utilitatem derivare observavimus, cum gangræna originem agnoscebat a febre continua remittenti tertiana, vel duplo tertiana, ideoque ex genere intermittentium, quæ postulant chinamchinam.

In hoc casu, usus reiteratus corticis peruviani febris accessus sistendo gangrænæ progressus parum retardat; at in aliis casibus, in quibus gangræna pertinax est, & febrem potius intendit, hoc remedium supervacaneum est, nihilo tamen minus, cum adhuc de chinæchinæ utilitate in omni gangrænâ specie multum sibi suadeant Medici; verum cum hujusmodi pharmacum nullum contrarium effectum præstare valeat, ideo in omni gangrænoso affectu adhiberi poterit, ne hoc remedium neglexisse accusemur.

II. Remedia externa, quæ in gangrænâ adhiberi possunt, innumera sunt, infra proponenda, videlicet:

1. Scarificationes partis gangrænâ, vel quæ a gangrænâ affici possunt, ut sanguis effluat, & ferofitas infecta, ibi affluens, erumpat.

Nonnulli tamen pavide illos præscribunt in senibus paralyticis, aut nimis consumptis, ne valde labefactentur, sed hoc perperam adducitur; nam fateri scarificationes diligenti methodo instituere.

Plus, minusve carnis alte conscinditur pro diverso morbi gradu, sed plerumque progredi poterit, usque dum æger sentiat, & sanguis erumpens rutilus appareat.



2. Fomenta in parte affecta profunt, post scarificationem, aquæ vitæ simplicis, vulnerariæ, vitæ canphorata, sale ammoniaco etiam actuata, quibus adduntur in præcipitibus casibus theriaca, diascordium, tinctura myrrhæ, & unguentum ægyptiacum.

3. Lintea iisdem liquoribus tepentibus madida partibus applicata affectis atque propinquis, concinno loco, & modo ægrotum collocando.

4. Si animadvertatur, gangrænam adhuc progredi, a scarificationibus eridendum, præsertim, ubi partes magis correptæ sunt, atque applicabuntur pulvini, pulvere lapidis cathæretici onusti, aut solutione ejusdem lapidis imbuti; vel, quod efficacius est, solutione mercurii per aquam fortem confecta saturi.

5. Si hac methodo gangræne progressus sisti valeat, vel mortua portio a viva tandem separetur, quod tamen sperandum esset, modo suppuratio incipiat, morbus digerentibus erit pertractandus, in quibus oleum hyperici, tinctura myrrhæ, aloes, aut evphorbii permiscuntur. Poterit etiam si ulcus valde fetidum sit, balsamum fuscum addi: de reliquo eadem fomenta, cum aqua vitæ canphorata, sale ammoniaco &c. continenter applicabuntur.

6. Quando Eschara decisa fuerit, ulcusque detersum æger, periculo vacat. Reliquum est, quod morbus obvia ratione pertractetur cum balsamo Arcei, aut viridi.

7. Nonnulli Chirurgi, etiam in instanti gangræna cataplasmata adhibent e stercore vaccino, fuligine, sale ammoniaco, vel succo scordii confecta; at hujusmodi consuetudo, olim obvia, nunc obsolevit.

8. Neque adstringentia circa partem affectam applicita convenire videntur, ut boli, terræ sigillatæ, & albumina ovorum &c.

9. Intus etiam exhibent decoctionem chinæ radicis, aut guajaci, quæ in gangrænis tantum locum habet, quæ oedemata subsequuntur. In iisdem casibus cum fructu turundæ adhibentur aqua secunda calcis, anatica parte aquæ vitæ canphorata consociata, imbutæ.

III. In sphacelo citius, quam fieri poterit, erit pars affecta ferro scindenda, quod duplici ratione obtinebitur.

1. per amputationem, si sphacelus ossa pervadat, aut tendines, vel ita crassitudinem partis affectæ undique aggrediatur, ut tuto amputatio institui possit, absquequo ullæ sphaceli reliquiæ supersint. Tali pacto pedum digiti, vel manus, secantur superiores, vel inferiores extremitates, præputium, mentula, testes, nares, atque aures.

2. Per specialem abrasionem, in omnibus casibus, in quibus pars affecta amputari nequeat, vel gangræna nondum ad ossa pertingat.

3. Hæc specialis abrasio duplici methodo instituitur.

Si sphacelus profunde incedat, forcipibus ad vivam carnem usque rescinditur; postquam remedia escharotica applicantur, qualia sunt cauterium actuale, plus, minusve calidum, varia denique cathæretica, ut lapis causticus, solutio mercurii cum spiritu nitri pura, vel dulcificata.

Si sphacelus vero superficialis sit, supervacaneum erit forcipes adhibere, scarificationes sufficient, & escharoticorum applicatio.

IV. Cum primo conspiciatur linea quædam divisionis intra vivam, & mortuam carnem, quod recognoscitur ab exigua intermedia rubedine, tum a lineola quadam elevationis, quæ hunc ruborem subsequitur, ac proinde a pauca scatenti humiditate, sperare licebit optimum morbi eventum, tunc escharo-



charotica suspendi poterunt, & solo spiritu vini camphorato, & sale ammoniaci fiat erit partem fovere. Eschara tandem semel decisa nil aliud superest quam ulceris obvia curatio.

V. Anima advertendum est, in sphacelo morbum triplici ratione extendi: in membrana adiposa subtus cutin, in musculorum interstitiis, vel circa ampliora vasa, atque tendines; quare externam cutis faciem considerare, non sufficiet, cum ibi sanitas appareat; virus tamen intus fusa, lateque replet.

## CAPUT QUARTUM.

*De Gangræna sicca, aut scorbutica.*

*Descriptio.*

**G**angræna sicca, aut scorbutica est ejusdem naturæ ac Gangræna, de qua nunc locuti sumus; differt tamen ab hac,

1. Quod absque causa manifesta adveniat: 2. quod nullam, aut fere nullam humiditatem gignat, ex quo gangræna sicca appellatur; 3. quod ad vasa protendatur, absque quo cutin vitiet. 4. tandem quod lentius progrediatur.

*Causæ.*

Ex observationibus constat, hanc gangrænam ex tribus causis potissimum oriri: 1. a sanguine acri, atque salibus perfuso; 2. a sanguine sicco; 3. a sanguine, qui tarde circulat. Cum autem tres hujusmodi causa semper etiam in scorbuto adinveniantur, hinc in hoc morbo obvia est, & hac de causa gangræna scorbutica appellatur.

Ex anteactis consequens est, hanc gangrænam illos plerumque aggredi,

1. Qui famem patiuntur, in quibus sanguis novo chylo frustratus acer & exsiccus paulatim evadit. Hac de causa tot pereunt homines tempore inopis annonæ.

2. Qui impuris alimentis vescuntur, ut pariter evenit annonæ caritate, longis obsidionibus, maritimis itineribus; vel in iis casibus, in quibus propter aeris intemperiem, semina triticea pravam affectionem suscipiunt; vel illud tritici impuri genus adhibetur, quod Galli *cornu* aut *Ergot* appellant.

3. Qui pauperem vitam ducunt, vel fordidi, aut captivi sunt; quique præter deteriora alimenta labores, poenasque sustinent.

4. Tandem & ipsi, qui inter epulas vivunt, & minutalibus delectantur acribus, & calefacientibus nimis; præsertim si senectute instante, fastidio, vel morbo quodam incipiant laborare.

*Symptomata.*

1. In iis, qui hoc morbo facile corripuntur, sanguis segniter procedit, ideoque in partibus a corde magis dissitis subsidit, præsertim in extremis artuum inferiorum, qua de causa hujusmodi gangræna, plerumque pedum digitos primum infestat.

2. Sanguis enim per ampliora vasa lente circumactus finit inspissationem paucæ ferositatis, qua oneratur, quæ proinde acris fit, & cellularem con-



textum grandiora vasa circumvestientem rodit, ibique gangrenam inducit; quæ circa longitudinem horum vasorum reptat, absquequo superposita cutis pervertatur.

3. Cum sanguis in hoc morbo arefcat, parum idcirco ferositatis suppeditat, quæ gangrenatas partes madefacere valeat; quare hujusmodi gangrena sicca est, ipsaque parum, vel nihil humiditatis fundit.

4. Ex eo pariter procedit, quod hæc gangrena fere nullum foetorem emittat, vel si quem, minus cadavericum, quam vulgaris gangrena.

5. Ex eo denique derivat, quod cum sicca sit, segnius se extendat, difficiliusque in vicinas partes progrediatur.

6. Haud infrequenter evenit, quod hujusmodi gangrena semel, ubi appa-ruerit, oppugnata novam alibi sibi pandat viam, quia eadem in sanguine causa subsistit, ut vulgus ipsam in sanguine latitare dicat.

7. Hæc gangrena præsertim in musculorum intercapedinibus locatur, vel circa tendines, sed potissimum ad vasorum sanguineorum longitudinem sedem ponit.

#### *Diagnosis.*

I. Hanc adesse gangrenam suspicabimur, toties quoties annonæ, aut defectus alimentorum adsit; vel hominum magnus numerus impuris alimentis vescantur; vel cum optime alti homines absque causa manifesta languore corripiantur.

II. Certiores facti erimus de gangrenæ existentia, quotiescumque in casibus superius enunciatis infartus, aut gravitas in affectis partibus superveniat, vel quod omne dubium tollit, cum nigredo, vel aliqua sensus abolitio digitos pedum, manuumque infestet, vel crurum pars aliqua livida fiat.

III. Sedulo tamen distinguere debent hujusmodi gangrenatæ partes a maculis simpliciter scorbuticis, quæ cruribus, in scorbuto confirmato, superveniunt, in quibus sensus nondum penitus obliterated fuit: quamvis tamen hujusmodi scorbuticæ maculæ, plerumque tractu temporis in gangrenas abeant.

#### *Prognosis.*

1. Gangrena sicca obvia periculosior est, quia a causa interna procedit, sanguinem infestante quæ difficillime corrigi potest: quare ipsa plerumque letalis est.

2. Hæc gangrena pariter valde periculosa est, quia majorem habet amplitudinem, quam oculis subjiciat: quare frequenter decipimur in amputationibus, quæ arctius interdum instituuntur, quam fieri deberent, ideoque pluries opus reiterari necessum est.

3. Ultimum est, quod epidemica sit hujusmodi gangrena, ut attactu, vel instrumentorum usu facile propagetur: idcirco Chirurgi caute incedere debent, cum ab hujus morbi pertractatione ad alios ægros curandos iisdem adhibitis instrumentis accedunt.

#### *Curatio.*

In hac Gangrenæ specie æque ac in antecedenti duplex curandi ratio adhibetur: interna una, altera externa.

I. Curatio interna postulat

1. Phlebotomiam, si febris adsit, aut inflammationis indicium, quod pariter



ter in reliquis casibus opportunum erit, si ægri pulsus permittant; quamvis venæ sectiones minus frequentes, aut uberrimæ esse debeant; ubi febris, & inflammatio penitus absint.

2. Pro corrigendo sanguinis vitio postea conveniunt mitiora vulneraria, & antiscorbutica, ut decoctiones cochleariæ, nasturtij aquatici, & becabungæ; infusiones tenuiores, vulnerariæ Elvetiæ, veronicæ, virgeaureæ, centaureæ &c. decocta foliorum scabiosæ, cardi bened. aut bellidis &c. quæ quarta quoque hora propinantur.

3. Sanguinis spissitudinem, ejusdemque segnitiei tollunt cordialia sub forma boli, aut potionis sumpta, quæ constantur ex aquis distillatis cordialibus, diaphoretico minerali, pulvere viperarum, sale volatili ejusdem reptilis, Bezoar animale, aut minerale, theriaca, diascordio, theriaca cælesti &c.

4. His potionibus liliū addunt a guttis 20. ad guttas 40. 50. & ultra si opus requirat. Interdum etiam guttæ *Generalis* adhibentur, quæ nil aliud sunt, quam aquæ fortis species dulcificatæ, quæ tamen pulsus efficaciter suscitare valet; possunt etiam ipsæ cochleatim exhiberi paucō vino iberō remixtæ. Obvia dosis est a guttis 8. ad 20. Tandem in hac gangrænæ specie utiliter usū venit decoctio viperina, & ipsa vipera excocta comedenda exhibetur.

5. Ut ægris hujusmodi consumptis analepticam nutritionem exhibeamus, optime conveniunt juscula carniū gelatinosa, lutea ovorum, dulciaria biscocta, vinum iberum, aut Burgundiæ cum saccharo, & paucō cinnamomo, cremores etiam oryzarum, aut similia. Convenit pariter identidem laxantibus primas vias expiare, quæ bilem expellant, modo febris maligna morbum non comitetur, in quo casu emetica potiora erunt.

II. Quo ad externam curationem attinet,

1. Eo collineat, ut pluries quotidie partes affectas efficaciori decoctione plantarum aromaticarum madefaciamus, cui additur vel vinum album, vel parum aquæ vitæ camphoratæ.

2. Quando partes affectæ balneo non sunt immersæ, sunt cooperiendæ lintheis, aqua vitæ camphorata imbutis, & sale ammoniaco, quibus liquoribus interdum eadem linthea madefiunt.

3. Juvat vero easdem partes ter, quaterve blande fricare, donec rubescant, & sanguinis circulus celerior fiat. Externum frigus idcirco penitus vitari debet, quod motum sanguinis retardat.

4. Tandem si hujusmodi cautiones inutiles sint, & gangræna aperte se declaret, amputatio erit instituenda juxta artis leges, modo circumstantiæ permittant; vel si fieri poterit, morbi progressus sistendus remediis superius allatis.

## CAPUT QUINTUM.

### *De Furunculo sive de Clavo.*

#### *Descriptio.*

**F**urunculus sive clavus est tumor durus, rotundus, tuberculofus, acuminatus, modicæ magnitudinis, quem comitantur calor, rubor, dolor, præsertim cum suppuratio fiat; uno verbo: tumor revera est phlegmonofus, sive inflammatorius.

Quatuor stadia furunculi distingui debent.



1. Initium: cum sub cute exiguus tuberculus animadvertitur cum modico pruritu, & nonnullis identidem lancinationibus.
2. Augmentum: in quo tuberculus indurescit, atque intumescit, acuminatusque apparet; verum calor, dolor, atque rubor una augentur.
3. Suppuratio: in qua omnia supradicta phenomena altiore gradum attingunt; dolor, calor, atque rubor cum maxima tumoris elevatione sensibiliores fiunt.
4. Puris effusio: tunc enim parum saniei primum erumpit; verum materies quædam viscosa; tandem materies spissa, & alba, quam Gallis *bourbillon*; post hoc ulcus sponte cicatrizatur.
5. Hic tumor apud Græcos *Δορὴν* appellatur, apud Romanos *furunculus*, a Gallis *fouroncle*, aut *clou*, a nobis vero italibus *Foruncolo* nuncupatur.

#### Differentiæ ..

I. Furunculus vel magnus est, vel minimus; grandiores raro excedunt magnitudinem ovi columbini, at exigui interdum non superant ciceris granum; hujusmodi sunt qui faciem deturpant, *vari dicti* ..

II. Furunculus, vel *acuminatus* est, vel *complanatus*; nonnulli enim supracutem porriguntur, ut sensibilem aciem offerant; alii plani ita sunt, & compressi, ut vix conspiciantur.

III. Furunculi vel *solitarii* sunt, vel *conglomerati*: quandoque furunculus unicus est, & *solitarius* appellatur; plerumque tamen plures una congeruntur, & tunc congeries, sive *rosa* furunculorum nuncupatur ..

IV. Furunculus modo *benignus*, modo *malignus* observatur pro varia symptomatum indole, quibus stipatur.

V. Furunculus modo *siccus*, modo *humidus* est, prout serius, vel citius suppuratio evenit, vel spissa erumpens materies, sicca magis, vel humida observatur.

VI. Tandem furunculus vel *simplex* est, vel *carbunculosus*; de quo postremo in Capitulo de Anthrace locuturi erimus ..

#### Sedes Morbi ..

Furunculus cuti tantum incidit, ut facile undique circumscribatur, vel in partibus cuti propinquis sedem ponit ..

Furunculus rotundus est, sphaerica cavitate donatus, & ex unica parte plerumque disrumpitur; tandem semper puris densioris massam continet, plus, minusve copiosam, quæ vermis speciem refert; ergo credendum erit, partem cutis affectam, glandulam esse, quæ sphaericam cavitatem habeat ad humorem viscosum secernendum a natura fabrefactam ut furunculi generationi faveat ..

Omnes hujusmodi qualitates in glandulis sebaceis habentur, quibus cutis pluribus in locis est interspersa, atque perfossa; ergo concludendum erit, glandulas hujusmodi sedem revera furunculo præstare ..

Ex his consequens est; 1. hunc morbum ad cutin pertinere, quia glandulae sebaceæ, quæ furunculum faciunt, in cutis spissitudine collocantur ..

2. Haud infrequenter sub axillis reperiri, vel circa anum, partes genitales, collum &c. quia glandulae sebaceæ in his locis confertiores sunt ..

#### Causæ ..

Experientia didicimus tres causas dari furunculi efficientes ..

1. Spis-



1. Spiffitudo humoris sebacei, nata a labore, studio, prava nutritione, aut extraneo fermento, quo sanguis inficitur.

2. Acrimonia ejusdem humoris, quæ consequitur acrimoniam totius massæ sanguineæ nata ab admixtione acrium quorundam humorum: quales sunt *bilis*, in ictericis, aut impurus *chylus* in male alitis, vel vitio extranei fermenti deturpatus.

3. Spiffitudo, & acrimonia hujus humoris, quæ una simul agant ex connubio utriusque causæ, cui addi poterit sordes, quæ obstruit, atque irritat glandularum sebacearum excretorios ductus, ut humor sebaceus ibi subsistat; experientia enim innotuit, pus a furunculo erumpens, alios furunculos in propinquis partibus parere.

### *Symptomata.*

1. Humor sebaceus in aliqua glandula sebacea detentus facile inflatur, & cavitatem extendit, ex quo procedit tuberculus lancinans initio indicatus.

2. Tumor glandularum sebacearum progreditur, & vasa sanguinea circumposita ita comprimuntur, atque circulatio retardatur, ut calor, rubor, & dolor insurgant, five melius inflammatio se offerat.

3. Calor, quem inflammatio circa obstructas glandulas gignit, est vis, per quam arteriæ continenter pulsant, & suppurationem materiæ sebaceæ promoven-; at, cum hæc materies valde viscosa sit, suppuratio idcirco non fit, nisi lento pede.

4. Nihilo tamen minus motus suppurationis materiæ rarefaciendo, glandulam complectentem distendit, & auget vicinarum partium inflammationem, ex quo procedunt doloris, & caloris augmentum, perterebrationis sensus, pervigilium, & febris quandoque.

5. Cum habeantur glandulæ sebaceæ aliæ magis profundæ, aliæ valde superficiales; idcirco furunculi modo eminebunt, modo complanabuntur; quod etiam procedere potest a glandularum conformatione, ut magis eleventur, quæ extrinsecus tenuiores sunt, & dilatabiliores: contra vero minus se præbeant, si intus potius tenuiores sint.

6. Quandoque in hoc morbo glandula sebacea tensa magnopere apparet, quando humor contentus, uberrimus sit, vel rarefactus valde suppurationis ergo, & tunc digito prementi in apice præsertim furunculus magis obstitit; interdum vero hujusmodi glandula minus resistit, quia humor minus copiosus, minusque rarefactus existit.

7. Sed apex tandem furunculi sponte aperitur, & guttæ nonnullæ erumpunt humoris saniosi, qui derivat ab admixtione sanguinis cum tumoris ichore; paulo post exit humor viscosus, semis putrefactus, qui a centro ejusdem furunculi venit, qui vermiculare purulentum corpus complectitur; & tandem ipsum pus exit citius, vel segnius, prout materies plus, vel minus humida, vel sicca sit, atque furunculi apertura plus, minusve ampla appareat.

8. Semel excreto pure inflammatio evanescit, glandula coarctatur, & ipsius cavitas imminuitur; atque morbus tandem segnius, vel citius finem habet pro vario ejusdem gradu.

9. Quandoque vermiculare illud corpus, ex pure conflatum, durum ita, & siccum est, atque internis glandulæ parietibus adhærens, ut difficillime exeat; quin immo sæpe credimus, furunculum, post materiæ liquidæ exitum convulisse,



uisse, ut negligamus purulenti vermiculi extractionem; at tunc curatio diutina magis, & difficilis evadit, quia semper in furunculi centro superest scirrhosus tuberculus a retento exsiccatoque pure productus, qui tamen sensim, sensimque tractu temporis destruitur, id est, quod appellant *furunculum corneum*.

### *Explicatio Differentiarum.*

1. Magnitudo, sive exiguitas furunculi, à duplici causa dependet; ab uberitate materiæ viscosæ, aut facili glandulæ distensibilitate.
2. Elevatio sive complanatio tumoris a posito procedit ipsius glandulæ, aut a resistentia majori, vel minori partis inferioris ejusdem glandulæ.
3. Numerus furunculorum intensitati respondet stagnantis humoris; plerumque enim conglomerantur furunculi, quia unus propinquas glandulas comprimendo novos infartus, novosque furunculos gignit; verum etiam defluens latex propria acrimonia similem morbum excitare potest,
4. Arescentia, sive mollities corporis illius purulenti, a natura procedit materiæ sebaceæ, prout ipsa magis spissa, densa, aut sicca est: quod respondet sanguinis indoli.
5. Furunculus simplex est, quando materies, quam ipse complectitur, impar sit, apicem corrodere; sed contra carbunculosus appellatur, quando hujusmodi materies acris, & corrosiva ita videatur, ut gangrenam inducat.

### *Diagnos.*

Furunculi diagnosi circa quatuor sequentia capita versatur.

I. Distingui debet ab aliis morbis nonnullis quos æmulatur,

1. A phlegmone, quod facile obtinetur. Nam tumor furunculi in sola cute residet, & ipse durus resistens, circumscriptus, atque in apicem elevatus est: quod non observatur in simplici phlegmone.
2. A bubone, cum quo, modo grandiores sint furunculi, confundi possunt, modo inguina aut axillas occupent; sed facile distinguuntur ex eo, quod furunculorum tumor cutem tantum afficiat; bubo vero glandulas lymphaticas infestet, quæ profundiores sunt: deinde furunculi mobiles sunt, bubo vero persistens; illi tandem apicem acuminatum ostendunt, hic nullum.
3. Furunculi ab anthrace in hoc discrepant, quod elevati, & prominentes appareant, anthrax non ita; quod duri, & renitentes sint, nihil pene carbunculus; verum aciem ipsi ostendunt, non ita hic, qui tandem plerumque gangrenam comitem habet, quæ nunquam furunculos comitatur, nisi carbunculosi fiant.

II. Variæ furunculorum qualitates probe distingui debent, videlicet eorum magnitudo, aut exiguitas; prominentia, aut complanatio; solitudo, aut congregatio; simplicitas, aut cum anthrace complicatio, quod solo inspectu cognoscitur.

III. Furunculi status tandem perpendi debent.

1. Videlicet si furunculus suppuratus sit, vel non, quod cognoscitur a mollitie, elevatione, & albedine apicis.
2. Si disruptus sit, necne, quod judicatur ab erumpenti latice, cutin deturpante, verum etiam a mollitie, & complanatione grandioris præsertim furunculi, absquequo ulla incisio instituta sit.
3. Si siccus sit, vel humidus, quod apparet a facili, vel difficili separatione vermiculi purulenti.

IV. Tan-



IV. Tandem, quô magis fieri potest, distingui debent causæ antecedentes furunculi; videlicet, neve a spissitudine, aut acrimonia humoris sebacei, vel ab utraque simul causa procedat, quod innotescet a notatione diathesis sanguinis ægotantium; neve ipse effectus sit sorditiei ipsius ægri, quod a vitæ gerendæ methodo cognoscitur.

### Prognosis.

I. Celsus optime ait, cum dixit: (a) *in furunculo nullum periculum est, etiamsi nulla curatio adhibeatur*; revera furunculi plerumque sponte convalescunt.

II. Nonnulli tamen habentur, qui tardam judicationem habent, cum seigniter in suppurationem vergant, ficci appareant, & materies sebacea difficilius exeat; nonnulli etiam periculosi sunt, qui sub cute disrumpuntur, vel carbunculosi fiunt; tum ipsi, qui in quibusdam partibus sedem habent, ut circa anum, pudenda, aut axillas, ubi magnus est vasorum & nervorum numerus.

III. Alterum damnum in furunculo derivat a causa producente: ita qui a fomite venereo, aut scorbutico procedunt, simile detrimentum, ac hi morbi afferunt; dantur etiam furunculi a simplici sanguinis acrimonia nati, qui tamen periti medici diligentiam postulant, quando humores valde coinquinati fuerint.

### Curatio.

Duplex est in hoc morbo medendi ratio; una communis, in qua furunculus sponte aperitur; altera, in qua cultro aperiri debet.

I. Absque noxa cunctari poterit, modo furunculi simplices sint, prominentes, & in partibus locati magis patentibus, quas lædere nequeant; in hoc casu

1. Sat erit cataplasma applicare ex pulpis plantarum emollientium, capis, & oleo liliorum, vetere fermento, basilico &c. conflatum, vel quod magis obvium est, emplastrum diachylum simplex, vel compositum, aut pulmentum panis.

2. Præscribitur refrigerans, & tenuis diata, ptisanam refrigerantem exhibendo, tum venam, si inflammatio urgeat, incidendo.

3. Nunquam furunculus quamvis patulus exprimi debet, nisi mollis appareat, ac ubi exprimatur, omnis sebacea materies ibi corrupta extrahi debet.

4. Cognoscitur, omnem materiam sebaceam profiliisse, quando fundus furunculi omnis ruber appareat, simplex pus evomat, atque paulatim occludatur.

5. Semel materie sebacea egressa primis diebus exigua, turunda intromittitur basilico imbuta, modo cavitas ejusdem ingressum sinat: quod fit, ut perfecta evadat suppuratio; brevi tamen desistitur, ut cicatrix perficiatur.

6. Cum nondum exierit sebacea substantia, diutius protrahitur turundæ usus, semel in die chirurgicum laborem reiterando extrinsecus diachyli aut cataplasmatismatis suppurantis usum continuando, ut facilius latitans materies fundatur.

7. Tandem æger purgatur sub ægritudinis fine, decocta alterantia exhibendo, quæ vitium sanguinis corrigant, quod pro causa remota habebatur.

II. Contra vero cito aperiri debent furunculi, qui anum, vaginam, aut axillas occupant, vel sub cute disrupti sunt; tum ii, qui anthracis indolem induerint, minime a remediis in hoc casu perfectam suppurationem expectando.

1. Ipsi

(a) De re medica lib. 4. cap. 28. n. 8.



1. Ipsi, si lubeat caustico lapide, scindi possunt, apici applicato, sed brevius phlebotomi unica incisione exigui, vel pluribus incisionibus grandiores aperiuntur.

2. Insuper, siccis filamentis pars oneratur, deinde simplici basilico oblinitur, vel ipso aliquibus guttis tincturæ myrrhæ imbuto, donec supra hunc apparatus remedia suppurantia veniant applicanda.

3. In ulceris pertractatione eadem methodus protrahitur, donec omnis sebacea materies separata sit, & ulcus detersum, coccineumque appareat.

4. Si fragmenta nonnulla separari renuant, vel callositates circa ulceris margines producantur, pulvis applicatur, unguento bruno imbutus, vel pulvis cathetericus inspergitur; quinimo si opus sit, parum lapidis caustici applicatur.

5. Tandem post ulceris deterfionem, & purulentæ materiæ exitum, ubi margines complanentur, & callositates absint, reliquum est vulgaris ulceris more, morbum pertractare, videlicet cum balsamo Arcei, & sub fine, si opus sit, cum viridi unguento.

6. Uno eodemque tempore convenient interna remedia ad corrigendum sanguinis vitium, quod furunculum generaverat, talia sunt decocta ex cancris fluviatilibus, cum cherophillo, nasturtio, & cochlearia parata, martialia, aquæ minerales, balnea dulcia, lac, serum, jus viperatum &c. at si sanguis gallica, aut scorbutica lue inquinetur, ipsi medendum erit validioribus, & specificis remediis.

## C A P U T S E X T U M.

### De Hordeolo.

#### Descriptio.

I. **I**nterdum circa palpebrarum margines, prope ciliis exiguum tumorem oriri videbis, hordeacei grani magnitudine, qui tactui resistens, acuminatus, ruber, calidus, dolens apparet, uno verbo phlegmonosus conspicitur.

II. Cum hujusmodi tumor exiguus valde sit, vix de se patientem admonere valet; at si grandior fiat, præter dolorem sibi proprium, tensionem, ruborem, cruciatum, atque conspicuam intumescentiam gignit, quæ palpebræ motum non parum infirmant, præsertim in parte suprema, ubi grandiores fiunt motus, & continuati pro *nictatione*.

III. Apex hujus tumoris cito albescit, videlicet suppurat, & prout suppuratio progreditur, tumor albidior, molliorque evadit.

IV. Tandem ipse disrumpitur, & guttula puris exit cum purulento vermiculo plerumque vix distinguendo; puris eruptio acceleratur, partem leniter premendo, postquamquod tumor coarctatur, & morbus evanescit.

V. Græci hunc morbum *Κηδή* appellavere, quod *granum hordei*, significat, hocque magnitudinis, & similitudinis ergo. Celsus, qui de hoc morbo locutus est, nomen græcum servavit (a); sed medici latini, qui, post imperiū Romani casum scripserunt, græcum nomen in latinum commutarunt, *hordeum*, sive *hordeolum*, qua de causa ipsum galli *orgeol*, sive *orgeolet* dicunt. Parisien-

ses

(a) De re medica lib. 6. cap. 7. num. 2. & 3.



ses vero *orgueil* & *orgeulet*, ex quibus corrupta nomina *orgueil*, & *orgueilleux* venerunt.

VI. Interdum in superiori palpebra, procul a limbo exiguus tuberculus gignitur, ciceris magnitudine sub cute positus, qui palpebram extrinsecus obducit, & levigatam membranam, quæ intime ipsam investit.

VII. Hujusmodi tumor, durus est, indolens, scirosus; neque in suppurationem vergit, sed paulatim resolvitur, atque motu communi non solum cum palpebra gaudet, sed proprio etiam intra membranas interdum pervagando.

VIII. A Græcis hic καλάρσιον; a Latinis *Grando* appellatur; a Gallis vero *grele*, quia revera magnitudinem, figuram, & duritiem habet grani grandinis; Medicum nomen abest, nonnulli tamen ipsum hordeolum vocant, vel *hordeolum spurium*, ut ab altero distinguatur. Istorum morborum furunculi species *primus* est, & ad tumores inflammatorios pertinet, *secundus* scirrhus est, & ad scirrhos attinet, de quo hic agitur, ne cum priori hujus morbi specie confundatur.

### *Sedes, & Causæ.*

Margines palpebrarum exigua cartilaginea lamina instruuntur in arcum flexa, quæ consistentiam, & elaterium his partibus præbet. Græci ipsam nuncupant τάρσος quod nomen anatomici servant; hujusmodi arcus extrinsecus a palpebrarum cute obtegitur, intrinsecus vero ab illa membrana, quæ interiorem faciem cooperit. Juxta limbum externum hujus arcus distribuuntur capsulæ piliferæ quæ ciliis pilos suppeditant; supra vero seriem harum capsularum glandulæ, sive vasa alba collocantur, clausa, propinqua, atque parallela, lineæ magnitudine donata, quæ per distinctos ductus in palpebrarum limbo patescunt circa ciliorum radicem.

Margines palpebrarum obvertendo, horum vasculorum positus conspicitur, & contenti humoris indoles innotescit, demum qua ratione secretio fiat, facile patet, hujusmodi canaliculos ungue, in cadaveribus potissimum, premendo, per innumera foramina exilissima, materies sebacea erumpit, quæ in cochleam contorquetur, qualitas hujus substantiæ nomen sebaceorum vasorum præbuit, quæ vasa eadem sunt sub cute posita, in furunculi descriptione a nobis alibi descripta.

Hic humor sebaceus, qui continenter sed insensibiliter stillat, a lacrymis solutus mucilaginis saponaceæ speciem gignit, quæ in statu naturali palpebrarum margines madefacit. Sed cum hujusmodi humor redundet, acer nimis, aut densus evadat, congeritur circa palpebrarum extrema, ibique induratus humoris glutinosi congestionem producit, quæ *gramia* appellatur.

In his glandulis enim, aut vasis sebaceis nuper descriptis, sedem hordeola ponere debent; ipsa producuntur quotiescumque humor sebaceus in alterutro horum vasorum subsistit, vel pluribus una verosimilius: hic humor in hujusmodi vasis retinetur, quotiescumque orificia obstructa sint, quare quidquid valebit ipsa coarctare, aut occludere, hordeola plus, minusve conspicua producere debet; ideoque variæ possunt causæ morbum parere, quarum præcipue sunt.

1. Inflammatio, sive phlogosis marginum palpebrarum, quæ extremitates canalium sebaceorum premit, aut constringit.

2. Pulveres, quibus oculi insperguntur, aut unguenta, quibus margines palpebrarum in ophthalmia fricantur, qui interdum occludunt vasculorum orificia.

3. Pul-



3. Pulvis idem producit æstivo tempore per aerem volitans, dum oculos ventorum afflatu intrat.

4. Nicotiana, quæ interdum oculos pervadit, atque ipsos irritando, in his canalibus constrictiones inducit.

5. Frigus, ventus, pluvia, atque nix, quæ humorem sebaceum inspissando ejusdem stasim facit.

Quamvis hujusmodi causæ per se valeant hordeola producere; nihilo tamen minus hujusmodi morbus frequentissimus est in iis, qui antecedenter margines palpebrarum rubentes, inflammatas, & ulceratas habuerint; in quibus extremitates canalium sebaceorum contractæ aut multiplici ratione labefactatæ fuerint; ut in illis, qui ophthalmiis pertinacioribus, aut uberiori grammæ fuerint obnoxii, vel sub variolis palpebræ diu ulceribus deturpatæ fuerint.

Quoad exiguos tumores scirrhosos attinet, qui circa medium palpebrarum superiorum oriuntur, quos Græci vocant *Chalaza* certum est, ipsos ab exiguis glandulis lymphaticis originem ducere, in quibus lymphæ subsistens indurata est; harum glandularum conspicuus est numerus, ut ubique externarum partium ipsæ se offerant.

Itaque lymphæ plerumque in his glandulis, nisi duplici de causa subsidet: altera *generalis*, videlicet nimia spissitudo, ob quam ejusdem circulus retardatur; *peculiaris*, sive localis alia, nempe frigus, cui interdum palpebræ fiunt obnoxii a vento, pluvia, aut nive, donec lymphæ condensata in alterutra harum glandularum retineatur, eoque facilius, quo pro positu frigoris impressioni magis objiciuntur.

Valde probabile est, non solum has causas, sed simplicem ventum, qui oculum feriat, similes tumores parere posse in subjectis male affectis, in quibus haud suspicari licebit universalem lymphæ spissitudinem.

### *Symptomata.*

1. Humor sebaceus in extremitate horum canalium præteritus, cumulatque exiguum tumorem gignit, levi comitante pruritu, qui brevi augebitur.

2. Cum hic tumor cito ingrandescat, & propinquas venas facile comprimat phlogosim primo, veramque dein inflammationem inducit cum calore, rubore, tensione, atque dolore.

3. Calor inflammationis, pulsusque propinquare arteriarum, quæ sanguine turgent, cito humorem sebaceum solvunt ibi retentum, qui primo ad aciem tumoris se præbet, apicemque albefacit.

4. Paulo post vel extremitas canalis sebacei dilatatur, vel disrumpitur, & ex tumore unica, vel duplex gutta materiæ adiposæ, viscosæ, purulentæ erumpit, quæ est idem humor sebaceus in pus conversus.

5. Interdum etiam cum hac materie vermiculi purulenti species exit, quando humor sebaceus spissus nimis, vel diu detentus fuerit, ut perfecte solvi nequeat.

6. Cum hæc materies semel exierit dilatata vascula occluduntur & inflammatio evanescit, atque morbus penitus tollitur nulla superstite labe.

7. Quandoque tamen humor sebaceus ita densus est, atque inflammatio levis ita, ut non valeat suppurationem promovere, & tunc hordeolum indurefcit, quod ut de furunculo diximus *nothum* appellant.

8. Facile patet, hordeola grandiora, vel exiliora esse debere pro numero vasorum sebaceorum affectorum, aut quantitate congesti humoris sebacei; veroma-



magis phlegmonosa, minusve pro gradu, aut promptitudine intumescentiæ; tandem plus, minusve in suppurationem converti pro diversa humoris sebacei spissitudine, aut inflammationis magnitudine.

9. Hordeola spuria, sive *chalaza* fixa perstant, ubi ortum habuerint, usque dum glandulæ adhæsiones, in qua producta fuerint, subsistant; At si hujusmodi nexus pro glandulæ augmento disrumpantur, tunc tumores proprio pondere ducti, positum facile mutare possunt.

### Diagnos.

Hi duo morbi facile cognoscuntur, & distinguuntur ex facta descriptione.

Varij hujus morbi status facillime distinguuntur; apparet enim nudis oculis, si hordeolum inflammatum, suppuratum, aut apertum sit; si fixum sit, aut mobile; si denique augeatur, vel imminuatur.

### Prognosis.

Uterque morbus periculo vacat; hordeolum plerumque post quindecim dies, aut tres hebdomadas ad summum, ob puris guttæ exitum finem habet; diutius perdurat, si pus densum indurescat; tandem resolvitur simili ratione ac furunculus retrocessus.

*Chalazosis* vero respectu ejusdem resolutio segnius procedit, quam suppurata, aut patula hordeola, quia materies contenta arctius in glandula coacervatur, sed tandem succedit.

### Curatio.

Haud cognoscitur hordeolum modo inflammatio, pruritus, atque dolor ipsum patefaciant. Cum ipsum appareat pluries, oculus tepenti aqua, sive decoctione althææ ablui poterit.

Nullum aliud remedium adhibetur, dummodo inflammatio persistat, sed cum ipsa minuatur, parum diachyli erit apponendum, ut suppuratio promoveatur.

Uno, eodemque tempore palpebræ fricantur, ut materies hordeoli facilius solvatur, forasque exeat, sive suppurando canalis sebacei resistantiam, sive extremitatem ejusdem lacerando.

Si hordeolum, jam suppuratum segnius quam par est, aperiatur, optimum erit phlebotomi acie levem in tumoris apice incisionem instituire, ne pus ibi affluens, valde condensetur, & durum glomeramen producat per tinax vix solubile.

At si hæc calamitas eveniat, ipsam pati debet, quoniam certo glomus sensim, sensimque dissipabitur, vel nullo adhibito remedio, vel tantum emplastro de-Vigo, aut diabotano juxta radicem ciliarum admoto.

Eadem methodus adhiberi solet in *Chalazosi*, sive spurio hordeolo: vel naturæ relinquitur, vel etiam emplastro de-Vigo, aut diabotano supra tenuissimum pannum sericum extenso oblinitur; ita vero admovetur, ut nævus artificialis adpareat, difficillime tamen persistit continui palpebræ motus ergo.

De cetero neque verum hordeolum, neque spurium remedia interna postulat, neque sedulum regimen.



## CAPUT SEPTIMUM.

*De Dracunculo, sive vena Medinæ.*

**Q**Uamvis hic morbus a tumoris apparatu incipiat, ut valde æmuletur furunculum, qua de causa ad hunc tractatum pertineat, tamen ipsum reticere potuissimus, cum apud Europæos adhuc incognitus sit, & verosimiliter nunquam innotuerit.

Nihilo tamen minus cum plures medici de eo mentionem faciant, verum etiam inter illos, qui in Europa medicinam, & chirurgiam exercuerunt, ante litterarum restaurationem, idcirco putavi necessum esse, de hoc singulari morbo verba facere: non jam ut, de medendi ratione circa id, medici instruantur, cum nunquam hoc fuscipient, sed potius, ut claram sibi ideam morbi efforment, de quo rite, data occasione, loqui possent.

Cum nunquam perspexerim hunc morbum, neque de eo satis iudicium ferre valeam, optimum censui *Avicenam* (a) prosequi, qui oculis hunc affectum observavit, & multa diligentia descripsit, cui addam reliquorum Medicorum circa idem nuperrimas observationes, siquid ipse omisisset.

*Descriptio.*

I. Apparet primo exiguus tumor acuminiatus, ruber, a furunculo haud absimilis, qui celeriter ingrandescit, & vesicæ-speciem gignit; e medio hujus vesicæ, quæ sponte disrumpitur, quædam materies profilit, rubro intenso colore donata parvi funiculi crassitudine, quæ foris producit, & venam, aut vermem æmulatur.

II. Modo illud corpus comprehendere possit, exitus ejusdem promovetur, leniter ipsum trajiciendo donec supra baculum, aut plumbeam virgam extendi possit, & hac ratione paulatim trahi queat.

III. Cum hujusmodi corpus integrum sponte, vel per vim foris totum eruperit, ulcus reliquum statim convalescit; at si sub exitu disrumpatur, sedulo reassumi debet illud corpus, ut extractio cito perficiatur, citra quod sub cute putrescit, & periculosum abscessum gignit, qui difficillime convalescit, & gangrenam inducit.

IV. Hic morbus plerumque crura afficit, interdum tamen manus, & humeros. Infantes, quandoque etiam infestat, in alterutro ventris, aut thoracis latere.

V. Hæc species chordæ, aut funiculi, quo paulatim baculus, aut plumbea virga circumcingitur, diversam longitudinem præfert, plerumque quinque pedes adæquat, interdum tamen duplum, & ultra.

Hic affectus in *Ægypto* remotiori endemius est, tum in *Ethiopia* circa littora maris rubri, & sinus persici, in omnibus plagis *Indiarum*, & *Africæ*, sed præsertim in *Arabia* prope *Medinam*, & vicina loca, ex quo medici *Arabes* ipsum appellaverunt *venam medinensem*. Medici *Græci*, qui per traditionem de ipso differuerunt *Δρακόντιον*, sive *dracunculum* vocarunt, conformationis ergo profolientis corporis, quare nos *Dragonneau* nunc dicimus.

De

(a) Canon. lib. 4. Fen. 3. Tract. 2. cap. 21. 22.



## De Præcipuis Medicis qui de hoc morbo egerunt.

I. Galenus est vetustior medicus, qui de hoc morbo mentionem fecerit, quamvis & ipse ex aliorum traditione. In quodam, ait ipse, L. de locis affectis, cap. 3. Arabico loco, ut ajunt, in tibiis hominum dracunculi vocati nascuntur nervosa natura, colore, crassitudineque lumbricis similes. Multos sane audiavi, qui sese vidisse eos dicerent; ipse vero nunquam vidi, neque de ortu, neque de essentia ipsorum quidquam exacte conjicere possum.

Ceteros Medicos Græcos sat erit indicare, qui de ipso pertractarunt. Hujusmodi sunt Soranus, qui paulo post Galenum inter vivos erat, cujus opinio circa dracunculum a Paulo Ægineta tradita est de re Medica l. IV. c. 58.

Hunc subsequitur Leonidas alter Medicus Græcorum pene contemporaneus, cujus fragmenta aliqua adhuc extant, quæ in Aetio reperiuntur. Tetrabibl. IV. ferm. II. c. 85. & in Paulo Æginæ de re medica, l. IV. c. 58.

Aetius tamen, in corpore Medicinæ ab ipso exarato, singulare caput dracunculi habet, hoc est, c. 85. II. Tract. l. IV.

De Paulo Ægineta res diversimode se habet; nam ipse dracunculi naturam explanavit in integro capitulo sui operis, sub titulo de re Medica, id est cap. 58. lib. IV.

Actuarius etiam idem subiectum tractavit method. Medendi l. VI. c. 8.

Tandem Plutarchus quamvis medicinam non exerceret, de eodem morbo meminisse videtur l. VIII. Sympos. c. 9. ex testimonio Agatarchidis, qui iter fecerat in Ægyptum circa litora maris rubri.

II. Quo ad Medicos Arabes attinet, pene omnes de dracunculo egerunt, deque eo fufius sermonem instituerunt, quia in his regionibus degebant, ubi morbus endemius erat, vel quod tunc temporis illic incepisset. Præcipuos tantummodo indicabimus.

Avicenna canon. l. IV. fen. tract. III. c. 21. & 22. nullo alio nomine morbum indicat, quam illo vena meden seu vena Medinæ.

Rhasis l. VII. ad Almanzorem, c. 24. & l. XII. c. 2. item Continentis libri XXVI. tract. II. c. 1. hunc morbum appellat vena Meden, seu venam Medinæ, ut Avicenna.

Sed ejusdem traductor vocem Arabam Meden, quæ Medinam significat, pro adjectivo sumpsit, & vertit vena Meden pro vena Medinæ, nempe transduxit venam civilem, quia vox meden apud Arabes nomen est Civitatis, quod nomen pro adjectivo sumptum civilis sonat.

Abenzoar l. II. tract. VII. c. 20. vena meden appellat videlicet venam medinensem uti Avicenna.

Alzaravius pract. l. XXVIII. c. 12. eundem morbum appellat venam exientem, quod satis ejusdem indolem manifestat.

Haly Abbas pract. l. IV. c. 16. venam medinensem duplici arabico vocabulo insignivit, quorum primum venam saniosam significat, juxta morbi naturam; alterum in omnibus editionibus, atque codicibus obversum reperitur, in quibus legitur vena famosa, pro saniosa, ex quo plures Auctores decepti sunt. Albucasis Chirurgiæ part. II. c. 93. designavit venam Medinæ, hoc nomine, scilicet vena cruris, quia plerumque crura deturpat: quamvis tamen in aliis partibus sæpissime occurrat, & fortasse, ait ille, præter crura generatur in aliis corporis locis.

III. Medici, qui in Europa scripserunt, ante litterarum restorationem in Astruc de Tumoribus.



hoc Arabes profecuti sunt, & venam Medinæ ea ratione appellarunt, quā in alterutro Arabum Auctorum inscriptam reperierunt.

Guilielmus de Saliceto *Chirurgiæ l. I. c. 54.* appellat venam Medinæ *venam civilem* deceptus a codice versionis Rhasis.

Guido de Chauliac *Chirurg. tract. II. Doct. II. c. 8.* appellat venam Meden, hunc morbum, ut Avicenna; *venam curalem* ut Albucasis; & *venam famosam*, ut codices obversi Haly Abbatis.

Franciscus de Pedemontio *supplementorum in II. secretorum Joan. Mesuæ sect. II. par. 2. c. 7.* prosequutus est Alzaravium; quare ab ipso vena medinæ, *vena exiens* nuncupatur.

IV. Ad Recentiores Auctores quod attinet, sat erit, indicare eorum operum loca, in quibus de hoc morbo locuti sunt, modo observationes non afferant, quæ scitu dignæ sint.

Amatus Lusitanus *Curation. medicinal. Centur. VII. curat. 64.* asserit, hunc morbum se vidisse in Theffalonica, ubi captivum quendam ab Egypto exportatum curavit, ex qua regione morbum secum tulerat; hujusmodi auctor defendit, morbum revera vermem esse, quod mihi suadet. At ipse decipitur, ubi addit Avicennam ea de causa venam meden morbum appellasse, quia hic in Media prope Persas communis sit, *apud Mediam juxta Persidem*. Certum est tamen Avicennam tali pacto morbum indicasse, quia plerumque in civitate Medinæ ipse frequens est.

Joannes Manardus *Epistol. l. VII. epist. 2.*

Joannes Longius *Epist. medicinal. l. 2. epist. 42.*

Thomas Rodericus de Veiga *in Comment. l. VI. Galen. de locis affectis.*

Ambrosius Pareus *Chirurgiæ l. VIII. cap. 23.* quamvis venam Medinæ iisdem nominibus designet, ac Guido de Chauliac, quem prosequutus est, interdum tamen cum Græcis Medicis *Dracunculum* ipsam appellat.

Jacopus Delecampius *Chirurgiæ cap. 83.*

Joannes Gorraeus *in definit. Medic. in voce Δρακοντιον.*

Joannes VVierus *Observat. l. II. paragraf. 7.* confundit *crinones* Infantium cum ipso dracunculo.

Joannes Colle *Elucidarii Chirurgici l. I. c. 54.* venam Medinæ appellat *pustulam vermicularem*.

Georgius Hieronymus Velschius, qui publici juris fecit laudabilem *tractatum de vena Medinensi, sive dracunculis veterum*, in quo methodi potissimum ergo nihil amplius est desiderandum.

Tandem Joannes Jacobus VVepferus Schafusæ, *Ephemerid. Germanicar. Decur. II. ann. X. observ. 171. pag. 315.* ubi refert, se anno 1652. in Provincia Tigurina vidisse Chirurgum, qui bis fuerat in Ghinea in Indiis Orientalibus, ubi diu moratus erat, ex qua regione in singulo crure dracunculum exportavit, ex quo in patria convaluit. Hujusmodi Chirurgus, ut VVepferus testatur, vermem diu sub cute latitantem morbum parere putabat. Ipse enim propria experientia, & reliquorum Medicorum consensu affirmat, ceteris in cassum adhibitis remediis, & ipsis mercuriariis frictionibus necessum esse pro perfecta valetudine ipsum integrum extrahere.

#### *De Natura, & causis hujus Morbi.*

Hujusmodi singularis morbus plures circa Medicos sententias excitavit, præfer-



tertium cum optimi observatores tunc temporis pauciores vigerent, quorum plerique etiam de ipso locuti fuerint, absque quo unquam morbum observaverint. Opinionum differentia tres potissimum sunt.

I. Alii crediderunt chordam, quæ in hoc morbo erumpit, revera venam fuisse, qua de causa Arabum plerique venam eam appellarunt; alii nervum, aut tendinem illam putarunt, & hæc est sententia Sorani, (a) & Galeni fortasse.

II. Plerique Recentiorum, qui descriptiones consuluerunt veterum Auctorum, judicarunt, hujusmodi chordam a pure inspissato oriri alicujus apostematis; quare (b) Ambrosius Pareus, simul ac Chirurgus quidam, qui in *actis Acad. scientiar. ann. 1724.* de hoc morbo opusculum tradit, simili ratione censuerunt.

III. Opinio magis obvia apud Medicos Arabes, qui tantummodo morbum observarunt, ea est, quod hujusmodi affectus a verme oblongo, contorto, sub cute latitante originem ducat, qui, dum sibi exitum parat, pustulam gignit, per quam erumpit.

Prior harum opinionum minus probabilis est: quo pacto enim vena, nervus, aut tendo ita oblongus, ut dracunculus e corpore extraheretur, absque quo æger in convulsiones incideret? Sed dracunculus sponte erumpit sine molestia, aut dolore, vel saltem utriusque paucos.

Aliera sententia pariter infirma est; nam in apostemate, aut abscessu nunquam visum est, pus inspissari, ita ut funis speciem referat plures pedes oblongam. Tandem pus, quod nunquam ita perniciosum propinquis partibus evadit, tantum inferre posse damnum, modo funis disrumperetur.

Ea igitur potior sententia videtur, quæ admittit morbum a verme pendere.

1. Hæc opinio auctoritatibus fulcitur *Leonidæ, Arcii, Pauli Æginetæ, & Avicennæ* ipsius; verum, quod tutius est, viatorum hujus temporis, circa quod etiam pervolvi possunt opera (c) *Kempheri*, qui diu in Perside moratus est; relatio itineris Episcopi (d) *de Beryte* in Cochinchinam; descriptio Africae (e) *Dapperi*, Iter Equitis *de Marchais* apud Patrem (f) *Labat*; & Historia Africae (g) Occidentalis ejusdem Patris, cui addi debet auctoritas celeberrimorum Medicorum, videlicet, *Amati Lusitani, & Joannis Jacobi Wepferi*, qui, ut visum est, testes fuerunt hujus morbi in duplici subjecto, & vermem exeuntem conspexerunt.

2. Id confirmatur exemplo plurium vermium, aut animalium, quæ intra animalia ingrandescunt; præter vermes enim intestinales numerari possunt.

1. *Crinones*, sive *comedones* infantes infestantes, qui exigua sunt animalcula nigra, tenuia, intra cutis poros, præsertim circa digitos, & lumbos locata, qui a calore foris exeunt aliquantulum, & cutem tactui scabram reddunt, qui multiplici methodo excerpuntur, quorum figuram microscopio visam Ettmullerus præbuit.

C. 2.

2. Aca-

(a) Apud Paulum Æginetam. *De re medica* l. VI. c. 58.

(b) Chirurgie livre VIII. c. 23.

(c) Amœnitatum exoticarum, fascicul. III. n. 4. & fascicul. IV. n. 7: ubi dicit hunc vermem appellari *Pejünk* Persarum lingua.

(d) Cap. V. pag. 92.

(e) Pag. 294. Edition. Amstelod. in fol. ann. 1686.

(f) Tom. II. cap. VI. pag. 136. Edition. Parisien. ann. 1730.

(g) Tom. V. cap. XIII. pag. 337. Edit. Paris. an. 1728.



2. *Acari*, qui exigua sunt infecta pene visibilia, sub epidermide locata, ubi crescunt, & molestum pruritus pariunt.

3. *Pediculorum* species, qui in phthiriasi, sive morbo pediculari sub cute crescunt.

4. *Vermes complanati*, qui frequenter reperiuntur in canalibus hepaticis jecoris hircorum.

5. Tandem exigui *vermes oblongi*, contorti, qui saepe canum carnem infestant, plerumque circa musculos, interdum in horum substantia.

Post hujusmodi exempla, quæ oculis subjicimus, nullum superest dubium; cur sub cute in calidioribus regionibus produci possint alia animalcula ex genere dracunculorum, quæ phenomena parere valeant in hoc morbo obvia nuper descripta.

Certæ, diligentes, & reiteratæ observationes requirerentur pro generatione, & multiplicatione explicanda horum vermiculorum; quare nil mirum, si omitamus hanc quæstionem dracunculi respectu, quem nondum nobis observare occurrit; præsertim cum nondum pateat origo, atque multiplicatio vermium intestinalium, qui tamen obvii sunt.

Generice dracunculus humanum corpus intrare nequit; nisi triplici sequenti modo.

1. Sub ovuli forma sub cute depositi, a morfu alicujus insecti, postquam quod hujusmodi ovulum a calore explicatum vermem gignit, qui ita increfcit, donec valeat sibi pandere viam.

Hæc opinio vermium exemplo fulcitur, qui in glandulis amygdalis cervorum, in naribus hædorum, in dorso Boum producuntur ab ovulis muscarum ibi depositis, circa quod D. Reamurius pervolvitur potest in suo *Tract. de insectis*.

2. Sub exigui vermis specie, qui per cutis hiatus intrant, ubi aluntur, & ingrandescunt, donec exitum petant; hujusmodi sunt vermes illi, qui ab Hispanis *Niguas* dicuntur, a nobis *chiques* in insulis Americæ obvii: sunt ipsi exigua infecta imperceptibilia, in sterquiliniis degentia, quæ pedibus, aut cruribus Nigrorum, vel eorum, qui nudis pedibus incedunt, adhærent, & intra poros cutis locantur, ubi scalpenti pruritus excitant, & nisi acu removeantur, crescunt ita, ut putrescant, & abscessum periculosum gignant, qui saepe in gangrenam desinit; ita enim in morbo pediculari pediculi cutem pervadunt, ibique latitantes multiplicantur, & omnem cellularem telam deturpant. Ita tandem in infantibus male constitutis capitis pediculi ab illis reliqui corporis procul diversi cutem sublevant, & innumerabilem sobolem pariunt intra cistis speciem degentem.

3. Sub forma exiguorum ovulorum, qui corpus intrant cum potu, aut cibis, & in sanguine cum chylo distribuuntur, donec per circulationem in his partibus deponantur, quæ pro eorum explicatione, aut incremento potiores sint.

Hæc via grandiores difficultates patitur; non est tamen prorsus rejicienda, præsertim cum nulla alia ratione explicari queat ortus animalculorum in canalibus hepaticis hircorum, aut in renibus, vel in musculis canum, aliorumque animalium degentium.

#### *Symptomata.*

1. Cum dracunculus idoneum attigerit incrementum, exitum petit, vel natalio.



latiorem ambitum habeat, vel ut valeat crysalidis formam sumere; nam recte suspicor, in papilionem converti debere: ea enim de causa vermes bonum, aut cervorum ex propriis cryptis exeunt, ubi primo morabantur, ut crysalidis formam suscipiant, & in muscas convertantur; in his circumstantiis dracunculus se commovendo molestum valde pruritus excitat.

2. Hic, dum sibi exitum parat, rostro adversus interiorem cutem agit, eamque pressione, & erosione etiam fortasse superare tentat, ut inflammationem gignat, & tumorem rubrum, acuminatum, dolentem a furunculo haud absimilem.

3. Cute semel perfossa lymphæ sub epidermide congeritur, quæ vesiculam producit in apice tumoris conspicuam.

4. Vesicula hujusmodi cito disrumpitur, & tunc caput dracunculi se offert rubro, obscuro colore refertum.

5. His rebus peractis animal sponte sensim sensimque erumpit, vel digitis, aut vossellis extrahitur; verum etiam supra exiguum baculum, aut virgam plumbeam revolvitur quotidie, donec omne foras exeat.

6. Sed pedetentim est procedendum. Nam si festinanter nimis extrahatur, inflammatio partis oritur cum dolore; sed, quod deterius est, cum periculo fractionis animalculi.

7. His adhibitis cautelis, animal plerumque integrum excerpitur, postquam morbus perfecte tollitur, quia cutis facile cum carnibus coalescit.

8. At si animal pro festinatione, aut extractionis imperitia disrumpatur, quod in corpore relinquitur, putrescit, & abscessum cellularem producit in gangrenam periculosam desinentem.

### Diagnosis.

In his regionibus, ubi dracunculi obvii sunt, facile hoc morbo corripì suspicabimur, ubi in aliqua corporis parte, cruribus potissimum, tumor acuminatus, ruber cum pruritu, & dolore appareat; minus tamen renitens, quam furunculus, quo nedum in suppurationem vergit, sed vesicæ speciem gignit.

Certiores de hoc morbo fieri poterimus, quando vesica jam disrupta caput animalis se offerat, atque tantum e corpore ipsum erumpat, ut supra baculum extendi queat.

### Prognosis.

Hæc dependet a majore, vel minore facilitate, quam habent Medici in extrahendo dracunculo: dum facile exit, sperare licebit integrum excerpì posse, citoque morbum evanescere; contra vero quando animal oblongum, contortum, & adhærens magis appareat, ut manui extrahenti resistat, & facile disrumpatur.

Igitur periculum maximum adest, cum dracunculus frangitur, nisi cito remediis occurratur.

### Curatio.

Juxta Avicennam dracunculi pertractatio sequentes articulos complectitur.

I. Cum suspicemur dracunculum, & rubrum tumorem cum pruritu conspiciamus; agrum purgare, ipsique venam secare primum necessum erit, ve-

*Astruc de Tumoribus.*



rum partis affectæ cataplasma emolliens, & anodynum applicare ex mica panis, & feminibus lini, lacte ebullitis paratum.

2. Modo dracunculus capi possit, pedetentim supra laminam plumbeam, aut baculum extendi debet; sedulo tamen ne vermis disrumpatur, aut inflammatio in parte affecta excitetur.

3. Si vermis nimis extractioni obsistat, aut pars inflammatione laboret, frequentes embrocationes cum oleo rosato, aut butyro recenti institui debent, vel cataplasma anodynum applicari ex mica panis, & feminibus lini lacte excoctis.

4. Tandem si vermis perfecte extractus fuerit, morbus prorsus sublatus erit, & sat erit, aliquid affundere, & ægrum vulgari leniente purgare.

5. At si contra animal sub cute scindatur, ita ut amplius recipi nequeat, partem statim incidere necessum erit, ut vermis capiatur, & extractio cautius prosequatur, vel si commodius esset, incisionem ita protrahere, ut omne corpus animalculi excerpatur, posteaquam ulcus obvia methodo pertractatur, qua facile ipsius convalescentia obtinetur.

## C A P U T O C T A V U M.

### De Anthrace, sive Carbunculo.

#### Descriptio.

1. **I**N carbunculo tumor se offert complanatus, parum elevatus, valde resistens, quem comitantur intensus calor, & rubor igneus, a quo Græci *anthracis* nomen ipsi præbuerunt, videlicet ἄνθραξ; a Latinis vero *carbunculus* appellabatur; & a recentioribus Auctoribus *pruna*, sive *ignis persicus* nuncupatur.

2. In hujusmodi tumoris specie magnus dolor, atque pruritus adsunt. Ejusdem superficies cooperitur secundo, vel tertio die bullis, sive hydatilibus rubicunda serositate plenis: quandoque bullulæ illæ innumerae ita sunt, ut miliares purpureas referant.

3. Hæ vesicæ cito disrumpantur, & subtus posita cutis cinerea, livida, atque nigerrima fit, scilicet in gangrenam, aut sphacelum desinit.

4. Tunc pars affecta complanatur, plerumque extenditur, & circulo rubro, duro, calenti circumscribitur, qui propinquas partes sensim, sensimque infestat.

#### Differentiæ.

1. *Carbunculus legitimus*, qui circulo circumscribitur, magnitudinem plerumque denarii, vel paulo magis adæquat; in hac specie omnia phenomena altiore gradum attingunt.

2. *Carbunculus spurius*, sive erysipelatosus magnum spatium occupat; non tamen æquabiliter, ut undique eandem deleteriam indolem habeat. In hac specie symptomata minus periculosa sunt.

3. *Carbunculus simplex* a vulgari causa originem ducit; *pestilentialis* vero febrem pestilentialem, aut pestem subsequitur.

4. *Carbo compositus* alio morbo superadditur, ut in phlegmone, aut furunculo carbunculofo &c. quando hi morbi carbunculi naturam induunt.

Sedes



*Sedes Morbi.*

1. Carbunculus in cute locatur, quod oculis patet, sed magis innotescit cutem sublevando, quæ tumorem secum trahit, & ab inferioribus propinquis partibus retrahit.

2. Carbunculus legitimus minime in glandulis sebaceis sedem tenet, in quibus furunculus oriri solet; præterea cum illæ dilatabiles sint; si in ipsis locaretur, carbunculus tumorem sphaericum, & prominentem produceret. Tandem cum huiusmodi morbus nullam partem speciatim afficiat, ut a furunculo fieri solet, qui partes deturpat, ubi confertiores sunt glandulæ; idcirco statuendum erit, ubique ipsum oriri posse.

3. Carbunculus legitimus enim in glandulis miliaribus, quæ sudorem fecernunt, originem habet, quæ glandulæ exiguiissimæ sunt, compactæ, & undique per cutis texturam dispersæ, quapropter idoneæ pro morbi sede evadunt.

*Causæ.*

Ex anteaactis consequens est.

1. In legitimo carbunculo glandulas cutaneas infirmæ partis obstrui, atque inflari.

2. Id evenire, quia sudor, quem ipsæ fecernunt, spissus valde est, & exitui impar, ut in glandulis necessario detineatur.

3. Tumefactionem harum glandularum vix dilatabilium, tumorem complanatum, & renitentem gignere in carbunculo legitimo minus extensum; sed in carbunculo spurio ampliorem pro numero glandularum affectarum, aut morbi intensitate.

4. Hunc humorem, qui glandulas tumefacit, non solum densum esse, verum etiam acrem, & corrodentem.

5. Ipsum denique producere debere dolorem lancinantem, atque urentem vivo pruritu comitatum, qualis revera in carbunculo habetur.

Ex his concludi potest, quidquid valebit sudorem valde condensare, aut acriorem reddere posse, carbunculum gignere. Sed hæc proprietas in sudore a simili sanguinis conditione pendet, & quæ in sanguine producitur.

I. Ab alimentis viscosis, acribusque.

II. Ab imperfectis digestionibus, biliosis præsertim, quæ chylum densum, & acrem producant.

III. Ab exercitio nimio, aut tristitia, quæ similem labem sanguini conciliant.

IV. A mora in sanguine bilis ob hepatis obstructions, præsertim cum bilis detenta acris valde fiat.

V. A virulento latice, qui sanguinem deturpet, qualis est fomes scorbuticus, aut pestilentialis.

His internis causis una addi poterit, quæ externa est, videlicet applicatio alicujus veneni, quod glandulas cutaneas intret, ipsasque lacestat, erethismum moveat, ut carbunculum inducat, modo sudoris vitium simul concurrat.

1. Hujus indolis est venenum quorundam animalium, quod in loco demorfo carbunculum gignit: id affirmant evenire ab ictu *Caudisonæ*.

2. Idem parit pus a parte gangrenosa, aut carbunculosa in sanam defluens.

3. Similiter venenum illud hunc parere valet morbum, quod animalibus inest, certis quibusdam morbis interemptis, vel lanis latitat hircorum peste



emortuorum; ea de causa coriarii frequenter carbunculis afficiuntur, æque ac ii, qui hujusmodi lanas abluunt.

Duplex causa carbunculum versus unam potius, quam alteram partem dirigit.

1. Conformatio naturalis quarundam glandularum miliarium, quæ faciliorem morbosæ materiæ ingressum sinunt: quare facilius labefactantur.

2. Vis inæqualis causarum externarum, quæ variant juxta partis afficiendæ diversum calorem, frigus, aut majorem, vel minorem compressionem; tum ob sorditiem, vel munditiem affectæ partis; vel prout tandem hæc plus, minusve externo contagio subjicitur.

### *Symptomata.*

1. Tumor est complanatus, parumque elevatus in carbunculo, quia glandulæ, quæ ipsum gignunt, exiguæ sunt, parumque dilatabiles.

2. Ipse valde renitens est, quia eadem glandulæ valde premuntur, & tumefactæ corpus durum inflexibile producunt.

3. Calor in ipso acerrimus est, atque urens, tum acrimoniæ ergo morbosæ fomitis, cum inflammationis causa, quæ in parte affecta a vasorum sanguinartencorum compressione oriri solet.

4. Rubor in eo igneus est, quia vasa ibi turgida sunt, ibique sanguis ab riarum oscillationibus valde attenuatur.

5. Superficies carbunculi vesiculis cito obtegatur plus, minusve copiosis, aut amplis, quia serositas e vasis turgentibus erumpens epidermidem in variis locis sublevat.

6. Molestus tunc adest pruritus, tum relate ad fomitis morbosæ acrimoniam, qui glandulas miliares tumefacit, cum ad acrimoniam serositatis, quæ vesiculas inflat.

7. Gangræna, quæ supervenire solet, consequens est nimix tensionis cutis, quæ oscillationes arteriarum sistit, vel ab humoris acrimonia partis contextum destruyente derivat.

8. Circulus ruber, & renitens, qui carbunculum circumscribit, ab inflammatione producitur, quæ gangrænam coercet, ipsamque a fanis propinquis partibus separat.

9. In carbunculo cutis elevata apparet valde compacta, ut certo quodam modo ægri in parte affecta constrictionem, aut vinculum persentiant.

10. Carbunculus continenter febrem comitem habet, quæ vel essentialis est, ubi carbunculum ipsa producat, vel saltem ab eadem causa procedat; symptomata vero, cum sit effectus ipsius carbunculi.

### *Explicatio differentiarum.*

I. Carbo legitimus est, quando peccans materies certo quodam glandularum numero coercetur; erysipelatosus contra, sive spurius dicitur, quando fomes morbi per plures glandulas distribuitur: tunc pro majori dilatatione materiæ morbificæ periculosus minus, minusque perniciosus morbus evadit.

II. Carbunculus plerumque a vitio sudoris derivat, quod vulgares causæ inducere possunt; sed in pestilentiali carbunculo pestis ipsi occasionem præbet.

III. Phlegmone, aut furunculus carbunculofus, carbunculi revera non sunt, sed alteruter in gangrænam desinens.



*Diagnos.*

I. Super allata descriptione facile carbunculus legitimus innotescit; quo ad carbunculum erysipelatofum, ipse a legitimo ex eo distinguitur, quod minus extensus, atque minime circumscriptus appareat; denique carbunculus verus ab erysipelate simplici facile distinguitur ob renitentiam, quæ in carbunculo major est, sed potissimum ob rubrum colorem in carbunculo a compressione etiam persistentem, quod in erysipelate non observatur.

II. Tria vero carbunculi stadia, videlicet inflammatio, vesicularum eruptio, atque gangræna solo inspectu manifestantur. In nonnullis carbunculis hujusmodi mutationes intra quatuor circiter dies accidere solent; in aliis vero post viginti quatuor horas patefcunt.

III. Tandem causæ carbunculi se offerunt perquisitionibus, quæ satis declarant, an ab obvia causa, aut a febris maligna, peste, aut alia externa, & accidentali labe morbus procedat.

*Prognosis.*

Omnis carbunculus periculosus est, ideoque teterrimam, aut valde incertam prognosin proferre cogimur.

II. Carbunculi pernicies multiplici de causa variare poterit.

1. In ratione causæ producentis; carbunculus pestilentialis majus periculum importat, quam malignus; & hic, quam vulgaris.

2. Pro diversis phenomenis, quæ superveniunt; idcirco carbunculus, qui paucam febrem, levem dolorem comitem habet, atque serius in gangrænam desinit, minus periculosus est illo, qui in opposito statu reperitur.

3. Juxta carbunculi positum; majus detrimentum affert ille, qui partes tendineas afficit, vultum, aut collum constrictionum ergo, quas inducit, a quibus sanguinis a capite refluentis reductio intercipitur.

4. Pro varia denique carbunculi specie; nam ceteris paribus carbunculus legitimus magis perniciosus est, quam erysipelatofus.

III. Carbunculus, qui postquam erupserit, citra manifestam causam evanescit, semper letalis est; quia humor peccans in sanguinem reductus pene semper aliquam internam partem infirmit.

*Curatio.*

In carbunculo, ut in reliquis externis morbis, duplex distingui debet medendi ratio: una externa, altera interna.

I. Interna curandi methodus postulat,

1. Venæ sectionem in pede, aut brachio crebro, vel raro, uberius, vel parcius, prout morbi indicationes poposcerint, aut vires permiserint.

2. Ptisanæ exhibitionem, qua affatim æger uti debet, eaque cichoreo, boragine, capillari, atque radice acetosæ confecta, si febris præsertim ardens sit, & pulsus validiores; contra vero si pulsus debilis sit, febris modica, hujusmodi potio confici poterit ex scabiosa, carduo bened., scorzonero &c.

3. Quarta quoque hora cochlearia nonnulla exhiberi poterunt potionis cordialis ex aquis distillatis cardui bened., scabiosæ, diaphoretico minerali, pulvere vi-



re viperino, salibus volatilibus, confectione Alkermes, aut Theriaca, præsertim si pulsus debiles sint.

4. Contra tamen, dum pulsus persistant, febris ardeat, emulsiones præscribi debent, tum jura gallinacea, julapia refrigerantia, quibus addi poterunt syrupus acetosæ, granatorum, limonum, aut guttæ aliquot spiritus salis dulcificati, ad gratam aciditatem conciliandam; vel saltem in his circumstantiis cordialia magis commoventia caute exhiberi oportebit.

5. Ægrum purgare secunda die necessum erit leni emetico, nisi quid obsit; quod repeti debebit, nisi simpliciorum purgationem occasio petat.

6. Solo jure ægrum vesci fas erit, valde diluto, si febris ardens sit; magis nutrienti vero, cum pulsus validiores fiant.

II. Quod ad externam curationem attinet.

1. Citius quam fieri poterit, gangrænæ progressus intercipi debent. Olim pro hoc scopo usurpabatur cataplasma ex foliis paratum scabiosæ, morsus diaboli, corticibus alliorum simul tritis, & parti affectæ admotis, tum vitriolum ceruleum, adipe suillo remixtum, quibus carbunculus obliniebatur.

Hodie tamen statim confugiunt.

2. Ad escharotica tutiora, qualia sunt lapis causticus, præcipitatum rubrum, mercurii solutio, spiritus nitri &c. quorum ope partem exurunt, atque profundius ulcus producunt, quam in carbunculo appareret.

3. Antequam hujusmodi remedia adhibeantur, usque ad vivam carnem carbunculus laniatur, ut pars affecta ex parte saltem a morbifica materie repurgetur, verum etiam ut melius escharotica ipsam pervadant.

4. Modo eschara appareat, forcipe ipsa excerpi debet, antequam sponte decidat; postquamquod ulcus pertractabitur cum vulgari digerenti, tinctura myrrhæ, aut Aloes actuato, usque dum ulcus detersum sit.

5. Ulcere vero deterso, plerumque usuvenit balsamum Arcei pro carnis reproductione fovenda; deinde balsamum viride, filamenta sicca, aut pulvis Terebinthinæ, ut ulcus perfecte cicatrizetur.

6. Tandem, quandoque evenit, quod prima vice pars affecta nondum destructa sit: in hoc casu labor reiterari debet, usque dum omnis abeat gangræna, & ulcus in suppurationem tendat.

## C A P U T N O N U M.

### De Panaritio.

#### Descriptio.

I. **I**nterdum accidit, quod dolor persistens, atque profundus cum calore, & obscura pulsatione circa radicem unguium persentiat.

II. In progressu dolor, calor, atque pulsatio augentur, ita ut ferri non possint, tunc rubor, atque tumor superadduntur, & morbus sane inflammatorius evadet.

III. Haud infrequenter tumor manui, & brachio communicatur; & tunc tensio, rubor, atque pulsatio ultimum gradum acquirunt circa locum affectum.

IV. Febris, per-vigilium, delirium, & convulsiones sæpissime superveniunt, quæ morbum periculosum reddunt.

V. Apparet tandem punctum albicans in loco affecto cum mollitie, & fluctua-



tuationis specie, tunc symptomata imminuuntur, punctum album disrumpitur, materies morbosa effluit, & morbus, quamvis lente, convalescit.

VI. Sæpe tamen, antequam suppuratio se prodât, gangræna digitum aggressa est, & caries ipsa ultimæ phalangi communicata.

VII. Tandem morbus plerumque non abit citra unguis jacturam; sæpe unguis inæqualis per totum vitæ cursum peritat; quandoque penitus destruitur absque regenerationis spe; neque mirum est, quod interdum postrema phalanx destruat.

VIII. Id morbi genus a Græcis *παρωνυχία* *Paronychia* appellatur, quia circa radicem unguis exurgit. Medici recentiores vocem pervertendo *Panaritium* dixerunt, ex quo gallicum nomen *Panaris* derivat; sed idem morbus in diversis regionibus diversa nomina adeptus est.

### *Differentiæ.*

I. *Panaritium verum* est & *legitimum*, quod circa radicem unguis nascitur, in externa digiti parte; *spurium* vero illud est, quod pulpam digiti, atque unguis intimius pervertit.

II. *Panaritium legitimum*, modo *complanatum*, apparet; modo ipsum *eminet*.

III. Idem interdum *gangrænam* minatur; interdum *nequaquam*.

### *Sedes morbi.*

Quamvis panaritium morbus obvius sit, quem frequenter observare quimus; attamen videtur, auctores nuperrimos ejusdem neque indolem, neque sedem cognovisse. Omnes pene conveniunt, tres species affectus dari: *una*, quæ cutim infestat; *altera* periostium; *tertia* tendinum thecam. Tamen abscessus, aut stasis in his partibus orta, neque panaritium est, neque hujusmodi nomen meretur.

En brevi, quod observationes circa naturam, & sedem morbi ostendunt.

Certum est, Panaritium legitimum incipere a paucâ lymphæ rubicundæ, & saniosæ infartu, qui circa radicem unguis, & corticem cartilagineum producit, qui periostium obtegit, & cum ungue necitur.

Id confirmari poterit animadvertendo, ungues tantum, earumque radices panaritio affici, quod undique cognoscitur, ut ex eo morbus *paronychia* dicatur, videlicet morbus prope unguem; at idem fulcitur observationibus Fabricii (a) Hildani, fide dignissimi, qui narrat, se pluries, dum vocatus erat, in incremento morbi cutim incidisse unguem obtegentem, ibique post radicem unguis unum, vel duo puncta reperisse, quæ cultro incidendo unica, vel duplex gutta lymphæ rubræ exierat, postquam statim æger convaleuit.

Hæ observationes procul dubio affirmant, panaritium oriri a stasi paucæ serositatis lymphaticæ sub radice unguis latitantis, videlicet intra hanc radicem, & cartilaginem, quæ obtegit periostium extrinsecus ultimæ phalangi, cum qua unguis necitur.

Hoc leve morbi initium, semel neglectum, sufficit, ut phenomena illa terribilia insurgant, quæ in hoc morbi progressu evenire solent; quæque, (etiam si in lymphis effluentibus nulla corrodens qualitas supponatur,) facile dignosci

(a) Observ. cent. 1. observat. 97.



gnosci poterunt, si experimenta animadvertantur *machinæ Papini*, quæ summam actionem in liquidis valide compressis, ut vix fingi possit, apertissime ostendunt.

Verum, quod attinet ad paronychia illegitima: hæc vel in ungue, vel in extrema digiti pulpa resident, quam, ut plurimum non excedunt, minus idcirco, ac leve incommodum afferunt; quandoque tamen ad unguem usque perungunt, tuncque molestiora sunt, licet multo minus veris, atque legitimis.

### *Causæ.*

Ex dictis patet, paronychia legitima a guttis quibusdam lymphæ subrubæ sparsis, in unguis radice subsidentibus, semper oriri. Separatur itaque hoc loco unguis radix a proximis cartilagineis partibus; quamobrem vasis lymphaticis, & sanguineis dilaniatis, lymphæ subrubra dispergitur.

Hæc autem separatio a duabus solummodo causis potest provenire.

1. A contusione digiti extremi, quæ, vel extra flectens, vel intus adigens unguis radicem, ipsam a propria sede in aliquo puncto disjungat.

2. Ab acus, aciculæ, aut forcipum punctione, quæ unguis radicem pertundat, elevet, nonnullarumque hujusce lymphæ guttarum eruptioni locum præbeat.

Hæ duæ sunt verorum paronychiorum causæ; & futile omnino est, eas in qualitatibus sanguinis, ac lymphæ unguis nutritis inquirere; quod ut statuatur, duæ observationes sufficient.

*Prima*: paronychia adveniunt solum farcinatoribus, iis, qui laborant, vel qui artem aliquam mechanicam exercent, quique ad sibi pungendos digitos, tundendosque expositi sunt.

*Alteræ*: paronychia digitos pedum nunquam infestant, quamvis unguis conformatione ab illis manuum non differant, eademque lymphæ nutriantur. Quoad spurium Panaritium attinet, vel ab aliqua punctione derivat, vel saltem raro a collisione producitur.

### *Symptomata.*

1. Prius obtusum dolorem, atque levem pulsationem sine calore, rubore, aut tumore ægri perferunt, quia tunc simplex lymphæ rarefientia adest absque suppurationis ingressu.

2. Demum dolor, atque pulsatio augentur, prout suppuratio producitur, & tunc calor, rubor, tumor se manifestant.

3. Hæc phenomena plerumque satis valida sunt, quod suavit, morbosum laticem valde corrodentem esse, quamvis id falsum esse, compertum sit, habito respectu sanis de cetero subjectis, quæ crebro hoc morbo corripitur solent; ast vehementia symptomatum pressioni coacervatæ lymphæ tribuenda videtur; præsertim cum a resistentibus membranulis lymphæ virtus eo magis augeatur; hæc enim de causa vidimus in machina Papini puram aquam compressam ossa emollire simplici ignis actione.

4. Hæc calamitas interdum intenditur, ita, ut tumor, atque dolor manui, atque brachio communicentur, donec intumescant, atque inflammatio superveniat; tunc febris, pervigilium, delirium, & convulsiones plerumque, vel syncopes etiam occurrunt.

5. Dolor, quem in Paronychiis ægri patiuntur, vix cum aliis doloribus comparari quit, qui reliquos tumores inflammatorios comitantur. Hos enim ipse



ipse longe superat, quare non solum lancinans, sed potius perterebrans appellari potest, quod oritur a summa coarctatione stagnantis laticis.

6. Suppuratio tamen unguis radicem perfodit, interdum etiam pus intra unguem, & digiti pulpam viam sibi aperit; plerumque tamen exterius nunquam se præbet, nisi prius os in cariem, & phalangem in gangrænam mutaverit.

7. Vehemens hujusmodi suppuratio necessario filamenta radice unguis destruere debet, vel quod hoc acrimoniæ laticis tribuatur, vel conatui effervescentiæ suppurantis materiæ; certum est, ab his derivare paulo post convalescentiam unguis casum.

8. Verissimum sane est eadem filamenta a cute exeuntia pro radice unguis formatione iterum produci, atque in longitudinem crescere, ut novus unguis oriatur priori succedens; at cum hujusmodi filamenta suppurationis actione valde labefactata sint, unguis iccirco nunquam levigatus, sed inæqualis, atque scaber per totum vitæ cursum apparebit.

9. Interdum tandem evenit, quod unguis basis ita destruat, ut etiam, sublato morbo, nunquam unguis reproducatur, & digitus quotidie super sit ungue orbat.

Ea phenomena tamen mitiora sunt in panaritio spurio; suppuratio facilius perficitur, & consecutiones minus teterrimæ sunt; quod derivat a diversitate sedis, quam occupat morbosus fomes, qui cum minus coacervatus sit, facilius exitum sibi pandit.

### *Diagnosis.*

1. Recognoscitur facile sedes, quam Paronychia occupant a descriptione superius allata.

2. Panaritium legitimum a spurio distinguitur a sedis differentia, & phenomenorum indole diversa.

3. Panaritium complanatum a prominenti visu, & tactu distinguitur.

4. Tandem gangræna, aut caries violentia, magnitudine morbi, segnitie suppurationis fatis se manifestant.

### *Prognosis.*

1. Panaritium fere nunquam letale est; attamen inter periculosas calamitates merito recensetur ob dolorem, quem inducit; phenomena, quæ parit; atque consecutiones, quæ ipsum subsequuntur.

2. Quo magis panaritium prominet, eo facilius suppuratio perficitur, atque tumor citius disrumpitur, quod ceteris paribus multum periculi demit.

3. Panaritium legitimum spurio minus periculosum rationibus supra enunciatis est.

4. Illud tamen, quod in cariem aut gangrænam abit, nunquam periculo vacat.

### *Curatio.*

Duplex est curandi methodus; interna una; externa altera.

I. In curatione interna. 1. necessum est ægrum ex brachio phlebotomizare ex opposita parte, quod pluries reiteratur pro ratione doloris, atque inflammationis.

2. Sanguinis effervescencia compesci debet per julapia, obvias emulsiones cum



cum syrupis limonum, granatorum, acetosæ, aut cum spiritu salis, seu vitrioli dulcificato, guttatim affuso ad gratam aciditatem conciliandam.

3. Narcotica usuveniunt pro dolore sedando, videlicet syrupus Diacodii, pilulæ cynoglossi, tinctura anodyna, laudanum solidum &c. Quorum dosis pro morbi vehementia moderatur.

4. Sunt clysmata injicienda refrigerantia, anodyna, ægrum brodio, & ptisana nutriendo.

5. Tandem paucis diebus transactis, ut febris imminuatur, ælvum ciere oportet levi purgatione, aut blando emetico, prout indicationes postulaverint.

II. Quoad externam curationem pertinet, tutior methodus est, stasis sedem invenire, quod per renitentiam detegitur; ibi brevis incisio instituitur juxta digiti longitudinem ad unguis usque radicem; cute ita dissecta abscessus secatur, & serositas extrahitur; postquam vero paucus fluxerit sanguis, vulnus cooperitur filamentis spiritu vini imbutis cum pauca simul theriaca. *Fabricius Hildanus* idem consuevit.

Nisi hæc methodus adhibeatur, subjicitur æger diuturnitati, atque periculo sequentis curationis, quæ obvia est.

1. Primo supra partem affectam ad dolorem sedandum cataplasmata applicantur, ex lacte, & mica panis parata, aut lintea lacte vaccino madida, ubi ebullierint flores meliloti, camomelli, & sambuci, tum cataplasmata confecta ex pulpa hyusciami, solani, atque fedi &c. commendant potissimum lenticulam aquaticam, atque plantam illam, quæ paronychia (a) appellatur, quibus specificè dolorem compesci putant, quinimo facile credunt ab hac proprietate hujusmodi plantam nomen (b) derivasse, at dissentiunt circa stirpis (c) speciem quæ ita nuncupari debeat.

2. Subacto aliquantisper dolore, suppuratio promovenda videtur cataplasmatibus confectis ex pulpis putrefacientibus radices liliorum, cæparum, fermenti veteris, radices brionis &c. vel cum emplastro diachyli gummosi; aut ex fœmis animalium, vaccæ nempe, canis, muli &c. sub forma pariter cataplasmatibus applicatis. *Riverius* jubet, digitum diu in aurem felis detineri, qua methodo (d) asserit, post duplicem horam dolorem sedari.

3. Neque negligi debet tumoris incisio, modo aliqua mollities appareat, antequam suppuratio perficiatur, quæ ossum in cariem convertere posset; pure evacuato, atque leniter expresso ulcus vulgari digerenti pauca tinctura myrrhæ atque aloes actuato oblinitur.

4. Si tunc carnes spongiosæ crescant, ut fieri solet, destruuntur unguento ægyptiaco, alumine usto, lapide infernali, aut caustico.

5. Si caries ossum infestet, quæ superficialis non sit, exfoliatio promovetur turundam applicando Myrrhæ, Aloes, aut evphorbii imbutam, aut cauterium actuale apponendo; at si caries profunda sit, & phalanx valde deturpata, ea prorsus scindi debet, posteaquam consueta methodo vulnus pertractatur.

6. Tandem, si gangræna superveniat, remedia adhiberi debent superius cap. 3. proposita vel si progrediatur, digitus statim scindi oportebit.

In

(a) Dioscorid. l. 4. c. 54.

(b) Galen. de Simplic. medic. lib. 3. Paronychia, ait, ab effectu nominata est. Sanat enim paronychia.

(c) Tabernæmontanus putat ipsam esse *Alfinis* speciem: *Raius* vero *Bursa pastoris*. Speciem; *Boyleus* *Sedum tridactylites testorum*; *Boeclerus* tandem in *Cynofura* materie medicæ continuata, ipsam vocavit *Polygonum minus candicans supinum*.

(d) Centur. 4. observ. 63.



In Occitania putant, panaritium curare, quod interdum utiliter evadit, digitum aqua ebullienti immergendo: hujusmodi methodus tamen a Medicis derivare credendum est, cum reperissem Hieronymum Fabricium (a) ab Aquapendente idem commendasse.

## CAPUT DECIMUM.

*De Parotidibus, Bubonibus ceterisque axillarum, aut inguinum tumoribus.*

*Descriptio.*

- I. **I**N diversis glandulis conglobatis, aut lymphaticis colli tumores inflammatorii producuntur, quos comitantur rubor, calor, dolor, atque pulsatio.
- II. Hi tumores quandoque resolvuntur; saepe in suppurationem vergunt; quandoque in scirrhum desinunt; haud infrequenter etiam in gangrenam convertuntur.
- III. Sape ipsi febrem subsequuntur, quæ essentialis tunc est; interdum febris a tumorum apparitione evanescit, & critici tunc dicuntur; frequenter tamen etiam febris hujusmodi tumores consequitur, quæ symptomatica videbitur.
- IV. Hi tumores, quamvis causæ producentis respectu parum inter se differant; tamen consecutionum ergo, vel positus, aut remediorum exhibitionis causa valde differunt. Græci, & Latini ipsos *Βυβωνες Bubones* appellant, dum glandulas inguinales, aut axillares infestant: *Παρωτίδες* dicunt illos, qui in glandulis lymphaticis producuntur circa aures, maxillam aut collum locatis.
- V. Præter sæviores tumores, duros, renitentes, inflammatorios, curatuque difficiliores, qui glandulas axillares, inguinales, parotides infestant, eadem glandulæ sunt infartui obnoxiae, qui tumores molles œdematosos producit; hi tumores dum parotides deturpant, a Gallis *Orveillons*, dicuntur, aut *croissans*, dum axillares, & inguinales glandulas infestant: ipsi tamen mitioris indolis sunt. Similes tumores, & reliquas glandulas afficere solent, qui tamen speciali nomine minime designantur. Græci *Φυρεθρά* aut *Φυμάτα* hujusmodi leviores tumores appellant, quocumque loco superveniant, & a Latinis *Pani* dicuntur. Ipsi denique in infantia crebrius, quam in pubertate eveniunt.

*Differentia.*

- I. Distinguitur *Bubo venereus*, qui a fomite celtico producitur; *bubo scorbuticus*, qui a lue scorbutica procedit; & *bubo pestilentialis*, quem pestis gignit; *bubo malignus*, qui febri malignam consequitur; & *bubo simplex* magis obviuus, qui a vulgari causa dependet.
- II. De bubone maligno, atque simplici tantum agemus, qui tres species complectuntur, scilicet bubonem *phlegmonosum* ubi inflammatio se prodit; *œdematosum* in quo œdema se manifestat; & *scirrhusum*, qui in tumoris centro maximam duritiem, atque resistentiam exhibet.
- III. Bubones denique generice inter se differunt ob specialem configurationem: modo enim *rotundi* sunt, modo *oblongi*; modo *unicum* tumorem, modo

(a) De Chirurg. operat. c. 103.



do plures simul congestos exhibent: at hujusmodi differentię plerumque parvi penduntur.

IV. Similes differentię parotides, ceterosque tumores inflammatorios, aut oedematosos respiciunt glandularum, cujus indoles ab illa bubonum vix distat.

#### Causæ.

Cum Bubones, aut Parotides in glandulis lymphaticis sedem habeant, certumque sit hujusmodi tumores lymphaticos esse, videlicet a lymphâ productos; erunt idcirco causæ perpendendæ, in lymphæ circulo vitiato latitantes.

Sanguis, & lymphâ simul per eadem vasa, videlicet arterias a corde omnes versus corporis partes propelluntur; qua de causa lymphæ cursus ab illo sanguinis haud differt, easdemque leges omnino prosequitur.

In omnibus partibus cujusque arteriæ capillaris extremum in duplex vas definit: quorum *alterum* latius est, ipsumque proinde intrat pars rubra sanguinis lymphæ portioni remixta, ubi *vena sanguinea capillaris* initium habet; *alterum* angustius est, ipsumque penetrat maxima lymphæ pars, & hinc *vena lymphatica capillaris* oritur.

Hæc exigua venula sanguifera simili consociata grandiores ramum gignit; amplior hic ramus ab aliorum similium additione grandiores truncos generat, qui a partibus diversis sanguinem reducant, & omnes tandem in cavam influunt, aut in venam pulmonarem, ex quibus sanguis in auriculas cordis versatur, & in ventriculos tandem. Talis est circulus sanguinis perfecte cognitus, de quo supervacaneum est ulterius loqui.

Exigua vero venula lymphatica ab extremitatibus arteriolarum nata, cum aliis similibus copulata, ampliores truncos gignit, quorum ope lymphâ paulatim, segniter tamen cordi appropinquatur; singulari tamen ratione, quæ fusius explicari oportebit.

Deciperemur putando venas lymphaticas lymphæ regressui destinatas cavitatem donari, ut vasa sanguinea, continuata, lymphamque assiduum cursum habere, ut sanguis in venis habet, quinimo scimus identidem venas lymphaticas a glandulis *conglobatis* dictis intercipi, quæ lympham redeuntem recipiunt, eamque lympham glandulis haustam per excretorium ductum in alias venas lymphaticas devehunt, quæ subtiliorem partem in similes, sed ampliores glandulas transducunt, & ita successive progrediendo, omnis lymphâ venam subclaviâ sinistram intrat, ubi rursus sanguini remiscetur.

Hujus rei exemplum præbent venæ lymphaticæ, quæ dum lympham a pede reducant, in plures exiguas glandulas conglobatas desinunt, quæ sub planta pedis sunt, vel circa articulos cruris, atque pedis. Ab his glandulis novæ venæ lymphaticæ procedunt, quæ lympham in alias glandulas devehunt circa genua locatas, ubi lymphâ a reliquo crure redux eodem tempore per speciales lymphaticas venas transfertur; a postremis hujusmodi glandulis venæ lymphaticæ ampliores oriuntur, quæ ad inguina lympham adducunt, ubi per alias lymphaticas venas lymphâ femoris reliqua transducitur. Ex hoc loco, ut brevitati consulamus, lymphâ successive, atque eadem methodo glandulas conglobatas intrat, quæ in bifurcatione arteriarum hypogastricarum reperiuntur, atque glandulas illas centrales mesenterii, quæ *pancreas Asellii* nuncupantur.

Denique *cisternam sequetianam* lymphâ implet, atque tandem ductum thoracicum ingreditur, qui in subclaviâ sinistram aperitur.

Lym-



Lympha ex partibus imi ventris redux, postquam huc illuc in exiguis glandulis perstitit, omnis in pancreas Asellii colligitur, ex quo in cisternam pequetianam, & ex hac per ductum thoracicum subclaviam sinistram intrat.

Pari ratione lympha ex partibus superioribus corporis reducitur; ipsa enim ex manibus in glandulas volæ, ex his in articulos, deinde in musculos Deltoides, & potissimum in glandulas axillares transitum facit, ubi similiter lympha congeritur partium externarum, videlicet thoracis, dorsi, atque mammarum, quæ in utroque sexu verissimæ sunt glandulæ lymphaticæ. Tandem ibi collecta lympha in subclaviam sinistram per duas, aut tres grandiores venas lymphaticas transfertur, quæ *vasa rorifera bilis* nuncupari solent.

Lympha, quæ a capite tum ab externis, cum ab internis partibus revertitur, per plures venas lymphaticas utrinque glandulas intrat, quæ circa aures in propinquitate maxillæ inferioris collocantur, vel circa collum positæ sunt, ex quibus locis per ampliores truncos in vasa rorifera bilis, aut immediate in subclaviam sinistram transmittitur.

Tandem lympha, quæ a pulmone procedit, postquam per viam glandulas nonnullas penetraverit, omnis in Thymum colligitur, quæ vera glandula lymphatica est, ex qua in vasa rorifera, aut in subclaviam sinistram per propria vasa transducitur.

Ab hac lege excipi debent venæ nonnullæ lymphaticæ, quæ ab interiori parte costarum procedunt circa spinam dorsalem, & alterutrum latus intrant canalis thoracici.

His rebus explicatis, facile cognoscitur, quomodo lympha tot excursionibus submissa segniter procedere debeat; eoque magis, cum venæ lymphaticæ ex una parte sint tunica diaphana, gracili, fibris muscularibus orbata fabrefactæ, nullumque elaterium habeant, aut debilem valde, ut neque servare, neque augere lymphæ motum valeant; ex altera vero parte glandulæ conglobatæ, quas lympha permeat, ex vesiculis, aut cellulis conflentur ejusdem indolis communi membrana involutis, invicem communicantibus, ut lympha per per venas *afferentes* ibi affluens singulas cellulas percurrere debeat, antequam venas *deferentes* intret, quem cursum satis patet, fieri non posse, absque quo lymphæ motus retardetur. Anatomici tamen ab hac animadversione commoti modos perscrutati sunt, quibus lymphæ motus accelerari possit. Alii enim docuerunt, venas lymphaticas plerumque ab arteriis circumcingi, earumque pulsationibus esse obnoxias; alii magni fecerunt positum harum venarum in interstitiis musculorum, qui se contrahendo venas lymphaticas premunt, & motum lymphæ ita accelerant; utrique vero affirmant, easdem venas, præsertim cum ab inferioribus partibus veniant, innumeris valvulis sigmoideis instrui, quæ valent sustinere lymphæ ascendens pondus, & subsequens cursum fovere.

At hujusmodi utilitates, quamvis efficaces essent, impedirent potius stasim lymphæ in propinquis partibus, quod quidem sæpe evenit, nunquam tamen lymphæ segnitiam sanguinis saltem respectu tollere possent; id enim requiritur, ut lympha corporis nutritioni inserviat, cui operi est destinata, at supervacaneum est hæc perpendere, quæ nostrum institutum non respiciunt.

Sat enim erit concludere ex notionibus superius allatis glandulas lymphaticas, aut conglobatas, nunquam tumescere, ut bubones, aut parotides producant, nisi lympha congeratur, & in earum cellulis subsidat; quod a triplici causa oriri potest.



*Prima* est spissitudo ejusdem lymphæ, quæ difficile cellulas omnes permeat, quas percurrere debet, ut ipsius cursus perficiatur.

*Secunda* est labefactatio roboris glandularum, aut occlusio communicationum cellularum, ut lymphæ necessario persistat.

*Tertia* tandem est confluentia utriusque simul præcedentis causæ.

I. Spissitudo lymphæ a pluribus causis procedit.

1. A qualitate sanguinis, qui lympham suppeditat, cum & ipse sit inspissatus alimentorum crassiorum usu, imperfectis digestionibus, animi passionibus, vel aliis innumeris de causis; nempe,

2. Ab externo frigore, cui interdum glandulæ subjiuntur; qua de causa lymphæ inspissatur.

3. A lue venerea.

4. A fomite scorbutico.

5. A viro pestilentiali, quæ omnia lympham, quamvis diversa ratione inspissando, inquinant.

6. Ab admixtione puris, aut crassioris sanguinis partis; hac de causa in Erysipelate, inflammatione, aut ulcere alicujus partis, glandulæ intumescunt, quæ lympham refluentem recipiunt; hoc frequenter observatur in infantibus, qui caput aliquo morbo habent deturpatum, in quibus colli glandulæ a reducta lymphæ inflantur.

II. Imminutio roboris glandularum lymphaticarum, earumque cellularum intercepta communicatio pro causa recognoscunt contusiones ab ictibus, ca-sibus, aut compressionibus validioribus; quapropter quotidie observamus mulieres a percutionibus mammarum tumoribus lymphaticis affici, qui tandem carcinomatosi fiunt.

III. Hæ duæ priores causæ quorum altera lymphæ, altera glandularum vitium respicit, simul facile collineant, & in glandulis tumores magis periculosos, atque curatu difficiles parit.

Quamvis omnes glandulæ corporis lymphaticæ equabiliter sint hujusmodi causis obnoxia; bubones tamen, & parotides, videlicet tumores glandularum inguinalium, axillarum, atque parotidum magis frequentes sunt, quam tumores ceterarum glandularum; & hoc multiplici de causa.

1. Quia glandulæ inguinum, axillarum, atque aurium externo frigori magis subiiciuntur.

2. Quia ipsæ lympham recipiunt a partibus frigori magis expositis, ideoque illam recipiunt jam inspissatam.

3. Quia ipsæ uberiorem lympham accipiendo facilius etiam ejusdem stasim patiuntur.

4. Quia lymphæ ibi refluens magis spissa est, quia a partibus a corde magis longinquis derivat, ipsaque jamdiu a sanguine separata fuerit.

Speciatim parotides frequentes sunt in febre maligna.

1. Quia lymphæ magna copia tunc a capite refluit sanguinis ergo ibi congesti, phlogosim aut inflammationem producentis.

2. Quia lymphæ nonnihil tunc sanguinis particulis oneratur phlogosis causa in venas lymphaticas devoluti.

3. Quia ipsa sæpe affert portionem aliquam puris, modo parotides se prodant initio suppurationis.

Reliquorum tumorum respectu a parotidibus non admodum absumilium, qui glandulas axillares, sive inguinales occupant, tumores sunt potius cedematosi, quam



quam inflammatorii, quorum resolutio facile obtinetur; nam a lymphæ stagnatione in iisdem glandulis proveniunt, & in infantibus frequentes sunt.

In his subjectis enim lymphæ in glandulis facile subsistit; quia in ipsis crassior est, magisque gelatinosa, ac proinde ad stasim magis disposita, modo aliqua de causa novus gradus spissitudinis superaddatur; hoc inducere valet vitium digestionum, cui infantes sunt obnoxii voracitatis ergo, idemque parit externum frigus, cui exponuntur.

### *Symptomata.*

1. Dum lymphæ in glandulis conglobatis subsidit, cellulae omnes extendi debent, atque glandulae tumesceri plus, minusve in ratione resistentiæ, atque infartus gradus.

2. Si glandulae intumescencia cito perficiatur, compressio, quam patiuntur propinque venæ, erit in causa stagnationis sanguinis, ac proinde phlogosis, atque inflammationis: præsertim si cruor sui rarefactioni sit magis dispositus, quæ phenomena, vel nunquam, vel mitiora evenient, cum lente intumescencia glandularum procedat, minusque videatur sanguis rarefientiæ pronus.

3. Glandulae tumor, ejusdemque renitentia a glandulae ipsius magnitudine circumscribi debet.

4. Dolor, qui comitatur plerumque hujusmodi tumores, plus, minusve intensus est pro celeritate, amplitudine, atque gradu inflammationis ejusdem tumoris.

5. In inguinum bubonibus crura frequenter oedematosa fiunt in his glandulis lymphæ circulationis interceptæ ergo; simili de causa superiores artus intumescunt in bubonibus axillarum, sed hæc tunc potissimum accidunt, cum hujusmodi glandulae cito tumefactæ fuerint; neque unquam oedema apparet, modo harum glandularum nonnullæ adhuc sinant lymphæ transitum; vel cum segniter, & ope congestionis tumor perficiatur: nam lymphæ novos cursus habet per glandulas musculorum propinquorum, deltoidis potissimum.

6. Pervigilium, atque febris, quæ effectus sunt doloris, in ejusdem ratione perstant.

7. Omnia hæc phenomena in reliquis pariter tumoribus similibus accidunt, sed mitiori gradu; nam lymphæ stasis lentius procedit, minori copia subsidit, neque conspicuam inflammationem parit, aut in iis glandulis dolorosam tensionem.

8. Posteriores enim tumores plerumque resolvuntur, quia lymphæ in his multum fluiditatis retinet; verum in infantibus, qui magis hisce affectibus sunt obnoxii, omnia vasa latiora, patula, atque facile permeabilia sunt, ideoque ad hauriendam lympham stagnantem magis idonea.

### *Causæ Differentiarum.*

1. Fermentum gallicum, scorbuticum, aut pestilentielle bubones producit venereos pariter, scorbuticos, aut pestilenciales; febris maligna bubonem parit mali moris; & causæ vulgares simplicem tumorem.

2. Ostendimus jam, bubonem phlegmonosum oriri a glandulis cito tumefactis per viam fluxionis, in quibus sanguis subsidens facile sponte rareseat; oedematofum vero fieri, cum intumescencia lentius progrediatur, atque cruor



serofus magis fit; scirrhum denique bubonem perfici, cum in glandulis humor lente per viam congestionis detineatur, & lymphæ spissa magis sit.

3. Bubo unicus est, cum simplex glandula afficiatur, vel plures simul congestæ intumescant; contra in plures tumores divisus apparet, cum plures glandulæ corripiantur, & ipsæ invicem sejunctæ sint; tandem bubones oblongi, aut rotundi fiunt pro diversa glandularum tumefactionum configuratione.

#### Diagnosis.

1. Bubones, atque Parotides tumores sunt valde distincti ob eorum sedem, circumscriptionem, atque renitentiam, ut vix cum simplicibus phlegmonibus confundi possint. Ceteroquin visus, atque tactus docent, si ipsi prominentes, aut complanati sint; si phlegmonosi, oedematosi, aut scirrhusi; si denique in resolutionem, aut suppurationem vergant.

2. Causæ bubonum a præsentibus circumstantiis deducuntur, si post suspectum, illicitumque coitum veniant, vel in subiecto jam venerea lue infecto venerei judicantur; scorbutici, si in scorbutico; Pestilentiales in peste affectis; ut maligni, qui febrim malignam subsequuntur. Citra has causas simplices sunt: quod pariter intelligi debet de parotidibus, ceterisque tumoribus.

3. Quamvis benigni reliqui tumores eandem bubonum, atque parotidum sedem occupent, facile a bubonibus, vel aliis malignis tumoribus distinguuntur, modo animadvertatur renitentiam, inflammationem, calorem, atque dolorem mitiori gradu pollere, nullamque febrem, vel levissimam adesse, ceteraque phenomena mitiora existant.

4. Multo minus hi tumores, qui ut superius admonuimus, *oreillons*, & *croissans* appellantur, cum phlegmonosis tumoribus confundi possunt, a quibus facile distinguuntur, tum positus ergo, quem occupant, cum limitum, quibus circumscribuntur.

#### Pregnosis.

1. Bubones atque parotides periculo nunquam vacant, sed hoc causæ magnitudinem prosequitur; ideoque bubo pestilentialis multo magis periculosus est, quam malignus, & quam scorbuticus; hic, quam venereus; & venereus, quam simplex bubo.

2. Pro diversa tumoris qualitate bubones complanati prominentibus periculosiores sunt; phlegmonosi oedematosis; & scirrhusi magis pertinaces sunt, difficiliusque convalescunt phlegmonosis, & oedematosis.

3. Pro phenomemorum concomitantium genere difficilius judicantur ii, qui sero, vel nunquam, quam qui facile in suppurationem vergunt.

4. Pro sede, quam occupant bubones inguinales, segnius putrescunt, quam axillares; & parotides difficilius, quam inguinales.

5. Speciatim parotides maximum damnum afferunt, quia venas jugulares comprimendo, sanguinis a capite refluxum intercipiunt, ac proinde stasim augent.

6. Parotides perniciosissimæ observantur, si cum mentis aberratione superveniant; quia tunc, vel ab exuberanti inflammatorio cerebri infartu procedunt; vel (quod pejus est) ab ipsius suppuratione derivant.

7. Hujusmodi tumores contra salutares sunt, & judicatorii, si cum levami-  
ne



ne symptomatum appareant, quia tunc ob resolutionem oriuntur, in qua, ut supra admonuimus, venæ lymphaticæ aliquot sanguinis guttulas semper resorbent.

8. Bubones, atque parotides majus periculum conjunctum habent, quæ febrim subsequuntur, quam si ipsam præcedant.

9. Valde periculosum est, si bubones, atque parotides, derèpente sine manifesta causa evanescant; quia hujusmodi delitescencia pro legitima resolutione haberi nequit, sed suspicionem inducit alicujus metastasis, sive stagnantis humoris transfusionis in nobiliorem partem, ut frequenter accidit.

10. Quod ad reliquos supradictos benignos tumores attinet, qui infantes potissimum solent afficere, periculo plerumque vacant, & sponte evanescent, modo ægros a frigore tueamur. Hi tumores enim neque valde renitentes, neque inflammati apparent, neque resolutioni rebelles.

### Curatio.

Hic assignare non intendimus curationem, nec bubonum pestilentialium, nec scorbuticorum, nec venereorum; sed solum bubonum, & parotidum, qui aut in febre maligna evenire solent, aut sunt ab ordinariis causis producti.

Hæc curatio vel respicit remedia interna adhibenda, & tunc curatio *interna* appellatur; vel illa, quæ externe adhiberi debent, & tunc *externa* nuncupatur. Utraque est ex ordine exponenda.

#### I. In curatione interna.

1. Venam secare oportet in bubone, aut parotide, modo jam venæ sectio instituta non fuerit; & cum hi tumores maligni sint, pluries venæ sectiones sunt iterandæ; pro numero, aut magnitudine venæ sectionum, ratio habenda est tumorum conditioni, atque viribus ægri.

2. Circa victus rationem ægri continuo jure, & prisana alantur.

3. Adhibeantur etiam julapia, aut apozemata diluentia, & refrigerantia, cum boragine, cichoreo, nasturtio aquatico, additis etiam scabiosa, aut carduo benedicto, si pulsus status postulaverit, videlicet debilis valde sit.

4. Ægrum necessum erit purgare emetico, vel simplici cathartico juxta morbi indolem, ea pluries repetendo.

5. Tandem diaphoretica, & cordialia mitiora convenient, videlicet confectio hyacinthina, theriaca, pulvis viperinus, diaphoreticum minerale &c. si febris mediocris sit, & hæc remedia pulsus sinant.

#### II. Curationis externæ respectu;

1. Cataplasmata emollientia, & laxantia ad dolorem leniendum primo adhibentur, ex mica panis, vel ex oryza cum lacte ebullitis, aut vino dulci, vel denique ex farina avenæ, cum lacte, & melle excocta.

2. Vitari debent resolventia, cito nimis applicita, eoque magis repellentia, quorum potissimus effectus est, glandulam indurare, & scirrhosam reddere.

3. Si bubo, aut parotis sponte evanescat, solo emollientium usu statim purgantia, atque diaphoretica repeti debent ad humorem per inferiora, aut per diaphoresim eliminandum, aut metastasin in nobiliorem partem impediendam.

4. Contra si bubones, & parotides persistant, maturantia, atque digerentia sunt applicanda, quæ suppurationem promoveant. Talia sunt cataplasmata ex pulpis malvæ, althææ, brancæ ursinæ, radicis liliorum, caparum, basilico, fermento veteri, & oleo liliorum; potissimum tamen emplastrum de diachylo compositum impendi solet.



5. Bubones , tum inguinum , tum axillarum minime aperiri debent , nisi perfecte suppurati , & molles appareant , modo symptomata non urgeant .

6. Cum glandulæ corpus solutum fuerit , per crucialem incisionem aperiri debet , angulos cutis remote forcipe scindendo , vel lapidem causticum applicando , qui aptiorem aperturam producit .

7. Parotidum respectu aperiri debent , antequam suppuratio perficiatur , ne ob compressionem , quam pariunt ipsæ venarum jugularium , cerebri infartum augeant .

8. Tutior methodus erit oblongo frustulo lapidis caustici juxta ejusdem longitudinem tumorem aperire , ut tali pacto glandulæ tumefactæ venter resolvatur . Deinde forcipe eschara tunditur , & butyro recenti , aut basilico promovetur superstitis casus .

9. Demum bubones , & parotides jam aperte , digestivo simplici , vel cum oleo simul hyperici , pulvere Myrrhæ , aut ejusdem tinctura pertractantur . Ulcere deterfo vulgari methodo sanatur , videlicet cum balsamo Arcei , ut carnes restituantur , & sub fine balsamo viridi , quod cicatricem producat .

10. Si omnis glandula per suppurationem soluta fuerit , ulcus consolidatum , atque cicatrix cito restituta videbitur ; at si glandulæ portio aliqua superfit indurata , erit forcipe aut escharotico rescindenda ; ceteroquin si bubones , aut Parotides in scirrhum convertantur , remedia impendi debent scirrhu appropriata , de quibus alibi disserturi erimus .

11. Quo ad reliquorum benignorum tumorum , qui prope aures , aut inguina nascuntur , curationem spectat , sat erit venam secare , & jura , atque apozemata refrigerantia præscribere , atque ægros lectulo detinere ; denique tumores oleo camomillæ , aut lumbricorum terrestrium irrorantur , vel superimponitur lana pinguis , quæ prius fumo succini , aut ambari lutei exposita fuerit .

## C A P U T U N D E C I M U M .

### De Pernionibus.

#### Descriptio.

*Perniones* , (a) quos Galli *Engélures* appellant , & Græci *Χειμῖδα* quatuor diversa stadia nobis offerunt , quæ invicem distinguere debent .

1. Manuum , aut pedum digitis , vel propinquis partibus levis intumescencia apparet , cum rubore , dolore , pauculo calore , atque pruritu ; pars affecta pressioni cedit , sed restituitur , vix ulla pressioni macula relicta , tunc morbus appellatur *incipiens* , seu *oedermatosus* .

2. Aucta intumescencia , augentur calor , & dolor in eadem ratione , & pars magis rubicunda fit , ita tamen , ut a pressione albescat , & pernio *confirmatus* , aut *Erysipelatosus* dicitur .

3. In progressu , his omnibus eo magis auctis , tamen pars affecta rubedinem servat , adeo ut pernio *phlegmonosus* dicatur .

4. Tandem bullulæ efformantur , a quibus cutis scinditur , & perniones dirumpuntur , atque in ulcus degenerant , ideoque pernio tandem *ulcerosus* appellatur .

Sedes

(a) Italis *Bugancie* .



*Sedes.*

Neminem latet, perniones pedes, manusve circa digitos infestare, tum nares, labia, & externam faciem aurium deturpare, generice omnes corporis extremitates, præsertim cum frigoris insultibus exponantur.

*Causæ.*

1. Perniones, nisi hyemali tempore superveniunt frigoris ergo, præsertim cum de repente a callente ambitu ad frigidum, & contra, transitum facimus, quia tunc frigoris actio validior fit. Ea igitur est, quæ lymphæ spissitudinem producit, cui perniones tribuuntur.

Lympha inspissata in propriis vasis subsistit, vel redux etiam lente refluit, quam ob causam vasa lymphatica intumescunt, & tumor propinquæ parti communicatus, cutem elevat frigori magis expositam.

Hæc intumescencia a simplici lymphæ nata, *oedematosa* dicitur, neque colorem affectæ partis mutat; & quamvis pars hujusmodi mollis sit, tantum adhuc elaterii superest, ut affluens lymphæ suum cursum aliqua ratione prosequatur.

2. Lymphæ infartus continuatus, quin immo auctus, ita vasa lymphatica tumefacit, ut hæc propinquas venas comprimant, atque sanguinis circuitum retardent; quapropter tumor magnopere increfcit, ruborque sensibilis magis fit, a pressione tamen adhuc evanescens, ut merito quidem tunc perniones *Erysipelatosi* dicantur.

3. Eadem causa persistente, sanguinis stagnatio continenter augetur, & pinguedini, atque membranæ cellulari, cuti substratæ communicatur, quod veram inflammationem producit, rubore, calore, atque dolore comitantibus; & Perniones tunc *phlegmonosi* fiunt.

4. Tandem e vasis lymphaticis, aut sanguineis valde turgentibus serositatis guttulæ stillant, quæ ab epidermide detentæ bullulas producant, ut si disrumpantur, cutis scissuras faciant, in ulcera desinentes; ab his oriuntur *Perniones ulcerosi*.

I. Partes pernionibus magis obnoxia, ut superius diximus, sunt digiti manuum, pedumque, nares, labia, aures &c. & hoc duplici de causa.

1. Quia hujusmodi partes, cum a corde magis distent, sanguis ibi affluens, motus, atque caloris maximam partem amiserit, quod lymphæ pariter eveniet; ideoque facilius ipsa subsidet.

2. Quia eadem partes externo frigori magis expositæ sunt, tum earum positus, cum voluminis ergo.

II. Non sumus omnes æqualiter pernionibus obnoxii; nam experientia docuit, illos præsertim hoc morbo corripì, qui lymphæ spissa, viscosa, parumque salina donantur, ut infantes, mulieres, pituitosi, & abstemii.

Contra, Perniones nunquam infestant eos, qui lymphæ tenui, salina, & acriori præditi sunt, ut adulti, biliosi, & vini bibitores.

*Symptomata.*

1. In Pernionibus tumor initio albus apparet, dum simplex lymphæ retardatur; calet tamen, & dolet aliquantulum.



2. Pernio tunc mollis est, cum aliquo tamen elaterio, quia lymphæ subfūdens nondum vasorum tunicas relaxaverit.

3. Cum sanguis ipse in pernionibus subsistat, calor, rubor, atque dolor augentur; nihilominus infartus nondum valet rubedinem a pressione servare.

4. Hæc phenomena validiora fiunt, prout turgentia vasorum sanguineorum intenditur, ut ultimum inflammationis gradum attingant.

5. A turgentibus tunc vasis sanguineis, & lymphaticis serositatis guttæ erumpunt, quæ cutem sublevando, bullulas gignunt in ulcerosas scissuras abeuntes.

6. Ab his scissuris statim ichor lymphaticus stillat; deinde uberior, & serosa valde puris species.

7. Perniones in quolibet stadio oedematosi, Erysipelatosi, & phlegmonosi sint, resolvi possunt, modo lymphæ priorem fluiditatem, atque cursum recuperet.

8. Dum ipsi resolvuntur, valde pruriunt; vel quia lymphæ affluens per cutin transpiret, vel quod semis exsiccata epidermis continuum pruritus excitet.

9. Tandem cuticula decidit ob ipsius exsiccationem, & a subtus posito tumore separatur, qui prout resolvitur, etiam constipatur.

#### *Diagnosis.*

Perniones valde cogniti sunt, & modo obscuri essent a super allata descriptione, satis superque paterent; nihil vero facilius est, quam ictu oculi varia stadia pernionum distinguere.

#### *Prognosis.*

Perniones plerumque periculo vacant; interdum tamen, sed raro ossa cariarunt; quandoque etiam in gangrænam desierunt, quod rarissimum est.

Difficillimum est, perniones sanare, modo frigus persistat, videlicet morbi causa, modo ejusdem impressiones non vitemus: at tempestate mitiori, & vere restituta, sponte pene convalescunt.

#### *Curatio.*

Generice hujusmodi pertractatio tria complectitur obiecta.

1. Præservatio ab hoc morbo, antequam occurrat.

2. Prompta sanitatis restitutio, modo superventus sit, dum perniones oedematosi, erysipelatosi, aut phlegmonosi tantum apparent.

3. Tandem pernionum resolutio, atque convalescentia, cum in ulcera desierunt.

I. Haud facile est a Pernionibus illos cavere, qui plerumque his sunt obnoxii. Unica methodus tamen est, sequentia auxilia amplecti.

1. Commonefacere ægros, ut sedulo a frigore se caveant; præsertim, quod perperam non calefiant, antequam frigus sensibile valde superveniat; neque refrigerant, dum adhuc calent: experientia didicimus, hujusmodi errores potissimum perniones producere, præsertim in infantibus, qui his magis sunt obnoxii.

2. Si



2. Si quis perniones pedum patiatur, caligas ferat ex lana, aut ex castore fabrefactas, quin immo aliquibus guttis spiritus vini imbutas, & pro manuum tutela digitalia concisa gestet simili materie confecta.

3. Bis in die ( si fieri possit ) decoctione raparum pedes, atque manus abluantur; eoque melius res procedet, si rapæ prius congelatæ fuerint, quia tunc succus mitior erit.

Ex hoc balneo exeuntes ægri, postquam pedes, atque manus absterferint, ipsas aliquibus guttis spiritus vini, aut aquæ hungaricæ aspergant.

4. Partes denique pernionibus minatæ lintei frustulo obducuntur, unguento imbuto ex cera virgine, terebynthina, & camphora, cum oleo lauri subactis confecto.

5. Tandem pedes, atque manus fumo exponuntur tabellarum, quæ ex myrrha, storace, & pauca cinnabari conficiuntur, verum prunis projiciuntur.

II. Si hujusmodi cautelæ inutiles evadant, pernionibus supervenientibus, efficaciora remedia impendi debent, quæ eorum resolutionem promoveant, vel saltem progressus impedian.

Hac de causa:

1. Pedes atque manus calida decoctione plantarum aromaticarum madefieri possunt, quales sunt salvia, anthos, lavendula, thymum, origanum, ruta; similiter valet decoctio radicis ciclamini. Hujusmodi decoctiones non solum vino rubro perficiuntur, verum ipsis additur spiritus vini.

2. Partes affectæ etiam irrorantur spiritu vini camphorato simplici, vel sale ammoniaco confociato, cui pariter cedit urina calida, tinctura resinæ pini, oleum lumbricorum, lauri, aut philosophorum.

3. Hæc olea ceræ oleo superadduntur, in quo ebullierint rapæ cum pauca terebinthina; oleum similiter lauri usuvenit cum terebinthina, cera, aut adipe galinaceo, cum tertio embammatis mustei subactum.

4. Suffumigia adhibentur tabularum propositarum articulo *præced. n. 5.* vel quod melius vertit, fumus solearum, aut cornu combustum.

5. Partes infirmæ obteguntur linteis præparatis, ut in *articul. præced. n. 4.* vel emplastro mucilaginis meliloti, de-Vigo, aut Norimbergæ.

III. Quanvis omnes hæc diligentia adhibitæ fuerint, frequenter perniones in diuturniori, & rigido hyeme exulcerantur.

1. In hoc casu persistendum erit in usu remediorum propositorum, quæ meliorem effectum ediderint, abluendo perniones vino calido, aut aqua calcis, cui paucae guttæ aquæ-vitæ additæ fuerint.

2. Verum applicabitur emplastrum cerusæ diapalmæ, aut lintea super allata methodo parata; vel quod efficacius evaserit, pars affecta pertractabitur unguento confecto ex oleo ceræ, resina pini, colophonio simul fusis, quæ omnia detergant, atque consolidant.

3. Ulcus in pernionibus quandoque citissime progreditur, ut ossa pertingat; in hoc casu supra os pulvinum spiritu vini imbutum, aut tinctura myrrhæ imponitur, ne caries superveniat.

4. Interdum necessum est, perniones, ut ulcera, pettractare; tunc post ablationem cum aqua *de balaruc* aut *barege* vel cum decoctione radicum aristolochiæ successive unguentum digestivum, balsamum Arcei, vel brunum, aut viride pro diverso morbi statu locum habent.

5. Raro remedia interna opportuna sunt, quia plerumque nullum habetur constans vitium in sanguine, aut lympha; ideoque diluentia, diuretica, &



aperientia satis sufficient, videlicet Apozemata cichorii, nasturtii aquatici, che-rophilli, tum jura. cancerorum, aut serum lactis, cum tartaro martiale solubile.

## CAPUT DUODECIMUM.

### De Sugillatione, aut Ecchymosi.

#### Descriptio.

**E**Cchymosis apud Latinos sugillatio, & apud Græcos *Εκχύμωσις* est sanguinis expansio, levis interdum, sed plerumque in plura punctula distincta plus, minusve extensa, quam portionalis inflammatio subsequi solet, rubore, calore, & dolore comitantibus, obvia inflammationis symptomata.

I. Hæc expansio interdum superficialis est in cute tantum residens; interdum profunda, & in membranam cellularem, & adiposam, verum etiam subtus positos musculos inserta: prior vocatur Ecchymosis *superficialis*; altera *profunda*.

II. Frequenter hæc expansio lymphæ potius, quam sanguinis est, præsertim in infantibus, in quibus vasa sanguinea, quæ mollia sunt, ictuum impressiones effugiunt, quas patiuntur præsertim venæ lymphaticæ: frequenter tamen hæc expansio est, vel puti sanguinis, vel humoris valde cruenti, præsertim in adultis, & senibus: una species appellatur *lymphatica*; altera *sanguinea*.

III. Modo sugillatio supervenit, absque quo cutis erosa sit, & appellatur Ecchymosis sine *ulcere*; modo cutis corroditur, & Ecchymosis *cum ulcere* nuncupatur.

IV. Pro diverso gradu vehementiæ causæ producentis expansio grandior est cum grumis extravasati sanguinis, quando ampliora vasa disrumpuntur, & tunc *magnæ* Ecchymosis nomen sane meretur; modo contra expansio exigua, aut modica est, quando exigua vasa concisa fuerint, & tunc Ecchymosis *exigua*, aut *modica* vocabitur.

V. Plerumque hic morbus partes corporis molles tantum afficit; quandoque tamen ad ossa usque pertingit, ut facile in cariem abeant, aut *exostosi* circa contusam partem producat.

VI. Calor infirmæ partis idem semper non est; initio sanguis recenter expansus suam fluiditatem, atque colorem conservat; pars vero affecta rubra se offert; ipsa tamen livida fit, cum sanguis concreescens, & ipse nigrescat; dein nigredo paulatim evanescit, prout sanguis resolvitur, & circa finem pars lutea fit; frequenter hi colores circulos concentricos efformant, quorum niger centrum tenet, verum ruber, tertio luteum, ut iridem simul referant.

VII. Sugillatio quatuor habet desinentias; *prior* est resolutio, quæ sane proficua est, quia sanguis expansus, paulatim a lymphæ diluitur, & cum ipsa per venas lymphaticas transducitur.

*Secunda* est suppuratio, quando sanguis continuo in calidum locum affluens, ubi calor ab inflammatione augetur, arteriarum propin quarum pulsibus putrescit, & in foetidum abscessum convertitur.

*Tertia* fit per indurationem, quando sanguis extravasatus exsiccatur, & grumos efformat, qui pariter exsiccantur, & scirrhi speciem producant.

*Quarta* tandem omnium perniciosissima ea est, quæ in gangrenam desinit; tum ipsa oritur, quando serositas acris ab expanso sanguine scatens pervadit, de-



destruitque fibras propinquas, & oscillationes sistit, quæ vitalitatem partium constituunt.

*Causæ.*

Expansio lymphæ, aut sanguinis, quæ in sugillata parte fit, & ecchymosim constituit, a nulla causa procedit, quæ vasa, aut cutem rescindat; nam tunc ulcus produceretur, neutiquam sugillatio; sed ab iis causis, quæ valent vasa lædere cuti subtus posita absque ipsius cutis laceratione: istæ causæ ad contusionem & distractionem reducuntur.

I. Duplex est contusionis causa.

1. Casus, qui existimari debet ab altitudine, & pondere subjecti decidentis, tum a duritie corporis, in quod impingit.

2. Ictus, qui eo validius agunt, quo a fortiori brachio, majori numero, vel duriori corpore impelluntur.

II. Distractio in omnibus his casibus occurrit, ubi partes valide distrahuntur, vel cutem fodiendo, artus sub luxatione extendendo, vel fune torquendo; quibus addi possunt distractiones, quæ fractorum ossium occasione in vicinis partibus fiunt, præsertim si fragmenta acuminata fuerint; pariterque ejusdem generis videtur distractio, quam patitur vesica sub introductione specillorum, aut uterus sub foetus extractione, quando chirurgi necessariam diligentiam non impendunt.

*Symptomata.*

1. Morbi initio pars livida, & dolens perstat, at inflammatione superveniente, quæ post 24. horas evenit, calor, rubor, dolor, atque tumor se manifestant, quæ sunt obvia inflammationis phenomena. Denique febris ipsa, si sugillatio ampla admodum fuerit.

2. Modo inflammatio cito eyanescat, & in parte affecta restituatur naturalis mollities, extravasatus sanguis facile resolvi poterit; quia oscillationes tunc restitutæ in lymphatica vasa paulatim magis solutum sanguinem impellunt, atque resolutione semel confecta leviores scissuræ, quæ sub cute reperiuntur, statim coalescunt.

3. Contra vero si inflammatio pertinax sit, cum resolutioni officiat, sanguis expansus facile causarum ergo cap. 3. explicatarum in pus convertetur. In hoc casu in parte affecta abscessus gignitur eo periculosior, atque extensior, quo major erit infirma pars in suppurationem vergens.

4. Quandoque sanguis siccus est, & grumi ejusdem inflammationis calore interdum ita exsiccantur, ut indurescant, atque tumoris scirrhusi speciem gignant, qui neutiquam resolvi poterit.

5. Quandoque etiam tantus est grumofus sanguis, atque induratus, ut omnes destruantur vasorum oscillationes, & partium vita pereat, vel (ut melius dicam) gangrena superveniat.

6. Cum horum phenomenorum aliquid eveniat, tutior methodus erit, infirmam partem dilaniare, ut infra videbimus, extravasatum sanguinem exprimendo, & ulcus simplex inducendo, quod vulgari methodo pertractabitur.

*Diagnosis.*

1. Sugillatio, aut Ecchymosis oculis statim se offert, & solo inspectu cognoscitur.



gnoscitur, an lymphatica, sanguinea; ampla, vel exigua; superficialis, aut profunda sit.

2. Indoles phenomenorum docet, si pars affecta in resolutionem, suppurationem, indurationem, aut scirrhum, vel in gangrenam vergat.

3. Sugillationis positus, casus, aut ictus magnitudo indicant, si ossa vel carnes tantum contusionem passæ fuerint.

### *Prognosis.*

1. Generice contusiones minus periculosæ sunt, modo ossa fracta non fuerint.

2. Periculum tamen variat pro diversa morbi indole, ideoque ecchymosis sanguinea, lymphatica periculosior est; extensa mediocri; & profunda superficiali.

3. Pro diversitate partis affectæ. Nam si ossa afficiantur, majus periculum adest, quam in carnum sugillatione; tendines contusi majorem calamitatem afferunt, quam cutis adeps, aut carnes contusæ.

4. Pro phenomenorum diversitate, ideoque magis periculosa est ecchymosis inflammata, quam non; magis suppurata, quam inflammata; tandem gangrenosa omnium periculosissima est.

### *Curatio.*

Ecchymoses tria stadia habent.

1. Dum lymphaticæ sunt, mediocres, & vix sanguinæ.

2. Dum sanguinem detinent, ejusdemque grumos.

3. Dum abscessum, aut gangrenam minantur, vel tendines, aut ossa afficiunt.

I. Quando sugillatio lymphatica tantum est, idoneis remediis resolutio erit promovenda; hæc praxis plerumque benevertit, vel facile, si contrarium eveniret, curationis methodus institui poterit, quæ sanguinæ sugillationi conveniret, in qua,

1. Egrum pluries phlebotomizare oportet pro ictus magnitudine, aut ægri ætate.

2. Si affectus mitis videatur, leviora resolventia sufficient, ideoque applicari poterunt adeps suillum, mica panis, charta masticata, aut nux, quæ infantibus plerumque juvant; modo pars vinculo parum constricto comprimatur, quod intumescantiam impediat.

3. Si morbus intensior fuerit, atque adultos infestet, aqua vitæ simplex canphorata, aut sale ammoniaco confociata, vel aqua hungarica adhiberi solent, quibus lintea imbibuntur parti affectæ sæpius admovenda; cataplasmata ex foliis parietariæ contusæ, quorum succus exprimitur, & spiritu vini canphorato remiscetur, utilia evadunt; quia partis mollitiem diu conservant.

4. Si Ecchymosis his remediis obsistat, utiliter adhibentur radices brionæ, figilli salomonis sub cineribus excoctæ, tritæ, & in pulpam redactæ, quibus adduntur spiritus vini, oleum lauri, aut camomelli. Si cutis excoriata fuerit, applicatur ceratum diapalmæ, aut Galeni; postea remedia resolventia superimponuntur.

5. Si applicata remedia sanguinis statim resolvant, in his erit persistendum; si contra, subsequens methodus amplectenda.

II. In sugillatione sanguinea, quæ ampla admodum sit, & grummosa, efficaciora auxilia impendi debent,

1. Majori diligentia, quam in præcedentibus casibus, venæ sectio erit instituenda, uberiores, & frequentiores venæ sectiones præcipiendo.

2. Re-



2. Resolventia tentari poterunt, sed scarificationes melius convenient, ut pars affecta statim a detento sanguine liberetur.

3. Scarificationes ergo plus, minusve profundæ impendi debebunt pro diverso statu, aut magnitudine morbi.

4. Post scarificationes sanguis extravasatus, quo magis fieri poterit, exprimetur, postea partem vino rubro, calido, simplici, vel cum spiritu vini simul abluendo, vel cum sola aqua vitæ, si major adsit partis suppuratio.

5. Infirma pars obducetur deinde pulvinis imbutis simplici digerenti cum pauca simul tinctura myrrhæ, aut aloes.

6. Hac methodo laudabilis suppuratio obtinebitur, qua perfecta ulcus pertractabitur vulgari methodo, videlicet balsamo Arcei, & sub fine balsamo viride, si opus erit.

7. Si margines ulceris sicci, & nigerrimi appareant, ut gangrenam minentur, destruentur applicatione unguenti bruni, lapidis caustici, aut infernalis, vel quod melius erit, forcipe abscindentur.

8. Cum eschara deciderit, suppuratio optime processerit; reliquum erit ea ratione ulcus pertractare, quam pluries descripsimus.

III. In sequentibus casibus diversimode erit agendum, prout singularis casus postulaverit; idcirco.

1. Si Ecchymosis in suppurationem tendat, suppurantia remedia erunt admovenda, qualia *cap. 3.* de apostemate, aut abscessu proposuimus. Denique aperto abscessu ulcus pertractabitur methodo *eodem cap.* indicata.

2. Si in gangrenam vergat, quod sedulo inquirendum erit, statim remedia omnia adhiberi debebunt superius proposita *cap. 4.* de gangrena.

3. Si fugillatio tendines afficiat, ut ipsi relaxentur, solventibus remediis addi poterunt olea simul solventia, qualia sunt illa lauri, camomelli &c. & si unquam animadvertatur intra thecam tendinum materiem deponi, prompte ipsam cultro abscindito, oleum terebinthinæ calidum, dissectis tendinibus, applicando.

4. Si Ecchymosis ossa aggrediatur, infantum respectu, id levioris momenti est, quia affectus in brevem exostosin definit absque graviori periculo.

At in adultis os labefactatum interdum exfoliatur, & in hoc casu idoneis remediis ejusdem destructioni erit obsistendum, pulvina applicando spiritu vini, aut tinctura myrrhæ imbuta, aloem aut myrrham pulverizatam supra inspergendo; vel si opus sit, cauterium actuale admovendo, leviter nempe plus, minusve pro ossis qualitate candente ferro ipsum tangendo.



# LIBER SECUNDUS

## DE ERYSIPELATE ATQUE TUMORIBUS ERYSIPELATOSIS.

### CAPUT PRIMUM

#### *De Erysipelate.*

##### *Descriptio.*

**E**rysipelas est tumor complanatus, superficialis, cum vivido rubore, urenti calore, atque intenso dolore, in quo rubor a pressione evanescit; ea tamen cessante statim reproducitur.

In Erysipelate quatuor stadia distinguuntur.

1. *Initium*, ubi pruritus cum tensione, & calore per sentitur, sed rubor modicus adhuc apparet, & exiguum insensibiliter spatium occupat.

2. *Augmentum*, ubi rubedo intenditur, atque extenditur, & calor, tensio, dolor simul augentur.

3. *Status*, in quo phenomena altiore gradum attingunt, & cutis quasi exiguis furunculis conspersa videtur, a quibus scabra fit, & bullulæ producuntur.

4. *Decrementum*, quod per modum resolutionis, suppurationis, & gangrenæ quandoque fit.

Hic Tumor apud Græcos *Ερυσίπελας* appellabatur; qua ratione Celsus ipsum vocabat; reliqui tamen latini scriptores ignem sacrum illum appellarunt; & Galli Erysipelatis nomen retinuerunt.

##### *Differentiæ.*

Erysipelata in plures species dividuntur.

1. Erysipelas verum sive legitimum proprium characterem conservat; at Erysipelas spurium, quod phlegmonem, oedema, aut scirrhum æmulatur, dicitur phlegmonosum, oedematosum, aut scirrhosum.

2. Erysipelas, vel simplex est, quod nullum periculosum symptoma comitatur; vel carbunculosum, sive gangrenosum, ubi erysipelatis portiones nigrescunt, & in gangrenam abeunt.

3. Erysipelas, vel lævigatum est absque tuberculis, aut bullis; vel tuberculosum, & scabrum; vel bullulis interspersum, dum cutis a pluribus ampullis deturpatur.

4. Erysipelas fixum est, quando unum positum constanter retinet; aut ambulans, si huc illuc per varias corporis partes pervaget.

5. Tandem Erysipelas hujus generis est, quod in resolutionem terminatur; vel quod in suppurationem tendit; aut tandem quod in gangrenam abit.



*Sedes, & Cause.*

Certum est erysipelas esse peculiarem cutis morbum, vel proprie loquendo, ejusdem inflammationem. Id confirmatur:

1. Quia cutis manibus comprehensa totus morbus elevatur, nullaque resistentia per sentitur.

2. Quia suppuratio, & gangrena, ubi in erysipelate superveniant, initio saltem hujus calamitatis solam cutim deturpant.

3. Quia cutem premendo rubor evanescit; quod confirmat, cutem tantummodo affici.

Ut clare procedamus in natura, atque causa hujus affectus perquirenda, prius cutis structuram, atque diversas partes quibus conflatur, explicare necessum erit; eoque magis cum reliqui tumores erysipelatosi, de quibus in hoc libro acturi erimus, omnes cutim occupent.

In cute tres partes observantur inter se diversæ: externa superficies, alia ratione epidermis, sive cuticula appellata; membrana reticularis sive membrana mucosa; & cutis proprie dicta.

I. Epidermis exilissima est membrana, quæ totum corporis ambitum obtegit, quæ arctissime membrana reticulari subtus posita adhæret. In ipsa fibræ non animadvertuntur, pluribus tamen perfossa foraminibus se offert, per quæ transeunt canales excretorii sudoris, & humoris sebacei, pili, atque insensibilis perspiratio. Hæc membrana unam undique tenuitatem nunquam retinet; subtilissima in facie videtur, in corpore crassior, atque extremitatibus; in volis manuum, plantisque pedum; tandem crassissima in his præsertim, qui magni deambulatorum sunt; sed hæc membrana, quamvis tenuis sit, pluribus lamellis conflatur, ut in herpete farinaceo apparebit, ubi superficies pluries ab eadem parte separatur.

II. Membrana reticularis, sive mucosa immediate cuticulæ substernitur, cui illa fortiter adhæret, reticularis appellatur, quia innumeris exiguis cellulis conflatur in retem dispositis, & humore lymphatico repletis, parumque viscoso, cui muci nomen tribuunt; verisimile est, hunc humorem per membrana reticularis parietes ipsos, sive loculamenta secerni, atque hanc membranam cutis, atque cuticulæ mollitiem servare. Dum prædictus humor naturalem diaphaneitatem retinet, cutis proprium colorem conservat; at si mucosus liquor perturbetur, cutis color pariter pervertitur; ceteroquin, ut supra enunciavimus, reticularis membrana utrinque omnino perfossa est, ut per ejusdem foramina sudoris meatus, humor sebaceus, pili, papillæ nerveæ, atque insensibilis transpiratio transabeant.

III. Cutis proprie dicta pro antica facie nuper descriptam membranam habet; intus vero intime adhæret membrana cellulari, quæ ipsam subsequitur; pluribus cutis fibrarum tendinearum ordinibus componitur, quæ fibræ inordinate simul texuntur, ut facile inspicitur in corio, vel alia præparata pelle. Inter illas fibras plures intromittuntur arteriæ, atque venæ, quæ evehunt, revehuntque sanguinem; insuper venæ lymphaticæ, quæ lympham ibi deferunt, atque auferunt; tandem nervea filamenta, quæ cutis sensum faciunt. Inter easdem fibras, atque in omni cutis textura quatuor partium ordines locantur, quos infra explicabimus.

1. Innumeræ fere glandulæ pene sphericæ ibi reperiuntur, quæ microscopii auxi-



auxilio tantum distingui queunt; ipsæ appellantur cutaneæ positus respectu; quem occupant; & miliares similitudinis ergo cum milii granis. A singulis glandulis exiguus canalis excretorius oritur, qui, postquam membranam reticularem perfoderit, in superficiem cuticulæ panditur. Hæ glandulæ sudoris secretioni sunt destinatæ, quod indicat ipsas cavas esse, ac proinde in centro exiguam cavitatem habere, ubi humor sudoris, prout secernitur, colligi soleat a quo per excretorios ductus in cuticulæ superficiem deferatur. Hæc secretio sudoris quotidie fit, non una tamen copia æque, ac de lacrymis evenit: cum modicus sudor sit, avolat, atque cum insensibili transpiratione confunditur; at si uberior fuerit, tunc cuticula apparet, innumeris sudoris guttis conspersa, ut sensibilis admodum fit hujusmodi excretio.

2. Glandulæ, aut vasa sebacea in spissitudine cutis locata sunt exigua vasa cylindrica, altero extremo occlusa, altero vero reticulari membrana perfossa, in externa corporis superficie patula, ubi insensibiliter humorem oleosum fundunt, a sebo liquato haud absimilem; quare hujusmodi vasa sebacea nuncupantur. Ea æquabiliter per omnes cutis partes non distribuuntur, præsertim abundant in parte capitis capillata circa nares, collum, atque scapulas, ut cutis in illis partibus oleosa appareat, & indurata, modo sæpe non immutentur, oleo imbuta remaneant. Quandoque etiam cutem premendo in iis partibus exigua filamenta densi humoris profiliunt, quæ sebum æmulantur, non abs re fortasse putant, hunc humorem ad partes obliniendas, tuendasque esse destinatum.

3. Capsulæ tendineæ, quæ figura ovali a granis herdei non absimili donantur, radices pilorum, atque capillorum complectuntur. Hæ capsulæ æquabiliter non disperduntur per omnem corporis ambitum, neque æque abundant. Tandem non unam in singulis subjectis magnitudinem servant, quod sufficit ad varietates explicandas, quas in numero, & natura pilorum Physici animadverterunt. Hæc materies tamen infra fufius pertractabitur.

4. Papillæ nerveæ, quæ in externa cute prominent, pyramidali figura plerumque pollent, membranam reticularem perfodiunt, donec in superficie patefiant; hæ papillæ pluribus filamentis conflantur tendineis simul staminibus intertextis; ipsæ pro sensus organo habentur, eoque magis cum confertiores sint, ubi sensus vividior est, ut in extrema digiti pulpa.

5. Tandem animadvertendum est, quod præter foramina, quæ membranam reticularem, & cutem perfodiunt, eadem membranæ innumeris alterius generis foraminulis præditæ sint, ubi insensibilis perspiratio erumpit, quæ a sudore admodum diversa est.

Textura cutis ita explicata, facile deducitur, quales partes erysipelatis productionem promoveant. Diximus jam erysipelas esse cutis inflammationem; ergo necessum est juxta leges inflammationis superius *lib. I. cap. I.* explicatas, quod in affecta parte,

1. Sanguis persistat, & in vasis congeratur, ideoque partem inflat, atque distendat; & ita primus gradus erysipelatis producitur, sive erysipelas per *stagnationem*.

2. Sanguis, prout vasa dilatabit, novas in venis lymphaticis sibi pandat vias; quo in casu hæ venæ rubicundæ, & tumidæ fient, & hic erit secundus gradus erysipelatis, sive erysipelas per *irruptionem*; aut *deviationem*.

3. Prout vasa sanguinea, atque lymphatica lacerabuntur, sanguis per cellularem dispersus ultimum gradum erysipelatis pariet, sive erysipelas per *extravasationem*.

Cum tres hujusmodi status simul ita congruant, ut alter altero succedat; su-



superest causas cognoscere , præsertim quæ in priori casu in alterutra parte sanguinem detinent ; ipsæ sunt ;

1. Compressio , quæ lumen venarum coarctat , quæ ad refluentem sanguinem recipiendum destinabantur .

2. Constrictio harum venarum , quæ similem effectum gignit .

3. Ambæ causæ simul junctæ idem quoque , sed validius præstare possunt .

Hujusmodi causæ porro , ut erysipelas producant , prompte , & vehementer agere debent , ut in inflammatione docuimus ; secus stagnatio parvi momenti produceretur , quæ neque inflammatoria , neque erysipelatosâ videretur ; ideoque has causas erysipelas producentes , sigillatim magis perquirere nostrum erit .

*Prima causa Generalis* . Vasa venosa cutis , nisi a glandulis miliaribus comprimi possunt , quæ tumefactæ venas valide premunt , per earum anfractus reptantes , quod neutiquam tribuendum est sebaceis glandulis , quæ dulcem , & oleosum humorem fecernunt . At ad glandulas miliares revertendo , ipsæ inflari nequeunt , nisi a sudoris stagnatione , quem ipsæ separare solent , idque triplici de causa evenire videtur .

1. Ob densitatem hujus humoris , quæ per canales excretorios liberum ejusdem exitum impedit .

2. Ob acrimoniam ipsius humoris , quæ ductus excretorios irritando , ipsos corrugat , atque in eorum cavitate fecernendum liquorem detinet .

3. Vel ob confluentiam ambarum causarum .

I. Humor sudoris multiplici de causa , & in diversis circumstantiis spissus evadit .

1. Pro spissitudine sanguinis , quæ consequitur pravam nutritionem , imperfectam digestionem , & molesta pathemata .

2. Pro indole alicujus extranei fermenti , veneri nempe , aut scorbutici , quo sudor inficitur .

3. Pro admixtione viscidæ , & concrefcentis bilis in sanguine detentæ .

4. Pro externo frigore , quod sanguinem inspissando sudoris fluiditatem simul imminuit .

II. Sudor acer fit pluribus de causis similiter , videlicet .

1. Cum sanguis acrimonia peccet propter usum nimium alimentorum acrim , salitorum , atque aromaticorum , vel abusu liquorum spirituosorum .

2. Cum cruor acrimoniosam falsedinem contrahat pro magno tempestatis æstu , exercitio nimio , immoderato veneris usu , ira &c .

3. Cum multa acri , & urenti bile oneretur sanguis occasione obstructi , aut alio modo labefactati jecoris .

III. Ambæ nuper indicatæ causæ , spissitudo nempe , & acrimonia hujus humoris simul concurrere possunt , imo reapse concurrunt sequentibus modis .

1. Quando sanguis una fæcus , & acer fit , ut humorem pro sudoris secretionem suppeditet aerem , spissumque .

2. Quando extraneum fermentum sanguinem inficiat , quod sudori spissitudinem , & acrimoniam communicet , ut frequenter a celtica , & scorbutica lue derivat .

3. Quando bilis , qua sudor imbuitur , pariter spissa , & acris fit , propriasque qualitates ipsi communicet .

4. Quando frigus externum tandem , quod sudorem inspissat , adversus humorem jamdiu acrimoniosum agat .

*Secunda causa generalis* ; venæ cutis nequeunt coerceri , nisi per convulsivam

*Astruc de Tumoribus* .

E

con-



constrictionem, vel quod idem sonat per erethismum fibrarum tendinearum, cutis, quæ ipsas circumvestiunt: id multiplici de causa oriri potest.

1. Per applicationem emplastrorum, oleorum, aut pinguedinum irritantium.
2. Per ictum animalis, aut insecti venenati.
3. Per vesicatoria.
4. Per solis, aut ignis ardorem.

*Tertia causa generalis.* Ambæ causæ generales nuper propositæ, videlicet compressio glandularum miliarium, & crispatio fibrarum tendinearum cutis simul concurrunt, quotiescumque aliquæ ex causis sudorem inspissantibus inflando glandulas miliares venarum cutanearum compressionem inducant; deinde altera ex causis erethismum fibrarum tendinearum producentibus venas constringat uno, eodemque tempore, quod harum causarum affinitatem demonstrat.

Theoria erysipelatis igitur innumeris animadversionibus occasionem præbet, sed præcipue,

1. Inter causas hujus morbi nonnullæ topicæ, aut locales sunt, hæque in partem affectam agunt sejunctim ab omni prævia dispositione.
2. Aliæ generales sunt, & hæ in hunc vel alterum cutis locum agere debent ob aliquam hujus partis anteriorem dispositionem, vel aliam causam, aut circumstantiam externam, & accidentalem.
3. Erysipelas a simplici sudoris spissitudine procedens phlogosis tantum est, ubi rubor, calor, dolor, tensio, atque pruritus modici sint.
4. Ea, quæ dependet a sola acrimonia ejusdem humoris, magis inflammatoria est, eamque idcirco comitantur altiori gradu calor, rubor, dolor, tensio, atque pruritus, ut revera erysipelas vocari possit, sed *prioris speciei*.
5. Ea, quæ ab utraque simul causa, spissitudine nempe, & acrimonia sudoris procedit, eo magis erysipelatis nomen meretur; quia symptomata concomitantia sæviora sunt, & pro erysipelate *secundæ speciei* est habenda.
6. Præterea, quæ postremam compositam causam agnoscit, cum erethismo simul fibrarum tendinearum cutis, omnium maxima est, tum ratione teterrimorum symptomatum cum futuri periculi causa, eaque *tertiæ speciem* erysipelatis producit.
7. Erysipelas primæ gradus, sive per *stagnationem* semper resolvitur; altera secundi gradus, sive per *irruptionem* frequenter, & ipsa resolvi solet; sed illa tertiæ gradus, sive quæ per *extravasationem* fit, nunquam pene resolvitur, sed in suppurationem tendit, aut in gangrænam quandoque.
8. Generice erysipelas frequentius virili etate supervenit, ubi sanguis, atque bilis acriores, & spissiores sunt, quam in infantia, aut senectute, in quibus humores isti fluidiores sunt; eadem de causa, erysipelas crebrius estate, quam autumno, aut reliquo tempore apparet; frequentius in meridianis provinciis, quam septentrionalibus; in hominibus, quam in feminis; in biliosis, quam in phlegmaticis; in bibaculis, quam in abstemiis; in excedentibus tandem, quam in temperatis.

#### *Symptomata.*

1. In omni erysipelate tumor adest, quia vasa sanguinea tumefacta illius partis volumen inflant.
2. Sed hic tumor complanatus apparet, quia in cute tantum residet, quæ brevi crassitie donatur, verum quia intumescencia a subtilissimis capillaribus vasculis producitur, quæ parum dilatari queunt.

3. In



3. In hoc morbo rubor affectæ partis vividus est, tum quia sanguis per innumera tenuia vasa distribuitur, quæ majorem superficiem offerunt; tum quia sanguis omnem suam rubescentiam ostendit, cum a sola epidermide obducatur.

4. Calor urens tangenti se præbet, quia pars inflammata immediate tangitur; ideoque omnis inflammationis calor per sentitur, & ipse æger maximum calorem per sentit, quia cutis, ubi morbi sedes est, partibus reliquis sensibilibior est.

5. Dolor in erysipellate intensissimus est, quia respondet sensibilitati cutis & acrimoniæ humoris per vasa tumefacta transudantis, qui partem laceffit.

6. Sed hicce dolor minus tensivus est, quam in phlegmone, quia tumor in cute exilior pariter est.

7. Continuus pene pruritus per sentitur, qui ab acrimonia producitur humoris in glandulas miliares affluentis, aut a poris turgentium vasorum erumpentis, quique ambarum causarum compositæ actioni respondet.

8. Quantumvis vividus appareat Erysipelatis rubor, a compressione tamen evanescit, quia tunc comprimuntur, ac proinde evacuantur vasa, quæ turgida ruborem producebant; sed revertitur color statim, ac compressio tollitur, quia vasa a compressione depleta, iterum sanguine instantur.

9. Quando tumor glandularum miliarium, & crispatio fibrarum tendinearum uno, eodemque gradu integrum ambitum erysipelatis afficiunt, intumescencia uniformis, & erysipelas æquabile est.

10. At si tumor, & erethismos inæqualiter agant, inflatio inæqualis erit, & erysipelas scabrum.

11. In illis partibus, ubi causæ erysipelatis validius agunt, sanguis successiva congestione, atque pressione serositatis partem relinquit, quæ ab epidermide coercita bullulas gignit plus, minusve conspicuas in ratione congesti sanguinis, & numero turgentium portionum.

12. Quotiescumque humor erysipelatosus in parte affecta omnis deponitur, erysipelas ibi fixa persistit, neque ultra extenditur; sed si ejusdem pars aliqua nunquam deponatur in sanguine superstes, per vices propinquas partes infestabit, ideoque erysipelas extendetur, & ambulans fiet.

13. Erysipelas in phlegmonem desinit, quando compressio, quam vasa cutis patiuntur, aucta membranæ cellulari communicatur. Verum in Oedema vergit, quando compressio satis quidem imminuitur, ut nequeat sanguinis circuitum intercipere, vel leniter saltem, sed nihilominus in venas lymphaticas adhuc agit, donec ex detenta lymphæ oedema producat. Tandem in scirrhum mutatur, quando glandulæ miliares denso humore turgidæ, aut calore exsiccatae gignunt tumores duros, atque scirrhosos.

14. Erysipelas febrem sequitur, quando humor vitiat in sanguine stabulans, qui febrem producit, sudorem inquinat, & glandulas miliares deturpat; si hic humor omnis deponatur, febris evanescit, prout erysipelas increfcit, quæ tunc critica appellatur; sed symptomatica dicitur, quando humor ex parte deponitur, ut qui in sanguine superest, febrem detineat.

15. Contra febris erysipelatis consequens est, sive symptoma, modo effectus sit doloris, aut acris humoris a parte affecta in sanguinem transeuntis.

16. Modo glandulæ miliares depletæ fuerint, & filamenta tendinea prius contracta satis laxa videantur, sanguinis circuitus restituetur, & erysipelas in



*resolutionem* erit abitura. Sed *suppuratio* superveniet in oppositis casibus ab his haud absimilibus in phlegmone suppurata indicatis.

17. In erysipellate suppuratio plerumque externam faciem cutis primum occupat, quia ibi major infartus producitur; tunc in superficie plures apparent suppurantes portiones, quæ in unum conjunctæ unicum superficiale ulcus producunt. At cum suppuratio ad internam cutis faciem incipiat, abscessus producitur plus, minusve extensus, in quo fusum pus facile membranam cellularem deturpat, nisi lanceola aperiatur.

18. Quando tumor vasorum sanguineorum maximus sit, ut hæc contrahi nequeant, & tonica persistant; tunc oscillationes in parte affecta cessant, & gangræna apparet etiam ante suppurationem; quandoque etiam acrimonia puris destruit cutis texturam, omnesque pariter oscillationes aufert, ideoque gangræna post suppurationem se manifestat.

### Diagnosis.

I. Existentiam erysipelatis ostendunt signa huic tumori propria, quæ sunt spissitudo, tensio, renitentia, rubor, calor, atque cutis dolor, tali pacto tamen, ut rubor a simplici pressione evanescat, quod erysipelas a phlegmone distinguit.

II. Solo inspectu quo aggreditur, de erysipelatis qualitate judicium profertur; eo enim distinguitur simplex, vel phlegmonosum; scirrhusum, aut oedematosum; tum carbunculiforme, vel non; scabrum, vel lævigatum; ampullis interpersum aut æqualiter cuti adhærens erysipelas.

III. Diligens medicus facile distinguere debet ob morbi persistentiam, aut symptomata supervenientia stadia erysipelatis diversa, nempe incrementum, progressum, statum, decrementum, ut moderari valeat remedia exhibenda.

IV. Debet pariter cito prænosce morbi exitum, nempe si ipse in resolutionem, aut suppurationem vergat; verum etiam in gangrænam tendat, ut idonea remedia applicare valeat.

V. Cognita natura, & specie erysipelatis causæ veniunt distinguendæ, videlicet si internæ sint, ut vitia sanguinis, & sudoris; vel externæ & accidentales simpliciter; id tamen dignoscitur ab ægri narratione cum proposita morbi theoria comparata.

Si erysipelas a causa interna procedat, animadvertendum est, si ea sit spissitudo, aut falsedo ipsius humoris, quod recognoscitur a gradu pruritus.

Si contra causa externa, aut accidentalis morbum faciat, antecedentium historia causam satis declarabit.

VI. Tandem attendendum est naturæ febris concomitantis: ea enim essentialis esse potest, si erysipelas præcesserit. Symptomatica, si subsecuta fuerit; maligna etiam, vel continens simpliciter; tandem homotonus, vel remittens quibus medela respondere debet.

### Prognosis.

Erysipelas quandoque periculo vacat, quandoque summum conjunctum habet.

I. Ipsum periculo caret, parvique faciendum est, cum intensio atque extensio parvi momenti sint; quando truncum, aut extremitates corporis occupet, vel sine febre insurgat, vel levem saltem comitem habeat; quando externam causam recognoscat; verum si facile in resolutionem vergat.

II. Ery-



II. Erysipelas contra in oppositis casibus semper periculosum est; sed periculum augetur in sequentibus circumstantiis potissimum.

1. Erysipelas caput infestat, præsertim si omnes vel maximam partem occupet, quia facile suspicandum erit, quod partes internæ inflammantur.

2. Quando collum afficiat, præsertim ad modum cinguli, & tunc appellatur *leues* quia venas jugulares circumcingit, impeditque a cerebro sanguinis regressum.

3. Quando hic affectus febrem malignam continuam, vel remittentem comitem habet; nam præter proprium periculum, illud febris jungitur.

4. Quando erysipelas deleteriæ indolis est, scabrum, carbunculolum, aut bullis conspersum, quod acrimoniam morborum laticis indicat.

5. Quando a causa interna procedat in subjecto cachetico, ubi sanguinis vitium difficillime corrigi potest.

6. Quando morbus in suppurationem desinit, præsertim cum pus in cellulari tela producat, ubi facile serpit.

7. Quando erysipelas in gangrænam, aut sphacelum terminat, cujus progressus difficillime cohibentur.

8. Quando tumor semel apparuit statim retrocedit absque symptomatum levamine, quod in nobiliorem partem morborum fomitis metastasim prænunciat.

### Curatio.

Hujus morbi medela complectitur curationem internam, & genericam erysipelatis; verum externam, & magis specialem, tum benigni, cum maligni erysipelatis.

I. Curatio interna erysipelatis eadem sane est, ac illa phlegmones. Nam erysipelas, & ipsum nil aliud est, quam cutis phlegmone, quare consuli potest, quod circa phlegmone dictum est: generice curatio interna hujus morbi vehementiæ erysipelatis, & indoli febris concomitantis respondere debet.

1. Si Erysipelas superveniat, nullo præcedente morbo, primis diebus quinque, vel sex vices erit vena incidenda. Paulo minus vena secari debebit, si hic affectus febrem subsequatur, cum jam pluries in morbi progressu secari debeat. Si erysipelas partes supremas occupet, faciem præsertim, collum, aut reliquum caput, ex pede venæ sectiones veniunt instituendæ; contra vero ex brachio est mittendus sanguis, si tumor partes post cor locatas, infestet; numeri vero & quantitatis respectu extrahendi sanguinis ratio habenda est morbi statui, febris vehementiæ, atque ægri viribus.

2. Tunc temporis tenuissimo victu æger utatur. Si erysipelas essentialis sit, pituitosa tantum, aut juscula tenuiora primis diebus exhibeantur; sed si erysipelas symptomaticum videatur, vel alium morbum subsequatur, juscula crassiora permitti poterunt, simulque opportuna sunt clysmata purgantia, ad crassa intestina repurganda, eaque ad ulteriorem purgationem præparanda.

3. Semel vasis depletis æger efficaciter purgari debebit. Si erysipelas caput, vultum, aut collum occupet, ne cerebrum etiam infarciat, tartarum stibiatum, solubile, idoneo vehiculo solutum ad tria, vel quattuor grana est exhibendum; & cum vomitus desistat, emetici virtus erit sustinenda potionis ope ex sena, sale vegetabili, & manna confectæ; si morbus minus urgeat sat erit eam potionem exhibere, & cum inferius agere incipiat, ejusdem actionis intendi poterit cum duplici, vel triplici grano tartari emetici, solubilis in aqua tepen-



tis sextario partitis vicibus singula semis hora sumendi, quod sine vomitū valide purgabit.

4. Post ea remedia singulis diebus apozemata nonnihil purgantia propinari poterunt, identidem supradictam purgationem reiterando cum, vel sine emetico, prout morbus postulaverit; imo venæ sectio iterum institui poterit, si febris aut tumor intendatur.

5. Post purgationem quotidie vespere julapium, aut emulsio exhiberi poterit addita circiter uncia syrupi nymphææ cum 25. guttis tincturæ anodynæ ad febris ardorem, atque dolorum cruciatus compescendos.

6. Tandem jura leviora erunt propinanda; initio præsertim, & in progressu opportunissima erit larga potatio aquæ pulli cum seminibus, vel ptisanæ graminis, cum pauco syrupo hordei, aut nymphææ.

II. In curatione erysipelatis benigni externa.

1. Omnia remedia sunt vitanda pinguedinosa, aut oleosa, videlicet cremor lactis, butyrum caciai, oleum liliorum, oleum ovorum, rosatum; pariterque cerata omnia, atque emplastra, quia ipsa poros cutis obstruendo transpirationem imminuunt; ac proinde morbum augere valent.

2. Diligentius vero proscribi debent remedia adstringentia, aut repellentia, uti bolus, lithargirium, terra cimolia &c. quia exsiccant, atque indurant cutim, morbiq; resolutionem impediunt.

3. Cautè impendi debent remedia, quæ refrigeranti virtute pollent; hujusmodi sunt succus solani, plantaginis, fedi, tum acetum rosatum, quæ nisi urgenti casu, ut infra videbimus, adhiberi poterunt; nam sanguinem detentum inspissando impediunt, vel saltem retardant resolutionem, aut suppurationem, cum non levi gangrænæ periculo.

4. Optimum enim erit consilium, modo dolores ferri queant, a remediorum applicatione penitus abstineri; sed si cruciatus modos excedant, pars affecta lacte vaccino, madefieri poterit, in quo ebullierint flores sambuci, vel decoctione tepenti radicis althææ, ubi parum croci infusum fuerit; hanc indicationem pariter impleverit aqua destillata spermatis ranarum frigida, vel calida, tum leve cataplasma ex mica panis, lacte & croco sine ovi luteo confectum; tandem in excessu doloris cataplasma admoveri poterit ex pulpa paratum hyoscyami, solani, mandragoræ &c. sub cineribus excoctæ; sed non erit in his remediis diu persistendum.

5. Modo inflammationis vehementia, atque dolor sit imminutus, ut resolutionis indicia appareant, ipsam auxiliari poteris applicatione lintei, spiritu vini madefacti cum aqua calcis tepenter commixti.

6. Sæpe sæpius erysipelas exoriatur: si excoiationes leviores fuerint parvi faciendæ videntur; sed si grandiores apparuerint sunt linteo cooperiendæ, cerato Galeni inducto, sine aceto confecto, vel pauco ovi luteo semisindurato.

7. Prout erysipelas resolvitur, atque cutis detumescit, epidermis, quæ extensa fuerit, exsiccatur, & in innumera fragmenta scinditur, quæ molestum pruritum faciunt; sed hic lenitur partem madefaciendo lacte, aut decoctione tepenti radicis bismalvæ.

III. Dum erysipelas resolutionis spem promittit, enunciata methodus est adhibenda; at si dies 7. 8. 9. & 10. sine resolutione transeant, & tumor sedem non mutet, pro maligno haberi debet, neque sine graviorum phenomenorum adventu valetudo erit expectanda, quare sequenti ratione præoccupari debet.

1. Si erysipelas alias partes præter vultum deturpet, incidi poterit plus, minusve,



nusve, prout infirma pars permiserit; difficilius hac methodo in facie utimur, at quandoque ob maximum periculum scvioris morbi cogimur.

2. Postea incisa pars oleo ovorum cum tertia parte tincturæ myrrhæ, vel saltem aquæ vitæ camphoratæ commixto obducitur, hac mixtura imbibendo linteola scarificationibus admovenda.

3. Si suppuratio manifestabitur in externa cute, vulgari ratione suppurata pars pertractabitur, videlicet applicando basilicum cum tinctura myrrhæ simul, aut pauco spiritu vini camphorato; verum ulcere deterfo balsamum Arcei frequentius usuvenit.

4. Cum pus cellularem telam intimius dilaniet, minime multiplici incisione profundiores suppurationes prosequemur, sed utilius erit ultra partem affectam lateraliter cutem incidere, ut morbi progressus ex ea parte cohibeantur: plerumque unica scarificatio sufficiens esse solet, modo cutis alte incidatur.

5. Cum animadvertamus erysipelas in gangrænam tendere, protinus partem affectam incidere oportet, insuper remedia adhibere, superius *lib. I. cap. 4.* adversus gangrænam proposita. Si præter hujusmodi cautelas gangræna excedat, cauterium actuale leviter calidum erit admovendum.

6. In his postremis casibus intus exhiberi poterunt cordialia, & diaphoretica, videlicet syrupus S. Ambrosii, aut decoctio milii cum ficibus, & radicibus siccis, vel quod melius operi cedit, tenuis decoctio foliorum borraginis, cardui benedicti, scabiosæ, veronicæ, virgæ aureæ ad quinque circiter unciam dosim quarta quoque hora de mane, addendo grana aliquot pulveris viperinæ, salis volatilis, cornu cervi, bezoaris mineralis, vel aliquot guttas lili.

## C. A. P. U. T. S. E. C. U. N. D. U. M.

### De Herpete.

#### Descriptio.

**I.** PRimo cutim deturpant exiguæ pustulæ nonnihil rubicundæ cum molesto pruritu, modo sejunctæ, modo in unum congestæ, quæ parvi facienda videntur.

II. Quandoque vero hujusmodi pustulæ imperceptibiles sunt, sed in utroque casu brevi circum extenduntur, & calor, rubor, atque pruritus in circumferentia augentur, centro vero imminuuntur, ut ibi quandoque naturalis cutis conditio revertatur.

III. Partem affectam scalpendo humor lymphaticus, salinus erumpit, qui inspissatus crustam refert.

IV. Hic morbus indiscriminatim omnes corporis partes aggreditur, quandoque sub tuberculorum forma, crebrius tamen sub latioris superficiei specie, interdum etiam circulum regularem efformat primo angustum, qui tamen in diem extenditur.

V. Partes, quæ frequentius infirmantur, sunt femora, perineum, genitalia, anus, mentum, aures, manus &c.

VI. Hic affectus gallico sermone vocatur *Dartre* sive *dèrtre*, græco vero *Ερπητις*; sed veteres nonnulli hujus morbi species diverso nomine indicare consueverunt, videlicet *Λειχή* impetigo, *vitiligo*, *morphæa*, *lepra* græcorum &c.



## Differentiæ.

Variae distinguuntur herpetis species.

I. *Herpes farinaceus* ubi epidermis efflorescit, sive in farinam redigitur, quæ sub pulveris specie decedit absque seroso, aut purulento madore; hæc species apud græcos λεχύν appellatur.

II. *Herpes squamosus* a præcedenti parum diversus, nisi quod cuticula in grandiora fragmenta resolvatur.

III. *Herpes crustosus*, in quo humor pinguis exsudat, qui dum inspissatur, crustas plus, minusve densas, aut nigerrimas producit.

IV. *Herpes humidus*, ex quo serosa, acris, aut purulenta sanies effluit; modo ipse crusta caret, quandoque ex crustis humor stillat.

V. *Herpes vivus*, aut *corrodens* apud Græcos Ερπης ε'διόμενος, qui extensum cutis ulcus conjunctum habet, modo crustis quamplurimis, modo nullis consociatum.

VI. *Herpes carcinomatosus* apud Græcos Ερπης καρκινοματώδης appellatus, in quo pustulæ herpeticæ canceri naturam sequuntur, eademque ratione pertractari debent.

VII. *Herpes miliaris*, in quo pustulæ minime congeruntur, sed sejunctim plerumque grana miliaria referunt, ex quo derivat apud latinos miliaris nomen, & apud græcos illud χερχρίας.

VIII. Huc etiam referri possunt *macule rubræ*, *luteæ*, aut *nigræ*, quæ lue venerea infectis sine ulceratione, aut epidermidis deturpatione frequentes sunt.

## Sedes.

Herpetis sedes in glandulis miliaribus cutis plerumque statuitur, sed hæc opinio erronea videtur, eaque verisimilior est in cellulis membranæ reticularis inter cutem, & epidermidem locatæ herpetem insidere.

1. Quia glandulæ miliares scabiei sedem parant, ut infra videbimus, & varii affectus varia loca occupare debent.

2. Quia habentur herpetis species, quæ cutem nulla ratione deturpant, ut herpes farinacei, & maculæ lue celtica laborantium.

3. Quia experientia ostendit herpetem farinaceum a sola acrimonia humoris mucosi derivare, occasione præsertim insolationis.

4. Quia herpes si a glandularum vitio procederet, epidermis non in bracteolas, sed integra decideret, vel partes diu herpete affectæ, & pluries depilatæ post valetudinem etiam cuticula cooperirentur.

## Causa.

Generice a duplici causa herpes procedit; a vitio epidermidis vel ab altero humoris mucosi.

1. Quoad vitium cuticulæ attinet, si ipsa ita arefcat, ut a cute separetur, herpes farinacei producuntur sequentibus circumstantiis potissimum.

1. Dum crebro solaribus radiis quis se exponit.

2. Dum vividum nimis ignis calorem patitur.

3. Dum vultui cosmetica exsiccantia admoventur.

4. Dum vero frequenter fucō rubro utuntur mulierculæ.

Hujus.



Hujusmodi affectus leviores sunt farinacei, & illos præsertim infestant, qui molliori corporis superficie, & sicciori simul corporis habitu donantur.

II. Quoad humoris mucosi vitium spectat, ipse acer, atque corrodens evadit, quotiescumque

1. Sanguis acer fiat ob impurum nutrimentum, aut prævum regimen.

2. Cruor fomite quodam vitiato inquinetur gallico, aut strumoso &c.

3. Vel si humor quidam acer sanguini remisceatur, ut bilis, modo libere ab hepate non secernatur.

4. Quotiescumque tandem ab extrinseco humor aliquis acer cutem deturpet; ita enim fordes manibus contrectando herpes facile producantur, aliisque communicantur.

Inter hujusmodi causas tres priores universaliores sunt, & postulant, vel aliquam in affecta parte antecedentem dispositionem, vel externam causam quæ una in ipsam agat.

### *Symptomata.*

1. In omni herpate, si farinacei excipiantur, humor mucosus in cellulis contentus membranæ reticularis acer, atque corrodens, quamvis diverso gradu in singulis speciebus constanter reperitur; ergo continentes cellularum parietes laceffere debet, atque inflammare, ut proinde pustulæ nascantur, vel totidem rubræ bullæ; quot erunt affectæ cellulæ.

2. Si cellulæ contiguæ sint, pustulæ simul congestæ latiore herpetis superficiem referent; si contra distinctæ sint, herpes miliaris insurget.

3. In utroque casu a centro sui ortus ad circumferentiam herpes se extendet, quia humor vitiatus successive propinquis cellulis communicabitur.

4. Herpetes farinacei, & squammosi veniunt frequenter, ut superius diximus, a solo vitio epidermidis ob externas causas exsiccata; quandoque ab acrimonia humoris mucosi procedunt, qui cutim alterare quamvis non valeat, cuticulam tamen lædit; sed quomodocumque oriantur, plus, minusve squammosi sunt, aut farinacei, prout magis, vel minus cuticula tenuis est; ideoque ipsi frequenter in facie farinosi sunt, squammosi vero in reliquo corpore, ubi cuticula densior est.

5. In herpate crustoso crustæ ab erumpente mucoso humore gignuntur, qui humor pro densitate, atque visciditate ab aere inspissatur, & in crustas concrefcit; quandoque hujusmodi crustæ siccæ apparent, & intus cutis sana, & integra perstat, quod evenit, ubi humor mucosus spissus quidem sit, non vero, vel parum acer; quandoque vero pus e crustis stillat, & cutis ipsa læditur, quod accidit, ubi istiusmodi humoris densitati acrimonia addatur.

6. In herpate crustarum color pro diversa humoris mucosi natura variat. Herpetes enim flavi apparent, modo humor mucosus purus sit; cinerei vero, lividi, aut nigerrimi, dum guttæ aliquæ sanguinis ipsi remiscentur, vel ipsæ ab erosionem cutis, aut ægri frictione dependeant.

7. In humido herpate ubi latex absque crustis stillat, patet mucosum humorem fluidiorem, & uberiorem esse; at si cutis, quam in reliquis herpetibus, magis exulcerata appareat, signum est hujusmodi humorem quamvis ferofum valde, acriori tamen facultate pollere.

8. In Herpate carcinomatoso nihil specialiter est dicendum, quia a peculiaribus causis procedit in *Tractatu de cancro* explanandis; hic sat erit animadvertere, ipsum plerisque affici canceri phenomenon.



9. Herpetes partes nonnullas frequentius aggrediuntur, videlicet

1. Illas, quæ humorem mucosum difficilius fundunt, ut genitalia, perineum, nates, anus, aurium, concha &c.

2. Illas vero, ubi cuticula tenuior est, ut vultus, frons, palpebræ &c.

10. Certum est herpes epidemicos esse, scabie tamen minus, quia morbi formes spissior est, neque facile ita ut ex scabie transmittitur; excipi tamen debent herpes humidi, qui perquam facillime communicantur.

### Diagnosıs.

I. Herpetes cum erysipelate confundi possunt, dum primo apparent, sed brevi error evanescet, quia rubor, calor, atque dolor, qui in herpete mitiores sunt, ab altero morbo satis nostrum distinguit.

II. Cum scabie etiam confundi possunt, at in ipsa pustulæ sunt satis distinctæ, in herpete vero confluentes plerumque apparent; insuper scabies manus, & internodia potissimum infestat, quod herpetis minime est; denique scabiei pustulæ rubore carent, non ita illæ, quæ in herpete observantur.

III. Quoad varias spectat herpetum species, farinacei, squammosi, crustosi, humidi, corrodescentes, cancrofi, aut miliares a superallata descriptione inter se facile distinguuntur.

IV. Interest tamen celticos, aut strumosos herpes probe cognoscere, quod obtinebitur antecedentium historiam & præsentium phenomenorum complexum perpendendo, inter quæ nonnulla lue celticam, aut strumas indicabunt.

V. Tandem sanguinis conditio est perpendenda, ut curatio interna rite instituat. Præter temperamentî notionem, herpes crustosus sanguinem densum indicat; herpes vero ichorem fundens acrimoniam simul, & spissitudinem sanguinis manifestat; humidus herpes sanguinem acrimoniosum tantum habet; tandem farinaceus, aut squammosus herpes modica tum acrimonia, cum densitate sanguinis pollere solet.

### Prognosis.

I. Generice herpes magis incommodi, quam periculosi sunt, ut cum convalescere videantur, facile recrudescant.

II. Farinacei, & squammosi remediis plerumque facile cedunt.

III. Idem evenit de crustosis, modo ipsi grandiore cutis erosionem non ostendant; quod indicat humoris mucosi acrimoniam, & ipsius sanguinis producentis.

IV. Herpetes humidi, atque corrodescentes pertinaces valde sunt, quia ab acrimonioso humore confirmantur ibi copiose affluente.

V. Omnium maxime periculosus est herpes carcinomatofus, qui cancri phenomena habet concomitantia.

VI. Generice porro herpes a causa interna producti difficilius curantur, quam externi, & accidentales; illis tamen exceptis, qui a lue venerea originem agnoscunt, ubi frictions mercuriales satis valent.

VII. Periculosum magnopere est sistere, aut curare herpes, nisi prius idonea, & diutina præparatio adhibita fuerit, quod præsertim in malignis, humidis nempe, & corrodescentibus necessarium observatur; tot enim tristes fuerunt imprudenter curati herpetis eventus, ut medici in hujus morbi curatione satis caute incedere debeant.



*Curatio.*

I. In curatione hujus morbi interna, primo sanguinis vitia corrigi debent; quod obtinebitur sequentia auxilia adhibendo.

1. Statim vena brachii est incidenda; verum simplex purgatio cum senna, rhabarbaro, sale vegetabili, atque manna est exhibenda.

2. Insuper potissimum sanguinis vitium est cohibendum; ideoque si sanguis acer, aut salitus appareat, remedia diluentia, quæ pro diversa tempestate variant, sunt ægris propinanda; æstivo enim tempore conveniunt balnea tepentia, & aquæ minerales acidulæ, aut ferrugineæ; reliquis vero temporibus decoctiones, aut apozemata ex radicibus confecta cardui, fragorum, acetosæ &c. tum ex foliis borraginis, buglossi, cichorei silvestris, pimpinellæ, agrimonix, nasturtii aquatici, quibus addi potest drachma una salis de duobus; attamen eandem indicationem pariter implent jura pullorum, simili ratione parata, aut ferum lactis depuratum illi salis, & simili dose affusum.

3. Ita sanguine repurgato si tempestas sinat, dulcificantia exhiberi poterunt; talia sunt lac asininum, vaccinum, caprinum &c. juscula avenæ, aut ranarum, & testudinum.

4. Si obstructionem primarum viarum hepatis præsertim suspicemur, quæ humores recrementitios in sanguine retinendo acrimoniam ejusdem intendunt, aperientia opportuna videntur; videlicet tartarum martiale solubile, ad dosim 20. aut 25. granorum sub forma bolari, vel in decoctionibus, apozematibus, aut sero lactis solutum; crocus pariter martis aperiens ad grana viginti; æthiops etiam mineralis per ignem confectus simili dosi sub forma boli, aut opiatum, cum salibus, & purgantibus idoneis propinatus.

5. Si sanguis aridus, spissus, & acer videatur, diluentia, & temperantia remedia impendi solent; ut ptisana sudorifera simplex, aut purgans ad dosim unius, vel duplicis cyathi pro singula die; copiosus liquor ptisanæ ingredientibus affusus pro vulgari potu inserviet, deinde juscula cancrorum, asellorum, & viperarum præsertim efficaciora evadunt.

6. Dum hujusmodi remedia exhibentur; sumere fas erit bolum compositum ex 20. aut 30. granis florum sulphuris, antimonii diaphoretici, & ex granis sex, aut octo gummi ammoniaci, atque aloes, cum æquali quantitate salis tartari, & idonea copia syrupi fumarix pro bolo conficiendo necessaria.

7. Tandem ea diversa remedia vel purgantibus remisceri debent, vel identidem ægros purgare oportet, prout occasio postulaverit. Sed in herpete farinaceo, aut squammoso hujusmodi præparatoria methodus, vel ableganda, vel imminuenda videtur.

II. Certum est in omni herpete cellulas corporis mucosi affectas totidem patula cribri foraminula evadere, ex quibus continuo acer humor ibi detentus fecernitur; ideoque remedia in herpete extrinsecus applicita filtri contextum destruere debent, ac escharotica vi pollerent. At ea feligere oportet, quorum actio proportionalis sit vitio corrigendo; quare.

1. Si herpes a solis, aut ignis calore, vel fuci nimio usu dependeat, linimentum sat erit ex oleo de behen, vel seminum frigidorum cum spermate ceti, aut paucis balsamo medinæ subactum, quod linteï ope parti affectæ applicatur. Simul opportuna sunt linteola lutea, & luteo ovorum imbuta, paucisque infuso croci orientalis madefacta.

2. Si



2. Si herpes a causa interna procedat, qui tamen neque farinosus, neque squamosus sit, ipse saliva identidem madefiat, vel solutione salis marini, aut gummi arabici ex aceto peracta, verum etiam aqua destillata felis bovini.

3. Si herpes crustosus sit, squammæ facile decident post linimentum cremoris, aut butyri lactis recentis, vel pulpæ foliorum betæ; post hæc cutis abluatur cum decoctione vulneraria absinthii, aut aristolochiæ, vel cum aqua secunda calcis; insuper usuvenire solet unguentum paratum ex pulpa radicum, patientiæ silvestris sub cineribus excoctæ, cum floribus sulphuris, quod plerumque sufficere solet.

4. Si herpes malignus, & pertinax sit, validiora remedia impendi debent, inter quæ præcipua sunt sequentia.

Lana succida combusta, & adipe commixta.

Pulpa radicum enulæ campanæ sub cineribus excoctarum.

Unguentum enulatum.

Oleum papyri, tritici, aut linteï sub patina combusti.

Oleum tartari per deliquium purum, vel aqua dilutum.

Flores sulphuris unguento rosato, quandoque etiam paucò sale simul ammoniaco subacti.

Præcipitatum rubrum, aut album, vel farina levis sublimati dulcis, & corrosivi, etiam cum jasmini linimento prudenter applicata.

Aqua phagedenica clara, vel turbida plumæ ope leviter admota.

#### *Cautelæ*

#### *In Herpetum pertractatione magis necessariae.*

1. Herpetes nunquam sunt cohibendi, nisi postquam dilutus, atque temperatus fuerit sanguis, ac proinde destructus omnis herpetis fomes; hæc cautela potissimum necessaria videtur in vivo, extenso, & inveterato herpete, in subjectis præsertim cacheticis, male affectis, vel pulmone male constitutis, & in iis, qui oculorum fluxionibus sæpe laborant; tum in mulieribus, quibus albi fluores frequentes sunt.

Dantur tamen plures circumstantiæ, ubi prudentis medici est, nulla ratione herpetes cohibere, quia interdum ad sanitatem servandam utiles evadunt: innumeræ afferri possent observationes, quæ summum detrimentum ostenderent, eorum, qui perperam hujus morbi curationem poposcerunt.

2. Sed quacumque ratione herpetibus mederi velit, per vices curatio inchoari debet, a parte intimius affecta incipiendo, aut visui magis conspicua, sensim progrediendo, ne cito nimis herpetis fomes supprimatur; verum si opus requirat, sibi metipsis libere relinquantur.

3. Tutius erit proinde decimo quinto quoque die, aut singulis mensibus ægrum purgare, vel segnius post herpetis evanescentiam, præsertim si morbus vetustior fuerit; quinimmo diuturnus lactis, asinini præsertim, usus, si stomachus permiserit, opportunissimus erit.

4. Tandem cauterium non est negligendum in brachiis, aut crure incisum pro diversa, quam herpes, parte occupat, quod detineri poterit per integrum, aut duplicem annum ad eliminandam ita fomitis morborum maximam partem, ne in nobiliorem aliquam internam partem majus damnum inferat.



## CAPUT TERTIUM.

## De Scabie.

## Descriptio.

- I. **I**N scabie circa cutem efformantur exiguæ ampullæ interdum pene conspicuæ, & falsedine repletæ.
- II. Ipsæ molestum pruritus semper comitem habent cum maximo scalpendi desiderio, ita bullæ lacerantur, dolor excitatur, serumque funditur.
- III. Has lacerationes subsequuntur ulcuscula, aut exiguæ ulcerosæ crustæ; sed in utroque casu pruritus subsistit.
- IV. Scissuræ, aut crustæ rubore superficiali, & erysipelatoso cooperiuntur cum proportionali cutis calore.
- V. Hæc phenomena in diem multiplicantur, atque intenduntur, frequentius tamen afficiunt internodia digitorum, articulos, carpos, maleolos, & genua, videlicet partes frigori magis obnoxias, vel illas, ubi rugarum causa acer humor uberius affluit.
- VI. Hic affectus a Græcis *ῥόχα*, à Latinis *scabies*, & a Gallis *Rogne*, sive *Gale* appellatur.

## Differentiæ.

Generice scabies *humida* est, vel *sicca*.

- I. *Humida* illa est, cujus bullæ grandiores, & confertiores sunt, ubi scissuræ efformantur in ulcera post suppurationem abeuntes.
- II. Scabies *sicca* ea est, ubi pustulæ exiguissimæ sunt, quæ absque feri fisione disrumpi solent, & in crustas exilissimas sine humiditate abeunt, appellari solet *scabies ferina*.
- III. Præter duplicem hanc differentiam scabies distinguitur etiam in *erysipelatosam*, & *herpeticam*, modo alterutri morbo accedat.
- IV. *Scabies ferina* modo altiore gradum attingat, *lepra Græcorum* appellari solet. Sed probe distingui debet a *lepra Arabum*, quæ est lepra proprie dicta, sive *elephantiasis* Græcorum.

## Causæ.

Sedes scabiei est cutis superficies, ubi pruritus per sentitur, qui certus est passionis index, ubi exiguæ bullæ sive pustulæ oriri incipiunt. Non citra rationem ergo in extremitatibus canalium excretoriorum glandularum miliarium ponitur, ubi canales isti in cutem desinunt.

Causa enim scabiei cum illa erysipelatis, quamvis certa quadam ratione convenire videatur, duplici tamen ratione differt. *Primum*, quia sedes erysipelatis est in glandulis miliaribus ipsis, ut superius vidimus; scabies vero in extremitatibus canalium excretoriorum earum glandularum. *Secundum*, in erysipelate morbosus humor glandulas miliares de repente, & ubertim aggreditur, ut infartum, atque inflammationem inducat, sed scabiei fomes minori copia, & mitiori gradu sensim, sensimque in ipsas agit.

Ceteroquin scabies æque ac erysipelas ab humore acri procedit, qui laceffit,  
inflam-



inflammatur, atque exulceratur extremitates excretoriorum harum glandularum; huiusmodi humor ille sudoris est, qui acrimoniae gradum contraxerit ob alterutram trium sequentium causarum.

I. Ob vitium sanguinis, qui & ipse acer erit, ita acria alimenta, & salita, aut potiones salsae, tum pisces morrhua, aringa, &c. internam scabiei causam saepe producant; idem parit, absque diatae errore, bilis hepate coercita, & sanguine detenta, quae ejusdem qualitatem pervertat.

II. Ob nimiam congestionem sudoris, in canalibus excretoriis adipe obstructis, ubi ipse acer fit, & ulcuscula gignit, quae pertinacem scabiem tandem producit, quoniam exulcerati huiusmodi canales cribri speciem referunt aeribus sanguinis humoribus erumpentibus parati.

III. Ob mutuum commercium cum scabioso decumbendo, ipsumque contrectando, vel scabiosi indusia vestiendo, quia particulae vitii humoris, quibus scabiosi, aut vestimenta imbibuntur, cutem intrant, & facile extremitates canalium glandularum miliarium ulcere afficiunt, ipsasque ad acrem sanguinis humorem recipiendum, aptiores reddunt.

Verum enim est ambas postremas causas in extremitates illorum canalium agere, ipsasque irritando, aut inflammando scabiem producere; quoad priorem causam attinet, quae est acrimonia sudoris a sanguine derivata in extremitates simul canalium eorum agere debet, quia acrior fit ob iacturam serosae partis sanguinis, quae tunc dissipatur. Hac enim de causa in ptyalismo mercuriali, humor e glandulis salivalibus erumpens earum excretoria inflammatur, atque in ore exulceratur, glandulis ipsis secernentibus intactis:

Ex his consequitur in extremitatibus canalium glandularum miliarium scabiei sedem esse reponendam, ut supra admonuimus. Secus difficillime explicaretur, quomodo scabies produci posset citra sanguinis vitium per simplicem sorditiem, aut contagium, quae ultra cutis superficiem minime agunt.

### Symptomata.

1. Cum in scabie extremitates canalium glandularum miliarium ab aliqua explicatis causis exulceratae fuerint, eorum lumina obstructa, vel constricta valde esse debebunt; ita sudor ex his glandulis promanans detineri debet, & exiguas pustulas inflammatas gignere, plus, minusve amplas pro quantitate sudoris retenti.

2. Cum sanguis serosus valde fuerit, plus sudoris glandulis ministraverit; at si earum extremitates canalium inflammatae fuerint, sudor ibi majori copia cumulabitur, & ita grandiores bullae, & confertiores producentur, ut in *humida* scabie evenire solet.

3. Contra si sanguis siccus, & resinosus sit, parumque sudoris suppediet, praesertim si extremitates canalium glandularum magis exulceratae, quam inflammatae videantur, ut imperfecte obstruantur, sudor minori copia cumulari & paucis in locis debebit; in hoc casu pustulae rarae sunt, & exiguae apparebunt, ut in scabie *sicca*.

4. Cum in mulieribus, infantibus, & temperamento sanguineo & pituitoso donatis sanguis magis serosus sit, & sudor minus acer, ideoque in his circumstantiis pustulae grandiores fient, majori quidem, sed minus corroden- ti sero repletae, ideoque huiusmodi scabies *humida* plerumque erit.

5. Sanguis contra dum siccus, & resinosus est in biliosis, atrabilaribus, & seni-



senibus frequenter ob sudoris inopiam, atque majorem acrimoniam pustulas exiguas sero magis vacuas, sed cum majori acrimonia producere debet; quare scabies tunc superveniens, quæ senibus frequens est, *sicca* esse debet.

6. Cum humor in pustulis contentus acer, & salitus in scabiosis magnopere sit, pustularum internam faciem laceffere debet, atque molestum pruritus proinde excitare, qui speciatim morbi naturam manifestat. Hic pruritus plus, minusve incommodus est, prout humor majori, vel minori acrimonia pollet, vel extremitates canalium plus, minusve afficit: quare patet cur in sicca scabie major sit cruciatus.

7. Magnum statim levamen ægri scalpendo persentiunt, summamque proinde delectationem, quia pustulæ scinduntur, atque irritans funditur contentus humor; at cum ab attritu innumeræ scissuræ producantur, ideoque oblectamentum statim sequitur cutis ardor, atque inflammatio, pruritu deterior affectus.

8. Hujusmodi scissuræ crustis statim obducuntur, plus, minusve extensis pro varia cutis excoiatione; hac de causa grandiores fiunt in humida scabie, in sicca vero exiliores.

9. Crustæ canales excretorios obturando novum vitiatum sudoris laticem retinent, novumque ita pruritus excitant, qui ad scalpendum invitat; quare attritu crustæ abraduntur, & scabies confirmatur.

10. Tum ignis, cum lectuli calor ex *una* parte salinas particulas vitii humoris commovet, ex *altera* morbi fomitem rarefacit, ex quo, pustulis distensis, sensus augetur; ita calor ignis, atque cubilis pruritus auget, & molestissimum reddit, ut ipsum scabiosi vix pati valeant.

11. Tandem scabies plerumque internodia digitorum, articulos, coccygem, genua, nates, atque clunes aggreditur, quia cutis rimæ in his partibus, & major sordities vitiatum sudorem facilius retinent.

### Diagnosıs.

I. Facile scabies ejusdemque diversæ species ab antea facta descriptione agnoscuntur.

II. Hic affectus pariter a reliquis affinis morbis facile distinguitur; ab erysipelate enim, quia scabies, neque inflammationem cutis, neque febrem comitem habet, sed in quibusdam locis corporis superficiem tantum infestat; ab herpete, quia scabies nunquam extensa videtur, sed sejuncta, sive in granula distincta, quæ brevem latitudinem ostendunt; a sanguinis ebullitione, quia scabies nequaquam totum corporis habitum de repente obtegit, verum pertinacior, faviolemque pruritus comitem habere solet.

III. Tandem ab ipsius ægri narratione disci potest, si scabies recens, aut inveterata sit, si a causa externa, aut accidentali, vel a vitio sanguinis sine contagii suspitione veniat.

### Prognosis.

I. Scabies magis incommoda, quam periculosa est,

II. Sicca, humida difficilius curatur, & in quibusdam subjectis nunquam subigitur.

III. Quæ a causa interna procedit, pertinacior est illa ab externa causa procedenti; quare nunquam profligatur, nisi prius sanguinis vitium tollatur.

IV. Periculosum est scabiem sanare, priusquam sanguinis vitium corrigatur,  
ut



ut in herpetibus diximus, & eadem de causa; in utroque enim casu vitiatum humor perperam detentus nobiliores partes aggredi potest, ut pluries accidit. Frequenter enim prudentis medici est in curatione cunctari præsertim cum huiusmodi morbi inveterati sint, & in subjectis occurrant cacheticis, pulmone laborantibus, vel in mulieribus albo fluori obnoxiiis.

### *Curatio.*

I. In curatione scabiei internæ potissima indicatio videtur sanguinis vitium moderari. Hac de causa,

1. Remedia generalia primo impendi debent, nempe venæ sectio, & purgatio; verum etiam in progressu utrumque reiterare necessum erit, purgationem saltem, prout circumstantiæ postulaverint.

2. Post hæc si scabies humida sit, cum hoc indicium afferat sanguinem satis ferosum esse, sufficiet falsedinem, ac acrimoniam sanguinis corrigere, leviora absorbentia exhibendo, qualia sunt diaphoreticum minerale, pulvis asellorum, oculi cancrorum, terra japonica, radix gentianæ &c. ex quibus cum syrupo quinque radicum aperientium boli conficiuntur, qui jejuno stomacho per plures dies propinantur.

3. Præterea post bolos decoctiones exhibentur ex pullo, vitulo, cancris, vel ex vipera cum plantis idoneis, charophillo, fumaria, nasturtio, cichoreo, agrimonia &c. confectæ, quibus addi potest drachma una salis de duobus.

4. Sufficiens ita ægro repurgato, correctoque sanguine, dulcificantia convenire videntur, nempe serum lactis, vel lac asininum, aut vaccinum, tum jura ranarum, aut testudinum in his per quindecim, aut viginti dies persistendo.

5. Contra vero, si scabies sicca sit, quæ humorum arefcentiam, atque acrimoniam indicat, diu erit insistendum in decoctionibus refrigerantibus, atque ptisanis ex radicibus fragariæ, oxalidis, graminis, cum pauca glycyrrhiza confectis, tum usus conveniet, si tempestas idonea sit, aquarum martialium.

6. Postea dulcificantia superius proposita adhiberi debent, videlicet serum lactis depuratum, lac destillatum, vel simplex vaccinum, aut asininum, ceteraque remedia, quæ lacti substitui possunt, modo ea stomachus ferat.

7. Tandem in omni scabiei specie balnea domestica aquæ dulcis pro sanguine humectando, atque tum calore, cum acrimonia ejusdem cohibenda utilissima evadunt. Juvant pariter ad cutem laxandam, pruritumque compescendum, tandem cutis hiatus aperiunt, ut adhibenda topica facilius ipsam pervadant. Usuvenerunt etiam sequentes boli, qui scabiei fomitem in sanguine latitantem non parum corrigunt, ipsumque a sanguine eliminant; ipsi conficiuntur ex granis 20. diaphoretici mineralis, 12. æthiopis mineralis sine igne parati, & 15. aut 20. florum sulphuris; omnia cum syrupo fumarie, pro una vice subigendo.

II. Rebus ita paratis in ratione morbi vehementiæ ad externa remedia, si ve topica erit confugiendum; innumera huiusmodi apud Auctores reperiuntur, quæ neque simplicia, neque tuta semper videntur; usitatiora, & efficaciora nostrum erit proponere.

1. Pulpa radicum lapathi sylvestris, si ve enulæ campanæ cum adipe suillo sub linimenti forma subacta, qua partes affectæ obliniuntur.

2. Decoctio foliorum nicotianæ, aqua, aut vino albo confecta, qua calide scabiosi madefiunt.

3. Oleum



3. Oleum olivarum, in quo sulphur ebullierit, donec linimenti formam suscipiat, sed hoc remedium male olet nimis; quare ipsi substituitur sulphur in subtilissimum pollinem redactum cum adipe suillo, aut simili odorato commixtum, eoque articuli fricantur, tali pacto minus olet, & efficacius agit.

4. Nitrum, atque latera contrita, & anatica quantitate, cum iisdem pinguedinibus commixta, ad infirmas partes fricandas valet.

5. Lixivium Reguli antimonii, vel aliarum præparationum hujus semimetalli, quæ per detonationem nitri confici solent.

6. Sal ammoniacum cum octuplo saponis veneri, sufficienti etiam quantitate olei amygdalarum dulcium addita pro linimento conficiendo.

7. Unguentum Neapolitanum, sive mercuriale, quo interdum articuli fricantur, plus, minusve pro diverso ægri statu, aut ætate.

8. Oleum olivarum cum æquali quantitate vini albi confociatum, ubi ebullierint folia aliquot lauri rosei, sive Diaphnoides ad vini usque consumptionem.

III. In hac medendi methodo necessum erit,

1. Hujusmodi unguenta, sive linimenta aromatizare cum storace, benzoino, essentia aurantiorum, aut similibus, ut fœtor imminuatur.

2. Ægri sub eorum remediorum usu calido loco detineri debent, ne cutis hiatus de repente occludendo scabiei fomes in sanguinem repellatur.

3. Magis infirmæ partes sunt tantum obliniendæ, & ut cautius incedatur, successive sunt inungendæ.

4. Tandem obvium est per tres subsequentes dies de sero ante decubitus linimentum admovere, dein a scalpenti desiderio se abstinere per octiduum, tantumdemque temporis frigidum aerem evitare.

## CAPUT QUARTUM.

### De Papulis.

#### Descriptio.

I. **I**N hac erupione, efflorescentia, sive ebullitione sanguinis corporis superficie statim exiguis tuberculis, rubris, distinctis conspersa observatur, plus, minusve confertis, aut elevatis rubicundisque.

II. Hi parvi tumores modo levem bullam comitem habent, ut in variolis spuris quandoque evenit; modo nullam bullam ostendunt, ut in morbillis.

III. In utroque casu pruritus præsens est, minus molestus tamen, quam in scabie, satis vividus tamen, ut scalpenti desiderium moveat.

IV. Hac de causa enim tuberculorum apices scinduntur; postquam quod crustæ decidunt, & morbus evanescit.

V. Quandoque tamen sanguinis hujusmodi ebullitio in herpetem degenerat, & nisi per universum corpus, in aliquibus saltem partibus.

VI. Græci hujus morbi plura nomina, videlicet *Ἐκθύματα*, *Ἐξανθήματα*, *Ἐξέσματα*, *Ἐκβάσματα* tradiderunt quæ gallicis synonymis respondent, nempe *erupcion*, *efflorescence*, *ebullition*; Latini vero parvulos hosce tumores *papulas* vocarunt.

#### Causæ.

Certum est sedem morbi in glandulis miliaribus sitam esse, easdemque glandulas

*Astruc de Tumoribus.*

F



dulas a sudore exuberante inflari, atque pro ipsius acrimonia irritari.

Experientia admonuit, hunc morbum a pluribus causis produci, quarum actio tamen una, vel similis saltem videtur.

1. Febris enim paroxysmus ephemeræ, vel continuæ simplicis, dum validum sumptum drastrictum subsequitur, id parere valet; tunc febre evanescente sudor copiosus erumpit, quem in subjectis acrimonioso sanguine donatis universalis ebullitio plerumque sequitur.

2. Pariter idem producit abusus vini, aut spirituum ardentium, motus nimis, insolatio diebus canicularibus præsertim.

3. Huiusmodi morbus excitatur occasione iracundiæ, quæ bilem commoverit, vel in aliqua parte auxerit, tum aggressu *cholera morbi* &c. quia bilis tunc in sanguine exuberans sudori simul remiscetur.

4. Remedia tandem diaphoretica æstivo tempore, aut in calido subjecto perperam propinata pari ratione afficiunt; talia sunt decocta viperata, vel sudorifera, vel illa cancrorum, aut cordialia calefacientia.

### Symptomata.

1. In Sanguinis istiusmodi ebullitione glandulæ miliares ab affluente continuo exuberante sudore tumescunt.

2. Post tumescentiam in exiguas papulas, & discretas producuntur cum rubore, calore, atque pruritu, sudoris acrimoniæ respondentibus.

3. Si infartus glandularum maximus sit, bullæ in apice papularum conspiciuntur, non ita si ille levior fuerit.

4. In acumine cujusque papulæ excoriata eschara tenuissima oritur brevi prolabenda, & morbus plerumque intra quinque, octo, aut decem dies dissipabitur.

### Diagnos.

Ebullitio enim, sive effervescentia sanguinis in hoc ab herpete differt, quod discreta sit, citoque convalescat; differt vero ab erysipellate ex eo, quod papulæ admodum distinctæ appareant, non ut in illo continuatæ, sed quod magis arridet, ex eo quod rubor a pressione non evanescat; a scabie distat, quia hic papulæ universales sunt, de repente superveniunt, & facile sponte quasi abeunt; tandem a rubeola, & morbillis facile papulæ distinguuntur ex eo, quod in illis morbis ægri, ante eruptionem pustularum, affecti appareant, non ita in sanguinis ebullitione, ubi papulæ statim aggrediuntur. Ceteroquin in supradictis morbis eruptio in diversis partibus successive fit, sed non igitur in eo, de quo agitur.

### Prognosis.

Papulæ periculo penitus vacant, nisi illud habeant causæ producentis.

### Curatio.

Papulæ post duplicem ex brachio venæ sectionem, lenientem purgationem, & nonnullas refrigerantes, aut diureticas decoctiones haustas evanescere solent.

At si pertinaciores videantur, adhiberi solent serum lactis, lac asininum, aquæ minerales, & balnea tepentia aquæ fontanæ, nullumque externum auxilium impendi necessum est.



## CAPUT QUINTUM.

De Esseris, sive morbo Porcino.

## Descriptio.

I. Cutem afficiunt tumores, aut prominentiæ magis quam in erysipelate elevata, minus rubræ tamen, a quibus modo omnis corporis superficies, modo aliqua tantum pars obducitur.

II. Hujusmodi tumores quandoque late serpunt, quandoque in exiguas portiunculas complanatas apparent: magnitudinis nummi aut lenticulæ.

III. Quandoque valde rubent, quandoque non; modo pruritus maximus est, modo mediocris, sed generice quo magis scalpitur, eo grandiores, & confertiores fiunt, cum majori calore.

IV. Hujusmodi efflorescentiæ magnopere variant, modo se produnt, modo cessant, modo revertuntur, quando pallefcunt, quando rubent, nunc molestum pruritum excitant, nunc ipso carent.

V. Nulla bulla in his prominentiis apparet, vel saltem raro; quare scalpendo cutis interdum madefit.

VI. Hujusmodi prominentiæ vero supra cutem elewantur ab una ad tres lineas usque; quapropter variolis exceptis, constituunt affectum erysipelatosum magis eminentem.

VII. Hic affectus, dum exiguas papulas præbet, valde ictus apium æmuletur, vel parvulos tumores, qui ab urticæ contrectatione oriri solent.

VIII. Eadem cutis prominentiæ modo apparent, modo abeunt pluries in die; generice diu non perdurant, cito, & sponte desistunt, nullo subsequente incommodo.

Hæc morbi species Græcis, atque Latinis non innotuerat, vel saltem apud illos variis nominibus insigniebatur, *exanthematum* nempe, *efflorescentiæ*, *papularum* &c. sed apud Arabes *Sora*, aut *Essere* appellabatur. In Occitania communiter vocatur *Lou Mau peourcieu*, vel *pourcel*, *morbis porcinus* ex quibus credo Gallos illud *porcelaine* procreasse.

## Differentiæ.

I. Modo esseræ valde rubent, & erysipelatosæ sane apparent, modo pallefcunt, ideoque *erysipelato-oedematose* fiunt.

II. Quandoque sine febre oritur, & sudores consequitur æstivos; quandoque febrim hic affectus comitem habet, vel melius dicam, supervenit.

## Causæ.

Tumores, qui in hoc morbo cutim deturpant, perbellè ostendunt glandulas miliares affici, atque obstrui, ipsasque sanguinis, & lymphæ circuitum intercepte, donec ibi reptantibus vasculis inflatis cutis intumescat.

Idcirco omne id, quod hæc glandulas obstruere valet, esseras pariter parere potest; necessum tamen est, quod obstruens materies neque valde salina, neque spissa sit, ut ex una parte glandulas non inflammet, quod erysipelas.



produceret, ex altera facile dissipari queat, ut morbus *transitorius* sit, qualem descripsimus.

Obstructio enim glandularum cutis, qualis necessaria est, ut essetæ producantur, oriri solet a levi sudoris vitio, dummodo ipse una nonnihil exuberet, & paulo magis inspissescat, quod evenit sequentibus casibus.

1. Quando sanguis naturaliter spissus ob tempestatis æstum valde rare scat, vel ob exercitium nimium, quod sudoris secretionem auget, ipsumque sudorem spissiore reddit.

2. Quando nimis usi sint ægri remediis cordialibus, sudoriferis, & attenuantibus, quæ sudorem ubertim cutem versus impellunt.

3. Quando vinum meracum biberint, aut liquores spirituosos haurierint, qui effectum producant remedium calidum.

4. Quando vehementi quis corripiatur ira, quæ sanguinem valide commovendo, de repente sudoris copiam augeat.

5. Quando perperam prius calefacto corpore, quis extremo frigori subjiciatur; hujusmodi tamen diversæ causæ producentes plerumque essetæ apireticas producant.

6. Quando febris quem aggreditur spisso sanguine donatum, quia ipsa sudoris copiam auget, tamen ejus densitatem minime attenuat.

7. Quando biliosa subjecta, aut valde calefacta, quorum sudor est acer, inopinanter cum frigore, & febre corripiantur, quæ subito sudorem solet condensare.

Hæ duæ postremæ causæ essetæ producant, quæ febrem subsequuntur.

#### *Symptomata.*

1. Hic affectus frequenter erysipelatosus est, qui dependet a qualitate sanguinis magis rarefacti, & a gradu obstructionis glandularum miliarium, quæ magis sanguinis circuitum impediunt.

2. Quandoque erysipelas oedematosus est, quod a sanguinis conditione procedit, qui magis serosus est, tum a glandularum infartu, quæ perturbant quidem lymphæ circuitum, minime vero sanguinis.

3. Essetæ, totidem plana plus, minusve extensa referant, vel distincta puncta, prout infartus in pluribus glandulis contiguus fit, vel in paucioribus, & distinctis.

4. Accedit pruritus plus, minusve molestus pro diversa sanguinis falsedine, atque stimulo, vel pro diversa glandularum phlogosi, vel earum sensibilitate.

5. Nulla plerumque bulla apparet, quia sanguinis circulus, atque lymphæ nondum intercipitur ita, ut aliqua serositas per hiatus cutis sub epidermide effundatur.

6. Essetæ abeunt, atque revertuntur pluries, prout sudor plus, minusve densus est; vel plus, minusve in glandulas miliares irruit; quod levi de causa variare potest.

#### *Diagnos.*

Esetæ ex antea descriptione satis patefcunt.

1. Differunt ab erysipelate, quia hic affectus magis prominet, minus rubet, minus dolet, atque tandem transitorius, & versatilis est.

2. Mi-



2. Minus vero cum rubeola confunditur, nam hic cutis inflammantur latae portiones, illic exigua puncta; ceteroquin rubeolam praecedunt intensa febris, pluraque alia symptomata admodum periculosa, praesertim tussis specialis generis, quae in effleris non observatur; nihilominus Parisienses Medici saepe rubeolam cum effleris confundunt, ubi haec non satis innotescant.

### *Prognosis.*

Effleræ plerumque periculo carent, praesertim si febris absit, nullum grave symptoma ostendant, & intra tres dies vel horas aliquot interdum finem habeant.

Quando hic morbus feбри periodicæ supervenit, frigore perdurante, tantum persistunt, & in calore evanescunt, modo sudor satis tenuis sit, sed quandoque in novo frigoris accessu revertuntur.

Effleræ, quæ febrem continuam subsequuntur, salubres sunt, si criticæ; sed si symptomaticæ videantur, quod raro occurrit, febris producentis detrimentum tantummodo habent.

### *Curatio.*

I. Hic affectus cum sine febre exurgat, sponte plerumque dissipatur, vel ad summum æger phlebotomizatur, ptisanam graminis, & glycyrrhizæ exhibendo, aut decoctiones, vel apozemata refrigerantia, primasque vias simul lenientibus expiando; attamen si crebro revertatur, serum lactis, aquæ minerales, & balnea domestica erunt adhibenda.

II. Cum hic morbus febrem comitetur, pluræ venæ sectiones sunt instituendæ; de cetero eadem usuveniunt remedia nuper indicata.

In utraque vero specie sudorifera sunt vitanda, quæ potius magis nocent.

## CAPUT SEXTUM.

### *De Sudaminibus.*

#### *Descriptio.*

I. Infantes, atque adulti, qui tenui, alba, & gracili donantur cutē, sunt æstivo tempore exiguis obnoxii prominentiis, rubris, & erysipelatosi, quæ superficiem obducunt, praesertim circa collum, mentum, inguina &c.

II. Hæ prominentiæ subsequi solent crebros sudores, magis pallefcunt refrigeratis ægris, rubent valde dum sudant, aut calefcunt.

III. Hujusmodi prominentiæ frigida tempestate dissipantur, sed plerumque partes ab ipsis affectæ depilantur; quandoque etiam in herpetem farinaceum degenerant.

IV. Eodem molestum pruritum semper comitem habent, praesertim cum depilari affectæ partes incipiunt.

V. Hic morbus apud Græcos appellatur *ὑπόα*; ipsum vero Latini *sudamina* vocant; cum copia, & acrimonia sudoris in causa potissimum sit; Galli vero ipsum nuncupant *Echaubouillures* ex veteri verbo *echaubiller*, quod significat *echauder*, scilicet calefacere, quia revera tunc temporis cutis exardescit; In Occitania dicitur *cambriol* a vocabulo *cambier*, quod significat *changer*, quia color cutis saepe variat.

*Astruc de Tumoribus.*



*Causæ.*

In sudaminibus cutis non inflatur, ideoque glandulæ cutaneæ, siue miliares non intumescunt, & morbi sedes in his partibus minime locatur.

Igitur extremitates canalium excretoriorum harum glandularum irritatæ, atque inflammatæ has prominentias generabunt, quæ cutim scabram reddunt; sed eadem extremitates canalium irritari, atque inflammari nequeunt; nisi duplici sequenti de causa simul agenti.

I. Ob copiam, & falsedinem sudoris eos canales adeuntis; quare sudamina nisi post repetitos sudores apparent, eaque potissimum afficiunt infantes calefactos, quorum nutrices acri sanguine præditæ sunt, tum adultos bilioso temperamento correptos, aut pravo regimine, & calido nutentes.

Quamvis sudor eque per cavitatem glandularum miliarium, ac per lumen canalium excretoriorum transeat, ipse tamen extremitatem tantum horum canalium laceffit, quia ibi sudor maiorem acrimoniam adipiscitur pro maximo dispendio ferositatis, qua prius onerabatur. Hac de causa, ut admonuimus in mercuriali ptyalismo, saliva nisi in extremitate ductuum salivæ ulcera producit, tum in rheuma cerebri, nisi apice narium papulæ efformantur.

II. Ob gracilitatem horum canalium excretoriorum, & circumpositæ cutis, quod tamen inter causas recenseri difficulter meretur, sed est conditio tamen, *sine qua non*, nam dummodo cutis dura, atque densa sit, sudoris falsedo impar est ullam impressionem parere, non ita cum corporis superficies tenuior valde sit.

Quare infantes præsertim, albi potissimum & pingues sudaminibus sunt obnoxii; contra adulti raro hoc morbo afficiuntur, nisi tenuissima cute præditi sint.

III. Sedes sudaminum eadem videtur ipsius scabiei; maxima enim affinitas datur inter causas utriusque morbi, modo certum sit utrumque a falsedine, & acrimonia sudoris dependere, quod probabile valde apparet.

Nihilo tamen minus sudamina a scabie multum discrepare debent.

1. Quia in ipsis sudor nec constanter, nec intimius peccat, sed per accidens acer, & salitus fit ob tempestatis æstum: quare sudamina evanescent, calore evanescente; in scabie vero sanguis, atque sudor essentialiter, atque vehementer deturpari solent, ut scabies diuturnus, atque pertinax morbus fiat.

2. Insuper quantitas sudoris in sudaminibus cum acrimonia simul concurrat ad ea producenda; quare infantes nunquam corriperentur hoc incommodo, etiam faviori canicula ardente, nisi in ipsis sudor moveretur; in scabie nihilo fecius sudor in ratione quantitatis minime agit, quia scabiosi vulgari ratione sudant. Sed in illis sola acrimonia canalium extremitates constanter exulcerat.

*Symptomata.*

1. In sudaminibus prominentiæ quamplures sunt, sed moderatæ, cum canalium excretoriorum extremitatibus respondeant, quæ quidem sunt valde clausæ, sed simul distantes.

2. Ipsæ parum prominent, quia ab exigua intumescencia inflammatoria orificiorum canalium excretoriorum producuntur, ut hinc exigui tumores tantum producantur.

3. Confertiores sunt circa collum, mentum, & inguinà, quia sudor ibi præsertim cumulatur, quia cutis valde in his partibus coheret.

4. Ha-



4. Harum prominentiarum rubor cum sudore augetur; cum irritatio, & sic inflammatio tunc major fiat; e contra vero imminuitur, dum frigidus sit aer, & sudor desistat.

5. Pruritus hujusmodi prominentias comitatur irritationis molestæ ergo, quam patiuntur puncta inflammata.

6. Tunc pruritus augetur, dum sudamina depilantur fragmentorum ergo exsiccata epidermidis, quæ cutem irritant.

7. Cum maxima sit sanguinis acrimonia, sudamina in herpes degenerant, quia una est horum morborum sedes, & valde affinis causa.

### *Diagnosis.*

Recentia sudamina æmulantur papulas superius descriptas; distingui tamen facile possunt, quia papulæ a sudoris vitio non dependent, ac in morbi decursu rubor in eodem gradu perstat, attamen si confunderentur, parvi momenti erit deceptio, quia remedia eadem adhibentur. Sudamina, in quibus cuticula decidit, herpes farinosos valde imitantur; distinguuntur tamen facile tum ob ea, quæ præcedere solent, tum ob modum valetudinis; nam sudamina sponte abeunt, vel facile remediis cedunt, non ita herpes, qui rebelles sunt.

Nonnulli putant sudamina quandoque confundi posse cum variolis, aut rubeola. At si id medici dixerint, probabile est aliqua speciali de causa coactos fuisse id suadere; nam difficillimum est credere ipsos persuasos fuisse. In rubeola enim, quæ tantum aliquam similitudinem cum sudaminibus ostendit, papulæ multo magis prominent, ceteroquin signa rubeolæ eruptionem præcedentia morbi indolem satis declarant.

### *Prognosis.*

Sudamina periculo vacant, infantibus tamen incommoda sunt, quia ipsis somnum impediunt, & nutritionem labefaciunt. Illa quæ in herpetem farinosum degenerant, pertinaciora sunt, sed generice in junioribus facile dissipantur.

### *Curatio.*

Quies, frigus, clysteria refrigerantia, diætâ humectans, potus frigidus in adultis sufficiunt ad sudamina profliganda; sed si diuturniora sint, venæ sectio cum haustu limonæ aut juris hordeati, tum julapia, & emulsiones sero sumptæ, vel ptysanæ refrigerantes satis, superque valebunt.

In Infantibus irrumantibus eadem remedia sunt nutricibus exhibenda, vinum prohibendo, & omnes excessus, quæ calefacere possent, omne id vitando, quæ calefaciunt modo infantes lactationem respuant, & sudamina persistant, madefieri poterunt aqua tepenti, aut ipsis sanguinem mittere fas erit; sed raro hoc necessum est, plerumque sufficiens videtur tepenti decoctione seminum lini affectas partes oblinire, vel radicis bismalvæ cum lacte simul, aut aqua rosarum subactæ, ubi parum camphoræ solutum fuerit, loca affecta madefacere.

Quandoque æstivo tempore, dum cutis abunde sudore madescit, eveniunt exiguæ bullæ sudore repletæ milii magnitudine: hoc fit, quia excretoria glandularum miliarium vascula, plerumque exsiccata, necdum sinunt egressum copiosi sudoris; quare cumulatus humor bullas producit.



Hoc phenomenon nullum periculum consequens habet, sed cutem fricando evanescit, & sudor tunc facile erumpit, verum etiam citrà frictionem sudor ipse plerumque sibi exitum petit.

## CAPUT SEPTIMUM.

### *De rubris quibusdam faciei maculis.*

#### *Descriptio.*

Quatuor distinguunt Medici faciei rubores.

I. Est rubor naturalis, a prima ætate ortus, aut veteris originis qui faciem pluribus distinctis maculis deturpat & *Visage truitè* a Gallis appellatur; has maculas rubras Latini *Lentigines* vocant.

II. Est rubor, qui, se radiis solis diu exponendo maxime tempore calido, contrahitur, quem Galli *Hale*; Latini vero, aut potius Græci *Εφελιδες* appellant.

III. Est rubor, qui initio graviditatum supervenit, & carnis colorem obfuscat, maculasque itidem rubras, aut fuscas plus, minusve latas producit: hic tam græce, quàm latine *Ephelis a graviditate* dicitur; gallice vero peculiare nomen haud habet.

IV. Tandem est rubor, qui ætate acquiritur, quoque facies ad nasi præsertim latera, & quandoque etiam menti corio quodam denso, atque subflavo cooperta videtur; hic nomine peculiari non pollet.

#### *Causæ.*

*Prima* ruborum *species* ex vitio oritur humoris mucosi, & quandoque etiam membranæ reticularis, quæ hoc rubore afficitur.

Oritur ex vitio humoris mucosi, cum humor iste aliquo extraneo humore, uti bilioso oneratur; sed hoc ad producendas maculas ita constantes non sufficit: hinc adest prudens dicendi locus, cellulas membranæ reticularis esse tunc deturpatas, aut conformationis defectu, aut vitii humoris mucosi acritate ipsas ad superficiem rubefacientibus.

Experientia constat, has rubras maculas fere nunquam advenire, nisi iis, quibus est pellis maxime rubra, & quorum humores certum est esse valde acres, quod magis semper leves exulcerationes membranæ reticularis suadet.

*Alter*a ruboris *species* a duabus causis producitur.

1. Ex eo quod partis rubescentis mucosi humores exsiccati sint; quod pellis albedinem minuit, externamque cutem magis fuscam, aut saltem magis flavescientem reddit.

2. Ex eo quod cutis ipsa calore solis fere combusta aruerit, ex quo transpiratio decrescit, cutisque subnigra, aut subflava evadit.

*Tertia* ruborum *species* initio graviditatum advenit, ex eo quod menses suppressi remaneant, sanguisque in vasa redundet; nonnulli globuli cum mucoso humore miscentur, quæ commixtio, quantumvis pauca, flavum colorem huic humori impertitur, unde postea rubor enascitur, qui in facie prægnantium apparet, ubi externa cutis magis gracilis est.

Similes affectus mensium morbosas suppressiones subsequuntur, pari ratione, ac gestationem sequuntur; attamen rariores sunt in gravidis, postquam in his casibus venam crebrius secare medici solent.



*Quarta species* horum ruborum procedit a spissitudine, aut exsiccatione epidermidis ob sequentes causas.

1. Videlicet actio aeris, & caloris externi, qui tamen cutim arefacit.
2. Faciei morbi nempe fluxiones, erysipelata, herpes &c. quæ exsiccationem accelerant.
3. Abusus fucorum exsiccantium, præsertim fuci coccinei, quo nimium mulieres utuntur.

His affectibus præsertim laborant mulieres, quæ rudiori donantur corporis habitu, in quibus epidermis densior est, & plerumque nares, frontem, aut mentum infestant, ubi cuticula spissior esse solet.

### *Diagnos.*

Variae species rubedinum faciei satis perspicuæ sunt, modo ipsas parum attendamus, ut a sola earum super allata descriptione distinguantur, & speciales causæ etiam facile animadvertantur.

### *Prognosis.*

I. Rubores, qui lentigines emulantur, incurabiles sunt, nullumque vidi perfecte convalescere.

II. Quando morbus ab insolatione dependeat, solem vitando, vel paucis adhibitis auxiliis facile avertitur.

III. Cum gestatio in causa sit, quod raro contingit a venæ sectionum usu, prout graviditas increfcit, hi affectus evanescent.

IV. Rubores tandem, sive sudamina, quæ a densiori cuticula dependent, convalescere, vel saltem imminui possunt, remedia adhibendo, quæ cuticulam emolliant, & exteriorem superficiem magis aridam, aut opacam abradant.

### *Curatio.*

I. Quamvis adversus sudamina lentiginosa, ut superius admonuimus, topica parvi facienda videantur, sequentia tamen tentari possunt.

1. Aqua distillata scrophulariæ, florum fabarum, aut sambuci.
2. Aqua distillata ex lacte caprino ubi pluries infusi fuerint flores sambuci, & fabarum, cum pauca in ipsa emollita mica panis alba.
3. Lac pariter hujusmodi ita paratum, & simpliciter expressum.
4. Oleum tartari per deliquium, multa aqua rosarum dilutum; his liquoribus modo facies interdium madefit, modo noctu lintei ope ipsis imbuti humectatur.

II. Benigniora sudamina, quæ *balæ Galli* vocant, sponte convalescunt, vel ad summum valetudo promovetur humectando sequentibus remediis aridam cutin.

1. Oleum de behen, sive ovi latei; sed hæc olea solent cutem deturpare, cum diu adhibeantur.
2. Lac amygdalarum dulcium, aut seminum frigidorum.
3. Linimentum confectum ex spermate ceti, oleo de behen, aut amygdalarum dulcium, sine igne parato, cum paucis opobalsamo, aut copai multa aqua loto, & quassato.



- [ 4. Butyrum cacaï purissimum, atque albissimum.  
 5. Luteum ovorum dilutum, & cum pauca aqua rosarum quassatum.  
 6. Ceratum luteum ex luteo ovorum, & spermate ceti modico igne fufis paratum.

III. Ea sudamina, quæ gestationem subsequuntur, nullum plerumque remedium postulant, vel ad summum mitiora, nuperrime proposita, erunt adhibenda.

IV. Tandem cum hujusmodi affectus a spissitudine cuticulæ procedant, remedia idonea sunt, quæ cutem molliorem reddant, quod obtinebitur, auxilia adhibendo superius art. I. II. proposita; postquam detergentia usveniunt, ut fel bovis cum sale gemma, & aqua destillatum, tum aqua sublimati corrosivi, videlicet aqua liliorum, ubi tenuissima dosis sublimati corrosivi soluta fuerit; sæculæ pariter conveniunt radicum serpentariæ, bryoniæ albæ, scrophulariæ, aut sigilli salomonis, quæ omnia sufficienti aqueo vehiculo cuti admoventur.

## C A P U T O C T A V U M.

### De Gutta rosacea.

#### Descriptio.

I. Frequenter accidit, quod in hominibus certam ætatem attingentibus faciei superficies in quibusdam locis spissa, inæqualis, & rudis fiat, atque rubro colore imbuatur.

II. Hoc phenomenon genis, naribus, aut mento frequens est; hujusmodi morbus a Gallis *La Couperose* vocatur.

III. Hic morbus a Græcis, aut Latinis non describitur: potest tamen dubitari, quod comprehendatur sub nominibus variis ἰόντοι, & ἑξανθήματα, vel *Vari*, *Pustulæ*, & *Mentagræ*.

IV. Arabes hunc affectum appellarunt *Albutisaga*; Medici, qui ante scientiarum renovationem inter vivos fuerunt, *Gutta rosea* ipsum appellare consueverunt rubri coloris ergo, quo facies deturpabatur, ex quo Galli efformarunt nomen *Gutte rose*, & per corruptionem *Couperose*.

V. Vocabulum *Gutta* apud medicos hujusmodi *Fluxionem* significabat, quod etiam *Podagræ* tribuerunt, quæ per excellentiam *Gutta* dicitur; tum paralyti nervorum opticos aptarunt, ut *Gutta serena* vocetur; epilepsiæ etiam, quæ interdum *Gutta*, sive *Gutteta* nuncupatur, ex quo derivat nomen illud *pulveris ad Guttetam*, quod pulveri antiepileptico dederunt; tandem eadem ratione faciei rubores vocati fuerunt; quin hunc *Gutta rosa*, *rosea*, vel *rosacea* appellarunt.

#### Differentiæ.

Sex sunt hujusmorbi species.

I. *Gutta rosea simplex*, ubi cutis faciei spissior, rudior, inæqualis, & rubicundior apparet.

II. *Gutta rosea varicosa*, ubi partes affectæ exiguis venulis dilatatis sunt interspersæ, quæ per superficiem faciei reptant.

III. *Gutta squamosa*, ubi partes affectæ in squammas plus, minusve conspicuas elevantur.

IV. *Gut-*



IV. Gutta *tuberculosa*, in qua exigui tumores rubri, & conici exurgunt.

V. Gutta *ulcerosa*, ubi exigui illi tumores in apice putrescunt, & ulcuscula gignunt.

VI. Gutta tandem *cancrofa*, quæ in parte affecta summam duritiem comitem habet cum diris lancinationibus, quæ superficialem cancrum minantur, & *noli me tangere* vocari solent.

Animadvertendum est, hujusmodi varias species simul interdum concurrere, ut complicatum morbum faciant.

### Causæ.

1. Gutta certas faciei partes potissimum afficit, ut genas, nares, mentum.

2. Ipsa nunquam in verum erysipelas definit.

3. Pustulæ, quæ hunc morbum comitantur, circulari figura semper donantur.

4. Nudis, vel armatis oculis in gutta incipiente glandularum sebacearum infartus probe distinguitur.

Ex hoc enim concludi debet sedem primariam guttæ rosacæ in glandulis miliaribus minime sitam esse, secus enim vultus non solum, sed reliquum corpus aggrederetur, & pene semper in erysipelas defineret; at in glandulis sebaceis locari, quæ in affectis partibus confertiores sunt, quarum canales excretorii sibi finem habent, ipsique in hoc morbo ob propriam circularem figuram cum turgescant, oculis etiam conspicui fiunt.

Glandulæ enim sebacæ triplici ratione deturpari possunt.

I. Quando contentus humor spissus nimis videatur, tunc glandulæ sebacæ inflantur, cutis ipsa indurescit, & scabra fit; ut proinde, vasis compressis, sanguis congeratur, & rubor in affecta parte succedat; hæc est prima guttæ rosacæ species, quæ *simplex* dici potest.

At si glandularum sebacearum intumescencia certum gradum attingat, venæ magis compressæ magnopere dilatabuntur, & varicosæ fient; hinc gutta *varicosa* oriri solet, quæ *tuberculosa* tandem fit, quando extremitates canalium excretoriorum pro maxima turgentia extra cutem erumpant.

II. Quando hic humor sebaceus acer nimis sit, & corrodens, tunc epidermis a cute separata arefcit, & in squammulas resolvitur, ac proinde gutta *squamosa* producitur.

Tunc extremitates canalium excretoriorum glandularum sebacearum post corrosionem putrescunt, & guttam *ulcerosam* producant.

III. Tandem, quando humor iste una spissus, & corrosivus sit, gutta *cancrofa* gignitur, sive *noli me tangere*.

Tria hæc diversa humoris sebacei vitia a diversis causis dependent, hujusmodi sunt.

I. Spissitudo hujus humoris, quæ derivat,

1. A pravo regimine, & usu frequenti crassioris cibi.

2. A tristitia, & melancholia.

3. A lue venerea sanguinem inficienti.

4. A suppressione mensium in mulieribus, aut fluxus hæmorrhoidalis in viris.

5. Ab applicatione linimentorum, aut aquarum nimis refrigerantium, quibus humor sebaceus in propriis organis condensatur.

6. A nimio usu fuci rubri, qui exsiccat & constringit extremitates canalium illarum glandularum, ibique secretum humorem coercet.

II. Acri-



II. Acrimonia humoris sebacei quæ producitur,

1. Ob nimium usum vini, aut liquorum spirituosorum.
2. Ob alimentorum falsugineorum, aromaticorum, aut irritantium abusum.
3. Ob exercitium nimium coitumque frequentiore.
4. Ob venereum fomitem.
5. Ob linimentorum, aut aquarum acrium, & detergentium nimium usum.
6. Ob frequentem applicationem acrium balsamicorum.
7. Potissimum tandem ob detentam in sanguine bilem, ejusdemque cum humore sebaceo admixtionem, ex quibus hepate indurato, gutta rosea sæpe producitur.

III. Acrimonia, & spissitudo humoris sebacei connubium contrahunt, quando plures utriusque generis causæ simul copulantur.

#### *Symptomata.*

1. Gutta rosea præsertim infestat genas, nares, mentum &c. quia in his partibus glandulæ sebaceæ confertiores sunt.
2. Ipsa deturpat potissimum graciles, & albescentes homines, qui tenerima cute donantur, quia tunc glandulæ lassiores sunt, & facilius infartui obnoxia.
3. Calor climatis magnopere concurrat ad guttam producendam; quare ceteris paribus frequentius observatur in calidis regionibus, ubi sanguis naturaliter arefcit.
4. Attamen in frigidis etiam regionibus obvia est, sed hoc tribuendum est excessui vini, & liquorum, tum pervigilio, & animi pathematibus.

#### *Diagnosis.*

Guttæ rosaceæ descriptio ipsam satis a reliquis morbis cutaneis distinguit; facile enim solo inspectu sex diversæ guttæ species a sola descriptione deducuntur.

#### *Prognosis.*

- I. Generice gutta periculo vacat; attamen difficulter curari potest.
- II. Difficulter præsertim convalescit cum vetustior fuerit, ulcerosa, tuberculosa, cum rubris lividis, & purulentis papulis consociata.
- III. Gutta, quæ cancrofa evadit, valde periculosa est, & diligentioris medici operam postulat, præsertim cum efficaciora remedia morbum intendere, & cancrum accelerare valeant.

#### *Curatio.*

- I. In curatione interna guttæ necessum est i. exactum regimen præscribere humectans, & refrigerans cum modico cibo; nimium exercitium, pervigilium, coitum, & liquores spirituosos interdicens.
2. Fas est exhibere diluentia, & humectantia remedia, videlicet decoctiones pullorum, aut vituli cum plantis refrigerantibus, fero lactis, lacte asinino, balneis, & aquis mineralibus.
3. Deinde si tempestas sinat, mitiora aperientia opportuna sunt, ut tartarum martiale solubile, tinctura martis, crocus martis aqua paratus, bulla martis infusa, & sal martiale Riverii &c.

4. Imo



4. Imo efficaciora, attenuantia convenire videntur, si ægri conditiones finant; hujusmodi sunt decoctiones asellorum, cancrorum, viperarum, tum mercurialia simpliciter attenuantia, ut ethiops, & cinnabaris. Tandem antimonialia diaphoretica, nempe antimonium diaphoreticum, quæ omnia modica dosi, & sub forma boli, aut opii erunt exhibenda.

5. Tandem ægrotantes purgare plus, minusve; prout temperamentum, vires & morbi status postulaverint.

Modo revera lue veneream suspicemur, ipsa mercurio admoto erit subigenda.

II. Quoad externam curationem attinet;

1. Remedia omnia idonea sunt in sudaminibus superius proposita.

2. In gutta tamen rosacea utiliter usuveniunt aquæ plantaginis, & florum sambuci, in quibus simul junctis pro duodecim unciiis, duplex drachma salis saturni infusa sit, posteaquam in hoc liquore immergitur pulvinus sulphure repletus, quo affectæ partes madefiunt.

III. Usuveniunt etiam variæ species lactis virginalis, præsertim illud, quod ex solutione camphoræ in aqua liliorum quassata producitur.

IV. Sed tandem tutissimum remedium est linimentum confectum ex spermate ceti, terebinthina veneta, & oleo de Behen, aut amygdalarum dulcium, cum pauca cera virgini ad modicum ignem fusis, eo imbuuntur lintea alba, quæ noctu per longum tempus affectis partibus applicantur.

## C A P U T N O N U M.

### De Crustis Lacteis.

#### Descriptio.

**H**ic morbus ad infantes proprie attinet: in ipso duo stadia distinguuntur; initium videlicet, & status.

I. In incipientibus crustis:

1. Cutis innumeris *hydatidibus*, aut vesiculis olei specie repletis, sive oleoso madore deturpatur.

2. Hujusmodi liquor inspissatur, & sensim, sensimque flavescit, ut plerumque in crustas indurescat, quandoque vesiculæ disrumpuntur, & liquor effunditur; at humor istiusmodi continuo ex hiatibus cutis erumpens, cito, & ipse in crustas concrescit.

II. Confirmato morbo:

1. Pars affecta obducitur crustis plus, minusve densis, albis, luteis, lividis, aut nigerrimis, ex quibus, dum humidæ perstant, humor pinguis, & oleosus stillat; nullus vero, si arescant.

2. Quandoque evenit, quod crustæ sponte decidant, vel scalpendo abradantur; tunc cutis subtus posita, integra se offert: at pluribus foraminibus circularibus perfossa, ex quibus viscosus, aut glutinosus latex profilit in novas crustas brevi concrescens.

3. Hic affectus partem capillatam potissimum aggreditur; attamen frequenter ad aures, genas, mentum, nares, & raro interdum reliquum corpus etiam extenditur. Semel abeunte morbo cutis sana restituitur nullo præcedentis morbi indicio superstite.

4. Crustæ lacteæ duplicem denominationem a Græcis adeptæ sunt. Ipsi *Αχῆς* crustas appellabant, dum ipsæ exsiccatae apparebant, & cutis exiguis per-



perforata foraminibus conspiciebatur; dum tamen grandiora erant foramina & stillans latex spissior erat; atque melem æmulabatur *Κρία* crustas dicebant, quod idem significat, ac *favi*, sive mellis striæ; hoc postremo de nomine Latini, & Romani potissimum eas cognoscebant. Medici in Europa post imperii decrementum degentes *lactumina*, sive *crustas lacteas* illas appellarunt, quia infantibus lactantibus superveniunt; ex hoc Galli ipsas vocant *croutes de lait*. In aliquibus regionibus *tinea* vocari solent; sed in his casibus veræ tineæ de qua infra locuturi erimus, nomen *Rasche* tribuitur.

### Causæ.

Evidens est, ut de gutta rosea admonuimus, crustas lacteas primariam sedem in glandulis sebaceis habere.

1. Quia nullum erysipelas inducunt, quamvis inveteratæ sint.
2. Quia cutis integra permanet, quamvis ipsam obducant, nullumque morbi vestigium post valetudinem relinquant.
3. Quia partes afficiunt, ubi glandulæ sebaceæ confertiores sunt.
4. Quia destructis crustis solo inspectu se offerunt emissaria glandularum sebacearum, e quibus viscosus humor defluit, morbum detinens.

Igitur concludi potest crustas lacteas in glandulis sebaceis locari, easque crustas ab exuberantia secreti humoris derivare citra ullam hujus laticis acrimoniam, quia nulla ratione, vel levissime tantum, cutis exoriatur.

Cum hic morbus lactantes potissimum aggrediatur, isque abeat mutato nutrimento; ideoque in lactis propinati qualitate causa perquirenda videtur, quæ hanc abundantiam producat.

Nihilo tamen minus cum eadem nutrix non semper crustis inficiat quoslibet ab ipsa infantes, alitos; idcirco naturalis sanguinis conditio ipsius infantis ad hunc affectum producendum non parum concurrere poterit.

I. Ubertas enim humoris sebacei, quæ potissima causa hujus morbi videtur, a crassiori sanguinis infantis constitutione pendere videtur, præsertim cum densiori butyraceo, aut vetustiori lacte ipse vescatur; hac de causa nutrices, quæ tali lacte donantur, in ea ratione male constitutis puerulis crustas lacteas excitabunt; non ita in illis, qui bona sanguinis indole pollent.

Quapropter.

1. Crustas lacteas haud infrequenter patiuntur infantes pingues, & crassiori sanguine præditi.
2. Illi pariter hoc morbo affici solent, qui ex obesis nutricibus, & bene alitis lac vetus, uberrimum, & butyraceum nimis recipiunt.
3. II denique infantes, qui nimis per lactationem nutriuntur.

II. Quandoque humoris sebacei abundantia aliquali jungitur acrimoniæ, quæ consequitur naturalem constitutionem sanguinis infantis, præsertim auctam ab acrimonia lactis nutricis, quæ irascibilis sit, vinoso potu delectetur, & salitis, aut calefacientibus cibis vescatur, libidine æstuet, aut mensibus jam diu deficiat.

Ex hoc enim.

1. Infantes strumosi frequenter crustis lacteis cooperiuntur;
2. Eæque crustæ proinde illis frequentiores sunt, qui nutrices habent ex indicato genere.

### Symptomata.

3. Hic morbus potissimum caput deturpat, quia glandulæ sebaceæ in capillata



lata parte confertiores sunt, grandioresque, ut apparet a pinguedinis copia ibi existentis; quod ab humore sebaceo indurato procedit.

2. Ex hoc loco ad faciem morbus se transfert, ubi sebaceæ glandulæ frequentiores sunt, nempe in genis, naribus, auribus, aut mento.

3. Raro reliquum corpus deturpat, quia calor humorem sebaceum fluidiorem ibi conservat.

4. Hic affectus a pluribus vesiculis miliaribus initium habet, quibus cutis obducitur: hujusmodi sunt extremitates canalium excretoriorum glandularum sebacearum ob humoris copiam, & visciditatem dilatatorum.

5. Dum hic humor inspissatur, crustas gignit, at si vesiculæ disrumpantur, pari ratione erumpens latex exsiccatus in crustas abjerit.

6. Crustæ albescunt, vel flavescent, prout humor sebaceus purus, albus, aut luteus fuerit.

7. Quandoque lividæ, & nigræ sunt; quando infantes scalpendo, vas aliquod sanguineum infringunt, ex quo sanguinis guttulæ sebaceo humore permixtæ crustas inficiunt.

8. Dum humor sebaceus exuberantia tantum vitatur, crustæ spissæ, & crassiores apparent, sed pruritus mediocris est, cutisque sub crustis integra perstat, tandem crustæ ipsæ induratæ observantur.

9. Ubi tamen humor sebaceus acer sit, crustæ tenuiores sunt, & humidiores; pruritus intensior est, & decidentibus crustis cutis exulcerata nonnihil apparet.

10. Hic affectus nutricem mutando, quæ lacte polleat recenti, & seroso, tollitur, aut leviores infantibus cibum suppeditando.

11. Semel profligato morbo nullum superest incommodum, & cutis jam diu crustis deturpata, pristinam mollitiem recuperat, ac si nunquam morbo affecta fuisset.

12. Crustæ per contactum nunquam, vel raro saltem communicari solent, quia supponunt antecedens sanguinis vitium, sine quo nunquam producerentur; ceteroquin morbosus latex densus nimis est, ut epidemicus fiat.

13. Experientia ostendit infantes crustis lacteis obnoxios ferius dentes producere; fortasse quia humoris effusio, quæ per cutim fit, nutrimentum demat ipsorum dentium.

14. Experientia pariter demonstrat in hujusmodi infantibus dentes cum majoribus cruciatibus oriri, vel id procedat a majori duritie ossis, atque perioestii maxillarum, vel a constipatione infantum, quæ dentitionem difficilem reddere solet.

15. Tandem compertum est hujusmodi infantes plerumque rachiticos fieri, quia frequenter lymphæ, quæ ossa nutrit, simile vitium contrahit humoris sebacei.

#### Diagnosis.

Crustæ lacteæ cum tinea confundi nequeunt, cum hæc propria ostendat pathognomonica signa; quo ad varias species pertinet crustarum lactearum, solo inspectu distinguuntur humidæ a siccis, tum illæ quæ ab ubertate, & acrimonia simul sebacei humoris dependent.

#### Prognosis.

Crustæ lacteæ suaapte natura periculo vacant; at periculosæ fieri possunt, si in-



si integrum corporis ambitum pene occupent; transpirationem iccirco impediant, quod tamen rarissimum est; contra vero si crustæ intus pellantur, periculosissimæ fiunt, quia tunc repulsus humor plerumque ophthalmiam, surditatem, febrem, alvi fluxum, & ipsam phthisim producere poterit.

#### Curatio.

1. Remedium adversus crustas tutissimum est, nutricem mutare, atque unam ex iis deligere, quæ junior sit, & lac copiosum, clarum, serosum, atque recens habeat.

2. Si crustæ parum copiosæ sint, & nutrices suspectæ, in hoc casu nutrici humidum, refrigerans, sobriumque regimen erit præscribendum, vinum interdicens; quandoque etiam vel decoctiones refrigerantes, vel ptisanas radicum fragariæ, aut graminis; tum emulsiones leviores exhiberi poterunt.

3. Identidem infantem purgare necessum erit cochlearibus aliquibus infusi rhabarbari, & syrupi cichorei compositi, aut florum persicorum; verum si opus sit, occipiti cauterium admovebitur, & si pervigil fiat, duplex drachma exhiberi fas erit syrupi papaveri albi.

4. Si crustæ scalpendo scindantur, oleo amygdalarum dulcium, aut ovorum cum aqua liliorum quassato excoriatae partes erunt obliniendæ; vitari enim debent tuthia, cerusa, & reliqui pulveres absorbentes, qui perperam humorem reperiunt.

5. Si morbi fomes omnino repellatur, ad cutem revocabitur, admotione foliorum tenerrimorum betæ; at si remedium voto non respondeat, sedulo infantem purgare, & nutricem mutare oportebit.

### C A P U T D E C I M U M.

#### De vitiligine sive mentagra.

#### Descriptio.

I. **Q**uandoque eveniunt infantibus, quibus dentes primum erumpunt, bullæ, sive vesiculæ quædam, quæ labia, atque mentum deturpando in crustas tandem degenerant; idem morbus revertitur circa septimum ætatis annum, quando nuperrimi dentes veteres expellunt; quandoque etiam infantibus occurrunt citra dentitionem.

II. Hæ crustæ quandoque siccæ, spissæ, & purulento humore madidæ sunt, frequenter ipsæ exsiccantur, & cutis erisypelatoza, spumosa, leviterque exulcerata apparet.

III. Eadem phenomena interdum infantes aggrediuntur, qui pubertati proximi fiunt; quandoque etiam puberes, & adultos infestant.

IV. Hic affectus videtur modo crustas lacteas, modo herpetem squamosum æmulari, sed ad herpetes magis accedit, ut infra videbimus.

V. A Græcis hic morbus *Λευν* appellatur, a Latinis *vitiligo*, seu *mentagra*, ab Arabis *sabafati*; a Medicis, qui vixerunt ante scientiarum restaurationem, hic morbus *ignis silvestris*, sive *ignis volaticus* dicebatur, ut distingueretur ab erysipelate, quod ipsis erat *ignis sacer*.

Ex eo nomine enim ignis volatici Galli illud *de feu volage* composuerunt.



*Sedes, & Causæ.*

Cum cutis in hoc morbo sub crustis integra servetur, & hic affectus herpes squamosos valde æmuletur; idcirco merito putandum erit, sedem morbi in reticulari membrana locatam esse, atque humorem mucosum vitiatum, ut in herpetibus, causam esse vitiliginis; ex his consequitur herpes producere posse etiam vitiliginem solummodo; speciales quædam causæ habentur, quæ materiam morbosam mentum versus dirigunt.

I. Dentium enim eruptio, vel quia sanguis abunde tunc in mentum influat, vel quia acris spuma ex ore in mentum irruimpens ipsum deturpet, una e causis videtur.

II. Sordes quas infantes contrectare solent, & postea luridis manibus mento admovent.

III. Glandularum submaxillarium in infantibus intumescencia, quæ lymphæ refluentis cursum impedit, ut ipsa in mento, & labiis detenta vitiliginem producat.

IV. Febris paroxysmi, qui in eruptiones glandularum labialium desinunt, & aphtas producunt, quæ propinquitatis ergo mento communicantur puris effluentis ope potissimum.

*Symptomata.*

1. Bullæ in vitilagine apparent, quia humor mucosus, atque nimis acer irritat, atque inflammat quasdam membranæ reticularis cellulas, quæ inflantur, & in bullas elevantur.

2. Hæ bullæ exsiccantur statim, in ipsis contentus humor inspissatur, atque in crustas induratur.

3. Hæ crustæ ergo siccæ apparent, quando humor, qui ipsas gignit, spissus, & aridus fiat. Sed fluunt, quando humor serosus sit.

4. Quando crustæ decidunt, quamvis cutis integra appareat, erysipelatosam tamen se monstrat acrimoniæ ergo humoris, quæ sub crustis cutem irritaverat.

5. Crustis sanatis nulla superesse solet cicatrix; quia experientia docuit hoc abesse periculum, cum cutis integra perstiterit.

*Diagnosis.*

Parvi penditur vitiliginem ab herpete crustoso distinguere, quia in utroque affectu una est indoles.

Distinguitur tamen facile vitiligo humida a sicca crustarum inspectu, & humore effluente. Causæ speciales morbi conjecturantur ab historia præcedentium.

*Prognosis.*

I. Vitiligo sive mentagra periculo vacat, modo saltem, quod rarum est, integram faciem non deturpet.

II. Prudentis medici est hunc morbum minime tollere in infantibus, præsertim cacochemicis, & male affectis, in quibus sanguinis vitium erit corrigendum; antequam topica adhibeantur.

III. Si hic affectus perperam intropellatur, erit revocandus levioris vesicatorii ope; secus enim deteriora phenomena evenirent.

*Astruc de Tumoribus.*

G

Cu-



*Curatio.*

I. In hoc morbo necessum est, quod ager optimum regimen servet, cum sensim ætas potissimum ipsi medeatur.

II. Attamen si protinus sanari velit,

1. Sanguinem edulcorare oportebit decoctiones, serum lactis, lac, balnea, & aquas minerales adhibendo.

2. Quandoque sanguinem purificate convenit ope decoctionum asellorum, cancrorum fluviatilium, viperarum, aut bryoniæ; tum ope martialium, & mercurialium remediorum, quæ minime purgent.

III. Insuper extrinsecus adhiberi possunt remedia adversus herpes superius proposita.

IV. Hujusmodi usitatiores sunt,

1. Scintillæ lapidis silicis, quæ supra partem affectam decidentes cutem sua impressione roborant, firmantque.

2. Oleum ex charta, aut linteo combusto atque inter patinas coercito extractum; tum oleum simili ratione ex tritico paratum.

3. Oleum olivarum, in quo ebullierit pulpa radice lapathi.

4. Pulpa ejusdem radice sub forma linimenti cum adipe suillo subacta.

5. Oleum tartari per deliquium cum oleo amygdalarum, aut ovi lutei quassatum.

6. Linimentum quodlibet ex tertia parte præcipitati albi, aut rubri mercurialis confectum. Hujusmodi remediis partes affectæ blande obliniuntur, atque opus ter, quaterve reiteratur.

V. Ut hæc remedia tamen validius agant, crustæ abradi debent ope cataplasmatum confecti ex foliis betæ & oleo liliorum, verum etiam ex cremore lactis quassato, aut simpliciter ex cerato Galeni parum liquato.

VI. Morbo profligato utile evadet, aut cauterium aperire, aut alvum frequenter cire.

## CAPUT UNDECIMUM.

*De Varis.**Descriptio.*

I. **Q**Uædam subjecta exiguis tuberculis afficiuntur conicis erysipelatosi faciem deturpantibus: ii modo rariores sunt, modo confertiores; plerumque ad apicem putrescunt, ubi putulenta frequenter materies spissa erumpit.

II. Cum hujusmodi prominentiæ in suppurationem vergunt, penitus dissipantur; sed cum suppurationi obsistunt, aut imperfecte putrescunt, exiguus tumor superest difficulter resolvendus.

III. Hos affectus *ῥοῖδοι* Græci vocant, a Latinis vero ipsi *vari* dicuntur, ab Arabis *Bacor*, & a Gallis *Boutons*.

IV. Vari quandoque gutta rosea copulantur; frequentius tamen sine ipsa apparent.

*Sedes, & Cause.*

Neminem latebit glandulas sebaceas horum tuberculorum sedem constituere, quod



quod facilius innotescit, ob eorum similitudinem cum furunculis. Etenim variæ a duabus hæc causis procedunt.

1. A visciditate humoris sebacei, quo harum glandularum vascula turgent.

2. Ab acrimonia ejusdem humoris, qui inflamat, roditque vasa excretoria earundem glandularum.

Hæc viscositas, verum etiam acrimonia humoris sebacei a spissitudine, & acrimonia ipsius sanguinis procedere videtur; sed hæc sanguinis vitia causas diversas recognoscunt pluries enunciatas.

Duplici huc causæ addi poterit in junioribus eruptio pilorum; nam pili sub cute reflexi, atque implicati cutem irritant, varosque gignunt; quapropter puberes, recenter facti homines facilius his affectibus laborant.

### *Symptomata.*

1. Prominentiæ conicæ hujusmodi rubræ, & acuminatæ, quæ vultum deturpant, sunt extremitates canalium sebaceorum turgentes, & inflamatæ.

2. Si illæ putrescant, ab apice humor sebaceus stillat, modo iste satis liquatus fuerit, ut in pus convertatur; secus enim sine suppuratione indurescunt.

3. Ex his suppuratis tuberculis furunculorum more purulentus vermiculus exit, qui ex ipso humore sebaceo in canali excretorio indurato concreverat. Sed jam extracto indurato humore furunculus perfecte convalescit.

4. Quando materies in tuberculo detenta necdum erumpit, pertinax fit affectus, & nisi post tertium mensem e cute vermiculus purulentus erumpit.

5. Exigui tumores, qui a pilorum retentione, impeditoque exitu producuntur, spurii sunt, videlicet purulento vermiculo carent.

### *Diagnosis.*

Nihil facilius, quam hujusmodi affectus distinguere, eorumque causas determinare; de his solo inspectu judicatur.

### *Prognosis.*

Iidem affectus vix remedia postulant, & Celsus merito ait *lib. 6. cap. 5. pæne ineptiæ sunt curare varos*; nihilominus quando hujusmodi tuberculi confertiores sunt, atque exulcerati minime negligi debent, cum facile in guttam rosaceam converti possint.

### *Curatio.*

Ut medeamur his affectibus, ubi vultum afficiunt, necessum erit,

1. Tenui victu uti, aquam tantum haurire, coitum fugere, dulcioribus atque humectantibus alimentis vesci, ventrem tandem sæpe expiare.

2. Diluentia, atque refrigerantia opportuna sunt superius allata, ut decoctiones refrigerantes, serum lactis, lac, balnea, aquæ minerales &c.

3. Attenuantia simul usuveniunt, videlicet martialia, & mercurialia necdum purgantia ut æthiops mineralis, aut decoctiones millepedum, cancrorum, viperarum &c.

4. Extrinsecus applicari possunt remedia adversus herpes, aut guttas rosaceas proposita, quorum usitatiora sunt.



Succus Limonum cum floribus sulphuris commixtus sub liquoris forma appositus.

Solutio salis saturni in aqua plantaginis.

Lac virginale camphora, & benzoino confectum.

Acetum sambuci ex sale saturni aut paucō lithargyrio dulcificatum.

Tinctura sulphuris ope aquæ calcis extracta.

Ex alterutro horum remediorum interdum tepide ter quaterve in die pars affecta oblinitur.

5. Huic usui cedit linimentum etiam confectum ex oleo de-behen, balsamo Medinæ, aut terebinthina, utiliterque adhibetur sperma ceti, cum pauca cera simul fufum, in quibus liquoribus linteola madefiunt, vultui noctu applicanda.

## C A P U T D U O D E C I M U M.

### De Tinea.

Apud Græcos probabiliter tinea *Ψαλιδρία* nomen retinuit vel illud *Ελκυσρία* habuit; apud Latinos vero *Porrigo*, vel *Furfurago* appellabatur; apud Arabes tandem *Affasati siccum* nuncupabatur, ut a crustis lacteis distingueretur, quas *Affasati humidum* ipsi vocabant. Nihilo tamen minus certum est, Medicos ante scientiarum restaurationem in Europa degentes, hunc affectum constanter *tineam* appellavisse, ea de causa quia partem capitis capillatam in hoc morbo pari ratione crustæ deturpabant, ac *insecta tinea* dicta pannos corrodunt, ex qua nuncupatione Galli *teigne*, sive *tigne* dicere solent, quamvis in aliis regionibus *Rache*, vel *Rasque* dicatur.

### Descriptio.

I. In tinea exiguæ bullæ sub cute se produnt, ut in herpete miliari.

II. Hæ bullæ in parte capillata tantum se offerunt, sed potissimum circa radicem capillorum.

III. Certæ observationes tamen docuerunt hoc affectu palpebras affici, atque barbam, quod raro tamen occurrit.

IV. Eædem bullæ facile disrumpuntur, humoremque acerrimum, quo replebantur, fundunt, ideoque in ulcera cutanea cito degenerant, plus, minusve profunda extensa, aut perniciofa.

V. Quandoque hujusmodi ulcera totam occupant partem capillatam, quandoque partem aliquam.

### Differentiæ.

Generice duplex distinguitur tineæ genus, nempe tinea humida, & tinea sicca.

I. Tinea humida tres species complectitur.

1. Tinea *favina*, sive *favosa*, in cujus ulcerum centro plura foraminula circularia confertissima conspiciuntur, quæ apium cellulas valde æmulantur, a quibus humor viscosus, luteusque a melle haud absimilis profluit, ut hac de causa Latini a favo mellis favosam hanc tineam appellent.

2. Ti-



2. *Tinea ficiosa*, in hac ulcera sunt tuberculis referta, granulis rotundis, luteisque repletis granis ficuum valde similibus.

3. *Tinea humida simplex* in qua ab ulceribus sanies tantum prorumpit, absque favi aut granorum similitudine.

II. *Tinea sicca* totidem species comprehendit: hujusmodi sunt,

1. *Tinea crustosa*, sive crustacea in qua ulcera luteis, cinereis, nigris, lividis, fædisque crustis obducta sunt.

2. *Tinea Lupina* ita dicitur labiorum ulcerum ergo exsiccatorum, atque a lupinis, aut pisellis non absimilium; appellatur etiam *squammosa*, quia callositates interdum squammarum formam suscipiunt.

3. *Tinea porriginosa* sive furfuracea ea est, in qua ulcera profundas, siccas, & callosas valde rimas inducunt, quarum margines continuo albo polline obducuntur, qui facile scalpendo abraditur.

### Sedes.

Usque adhuc hujusmodi sedem perperam statuerunt Scriptores, in cute esse; at facile demonstrabitur ad bulbos sive capsulas radicum capillorum pertinere, easque capsulas exulcerari plus, minusve in omni tinea specie.

Ut claram proponamus hujus morbi ideam, ea sunt revocanda, quæ superius l. II. c. I. enunciata fuerunt; nempe pilos atque capillos inferi in capsulas tendineas distinctas ovali figura donatas intra cutis spissitudinem, cui adherent ope filamentorum tendineorum, vasorumque arteriosorum, venosorum, lymphaticorum, atque staminum nerveorum, quæ stamina, vel a cute ad capsulas, vel a capsulis ad cutem transferuntur.

Hæ capsulæ cavæ sunt, atque in earum ultima cavitate pili, sive capilli per quinque, aut sex distinctas radículas crescunt, quæ radiculæ, quamvis ab ortu suo sejunctæ appareant, tandem in unum coalitæ pilos sive capillos integros efformant; in reliquo corpore hujusmodi capsulæ valde inter se distant, sed in capillata parte propinquæ valde sunt.

Quapropter in his capillorum capsulis sedem tinea locari censemus, quæque opinio confirmari videtur validissimis rationibus; videlicet,

1. Pertinacia morbi in cassum topicis adhibitis, quæ utiliter in crustis lacteis, aut herpetibus usuveniebant, quod ostendit, neque canales sebaceos, neque membranam reticularem affici.

2. Necessum esse dum tinea confirmatur ad valetudinem obtinendam capillos extirpare, quod evidenter ostendit radicem capillorum sedem esse hujus morbi.

3. Cicatrices pariter post valetudinem superstites, ubi capilli nunquam reproducentur, ostendunt in hoc affectu capsulas capillares prorsus destrui.

4. Tandem quia tinea, nisi partem capillatam, aut aliam corporis pilosam aggreditur, ut non sit amplius dubitandum, capsulas pilorum, aut capillorum tinea sedem constituere.

### Causæ.

Causa potissima tinea est acrimonia plus, minusve corrodens ipsius lymphæ, quæ capillos alebat, eorumque capsulas, bulbosque cartilagineos interius humefacit; ceteroquin hujusmodi lymphæ acris, atque corrodens fieri potest quattuor subsequenter de causis.

*Astruc de Tumoribus.*

G 3

I. Ex-



1. Extraneum fermentum, quod sanguinem inficiat; atque hujusmodi lymphæ copuletur; uti lues venerea, scorbutica, aut strumosa.

2. Acrimonia in sanguine exuberans ob vitium regiminis matris, nutricis, aut infantis. Si hæc acrimonia specialiter humorem capsularum lymphaticum deturpet, id tribuendum erit accidentalibus causis; frigori nempe externo, morbis capitis externis, aut forditiei.

3. Extrinsecum inquinamentum, quod specialiter humorem capillos nutriendum solet deturpare; hac enim de causa lues venerea semen inficit, venenum canis rabidi salivam inquinat, ideoque facillime tinea communicatur, præsertim si diu iisdem galeris utatur æger.

4. Tandem fordities capitis, ob quam lymphæ corrumpitur capillorum, ut ex ea crustæ lacteæ, scabies, tineam tandem producant, quare huic morbo facilius sunt obnoxii infantes, qui frequenter non peccantur.

### Explicatio Differentiarum.

1. Sanguinis conditio tineæ indolem prænunciat, si ipse lymphæ quantitate oneretur, tinea *humida* fuerit, *secca* contra, si sanguis aridus, & resinofus extiterit.

2. Quando cutis affectæ partis nondum exulceretur, sed tantummodo circa radicem capillorum scateat lymphæ saniosa, quæ bullas producat, ex quibus bullulis ichor fluat, qui capitis crustas augeat, tinea *simplex* videtur sive *incipiens*.

3. Cum superficies cutis capillata in aliqua parte abradatur, canales sebacei dilatati, & patuli apparent, humor viscosus stillat, luteusque a melle haud absimilis, & tunc tinea *favosa* oritur.

4. Si cutis erosio augeatur, & capsulæ capillorum denudatæ, atque erosæ se offerant, ut perbelle æmulentur interna ficuum granula; tinea tunc *ficosa* appellari meretur.

5. Quando tinea *secca* est, parumque humoris fundat, qui statim concreascit sub crustarum specie, tinea *crustosa* appellatur.

6. Hujusmodi crustæ luteæ tantum conspiciuntur, quando a tineæ laticis tantum originem ducunt; sed fuscæ, lividæ, atque nigerrimæ, quando guttis aliquibus sanguinis commiscantur, quod potissimum evenit, dum æger se scalpit.

7. Tinea *secca* sub crustis callositates gignit circa ulcerum labia ob persistentiam affluentis ichoris; ubi hujusmodi callositates distinctæ & copiosæ fuerint ad magnitudinem pisi, tinea *lupina* vocatur.

8. Crustæ tineæ aridæ prout exsiccantur, in plures lobulos dividuntur, qui se junctim a capite decidendo tineam *furfuraceam* faciunt.

9. Quando hujusmodi crustæ teneriores sunt, & friabiles in subtiliores partes distinctæ, ut crassiorem farinam æmulentur, tinea *farinacea*, sive *porriginosa* vocari solet.

### Symptomata.

1. Qui tinea laborant; capite male se habent, lymphæ ergo purulentæ, purisque affluentis; hæc capitis gravitas stat in ratione magnitudinis, & qualitatis tum puris, tum morbi, tum in ratione regiminis.

2. Identidem hujusmodi ægri horripilationibus, atque febris paroxysmis afficiuntur, qui subsequuntur retropulsionem laticis purulenti; hi affectus eo intensiores sunt, quo negligentius ulcera detergantur.

3. In



3. In tinea ipsa incipienti radices capillorum afficiuntur; in confirmata vero capsulæ destruuntur; in hoc morbo enim attendendum est capillorum jacturæ, quæ si generalis fuerit, *Alopecia* producitur; *Ophiasis* vero si in aliqua parte tantum per strias deficiant.

4. Cum venæ lymphaticæ, quæ ab externa capitis superficie revertuntur, tinea ichore valde saturentur, quem in glandulas colli ferunt, ubi finem habent, tunc ut l. l. c. 10. admonuimus, hujusmodi glandulæ ab hoc pure frequenter indurescunt, atque ingrandescunt.

5. Infantes pecti nequeunt; quare pediculi facile multiplicantur, præsertim cum sordes, atque pus, quæ caput obducunt, idoneum his animalibus nutrimentum suppeditare valeant.

6. Pus valde irritans, crustæ, atque pediculi infantibus molestum pruritus excitant, qui scalpendi desiderium ipsis movet, donec excoorientur, sanguinem fundant cum vivido plerumque dolore.

7. Continuus capitis pruritus pervigilium inducit; pervigilium vero consumptionem facit; quare infantes sub tinea tandem atrophia corripuntur.

8. Hic morbus augetur pariter a superveniente lenta febre, quæ est effectus puris, per venas lymphaticas a capite in sanguinem translatis, ut in reliquis ulceribus evenit, nondum deterfis.

### Diagnosis.

I. Tinea nisi cum crustis lacteis, aut scabie capitis, quæ tamen ad crustas lacteas simul pertinet, confundi potest; sed facilis est distinctio subsequentiæ signa perquirendo.

1. In crustis lacteis, ipsis simul abrasis, cutis se offert rubram, humidam, spumofam, sed integram tamen sine rimis, ulceribus, aut excoriationibus; sed in tinea cutis ulcerosis rimis perfoditur.

2. Crustæ lacteæ per integram faciem extenduntur, & frequenter ibi initium habent; sed tinea capillatam partem tantum aggreditur.

3. Crustæ lacteæ lactantes tantum infestant; tinea vero plerumque grandiores infantes, atque pueros inficit.

4. Præterea tum crustæ, cum scabiei pustulæ a crustis lacteis relictæ, facile convalescunt; tinea vero admodum difficulter.

II. Quoad differentes tineæ species attinet, solo inspectu distinguuntur, præsertim si superallatas earum descriptiones attendamus.

III. Tandem tineæ indoles, atque antecedentium historia satis superque valent, ut morbi causas cognoscamus, & quod majoris momenti est, sanguinis conditionem intelligamus, ut de lue venerea, scorbuto, aut strumis præcedentibus rite judicemus.

### Prognosis.

Generice tinea morbus pertinax est; præcipua difficultas, sive melius, unica tineam sanandi methodus ea est, quod debeant capsularum interiores superficies excoriari: quod, capillis jam male affectis, difficillime obtinetur.

Id confirmatur exemplo quorundam ulcerum, quæ variolas circa marginem palpebrarum quandoque relinquunt, quæ nunquam sanari possunt, modo cartilago tarsi leviter non exfolietur.



2. Tinea sicca difficilior, quam humida convalescit, quia illa dependet a sanguine arido, & acri valde, verum etiam, quia tinea sicca callositates plurimas habet, quæ resolvi debent, ut sanetur.

3. Tineæ humida, favosa, & ficosa difficilior sanantur, quam humida simplex, quia in tribus illis speciebus glandulæ sebaceæ, & capsulæ capillorum prius destrui debent.

4. Tineæ lupina, & furfuracea crustosa difficilior profligantur, quia amplas induratasque callositates semper conjunctas habent.

5. Generice tinea eo periculosior est, quo vetustior, aut magis extensa, tum quo ulcera profundiora, atque labia callosa magis fuerint; deterius vero sanguinis vitium hæc omnia confirmet.

6. Prudentis medici est nunquam tineæ mederi in infantibus hecticis, aut phthisicis, modo tinea horum morborum in causa non fuerit, in quibus circumstantiis tineam profligando, & illi morbi tolluntur.

#### Curatio.

I. Nullus est morbus, in quo magis necessum videatur ægrum per remedia interna preparare, antequam topica admoveantur, quam tinea ipsa.

Idcirco, 1. si suspicio sufficiens adsit luis venereæ, scorbuti, aut strumarum, specificis remediis hæc incommoda sunt prius removenda; at ad posteriores duos affectus quod attinet, saltem moderari debent idoneis remediis, cum tolli plerumque nequeant.

2. Si tinea a sanguinis acrimonia tantum confirmetur, diluentibus, edulcorantibus, atque attenuantibus remediis, pluries propositis in morbis cutaneis, humores erunt repurgandi.

3. Convenient pariter decoctiones millepedum, cancrorum, atque viperarum, tum æthiops mineralis, mercurius dulcis, aut panacea simplex ad idoneam dosim, quæ remedia tutiora, & efficaciora videntur.

4. Generaliorum remediorum respectu venæ sectio, & purgatio plus, minusve iterabuntur, prout morbi, aut ægri conditio postulaverit.

II. In externa curatione vero potissimum remedium est capillorum abrasio per tineæ extensionem, ut remedia escharotica facilius capsulas pervadant, easque leviter erodendo facilius detergant.

Hæc de causa,

1. Si tinea exiguam partem occupet, pulvini, aut linteola sufficient, vel volfellis tantum eradicabuntur pili; at si lacte extendatur, emplastrum picis adhiberi fas erit supra telam recentem extensum, quod parti affectæ applicabitur, ibique per octo dies relinquetur; post illud tempus emplastrum removendo capilli una adherentes abraduntur.

2. Ut res bene vertat, curatio incipitur a remotione crustarum, quæ obtinetur butyrum, aut cremorem lactis, vel ceratum Galeni liquidum, aut folia nasturtii in adipe suillo excocta per viginti quattuor horas applicando.

3. Capilli ante omnia tonderi debent forcipum acie per omnem morbi ambitum, vel quod melius arridet, per integrum caput.

4. Emplastrum picis sublevando minus molestiæ, quo fieri poterit, ægro est afferendum; at ab ipsius querimoniis in opere tantum necessario medicus commoveri minime debet.

5. Emplastro remoto affecta pars obducitur foliis betæ cum butyro recenti, quotidie opus reiterando, usque dum inflammatio imminuatur.

6. Quan-



6. Quandoque venæ sectio necessaria est, modo capitis inflammatio gravior fuerit.

7. Modo inflammatio satis imminuta videatur, caput abluatur ope decoctionis brassicæ, fumariæ, lapathi, aut enulæ campanæ; vel si opus sit urina infantum, aut lixivium cinerum adhibetur; posteaquam digestivum vulgare applicatur, & balsamum etiam Arcei.

8. Hac methodo maxima pars capitis cicatrice induitur, quod a colore recognoscitur; nam ubi roseus color, aut rubrus prominet, est signum proximæ valetudinis; e contra vero nihil valetudinis sperandum est, cum albida, aut nigerrima tinea persistat.

9. In hoc casu necessum erit digerentibus, atque balsamo Arcei affectam partem oblinire; sed ubi segniora appareant valetudinis indicia, balsamum viride, aut brunum ex basilico, & præcipitato rubro compositum, pariterque aqua phagedenica partes erunt abluendæ, plus, minusve in hoc persistendo, donec ad cicatrizationem omnia sint disposita.

10. Si prominentiæ nonnullæ supersint, quæ per suppurationem minime solvantur, forcipe, aut escharoticis, nempe præcipitato rubro, lapide caustico, aut infernali erunt abscindendæ.

11. Circa finem caput ablui poterit aqua simplici, vel aqua calcis, in quibus ebullierint flores sulphuris.

12. Dantur interdum partes nonnullæ, ubi tinea profundiores quasi radices jecerit, in quibus locis escharotica diutius usuveniunt; animadverti quandoque ad pericranium usque ipsam abradi necessum fuisse.

13. Prout tinea cicatrizatur æger, frequenter purgari oportet, ut in sanguine detentum virus eliminetur; imo juvat cauterium cervici, aut brachio apponere.

14. Facile cognoscitur hanc medendi methodum capsulas capillorum destrui, idcirco pluribus in locis capillorum reproductionem omnino impedire.

15. Ceteroquin si tinea recens sit, parumque extensa capillorum abrasio omitti potest; hoc tamen excepto, reliquam methodum tineam curandi prosequi debebit, quinimmo emplastrum picis erit necessarium, si morbus pertinax videatur.

16. Post morbi convalescentiam capilli undique reproducuntur, iis partibus exceptis, in quibus capsulæ oblitteratæ fuerint; cum primæ radiculæ capillorum in sanis relictis capsulis adhuc persistent, novi subinde capilli reproduci solent: fortasse nova erunt capillorum germina, cum in singulis capsulis eorum plura reperiantur.

17. Absque periculo unguentum mercuriale in ulceribus hujusmodi adhiberi poterit, quamvis capiti admoveatur, modo necessum sit, attamen arsenici, & corrodentium arsenicalium usum prorsus contemno. Valescus enim Tarantinus antiquus medicus Monspelii asserit (a) infantem tinea affectum objisse, quia emplastrum arsenicale capiti applicatum fuerat.

18. Ab applicatione emplastri picis, pediculi omnes pereunt, idcirco ab hoc molestiæ genere facile liberantur ægri; verum si hujusmodi animalcula valde ægros molestia afficiant, pauco unguento mercuriali, aut pulvere staphisagriæ destruentur.

C A-

---

(a) Philonii lib. 1. cap. 3.



## CAPUT DECIMUM TERTIUM.

## De Malo-mortuo.

## Descriptio.

**M**Orbus, cujus descriptionem aggredimur, revera datur, atque describitur a Medicis omnibus, qui chirurgiam exercuerunt ante scientiarum restitutionem, quamvis tamen Nuperrimi, qui de hac re egerunt, de illo neque verbum faciant; morbus tamen hujusmodi a Veteribus *malum-mortuum* appellatur; quare ipsum hoc quamvis ignoto nomine designabimus.

## Descriptio, &amp; Differentia.

I. *Malum-mortuum* in cute residet, ubi crustæ spissæ, aut nigerrimæ plus, minusve extensæ juxta morbi magnitudinem producuntur; ex ipsis nihil defluit, ideoque eodem loco per plures annos persistunt.

II. Modo ipsæ sponte, aut scalpendo decidant, cutis rubra apparet, nullamque sensibilem exulcerationem ostendit; scabra tamen observari solet, spissusque proinde humor stillat, ex quo nova crusta concrescit, quæ priorem formam, & crassitiem recuperat.

III. Hic affectus plerumque eundem positum servat, neque ut herpes extenditur, pæne insensibilis est, nullumque dolorem parit, modo etiam crustæ decidant, & cutis nuda aeri exponatur, præter insensibilem pruritum, quem ægri facile ferre possunt. Frequenter femura, nates, dorsum, faciem, sed scapulas præsertim deturpat; sæpissime hanc calamitatem in pluribus ægris animadverti, sed ipsam frequenter medici confundunt cum herpete crustoso, vel gutta rosacea, si faciem occupet.

IV. Hic morbus distingui debet in *malum-mortuum congenitum*, aut *innatum*, quando a parentibus procedit; & in *malum-mortuum adventitium* cum in vitæ progressu occurrat: ab ortu suo prima species incipit, sed sub infantia parvi momenti est, ita ut nisi post adolescentiam animadverti queat. Altera species post infantiam insurgit, at in suis primordiis minime distinguitur, quia cum ætate progreditur.

V. Hunc morbum Veteres *malum-mortuum* dixerunt, quia revera cutis in affectis partibus mortua apparet. Græci itaque, & Latini, vel nulla ratione eum descripserunt, vel inter herpes reposuerunt; quoad nos pertinet, hic affectus neque a Medicis, neque ab ægris satis cognoscitur, ideoque nomen retinebimus ab Auctoribus mediæ ævi ipsi tributum, qui de eo latine egerunt.

## Sedes, &amp; Causæ.

Modo parumper attendamus *mali-mortui* positi, facile conspiciemus sedem morbi in cellulis membranæ reticularis, ubi herpes resident, aut in glandulis sebaceis, ubi gutta rosea, & crustæ lactæe perstant, locum habere. Difficultatem tamen solvere parvi refert; at methodus, quæ in hoc morbo faciundo impendi solet, pro glandulis sebaceis facile stat.

*Malum-mortuum* enim nunquam convalescit remediorum ope, quæ simpliciter adversus cutis superficiem aut membranam reticularem agant, ut in herpes



pete observavimus, pro integra enim valetudine cutis crassities penitus comburi debet, quod ostendit profundiorē esse morbi sedem, videlicet in glandulis sebaceis locatam, neutiquam in extremitatibus canalium excretoriorum, ut de crustis lacteis, & de gutta rosea diximus, sed in ipso glandularum centro.

Ex una parte morbus hujusmodi pertinax, atque remediis tum internis, tum externis obsistens, quæ ceteros affectus sebacearum glandularum tollunt; ex altera ejusdem indolentia nisi a pertinaciori causa oriri potest, sed quæ glandulas sebaceas erodere nequeat: at nulla causarum hanc duplicem qualitatem complecti valet præter callositatem glandularum sebacearum, quæ ipsas per integrum morbi ambitum deturpet; his positis, facile conspicitur, quare hujusmodi causa difficulter obtundi possit, nam scimus callositates partium tendinearum minime resolvi, pariterque facile deducitur, quæ de causa dolor absit, quia callosæ partes dolore carent.

Reliquum enim erit causas remotas assignare, quæ hanc glandularum sebacearum callositatem parere valeant; & hoc in duplici casu: vel quando *malum-mortuum* in materno gremio oritur, vel post ortum homines infestat.

I. In *malum-mortuo* cum a conceptione originem ducat, ejusdem causæ sequentes videntur.

1. Vitium conformationis ipsius embryonis respectu numeri glandularum sebacearum, quæ lymphæ vescuntur spissiori, ob quam glandulæ hujusmodi callosæ fiunt.

2. Compressio, aut ictus, quem foetus patitur in ventre materno, quæ de causa lymphæ circulatio a glandulis nonnullis sebaceis divertitur; minima compressio, aut levissimus ictus sufficiunt, spectata summa embryonis mollitie.

3. Flosculi nonnulli mucosæ saburræ, qui in amnio natant, & portioni alicui cutis adhærent, atque proinde canales excretorios glandularum sebacearum obstruendo intumescentiæ, & indurationi harum glandularum occasionem præbent.

4. Similes flosculi si pro ipsorum acrimonia extremitates glandularum sebacearum laceffant, atque levem inflammationem inducant, quæ humorem detinendo glandulas hujusmodi crassiores reddat.

Inter causas locales recenseri debet lymphæ spissitudo, quæ sola callositates scirrhasas in aliquibus glandulis producere valet, ut infra videbimus similem affectum gignere posse in aliis circumstantiis; sed cum hujusmodi spissitudo videatur tantum causa generalis, idcirco locales plures sunt admittendæ, quæ materiam morbosam in aliquas glandulas specialiter dirigant.

II. *Malum-mortuum*, quod post ortum manifestatur, easdem circiter remotas causas recognoscit, sed hujusmodi causæ ut callositatem in glandulis sebaceis inducere valeant, fortiores esse debent, quam in embryone, quia adversus corpus agunt, magis resistens: inter hujusmodi causas recensentur.

1. Compressiones, aut ictus alicujus corporis partis, modo diu protrahantur, ut glandularum sebacearum indurationem faciant.

2. Admotio cauteriorum, vesicantium, aut cucurbitularum, quæ crispando, aut premendo sebacearum glandularum callositates inducere possunt; verum etiam ob defluens pus, quod orificia excretoriorum occludat.

3. Emplastra similem effectum parere possunt irritando, aut obturando extremitates excretoriorum earundem glandularum:

4. Acrimonia, atque visciditas sudoris circa nates, & pudenda detenti, quæ ad-



adversus cutim, & canales glandularum sebacearum emplastrorum similem effectum inducit.

5. Abusus fucorum acrium, pinguiumve, tum immoderatus usus potissimum fuci rubicundi, & salini.

6. Morbi cutanei, ut herpes, erysipelata, & furunculi inducere possunt in illis partibus glandularum sebacearum indurationem.

His causis peculiaribus generalis causa addi potest, toties enunciata, videlicet lymphæ spissitudo; sed necessaria videtur causa localis, quæ densam lympham in aliquam partem dirigat.

### Symptomata.

1. In *malo-mortuo* quando crustæ sponte decidunt, ut cutis tangi queat, scabra nonnihil, spissaque reperitur, quod glandulis sebaceis induratis erit tribuendum.

2. Glandulæ sebaceæ, dum intumescunt, quid magis viscosi latieis fecerunt, tametsi callosæ appareant, & hic humor e cute profluens facile inspissatur, atque in crustam indurefcit.

3. Hujusmodi crustæ nisi post diutinum tempus crassiores fiunt, quia viscosus humor paulatim secernitur; quare ipse per plures annos ejusdem crassitie persistant, absque quo sensibile augmentum in ipsis conspiciatur.

4. Cum exigua humoris quantitas, quæ sub crustis colligitur, statim concrefcet, nihil ergo mirabimur si hujusmodi crustæ valde exsiccatae se offerant, nullamque serositatis speciem fundant.

5. Difficilius ipsæ decidunt, quia cuti intimius adhærent, neque ullus interpositus liquor hanc adhæSIONem imminuit.

6. Non solum sebaceus humor, ab affecta parte defluens, exigua copia, spissusque valde observatur, ut prompte concrefcet, sed etiam acer parum, & salitus videtur; quibus de causis simul junctis crustæ nullum pruritus, nullumque dolorem conjunctum habent.

7. Ex hoc pariter procedit cutim nullam excoriationem pati, atque inæqualitates, quæ a crustarum abrasione se offerunt potius ab scabris crustis inæqualiter inhærentibus provenire, quam ab ulla acrimonia.

8. Nihilo tamen minus levi pruritu afficiuntur ægri, qui potius à tensione, atque crispatione ipsius cutis ob impositas crustas, quam ab acrimonia humoris sebacei provenire videtur.

9. Quod sciam, hic affectus per contactum non communicatur, neque revera communicari potest cum nullum virus stillet, quod hoc parere possit.

### Diagnosis.

I. Anteaacta *mali-mortui* descriptio ipsum optime designat, ut difficulter cum herpetibus humidis, vel siccis, qui magnum pruritus comitem habent, confundi possit.

II. Hic morbus crustas lacteas æmulatur; in hoc tamen differt, quod minus extendatur, infantibus minus conveniat, nullumque pruritus habeat, diutius tamen persistat.

III. Ab ipsis ægris est deducendum si affectus innatus sit, aut adventitius.



## Prognosis.

I. *Malum-mortuum*, quod nullum dolorem producat, & segniter procedat, medicam vix animadversionem meretur, præsertim si parum extendatur. Animadverti pluries per integrum vitæ spatium nonnullos citra noxam hunc affectum passos fuisse, quia exiguum tamen ambitum occupaverat.

II. Medici tamen operam postulat, cum in diem extendatur, & pruritus, aut gravem dolorem hic affectus inducat, vel corrodens effluat liquor, seu melius dicam, ubi *malum mortuum* in herpetem corrodentem degeneret, quod raro tamen evenit.

III. Insuper cum vultum afficiat, quantumvis benigna indole polleat, tamen profligari debet, ne faciem deformem reddat; antequam tamen agrotantium postulatis consulamus, ipsis ostendendum erit, a remediis, quæ impendi debent, cicatricem relinqui, crustis fortasse pejorem, ut infra videbimus.

## Curatio.

I. Hic morbus curationem nullam exigit, quia ferri facile potest, & debet; quæ methodus præsertim observatur, cum in partibus absconditis se prodat; sed si faciem, aut aliam parentem partem infestet, ægri, qui propriam venustatem magni faciunt, de valetudine solliciti fiunt.

II. Antequam morbi curationem aggrediamur, sedulo incumbendum erit, ut sanguinis, atque lymphæ massa tenuis, pura, dulcisque evadat per remedia generalia, cum specialia, quæ hoc valeant; circa hanc rem revocari possunt, quæ in herpetis, scabiei, tineæ, atque crustæ lactæ curatione a nobis dicta sunt.

III. Modo satis cruoris vitia sublata fuerint, tuto topica morbi medela institui poterit: hac de causa applicabitur cremor lactis, aut caseus recens ad crustas emolliendas valde idoneus.

IV. Decidentibus ita crustis, atque cute detecta remedia catheretica applicari poterunt pro herpete superius proposita, talia sunt aqua phagedenica, quæ leviter cutis madefit bis saltem in die; lapis infernalis raro cuti admovendus, pulvis lapidis caustici, unguentum brunum, præcipitatum, rubrum, tandem solutio mercurii dulcis, quibus leviter interdum pars affecta oblinitur, totidem sunt pro nostro scopo remedia idonea.

V. Si his remediis adhibitis, pluriesque repetitis, morbus adhuc persistat, facile concludi poterit, profundiores radices egisse, quæ destrui nequeunt per remedia extrinsecus tantum agentia. In hoc casu cum singulæ glandulæ substantia penitus afficiatur, atque morbus cutis spissitudinem omnino occupet, nunquam profligari poterit, nisi integra cutis cum ipsis glandulis sebaceis destruat.

VI. Si æger necessario sinat hanc methodum, primo applicabitur emplastrum quodlibet in medio pertusum amplo foramine, quod morbi extensionem adæquet; in hujus aperturæ ambitu lapidis caustici frustula erunt disponenda, eaque alio emplastro cooperienda, fasciis, si liceat, firmanda, vel manibus tantum pari ratione, ac in cauteriis admovendis fieri solet.

VII. Sub lapidum causticorum opere identidem observari debet eorum actio, sed apparatus omnis quiescens relinquitur, usque dum cutis cum glandulis simul sebaceis combusta omnino videatur; tunc remotis spleniis leviores sca-



scarificationes erunt instituendæ, deinceps foliis betæ butyro recenti obductis pars affecta cooperienda.

VIII. Modo eschara decidat, simplici digerenti emplastro erit oblinienda cutis, usque dum omnis eschara abeat; tunc balsamum Arcei, insuper brunum, vel etiam viride impendi poterunt ad cicatricem fovendam. Hac methodo omnes glandulæ sebaceæ destruuntur & morbus radicaliter sanatur.

IX. Cicatrix, quæ morbum subsequitur, levigata, expolita, albida, magis tamen scabra, quam propinqua cutis apparet; quæ tametsi nonnihil externum habitum deturpet, ipsam tamen crustis minus fastidire debent ægri.

X. Quamvis hic affectus hac methodo perfecte sanatus (melius dicam profligatus) videatur, nihilo tamen minus prudentis medici erit, cauterium apponere, ne humoris vitiiati reliquiæ in alia parte morbum reproducant.

## CAPUT DECIMUM QUARTUM.

### *De Nevus maternis.*

#### *Descriptio.*

**I**Nfantes haud infrequenter varios defectus ex utero secum ferunt; hic tamen loquemur de illis tantummodo, qui cutis venustatem pervertunt; videlicet de maculis coloratis, aut pilis villorum modo incrementibus.

I. Colorum mutationes interdum corporis superficiei magnam partem occupant; interdum pisellum, aut denarium adæquant; quandoque vultum potissimum afficiunt, quandoque reliquum corpus; sed ubicumque existant, ibi cutis deturpatur, densior fit, & sub tumoris complanati specie nonnihil prominet; hæ prominentiæ versicolores sunt: quandoque rubræ, quandoque fuscæ, in luteum etiam vergentes, quandoque etiam lividæ, vel alium sumunt adspectum.

II. In illis partibus, ubi cutis villosa apparet, per majus, vel minus spatium pili modo breves, & molles ut illi murium se offerunt; modo longiores, ut illi cuniculi; modo tandem longiores quidem, sed rudiores ut illi suum; nihilominus etsi cutis densitate aucta, naturalis color servatur.

Hæ maculæ apud Romanos dicebantur *Nevi materni*, sive *genitivæ notæ*; (a) apud Gallos appellantur *Taches de naissance*, frequenter etiam *envies*, quod postremum nomen procedit a muliercularum opinione, quod hujusmodi maculæ a voluptatibus, aut molestiis derivent, quas sub gestatione passæ fuerint, videlicet a vividis impressionibus, quibus tunc afficiebantur, idcirco in illis partibus potissimum oriri credunt, quæ matris partibus respondeant sub voluptate tactis, aut scalptis.

His futilibus sententiis a mulieribus admissis propriæ opinioni, quo melius possunt, eventus accommodant; si rubræ maculæ se offerant, vini desiderium accusant, aut sanguinis adspectum; si fuscæ appareant, hepatis vitulini comedendi voluptatem concupisse dicunt; si lividæ sunt, effectus videntur lugubris pompæ, quam improvise observaverint.

Si maculæ exiguæ sint, eas non absimili ratione explicant: ubi rubræ appareant, fraga, cerasa, aut rubi fructus comedere optasse ajunt; si lividæ sint ramni fructus, aut mora expetiisse dicunt.

Ubi

(a) Suetonius in *Augustum*.



Ubi pili muris cutim operiant, murium adspēctum accusant; si pili illos cuniculi æmulentur, cuniculi desiderium in causa esse dicunt; si suis pilos adæquent, cupiditatem aprum comedendi optasse asserunt.

Nil erit mirandum mulierculas, quæ tot sub gestatione desideria habere solent, imposterum in maculis infantum ab his cupiditatibus rationes derivatas invenire, easque firmiter tenere: mirabimur potius sapientes Medicos hanc futilem sententiam amplexos esse; nam nulla est intra matrem, & infantem nervorum communicatio, ob quam genitricis affectiones in natum transeant. Ceteroquin, si transirent, nunquam objectorum similitudinem excitare possent.

Patet enim, quidquid mulierculæ asserant, hujus maculas a vitio pendere ipsius cutis embryonis, minime a voluptatibus maternis, sed potius ab aliis pluribus causis infra investigandis.

### *Sedes, & Causæ.*

I. Credendum est maculas cutaneas, quæ in sola mutatione coloris consistunt circa membranam reticularem sitas esse; atque hujusmodi membranam unicam esse, quæ in hoc morbo deturpetur; hæc vero duplici ratione deturpari potest; aut per simplicem dilatationem vasorum sanguineorum utriusque generis, quæ ipsam irrigant; aut per vitium humoris mucosi, qui in ea continetur.

1. Per *simplicem* vasorum *dilatationem* id evenit, quando arteriæ capillares per certum membranæ ambitum distributæ magnopere dilatentur, & vivo, atque arterioso sanguine turgeant ut præter naturalem ruborem vividiores cuti communicent, ex quo nevi plus, minusve rubri, aut violacei originem habent; ex venosa pariter dilatatione venosus sanguis, & nigerrimus detinebitur, ac proinde maculæ plus, minusve fuscæ, lividæ, aut nigræ efformabuntur juxta qualitatem, & quantitatem cruoris in his venulis detenti.

2. Per *vitium humoris mucosi*; nam si hic humor urenti bile, & rubicunda oneretur in aliqua reticuli parte stabulanti, nevi ibi rubicundi pene vinosi apparebunt; si bilis, qua liquor ille oneratur, lutea, & poracea sit, maculæ similem colorem luteum, fuscum, lividumque ostendent.

II. Quo ad deformitates pilorum attinet, certum est, hos in capsulis sedem habere, ubi pili implantantur, atque nutriuntur, neque ab alia causa hos affectus oriri, quam ab incremento nimio capsularum, quæ uberiores nutritionem pilis suppeditent: si hujusmodi capsulæ parum increſcant, pili confertiores erunt, sed breviores, mollioresque; si magis increſcant, pili longiores, crassioresque apparebunt; tandem si maximum incrementum capsulæ adipiscantur, pili melius aliti, longissimi & rudiores conspicientur.

III. Supervacaneum esset sejunctim causas explicare, quæ dilatationem arteriarum, & venarum capillarum in membrana reticulari parere possint; tum qua ratione bilis cum humore mucoso admixtio contingat; tandem augmentum patefacere quarundam capsularum ipsorum pilorum; sufficit ruditer animadvertere omnes hujusmodi causas derivare ab inordinato circuitu fluidorum, qui hæc partes irrigant, atque alunt: hæc vero animalis œconomix perturbatio triplici de causa excitatur.

1. Ab aliqua compressione, aut ictu maternum gremium lædenti, qui ad embryonem usque transmissus valeat tandem aliquam perturbationem animalis œconomix, aut organicum affectum producere.



2. Ab acrimonia liquoris in amnio contenti, sive melius a flosculis mucilagineis, qui in ipso natant, quique cutis partes aliquas laceffendo erethismum pariant, atque circulationis ordinem ibi pervertant.

3. Ab aliquo vitio sanguinis, aut lymphæ ipsius embryonis, quod quantumvis levissimum videatur, tamen circulantium fluidorum ordinem perturbet.

#### *Symptomata.*

1. Maculæ rubræ, quæ a sanguinis persistencia in arteriis derivant, eo magis rubicundæ fiunt, quo sanguis copiosus magis, & rarefactus erit; quare semper magis rubent verno, & æstivo tempore, tum in plethoricis, aut febre affectis.

2. Maculæ luteæ, fuscæ, & lividæ, quæ a stasi sanguinis in venis procedunt, deteriore colore acquirunt, quando sanguis majorem spissitudinem, siccitatem, aut nigredinem servat; quare hyemali tempore, & sub febris horripilatione obscuriores fiunt.

3. Maculæ rubræ, fuscæ, luteæ, aut lividæ, quæ ab admixtione vitiatæ bilis cum humore mucoso dependent, plus, minusve patefcunt, prout bilis in sanguine abundat, magisque vitiatur; ex hoc enim hujusmodi maculæ magis conspicuæ fiunt, quando sub tristitia bilis retinetur, aut morbi causa magno-pere vitiatur.

4. Modo cellulæ membranæ reticularis affectæ contiguæ sint, maculæ pariter continuatæ apparent, plus minusve extensæ; si distinctæ sint, maculæ pariter sejunctæ videntur, quod pariter intelligi debet de villosis cutis partibus, prout capsulæ pilorum se se contingunt, aut invicem recedunt.

5. Cutis magis spissa in maculata parte esse solet, prout sanguis majora vasa ingreditur, vel vitiata bilis, & acris parietes cellularum magis tumefacit.

6. Cutis pariter inspissatur, quia capsulæ pilorum ingrandescunt; at hoc incrementum densitatis modicum est, si pili breves, & molles sint, quia capsulæ pariter parum intumescunt; major tamen constipatio, dum pili longiores, & capsulæ grandiores fiunt; tandem maximam constipationem cutis acquirit, ubi longissimi, & hirsuti pili videantur, atque capsulæ grandiores fiant.

7. Maculæ hujusmodi, sive nævi plerumque leviores sunt in infantibus, qui graciliori cute donantur, & hujusmodi affectus minus conspicui apparet, sed cum adolefcent, cutis magis constipatur, & indurescit, atque hujusmodi defectus magis patent; tandem in senibus nævi deformes evadunt, quia cutis cornea fit, ejusdemque perturbationes in diem augentur.

#### *Diagnosis, & Prognosis.*

Harum macularum diagnosis, quæ a materno gremio oriuntur, solo inspectu distingui possunt, itemque facile est earum prognosim determinare.

Hujusmodi deformitates nullum dolorem inducunt, nullumque periculum faciunt, ut vix morbi nomen mereantur, quia nullam gignunt functionum læsionem.

#### *Curatio.*

His præmissis, evidens est, præsertim si nævi incipientes sint, & in partibus absconditis, nullam medendi rationem esse instituendam; tolli debent tamen, atque possunt, si faciem, atque manus deturpent; non desunt, qui fomenta, linimenta, atque emplastra commendent; hujusmodi auxilia passim  
in



in nostris operibus indicantur; at eorum effectus est ægrotos ad tempus decipere, donec eorum usum fastidiant.

Haud suadendum erit similibus remediis partium solidarum vitia esse corrigenda; ad integram valetudinem necessaria videtur affectæ partis integræ abrasio, quam consequitur cicatrix æque deformis, ac anterior defectus; quod incommodum ægris est animadvertendum. At si post hanc admonitionem neorum extirpationem poscant ægri, sedulo defectuum indoles erit distinguenda; si maculæ tantum appareant, cum ipsæ solum reticulum deturpent, facile abradi poterunt.

1. In hoc casu prius rite agro disposito.

1. Emplastrum vesicatorium ad cuticulam sublevandam erit apponendum, ut reticulum pateat, quod morbi sedes est.

2. Deinceps ipsum escharoticis plus, minusve corrodentibus comburitur ex eorum genere, quæ antecedenti capite adversus *malum-mortuum* proponuntur, ut reticularis hæc membrana corrodat, & per suppurationem destruat; hujus indolis sunt aqua phagedenica, lapis infernalis, unguentum brunum ex basilico paratum, præcipitatum rubrum denique, quæ ad idoneam dosim simul commiscentur, tum solutio mercurii simplicis, vel dulcificati, atque pulvis lapidis caustici, quæ remedia diligenter, deniterque applicantur, a mitioribus initium faciendo, in ratione effectuum eorum virtutem, aut dosim moderando.

3. Escharoticorum admotio paulatim profequitur, nævi alteram partem prius extirpando, insuper reliquam, donec reticulum destruat, & cutis substantia adoriatur; tunc ab escharoticis erit desistendum, & simplicis ulceris more affectui medebimur, donec cicatrix appareat, quæ tamen si informis plerumque videatur, nevis tamen facilius ferri potest, minusque scabra ipsis apparet.

4. At si quando morbus ipsam cutis substantiam infestet, ut integra obtineatur valetudo, cutis erit destruenda in escharoticis cunctando, quod molestum valde est, vel quod brevius, affectam partem cultro, aut lapide caustico, ut in *malo-mortuo* extirpando. In hoc casu cum cicatrix magis excavata fuerit, magis etiam deformis erit.

3. In hoc postremo casu escharæ destructio cum butyro recenti, aut basilico tentatur; modo vero decisa fuerit, ut simplex ulcus, morbus pertractatur, videlicet cum unguento digerenti, balsamo Arcei, & viride etiam, si opus sit, donec cicatrix reproducat. Demum si callositates superessent, unguentum brunum, & lapis infernalis adhiberi poterunt.

II. Si cutis læsiones a pilis plus, minusve oblongis, aut hirsutis dependant, quæ aliquam corporis partem operiant, depilatoria usum habent, sequenti ratione parata.

1. Sume calcis vivæ recenter ex furno extractæ unciam unam, & auri-pigmenti in subtilissimum pollinem redacti drachmam semis, vel unam, prout depilatorii virtus intendi velit; affundatur lixivium, in quo illæ substantiæ solvantur, tantumque hoc mistum ebulliat, donec linimenti formam suscipiat.

Pars affecta hoc linimento oblinitur, & post horæ quadrantem aqua tepenti abluatur.

2. Animadvertendum erit, quod post depilationem iterum pili reproduci poterunt, at per quatuor, vel quinque vices depilatorium admovendo, tandem pilorum germina in affectis capsulis destruentur, neque amplius pili resurgent, vel saltem rariores apparebunt, ut levem admodum deformitatem relinquant.

3. At si integra curatio desideretur, tunc cutis erit lapide caustico, ut in superiori capite admonuimus, comburenda, & ulcus vulgari modo pertractandum; certum est tali ratione ægrotantes capsulas destruendo nequaquam pilos reproduci, at cicatrix cava atque deformis valde supererit.



## LIBER TERTIUS

DE OEDEMA TE ET DE TUMORIBUS  
OEDEMATOSIS.

## CAPUT PRIMUM

## De Oedemate.

## Descriptio.



Ocabulum *Oedema*, οἰδῆμα, apud Græcos *tumorem* generice designabat, sub hoc adspectu ab Hippocrate tantum adhibetur; consuetudo postea significationem restrinxit, ut nunc specialem tumoris indolem significet a reliquis penitus distinctam.

I. In oedemate enim pars affecta colorem naturalem necdum mutat, sed potius pallescit.

II. Nullus calor producitur, sed pars affecta magis frigescit, aut ad refrigerationem disposita videtur.

III. Dolor abest, & oedema indolens potius magis evadit.

IV. Prementi digito facile cedit, atque fovea lentissime impletur.

## Differentiæ.

I. Oedema est *universale*, vel pene tale, quando integrum corpus, vel ejusdem maximam partem occupat; & tunc appellatur *Anasarca*, seu *Leucophlegmatia*, aut *Hydrops universalis*.

Oedema *particulare* dicitur, dum pedes, manus, scrotum, palpebras &c. afficit, ut plerumque evenit.

II. Oedema, aut *verum* est, si quatuor superallatas conditiones præferat, aut *phlegmonosum*, *erysipelatosum*, aut *scirrhosum*, modo aliquod symptoma inflammationis, erysipelatis, aut scirrhi habeat socium.

III. In Oedemate quandoque aliquid elaterii superest, ut a pressione facile restituatur; quandoque nullum elaterium servat: in *primo casu simplex* oedema, quod apud Gallos *bouffissure* sonat, appellabitur; in *secundo casu extravasatio*, vel *empatement* oedema nuncupabitur.

## Causæ.

Inflammatio, & Erysipelas a stagnante in sanguineis vasculis cruore derivant, tum ab ipsius irruptione, aut extravasatione in venas lymphaticas; sed cum oedema rubore, & calore careat, quamvis magnopere tumeat, ideoque a simili infartu dependebit simplicis lymphæ in affecta parte detentæ.

Lympha vero duplici modo retardari poterit.



1. Proprias venas nimis implendo absque diruptione, ut simplex stagnatio sine extravasatione oriatur, & hæc videtur prima oedematis species, sive *bouffissure*.

2. Vel hæc lymphæ propriis venulis distractis per cellularem contextum disperditur, & hinc secunda oedematis species, sive extravasatio, aut *empatement* producet.

Ut recte oedematis causas cognoscamus, ea sunt revocanda, quæ in *Capite Bubonum* dicta sunt, videlicet lympham a sanguine secerni ope extremorum arteriarum capillarium, ubi communicatum a sanguine motum ipsa servat, qui lymphæ motus juxta vires commoti sanguinis augetur, aut imminuitur. *En prima vis* motrix hujusce lymphæ.

Lymphæ a sanguine ita secreta venas lymphaticas intrat, ibique pressionem subicitur, quam patiuntur venæ hujusmodi a contractione sistaltica partium vicinarum, quæ contractio in integro corpore summam considerata, cordis contractionem adæquat, sive cum ipsa ad libellam redigitur. *En secunda vis* motrix ejusdem lymphæ.

Insuper lymphæ motum auxiliantur oscillationes arteriarum, circa quas venæ lymphaticæ ampliores collocantur; muscoli etiam se se contrahentes, cum vasa lymphatica eorum anfractus permeent, lympham accelerant; tandem valvulæ sigmoideæ, aut semilunares, quibus venæ lymphaticæ præsertim in inferioribus corporis partibus instruuntur, non parum profunt.

At contra: hujusmodi auxilia imminuuntur valde, tum ob *inertiam* venarum lymphaticarum, quæ debili elasticitate gaudent, cum ob necessarium lymphæ transitum trans innumeras glandulas lymphaticas, aut conglobatas; idcirco re sedulo perpenſa, non erit dubitandum lympham segniori cursu procedere, quæ segnities tamen lymphæ quamplurimis usibus favet, ut in partibus nonnihil persistens per transpirationem quidquid amissum fuerit paulatim restituat. Hæc mora tamen, qua lymphæ circumvehitur, levi de causa frequenter ejusdem stasim producit; quare nihil est magis obvium, quam prior oedematis species, ubi lymphæ tantummodo stagnat, cujus causas nunc aggredimur.

*Prior classis* causarum oedematis stagnatio est ipsius lymphæ in venis lymphaticis, ut nuper ostendimus, sed hæc stagnatio a quatuor diversis causis produci potest.

I. Quia lymphæ in sanguine exuberans uberius, quam par est, in venas lymphaticas irruat, ipsasque nimis tumefaciat.

II. Quia sanguis lymphæ nimis onustus ejusdem maximam copiam in quibusdam partibus deponat, specialibus nonnullis de causis.

III. Quia lymphæ, quamvis idonea copia deposita, difficulter tamen ab illis partibus revehatur ob debilem repellentem vim.

IV. Quia in affluxu, aut refluxu in obstacula incurrat, quæ difficulter, aut nulla ratione superare nequeant.

Quælibet harum generalium causarum a specialioribus pluribus causis dependet, quæ sigillatim explicari debent.

I. Lymphæ uberrima nimis interdum videtur, ac proinde vasis lymphaticis ejusdem majorem copiam sanguis suppeditat, quando inordinate potatur, vel quando mictio suppressitur, aut imminuitur, verum etiam dum sanguis per lentam febrim dissolvitur; ex hac de causa Oedema familiare est ebriis, tum illis, qui urinæ suppressione corripuntur, aut jamdiu lenta febre laborant.

Si lymphæ maxime exuberet, oedema universale, sive anasarca fiet, si mi-



nus abundet, parziale erit, & varium; interdum pedes aggredietur, & crura; noctu vero vultum atque palpebras, quæ varietates a corporis positu pendent.

II. Sanguis quantumvis modica lymphæ copia onustus videatur, ejusdem tamen nimiam copiam in quibusdam partibus deponit, quotiescumque sanguineæ venæ, quæ illam revehunt, aut sanguinem reducunt, valide comprimantur, ut cruor subsidat, atque lympham, qua onerabatur, in lymphaticis relinquat; hac enim de causa ligata cava ascendenti in cane, hydropicus fit in imo ventre præsertim, & artubus inferioribus.

Sed venæ sanguineæ pluribus in locis multiplici compressioni subjiciuntur.

1. Glandulæ inguinales, in bubonibus tumefactæ, venam cruralem comprimunt, ac proinde oedema cruris ex illa parte producit.

2. Glandulæ axillares, in cancro mammarum inflatæ, venam axillarem premunt, ex quo gignitur brachii oedema.

3. Aquæ in abdomine contentæ sub ascitis morbo, aut in thorace sub pectoris hydrope venam cavam inferiorem comprimunt; hinc extremitates inferiores oedematosæ fiunt.

4. Hepatis scirrhus, sive obstructio venam cavam inferiorem comprimendo non solum artuum inferiorum oedema producent; verum etiam portam valide premendo, ascitem facient.

5. Glandulæ lymphaticæ colli, & aurium in parotidibus, venam jugularem constringendo, capitis atque faciei oedema generabunt.

III. Lympha partibus repellitur debili vi, ut vix suum cursum continuare valeat.

1. Quando per repentinam paralysem elaterium amiserint.

2. Quando partes per simplicem incipientem laxitudinem, antiquam tamen robur perdiderint.

3. Quando sanguis ob debilem cordis motum segniter revehitur, ac lente proinde lymphæ circuitum promovet; hac de causa ægri febre, languore, aut repetitis venæ sectionibus enervati; tum convalescentes oedemate facile corripiuntur.

IV. Lympha in obstacula incurrit in suo refluxu, quando glandulæ lymphaticæ obstruuntur, ut in lue venerea, aut strumis accidit, quod in diversis partibus oedemata producit, prout infartus glandulas carpi, axillarum, colli, inguinum præoccupat.

*Secunda classis* causarum oedematis est extravasatio lymphæ, quæ per textum cellularem disperditur; hæc extravasatio plerumque consequitur persistentem lymphæ stasim, quæ turgidas nimis venas lymphaticas tandem dirumpit.

#### *Symptomata.*

I. In oedemate lymphæ, in has partes influens, fibras relaxando, illas ita afficit, ut prementi digito facile cedant; quare in hoc affectu absque resistentia perquam levissima pressioni partes cedunt.

II. In hoc affectu partium fibræ relaxatæ elaterium amittunt; debent enim segniter post pressionem priorem positum recuperare, diutiusque compressæ morari.

III. In oedemate per extravasationem nato cum fibræ maximum laxitudinis gradum ostendant ob lymphæ dispersionem, quas ipsa irrigat, partes facilius comprimi, difficilius restitui debent, quam in oedemate per stagnationem orto, quia lympha in hoc casu subsidens partium fibras minus mulcet.

IV. In



IV. In hoc affectu tumefactæ partes nullum dolorem perferunt, neque ob irritationem, quia lymphæ id parere nequit, neque ob distensionem, quia filamenta nervosa elongari possunt absque sensu, quod potissimum in oedemate per extravasationem observatur.

V. Cum lymphæ nullo rubore, aut calore polleat, vel minimo saltem, oedema proinde rubedine, & calore carere debet, vel ad summum exiguo, qui naturalem minime superet.

VI. Partes oedematosæ non solum parum calent, sed facile frigescent, ut ipsas operiri oporteat, præsertim cum lymphæ facile frigore afficiatur.

VII. Partes oedematosæ, quarum pondus ægri perferre possunt, scilicet crura, pedes &c. graves fiunt ob affluentis lymphæ pondus, eoque magis, quo uberior fit lymphæ cumulus.

VIII. Oedema præsertim extremitates corporis aggreditur, inferiores maxime, ubi lymphæ motus segnior est, difficilisque tum sanguinis, cum lymphæ refluxus contra gravitatis leges ibi perficitur.

IX. Hic morbus ceteris paribus partes molles facilius infestat, atque spongiosas, fibrisque muscularibus denudatas, ubi lymphæ debilitate valde exprimitur; idcirco scrotum, præputium, vulvæ labia, atque palpebræ facile intumescunt.

X. In illis subjectis, quæ levi de causa oedemati obnoxia esse solent, minima compressio morbum augere valet: ita genuum ligacula crurum oedema, fascia linea collum circumcingens faciei oedema producant.

XI. Calor ipse ignis in partibus, quæ ipsi subjiuntur, oedema parit; nam rarefaciendo humores, & elaterium labefactando, sanguinis, & lymphæ stagnationem inducit. Hac de causa enim, ut vasa sanguinea pedis sub venæ sectione instituenda intumescant, pediluvia calida præmittuntur; simili ratione etiam pedum oedemata frequentiora sunt illis, qui hiberno tempore pedes continuo calefaciunt.

XII. Phlegmone, & Erysipelas interdum oedemate copulantur, & tunc horum tumorum phenomena illa oedematis comitantur.

### Diagnosis.

I. A reliquis tumoribus oedema facile distinguitur ob ejusdem complanationem, atque ruboris, caloris, & doloris absentiam, ubi pars mollis est, digito facile cedens, nulla ratione, vel segniter valde se se restituens.

II. Facile pariter erit universale a partiali, simplex a composito, stagnans ab extravasato oedemate distinguere.

III. Neque difficulter causa dignosci poterit singulæ speciei, modo hujus morbi theoriam medicus probe noscat, atque ægrotantis regimen sciat.

### Prognosis.

Oedematis periculum sub diverso adspectu variat.

I. Relate ad causam producentem.

1. Oedema incurabile est, si ab incurabili causa procedat: tale est oedema, quod per carcinomatosa indurationem producitur glandularum, inguinum, axillarum, aut aurium; per hydropem pectoris, aut ascitem; per languorem ab hæctica febre, aut phthisi productum gignitur &c.

*Astruc de Tumoribus.*

H 3

2. Pe-



2. Periculosum pariter erit, quando a causa dependeat, quæ pravas consecutiones habere possit: hujus generis est oedema, quod sanguis nimis dilutus, aut solutus producit, vel obstructum hepar, aut glandularum lymphaticarum infartio.

3. Periculo caret hujusmodi affectus, quando a leviori causa, & facile remediis profliganda originem ducat: hujus indolis oedema videtur, quod nimias venæ sectiones subsequitur, aut sanguinis jacturas, tum illud, quod convalescentes, aut a labore defatigatos comitatur.

II. Relate ad tumoris extensionem oedema universale valde periculosum est; parziale vero plerumque periculo vacat.

III. Respectu partis, quam tumor aggreditur, ita oedema artuum inferiorum eo crurum minus periculosum evadit, ac proinde illud femorum periculosissimum est, atque detrimentum magis increscit, si ad renes usque peringat; tandem cum manus intumescant, credendum erit oedema universale fieri.

IV. Quo ad naturam oedematis spectat; illud, quod a simplici infartu, aut stagnatione ipsius lymphæ in vasis lymphaticis dependet, minus profecto periculi habet, quam dum per lymphæ extravasationem succedit.

V. Quomodo tandem oedema finem habeat, duplex est modus, resolutio nempe, aut gangræna: *prior* salutaris est; *letalis alter*.

Resolutio enim duplici ratione evenit.

1. Quando lymphæ in vasa lymphatica irruens ob cessationem causarum, quæ illam impellunt, proprium circuitum recuperat, vel extravasata, si qua est, a lymphaticis resorbetur.

2. Quando cutis scissuræ propter maximam distensionem producuntur, ut lympham fundant. Prima resolutionis species periculo vacat; altera frequenter gangrænam inducit.

Gangræna oedema subsequitur, quando lymphæ continuo in partes affluens texturam laxat, atque elaterium imminuit, usque dum fibrarum oscillationes destruantur, in quibus partium vis vitæ reponitur.

Gangræna in affectis partibus manifestatur triplici modo.

1. Ope rimarum cutim deturpantium, quæ nigrae fiunt, & gangrænae occasionem præbent.

2. Bullarum aspectu, quæ sero replentur, atque earum basis, statim ac evacuatæ fuerint, valde nigrescit.

3. Tandem occasione macularum nigerrimarum, aut livescientium, quæ sine scissuris, aut bullis cutim deturpant.

#### Curatio.

Oedema tres postulat indicationes.

1. Serositatem evacuare in sanguine exuberantem.

2. Causas tollere, quæ lympham uberius deponunt, ejusdemque regressum impediunt.

3. Elaterium partium fulcire, ut auxilietur lymphæ expressionem, quæ subsistens novæ lymphæ affluxum impediret.

*Prima indicatio.* Serositas in sanguine abundans per urinas, anum, & sudorem quandoque evacuari potest; harum quælibet tentari poterit, eam amplectendo, quæ melius vertat.

I. Ad urinas provocandas adhibetur,

1. Ni-



1. Nitrum purum, cryſtallus mineralis, aut ſal prunellæ, ſal admirabile Glauberii, Arcanum duplicatum, aut ſal de duobus.

2. Plantæ diureticæ ſunt radices Eryngii, Anonidis, aſparagi, bruſci, enulæ campanæ, atque iridis; folia naſturtii, chærophilli, fœniculi, urticæ, & ſaxifragæ;

3. Millepedes pariter urinas movent, ad doſim 15. aut 20. granorum. pulvis pariter buſonum exſiccatorum, baccæ juniperi, milium ſolis, fructus Alkekengi, ex quibus ptifanæ conficiuntur, boli, opiata, aut ſuccus exprimitur, prout melius arridet.

4. Duo remedia etiam addi debent, quæ utiliſſima ſunt; prius eſt radix buturæ, ſive vitis ſilveſtris braſilianæ ad doſim unius drachmæ in vino decocta, quæ potio in pluribus portionibus diviſa, aut ſubdiviſa pro circumſtantiarum ratione ægro propinatur.

Secundo loco venit conſiderandum lixivium ex cineribus ſarmentorum paratum ad doſim duplicis drachmæ; ſumitur hoc lixivium ſimplex, vel æquali copia decoctionis millepedum, aut tantundem vini albi commixtum.

II. Ad evacuandas aquas per anum uſuveniunt purgantia hydragoga, videlicet jalapa, diagridium, Turbith gummoſum ſub pulveris, aut boli ſpecie doſim moderando juxta vires, & ægri ætatem. Sub tincturæ etiam forma exhiberi poſſunt hujusmodi remedia, prius in ſpiritu vini infuſa, & pauca radice iridis florentinæ copulata; hæc tinctura communiter appellatur *aqua vitæ germanica*, quæ exhibetur ab unico ad duplex, vel triplex cochlear in ſubjectis validioribus.

Alterum hydragogum efficax valde, quod frequenter tentatur, eſt gummi gutta a granis decem ad quindecim in mortario marmoreo contritum cum duplo cryſtalli mineralis, & in jure pingui mane propinatum jejunò ſtomacho. Prout hoc remedium agit, ſingulis horis juſ pingue adhibetur; quandoque leviter vomitus excitatur, ſed plerumque per inferiora valide agit.

Hujusmodi hydragoga, niſi in ſubjectis multo robore præditis, & cum febris abſit, impendi debebunt; ſecus enim prudentis medici erit purgantia mitiora tantum adhibere.

III. Sudor excitatur ope ptifanæ diaphoreticæ, aut illius S. Ambroſii conſectæ ex milio, & ficubus exſiccatis, ebullitiſque, vel uſu decoctionis viperarum, modo febris, atque pulmonis affectus abſint. Verum eſt, hujusmodi remedia eſſe admodum incerta, raroque expetitos ſudores producere; ſed niſi agant ut ſudorifera, ſaltem diuretica fiunt, curſumque urinæ augent.

Secunda Indicatio, quæ adimpletur curando cauſas tollere, quæ ſanguinem in parte affecta retardant, ibique nimiam lympham deponere faciunt; idcirco ſunt adhibenda acria reſolutiva; cujus generis ſunt fomenta origani, roſmarini, thymi, lavendulæ, ſalviæ in aqua, aut vino decocta.

Partem affectam humefacere urina tepida, lixivio cineris ſarmentorum, in quo ſulphur ebullierit, aqua vitæ camphorata ſimplicis, aut ſale ammoniaco copulata; ſpiritu vini ſimplicis, aut actuati cum guttis ſpiritus ſalis ammoniaci, &c.

Debet etiam diſſipari infartus glandularum lymphaticarum ope aperientium ſimplicium, ut ſunt martialia; vel vividiorum diſſolventium, ut mercurialia; vel uſu ptifanæ ſudoriferæ purgativæ aut ebullitionum mille pedum, aut viperarum.

Tandem remediis uti ad ſtrumas, atque variolas opportunis, ſi prudens ſuſpicio habeatur ex his affectionibus morbum hujusmodi oriri.



*Tertia indicatio.* Ut perfecta partis affectæ valetudo confirmetur, quæ lymphæ stagnationi resistere possit, solent adhiberi:

1. Fomenta vini generosi, aut aquæ vitæ cum aqua calcis copulata, aut aquæ calcis simplicis. Panniculis hisce fomentis humefactis calescentibus pars affecta obtegatur, qui statim ac frigere incipiunt, repeti debent, ut calor semper in his perseveret.

2. Cataplasmata cum foliis sambuci, aut ebuli coctis, & spiritu vini, aut aqua calcis perfusis; aut cum pulpa radicum bryoniæ, asphodæ, cucumis silvatici sub cineribus coctarum, & in pulpam redactarum, cum oleo lumbri-  
ci, aut lauri.

3. Balnea in aquis thermalibus; aut earum defectu in aqua matre nitri. Balnea vaporosa, aut Hypocausta aquæ calidæ; balnea maris, aut quod magis confert, balnea arenæ a ripa maris, depromptæ quibus medici Græci utuntur sub nomine *Αμφοξωσία*.

4. In oedemate crurum, præter hujusmodi remedia, adhiberi possunt caligæ pellis canis, quæ semper cruribus persistentes, eaque prorsus claudentes, lymphæ stagnationem, atque tumorem impediunt; sed quandoque hoc remedium effecit, ut lymphæ, vel in coxis, vel in renibus deponeretur; tumoresque in hisce partibus fierent; quod est magis infestum, ac morbus, qui curari vult.

5. At si in oedemate maxime inveterato contigerit, quod cutis scindatur, aut ad latera nigrescat, tunc gangræna est quam maxime timenda; quæ cum in hoc morbo soleat celeriter progredi, partibus multum remissis, debent prompte applicari remedia, quæ pro gangræna proposita sunt l. i. c. 3.

## C A P U T S E C U N D U M.

### *De Hydridibus.*

#### *Descriptio.*

1. **I**N extis humanorum corporum quædam vesiculæ gignuntur, quæ aut viscerum, quibus continentur, superficiei, aut membranis cavitates circumvestientibus adherent; ex quo quidam morbi status efficitur, qui ne ab ægris quidem nullo modo persentitur.

2. Hujusmodi vesiculæ variæ sunt magnitudinis; nonnullæ granum milii, aliæ columbi, aliæ pulli ovum adæquant; aliæ sunt invicem distinctæ, ac separatæ; sæpius tamen simul copulatæ veluti uvæ racemum efformant.

3. Omnes habent quandam trunci speciem, quo unæ alteris, alteræ postremis, postremæ vero membranæ, in qua sunt efformatæ, adherescunt; Verum ut plurimum huic membranæ singulæ speciatim insistant; at quandoque observatum est hasce vesiculas nihilo prorsus inhærentes in cavitate enatare, ubi productæ sunt, aliquando sigillatim distinctas, aliquando ad instar racemi, aut globi simul conjunctas.

4. Hæ vesicæ a membrana tenui, atque subtili vere *arachnoide* efformantur. Cum parvæ sunt, ad sphericam figuram accedunt; longiores tamen fiunt, quoties majores evadunt, figuram perfecte ovalem sumentes; at aliquando compressio, cui expositæ sunt, parum diversas in ipsis figuras inducit.

5. Sunt autem repletæ liquore claro, limpidò, pellucido, & vere lymphatico, cujus tamen consistentia eadem semper non est; aliquando ad calorem  
ebul-



ebullientis aquæ non indurefcit; aliquando e contra veluti in album ovi confciscit; quandoquæ hic liquor turbidus eft, graveolens, & vere purulentus, & tunc veficulæ hunc complectentes, vel jam difruptæ funt, vel proxime difrumpefcunt.

6. Sæpe hæ veficulæ detectæ funt, nullaque peculiari cavitare detentæ; fed quandoque omnes fimul in quadam mantica membranacea continentur, multo magis denfa, quam membrana, quæ veficulas gignit.

7. Iftæ veficæ communes funt, ut jam dictum eft, omnibus corporis cavitatibus: in Abdomine inventæ funt fupra inteflina, ftomachum, lienem, pancreas, Epiploon, renes, peritonæum, & præcipue jecur: in pectore inventæ funt fupra pulmones, cor, & pleuram; inventæ itidem funt in cerebri ventriculis ad reticulas præcipue choroidales, & quandoque fupra piam, quando fupra duram matrem.

8. Certum eft quandoque per vomitum, aut per evacuationem reftitutas fuiffe, quod non obscure demonftrat aut in ftomacho, aut in inteftinis generari; mulieres quandoque per vaginam ab utero procedentes hydatides propulerunt, vel tuffiendo illas ejecerunt, quæ in bronchiis fedem habuerant. Tandem ex naribus cum muco frequenter hydatides exierunt.

9. Sæpiſſime evenit in hydrope afcite, quod pro aqua abdomen hujusmodi veficulis lymphæ turgidis repletur; interdum etiam compertum eft, mulieres molas parere, quæ ex fimilibus veficulis conflabantur: uno verbo nulla eft humani corporis pars, quæ hujusmodi veficulis obnoxia fieri nequeat præter cutem, in qua nunquam obſervatæ fuerunt.

10. Hujusmodi veficulæ hydatides appellantur, a Græcis *ὑδατίδες* quod fignificat veficulas aqua repletas; attamen quamvis hujusmodi nomen a Græcis originem ducat, hujusmodi veficulæ tamen ipfos latebant, faltem fub hac nomenclatura. Hippocrates nihilo fecius de his veficulis probabiliter locutus eft in libro (a) *de internis affectionibus*, fed valde obscure diſſeruit; nam ipſas vocabulo indicat *Φύματα* quod interpretes fui inſcienter tubercula dixerunt: *fit enim Hydrops*, ipſi ajunt, *ſi tubercula in pulmone fuerint enata aqua repleta, & in pectus rupta*. Quod autem fiat etiam a tuberculis hydrops, *teſtimonium habeo, & in bove, & in cane, & in ſue*. In his enim quadrupedibus maxime funt tubercula in pulmone, quæ aquam habent. Si enim diſſecueris, citiſſime cognoveris: *fluet enim aqua*. Videntur autem talia multo magis in homine fieri, quam in pecoribus, quanto etiam morboſiore diæta utimur.

11. Quo ad Galenum, (b) & Paulum (c) Æginetam attinet, ipſi Hippocratem tradiderunt, fed uterque hydatidis nomen adhibuerunt, quamvis deſignare intellexerint tumorem lymphaticum, qui palpebram ſuperiorem aggreditur, præſertim in infantibus: *hydatis enim*, Galenus ait, *ſubſtratæ ſuperiori palpebræ genæ pinguedinis augmentum, qua fluunt præter naturam oculi*; quod patet admodum diſcrepare ab his hydatidibus, de quibus hic agitur.

12. Areteus vero, qui inter Medicos Græcos primus de hydatidibus locutus fit, clare, atque diſtincte oſtendit, ipſas obſervafſe in hydrope *Afcite* ab illis orta, quas generico tamen nomine *veſicularum* appellat, nempe *Κύστις*:  
alia:

(a) §. XXV. Edition. Lindenianæ.

(b) In *Definitionibus Medicis*; & *Methodi Medendi*. Lib. XIV. Cap. 19.

(c) *De re Medica*, Lib. IV. Cap. 14.



alia quædam, (a) hydropici morbi species talis agnoscitur. In ea vesiculæ (κυστις) quædam, pusillæ, crebræ, humoris plenæ, in loco ubi ascites fieri solet, excitantur.

13. Videtur Aetium observasse huiusmodi hydatidum species in Hydroke uteri; quod deduci potest ex huius descriptione, quamvis minus clara illa Aretei: *Sæpe humoris copia, ait, (b) in uterum confluit, & aliquando corpuscula quædam vesicæ feli simillima in ipso generantur, in quibus humor colligitur .... Ubi vero violenter excernunt, ruptis aliquando parvis illis corpusculis, quæ vesicæ similia diximus, viscosa quædam, & aquosa erumpunt.*

14. Inter Medicos recentiores Fernellius (c) primo quod sciam de hydatidibus, egit, quæ Hydropem ascitem interdum producant, sed obiter tantum; nam pro constanti causa huius hydropis scissuras accusat, quæ substantiam jecuris lædunt: *Quod si sola visceris substantia diffinditur, ipse ait, ambiens autem, ac cingens membrana integra manet, aqua non excidit, sed vesiculæ aqua plenæ Hydatidis Græcis dictæ, emergunt, quibus sæpe pecudum, boumque jugulatorum jecur scatere deprehensum est.*

15. Paulo post Fernellium anno 1567. Mauritius Cordæus Parisiis cujusdam mulieris cadaver observavit Hydroke ascite laborantis, quæ ab ingenti hydatidum congerie diversæ magnitudinis producta fuerat; huiusmodi observationem quisque in ipso auctore (d) observare poterit, quia per longum foret ipsam hic referre: sat erit animadvertere Cordæum tunc temporis tanti fecisse hoc phenomenon, ut pluries ipse Publicum admoneret, ne hac notione posteritas deficeret.

16. Denique circa initium sæculi posterioris anno 1609. similem observationem exhibuit thoracis respectu in cadavere cujusdam ab Asthma defuncti: In cadavere enim ipse animadvertit, (e) *reperitus hydrops thoracis, sed in uno dumtaxat latere, & pulmo vesicis humore consistente, & pellucido instar albuminis ovi prægnantibus refertus.*

17. Postea vero cum frequentius cadavera aperirentur, pluries etiam hydatides in omnibus corporis cavitatibus observatæ fuerunt, ex quo auctorum opera observationibus innumeris replentur, quæ super allata omnino confirmant.

18. Inter varias observationes, quas circa hoc institui, una mihi contigit, animadversione dignissima. Mulier quædam mala constitutione donata postquam diu tabuit a consumptione, & febre lenta interiit, nihil ex parte thoracis suspicabar, quem minime morbus aggressus erat, sed hepatis intumescencia, atque tensio, tum in illa parte dolor abscessum prænunciabant; dissecto cadavere hoc viscus sanum repertum est, attamen in ejusdem parte incavata amplius tumor, mollisque conspiciebatur, quem pure repleti censui; hoc aperto hydatidum congeries partim simul coherentium, partim fluctuantium observabatur; plures purulento liquore turgebant, aliæ jam disruptæ in fuso liquore natabant, quod languorem, consumptionem, febrem lentam, obitumque produxerat.

#### Causæ.

Cum ignorabatur existentis lymphæ structura, & distributio vasorum lymphæ-

(a) De Signis, & causis diuturnorum morborum, Lib. II. Cap. 1.

(b) Medicina contracta Tetrabibl. iv. Serm. iv. Cap. 79.

(c) Patholog. Libr. V. Cap. 8.

(d) Commentar. V. in Librum priorem Hippocr. de Mulier.

(e) Observat. Sect. III. Cap. 7. Observ. 53.



phaticorum, ordo deinceps circulationis hujus humoris, ægre sane explicabatur hydatidum productio; hoc facile videtur in Areteo, Fernelio, ceterisque medicis superius enunciatis; sed post ea, quæ circa hanc rem inventa sunt, omnes conveniunt Hydatides distensiones esse, aut varices venarum lymphaticarum, quamvis adhuc dissentiant circa modum hujus productionis. En breviter, qui rationi magis arridet.

Præter venas lymphaticas, quæ viscerum substantiam pervadunt, plures aliæ reperiuntur, quæ vel per proprias cujuslibet visceris membranas reptant, vel per illas serpunt, quæ cavitates sive ventres corporis, ubi ea viscera locantur, videlicet peritonæum, pleuram, duram matrem &c. circumvestiunt; hujusmodi venæ huc, illuc per brevissima intervalla ab exiguis valvulis sigmoidæ dictis intercipiuntur, ad lymphæ circulationem fovendam destinatis, ejusdem regressum impediendo, quæ totidem nodos efformant.

Patet enim lympham in his vasculis stagnantem internodia harum valvularum tumefacere, sive tunicas venarum magis dilatabiles, quam sint nodi ipsi, quia valvulæ dilatationi opponuntur. En generatio Hydatidum. Inter duplicem nodum, sive valvulam exigua vesicula rotunda producitur, quæ elongata ovalis fit, cujus pediculus ex ea parte conspicietur, quæ membranæ adheret, reliquum ad Hydatidis corpus pertinebit. Cum venæ lymphaticæ innumeris hujusmodi oculis scateant, atque membranæ sint undique venis lymphaticis interspersæ, nil mirum si harum membranarum superficies hydatidibus confertissimis referantur, diversæ tamen magnitudinis pro stagnationis diuturnitate, aut lymphæ stagnantis quantitate.

Veniunt enim causæ explicandæ, quæ cursum lymphæ in quibusdam partibus retardant, coguntque ipsam in venis lymphaticis stagnare, in interstitiis potissimum valvularum: hujusmodi vero sunt

1. Compressio venarum lymphaticarum, cui hæ sunt obnoxia; intumescencia glandularum alicujus visceris, aut vasorum sanguineorum.

2. Contractio fibrarum viscera, aut membranas componentium.

3. Obstructio, compressio, atque constrictio glandularum conglobatarum, ubi venæ lymphaticæ contentum liquorem deponere solent.

Ut Hydatides producantur, minime necessum erit, quod ipsæ valide agant. Circulatio enim lymphæ segnis est, ut minima compressio, aut constrictio ejusdem cursum intercipiat: quare interdum Hydatides in sanis hominibus efformantur; interdum in his reperiuntur, qui repentina morte abrepti, integram valetudinem præseferabant; interdum etiam laniones in animalibus de cetero sanis ipsas reperierunt.

#### *Symptomata.*

1. Vidimus jam hydatides membranæ adherere ex ea parte qua venarum lymphaticarum internodia ipsis coherent. Dum hujusmodi internodia in longitudinem magis extenduntur, hydatidum pediculi latiores, sed breviores sunt; angusti contra apparent, & oblongi, cum internodia ipsa brevissima sunt, & membrana, per quam cum membranæ adherent, laxa & ipsa, atque extensilis sit.

2. Dum pediculi longi, & angusti apparent, facilis est eorum laceratio occasione multiplicis corporis motus, & tunc hydatides abrasæ fluctuant in variis corporis cavitatibus.

3. Interdum hujusmodi cavitas communis est, quæ viscera complectitur, ut ea est imi ventris; quare haud infrequenter hydrops Ascites ab hydatidibus orta est.

4. Cre-



4. Crebro tamen hydatides a membranis sejunctæ submembranaceo tegmine colliguntur omnes, ne foras exeant.

5. Prior casus evenit, quando hydatides efformantur circa superficiem externam membranarum viscerum propriarum, aut cum reliquis corporis cavitatibus communium.

6. Alter casus accidit ob dilatationem morbosam venarum, lymphaticarum, per internam faciem membranarum reptantium; nam tunc membrana circumposita post hydatidum formationem extenditur, ipsasque complectitur.

7. Lympha in hydatidibus contenta plerumque serosa, clara, tenuis est, uno verbo optimæ notæ, & tunc minime indurescit a calore aquæ ebullientis; contra vero concrescit, si spissa, glutinosa, & mucilaginea sit, quod a sanguinis generatoris natura vitiata procedit.

8. In hoc postremo casu frequens est, lympham hujus speciei heterogeneis partibus imbutam putrescere ob calorem partis, præsertim si febris lenta superveniat, & tunc lympha in hydatidibus coacervata paulatim turbida, purulenta, atque foetida evadit, hydatidumque parietes corrodit, forasque erumpit.

9. Contra tamen lympha hydatidum propriam naturam, & limpiditatem servat, quando seipsa, parumque heterogeneis partibus saturata videatur, & febris absit.

10. Hydatides quaslibet internas partes aggrediuntur; tum quia innumera sunt vasa lymphatica, quæ per membranas reptant; cum quia membranæ hujusmodi continuo madefiunt, & latiores factæ facile permittunt expansionem venarum lymphaticarum, hydatidumque productionem.

11. Contra vero nunquam in externam corporis superficiem infestant, quia cutis venis lymphaticis caret; verum si adessent ejusdem compacta textura venarum lymphaticarum distensionem magnopere obfisteret.

#### Diagnosis.

Nulla est ratio cur certiores fieri possimus de hydatidum existentia, circa quod nisi incertæ conjecturæ institui possunt, experientia plerumque destituta; Hac enim de causa interdum hydatides minime suspicamur in sanis ceteroquin subjectis; at a morte cadaveribus dissectis frequenter reperiuntur. Suspicamur interdum in illis, qui languore pereunt, sæpe tamen a sectione desunt; quandoque credimus, hydropem *ascitem* ab extravasatione lymphæ procedere, sed post mortem abdomen *hydatidibus* repletum conspicitur.

#### Prognosis.

Frustraneum est quidpiam prænunciare de hoc morbo, qui nulla ratione cognosci potest; quandoque hydatidum consecutiones in nonnullis subjectis suspicabimur, quæ tamen ipsis non laborant; nullam alias suspicionem habebimus de illis, quæ hydatidibus turgent; quale decus enim ab eventu erit expectandum, cum a conjecturis pateat, inconsulto aliquid prænunciatum fuerit.

#### Curatio.

Nunquam sunt adhibenda remedia pro morbo, qui certus, atque evidens non sit. Cum ergo hydatides semper incertæ sint, pro his nil erit prescribendum.

Quod si hujus morbi existentia certius pateat, remedia tunc adhibenda, ad hydragoga, aut diuretica, ut in hydropisi præscribuntur, reduci debent, eandem prorsus methodum, easdemque cautiones servando.

Verum quantumvis detectis hydatidibus, hujusmodi remedia idoneis circumstantiis præscriberentur, parum vel nihil juvaminis erit expectandum, quia lympha in hydatidibus subsistens remediorum actionem minime subire valet, difficiliusque in circulum reducitur, quam ipsa aqua in abdominis cavitate effusa.



# LIBER QUARTUS

## DE SCIRRHO, ET DE TUMORIBUS SCIRRHOISIS.

### CAPUT PRIMUM.

#### De Scirrho.

#### Descriptio.

Scirrhus quinque sibi proprios characteres complectitur, qui totidem signa pathognomonica exhibent.

I. Durus est scirrhus, renitens, pressioni admodum resistens, magis quam molles, & inflammatae partes.

II. Indolens est, etiamsi tangatur, aut comprimatur.

III. Simulque naturalem partis colorem nulla ratione pervertit, ut vix ipsa morbo affici videatur, nisi interdum levissime obscuretur.

IV. Hujusmodi tumor calorem minime auget, sed naturalem affectae partis relinquit.

5. Tandem per lentam *congestionem* sensim producitur, & quamvis plerumque casu fortuito se manifestet, tamen per diutinum tempus efformatur.

Ceteroquin nulla est mollis corporis pars, quæ scirrholocum non præbeat; experientia tamen docuit plerumque partes glandulosas aut viscera ejusdem generis ut plurimum affici, ac inter glandulas, & viscera illa facilius, quæ spissos liquores secernunt: hujusmodi sunt mammæ, hepar, testes, atque uterus. Partes vero tendineæ, aut membranaceæ nunquam, vel raro hoc morbo afficiuntur; carnosæ partes denique, & musculares tendineis sunt scirrho minus obnoxia.

Medici Græci hunc tumorem appellaverunt *Σκίρρο*, propter duritiem: nam *skirrhos* proprie significat apud illos *marioris fragmentum*; Latini hanc nomenclationem receperunt, qua & ipsi usi sumus.

#### Differentiæ.

Multiplex est scirrhi genus, videlicet:

I. Scirrhus *perfectus*, qui durus est, renitens, indolens, sine caloris, aut coloris mutatione, quem veteres *legitimum*, sive *exquisitum* appellarunt.

II. Scirrhus *imperfectus*, ubi minor est resistentia, aliquis sensus servatur; nulla tamen caloris, aut coloris mutatio observatur; hic *illegitimus*, vel *incipiens* etiam appellatur.

III. Scirrhus *carcinomatofus*, sive in cancrum degenerans, in quo dolores lancinantes sub contrectatione præsertim superveniunt, figura sæpe mutatur, & an-



& anguli, aut protuberantiæ producuntur, ut de cancro acturi ostendemus.

IV. Scirrhus *phlegmonosus*, vel *oedematosus* in quo phlegmone, aut oedemamitiori, aut seſviori gradu scirrhum comitantur.

V. Scirrhus *circumscriptus* quando limites distinctos habet; *non circumscriptus*, quando scirrho durities insensibiliter imminuitur, ut margines non distinguantur.

VI. Scirrhus, qui *nulla ratione partis colorem immutat*; vel ille, qui *variegatus* dicitur, ubi cutis venis lividis, aut nigerrimis refertur.

### Causæ.

Scirrhus producitur a subsistentia alicujus humoris, qui in aliquam partem irruit, ibique concreſcit.

Hic humor minime sanguis erit, quia scirrhus rubore caret, neque sanguis in duram massam compingi valet; insuper hic tumor plerumque partes afficit, in quibus cruor minus abundat, nempe in mammis, testibus &c. rarissime in musculis, aut aliis partibus observatur, ubi sanguis exuberat. Tandem a morte dissectis scirrho nihil observatur, quod cruoris congeriem annunciet.

Reliquum enim erit scirrhum produci a lymphæ, aut aliis diversis humoribus recrementitiis, aut excrementitiis, qui in variis visceribus, aut glandulis præparantur.

Hæc propositio verissima est in utraque sui parte. Etenim scirrhus distinguí debet in eum, qui ab humoribus recrementitiis, aut excrementitiis producitur, atque in illum, qui a simplici lymphæ generatur, quare consequitur viscera duplici scirrho esse obnoxia, videlicet *lymphatico*, & *recrementitio*, aut *excrementitio*.

Attamen neque lymphæ, neque humores illi nequeunt subsistere, inspissari, aut concreſcere ad scirrhum producendum, nisi tali densitate polleant, ob quam impares sint vulgari ratione per propria vasa percurrere.

Ergo causæ, quæ lympham, aut indicatos humores inspissare valent, ut scirrhos producant, sequentes videntur.

1. Usus alimentorum rudiorum spissiori succo acescenti donatorum.
2. Vita deses, & sedentaria &c. calamitates, & tristitia continuata.
3. Frigus externum, quod auget humorum spissitudinem jam inchoatam.
4. Fermenta extranea, quæ valeant humores condensare, quibus sanguis inficitur, ut virus venereum, scorbuticum, aut strumofum.

Hujusmodi causæ revera generaliores sunt, quæ adversus partes omnes agunt, at speciatim singulas partes aggrediuntur pro circumstantiarum varietate.

I. Ob peculiarem enim humorum spissitudinem ad aliquod viscus pertinentium eorum alterum afficitur; ita bilis inspissata scirrhum hepatis producit; lac grumatum scirrhos mammarum, aut uteri facit.

Lymphæ splenica, nimis densa, scirrhum lienis gignit; sperma illum testium; humor pancreaticus tumorem pancreatis; chylus illum glandularum meseraicarum; lymphæ tandem glandularum conglobatarum scirrhum inducit.

Quamvis hujusmodi humores omnes a sanguine procedant, suspicari tamen licebit cujuslibet constipationem diversa ratione oriri, ut specialis quædam sanguinis condensatio, unius potius, quam alterius humoris compactionem inducat.

Hæc Hypothesi admissa, facile explicatur, quomodo sanguinis spissitudo, quæ una tamen videtur, valeat alterum viscus afficere, reliquis in statu naturali relictis.

II. At hanc Hypothesim refutando saltem necessum erit generationem scirrho fateri in peculiaribus partibus fieri ob extrinsecas læsiones, nempe.



1. A frigore, cui pars subicitur; ita glandulæ colli facilius, quam axillares scirrhusæ fiunt.

2. A positu partium relate ad scaturiginem veneni, quod harum partium peculiarem humorem inspissare pote sit; ita sub copula cum pellicibus infectis glandulæ inguinales scirrhis, aut bubonibus magis sunt obnoxia; in infantibus pariter nutricibus infectis parotides ceteris glandulis facilius deturpantur; denique in cancro mammaram glandulæ axillares facilius corrumpuntur.

3. Ab ictibus, aut compressionibus de repente supervenientibus, quæ sanguinis spissitudinem, atque congestionem faciant; tali ratione plerumque incipiunt scirrhi mammaram.

4. Ab infantibus, qui in aliqua parte præcesserint, atque ita increbuerint, ut tandem scirrhusi facti sint. Hac enim de causa scirrhi hepatis, aliorumque viscerum obstructions subsequuntur, ita in amygdalis scirrhi ab infartu reiterato originem habent.

5. A præcedenti aliquo morbo; quare scirrhi labiorum, narium, cutis &c. consequuntur plerumque scabiem, aut herpetem harum partium.

Potissimum tamen postremæ hujusmodi causæ recenseri debent relate ad scirrhusos per simplicem lympham productos, ut explicari queat, quemadmodum lymphæ suapte natura homogenea unum potius, quam alterum glandularum genus infestet.

#### *Symptomata.*

I. Scirrhi sensim per congestionem producuntur, quo tempore compactus humor premitur ita a circumpositis arteriis, & contractione sistaltica fibrarum, ut pars scirrhusa facta duplum materiæ complectatur, quam in statu naturali.

II. Pondus scirrhi in eadem ratione augetur; quare pars scirrhus affecta sub naturali circiter volumine duplum pendet.

III. Durities, & resistentia scirrhi simili ratione augetur, & quo magis contenta materies compingitur, eo validius pressioni obstitit.

IV. Scirrhus dum producitur, indolens est, quia filamenta nervorum per affectam partem reptantia, neque alicujus humoris acrimoniæ sunt obnoxia, neque distractioni; nam scirrhus nullam, vel levem intumescientiam producit, & lente admodum generatur citra nervorum læsionem.

V. Scirrhus jam confirmatus, indolens tamen persistat, quia etiam in hoc statu filamenta nervorum nullam irritationem patiuntur, cum nullus in scirrhuso adsit liquor hujus indolis, nullamque filamenta nervea sustinent distractionem, quia unum volumen scirrhus servat; neque externam compressionem ferunt, quia scirrhi durities a pressione filamenta vindicat.

VI. Itaque animadvertendum est, in scirrhis magis etiam inveteratis, & perfectis, nervos spiritus animales adhuc recipere sensibilitatemque servare, ut observatur frequenter, dum scirrhi in cancos degenerant.

VII. Resistentia, atque indolentia, nisi in scirrhis perfectis, & exquisitis altiori gradu observantur, quia maxima tunc est contentæ materiæ spissitudo. Ubi vero latitans humor, non omnino condensatus, apparet, pars scirrhusa plus, minusve pressioni cedit, scirrhusque imperfecte resistit, neque dolore tunc caret scirrhus, quia interspersa nervorum stamina alicui distractioni adhuc obnoxia sunt.

VIII. Cum scirrhus partis volumen minime augeat, varia idcirco vascula per



per ipsam distributa nullam compressionem patiuntur, ideoque sanguis, lymphæ, atque animales spiritus in affectas partes libere irruunt per arterias, venas, vasa lymphatica, aut nervos &c. verum si unquam in scirrho voluminis augmentum appareat, hoc segniter fit & insensibiliter, ut si horum vasorum quodpiam prematur, facile reparatur damnum per dilatationem, quæ una fit, vasorum lateralium proximorum; quod interceptionem fluentium liquorum impedit.

IX. Eadem de causa, quando scirrhus alicujus visceris, hepatis nempe, lymphaticus tantummodo fit, canales hepatici, qui bilem separant, minime sunt compressioni obnoxii, sed bilem vulgari ratione secernendo, ipsam in duodenum fundunt; ergo nil mirum, si quandoque scirrhi hepatis nullam flavedinem ictericam comitem habeant.

X. In scirrho enim tantum recrementitio, quando in Hepate canales hepatici obstruuntur, & bilis cursus intercipitur, necessario icteritia consequitur; præsertim si scirrhus totum hepar, aut ejusdem maximam partem occupet.

XI. Ex his consequitur, in scirrho neque calorem augeri, neque colorem naturalem perverti, cum sanguis minime in parte affecta cumuletur, sed vulgari ratione per ipsam circumvehatur.

XII. At quod magis interest, ex his pariter consequitur, scirrhum perfectissimum etiam, tamen nunquam vita carere. Quantumvis durus enim, resistens, atque indolens scirrhus appareat, sanguis tamen, lymphæ, spiritusque animales, & humores ipsi recrementitii vulgari ratione per ipsum percurrunt, calor naturalis servatur, oscillationes vasorum ceterarumque partium solidarum subsistunt; pari ratione saltem, ac in ossibus, quæ certo apud omnes Anatomicos vivunt. Partes enim scirrhosæ, modo propriam naturam servant, vitæ speciem adhuc retinent. Quis enim crediderit partem scirrhosam, quam per plures annos citra noxam ferunt ægri, æque mortuam esse, ac scirrhosam partem a corpore abrasam, quæ paucos post dies putrescere solet.

Ceteroquin si partes scirrhosæ mortuæ essent, qua ratione ad vitam reverterentur, dum in cancrum degenerare incipiunt, ut infra sequenti capite videbimus.

XIII. Quando scirrhus sedem habet in parte circumscripta, ut in glandulis, aut glandulosis corporibus, & ipse circumscriptus apparet, ut ille mammarum, parotidum &c. contra vero nunquam circumscribitur, quando partem occupet, quæ extendi, atque imminui valet; quare scirrhi cutanei nullam circumscriptionem ostendunt.

XIV. Scirrhi habentur, quorum progressus celerrimi sunt, ubi vasa sanguinea, & lymphatica aliquam pressionem patiuntur, quæ fluidorum cursum retardat; sed hi phlegmone, & oedema facile concomitantur, ut recte *phlegmonosi*, aut *oedematosi* dicantur.

XV. Scirrhus verus, perfectus, & legitimus nunquam resolvi potest, quia materies, quæ ipsum facit, nunquam liquari potest, ut resorbeatur; verum si liquaretur, oscillationes arteriarum, aut sistalticum partium robur impares essent, ut resolutio perficeretur.

XVI. Scirrhus deinceps hujusmodi nunquam in suppurationem vergere potest, quia arteriæ per tumorem distributæ debiliter pulsant; verum si validius ipsæ pulsarent, indurata, ibique collecta materies earum actioni ita obsteret, ut nunquam funderetur.

XVII. Scirrhus tandem perfectus nunquam in gangrenam degenerat; nullus enim



enim in scirrhus hujusmodi adest humor corruptus, qui valeat fibras destruere, nulla vasorum turgentia, quæ oscillationes imminuat, nulla tensio, quæ contractionem sistalticam hujus partis impediatur; ergo haud metuenda est gangrena, quæ triplici hac de causa oriri solet, ut supra vidimus *lib. I. cap. 3.*

XVIII. Quando scirrhi incipientes sunt, aut imperfecti, observatur quandoque, sed raro, modo ipsos resolvi, modo in suppurationem, aut gangrenam converti, præsertim si phlegmone comitem habeant, quia tunc materies morbofa minus dura, & compacta est, arteriæ validius pulsant, sanguis ibi congeritur, atque tumor grandior fit; quod interdum resolutionem, aut suppurationem inducit, interdum etiam gangrenam parit, ut supra citato loco enuntiavimus.

### Diagnos.

I. Scirrhus recognoscitur a pathognomonicis signis, renitentia nempe, indolentia, præternaturalis caloris, & ruboris absentia, atque formatione per viam congestionis.

II. Differentiæ se manifestant per signa sibi propria, jam superius enunciata, videlicet.

1. *Perfectus*, sive *exquisitus* est, si indolentia, & resistentia maxima sit.

2. *Imperfectus*, & non *exquisitus*, quando resistentia, & indolentia modica appareat.

3. *Carcinomatofus*, quando in tumore dolores lancinantes persentiantur, superficies inæqualis conspiciatur, & venæ circumpositæ varicofas se offerant.

4. *Phlegmonofus*, sive *oedematofus*, si phenomena alterutrius illa scirrhi comitentur.

5. *Circumscriptus*, vel non *circumscriptus* erit scirrhus, prout limites tumoris conspici erunt, vel absconditi.

6. Ille, qui *colorem* partis *servat*, aut variegatus est, pro diversa conditione cutis, quæ scirrhum obducit.

III. Tandem causæ scirrhi deteguntur circa antecedentia ægrotantes interrogando, quod facile consequitur, modo medicus morbi etyologiam probe calleat.

### Prognosis.

I. Scirrhus perfectus, neque in resolutionem, neque in suppurationem converti posse observavimus; ergo incurabilis est, ac frustraneum videtur curationem inire.

II. Scirrhus perfectus quandoque resolvitur, quandoque in suppurationem vergit; ergo quandoque etiam curari poterit, sed difficulter, & post longum tempus; ceteroquin suppuratio in scirrhis imperfectis nunquam salubris est, nisi in partibus externis.

III. Difficultas, & diuturnitas valetudinis in scirrhis imperfectis respondet duritiei contentæ materiæ, & volumini tumoris.

IV. Restitutio a scirrhus imperfecto nunquam damno caret, quia resolutiva validiora, quæ in circumstantiis adhiberi solent adversus sanguinem, & viscera, deteriores effectus frequenter producant.

V. Facile etiam resolutionem tentando scirrhus in cancerum converti poterit, ut infra *sequenti capite* ostendemus: in hoc casu modo æger aliquem dolorem lancinantem persentiat, remedia solventia sunt relinquenda, & mitiora tantum sive palliativa retinenda.

*Astruc de Tumoribus.*

I

VI. Nun-



VI. Nunquam curationem aggredi debemus scirrhi nigri, aut plumbei, cuius superficies ob venas varicosas variegata appareat; nam canceri generatio accelerabitur, quod huiusmodi scirrhus jam minatur.

VII. Scirrhus, quia ab humoribus viscosis minusque salitis dependet, remedia solventia facilius patitur, quam si ab acerrimis liquoribus, & magnopere sale imbutis procederet, qui tunc ab actione solventium statim carcinomatofus fieret.

VIII. Ceteris paribus scirrhus externus facilius convalescit, quam internus, quia topica illum adversus validius agunt; insuper ille minus periculi habet, nam modo in suppurationem vergeret, facile pus evacuari posset.

IX. Scirrhus lymphaticus, qualis est glandularum conglobatarum, plerumque minus periculosus est, quam si a supradictis humoribus produceretur, nam lymphæ per illas glandulas percurrentis minus acris, minusque salita esse solet.

### Curatio.

Admonuimus jam superius scirrhum perfectum nullam curationem postulare, in quo casu methodus palliativa tantum adhiberi poterit; scirrhi imperfecti vero respectu quadruplici ratione ipse finem habuerit.

1. Per solutionem, aut dissipationem 2. per suppurationem, aut abscessum 3. per cancrum; 4. per lentam febrem tandem, quæ per consumptionem ægrum necabit.

*Prior* definitio salubris magis est; *secunda* minus infensa, si scirrhus externus sit, quamvis laudabilis suppuratio in scirrho nunquam observetur; *tertia*, & *quarta* infensissimæ sunt, quibus sedulo erit obsistendum.

Quare hic explicare necessum erit,

1. Methodum potiore, tutioreque imperfectum scirrhum resolvendi, modo resolvi queat.

2. Methodum externum scirrhum in suppurationem convertendi, quando resolvi nequeat.

3. Methodum consumptionem reparandi; nam quod attinet ad cancrum, sequenti capite locuturi erimus.

4. Tandem qua ratione scirrhum perfectum pertractari debeat, qui nunquam convalescit.

I. Etenim, ut prudenter resolutionem scirrhi aggrediamur, inquirendum erit, si sanguis viscosus, salitus, acer, aut muriaticus sit.

In *primo* casu; quando nempe cruor viscosus sit, aperientia adhiberi poterunt, & solventia eorum dosim per gradus augendo; talia sunt.

1. Præparationes omnes aperientes martis, videlicet crocus aperiens, tartarum martiale solubile, sal martis, tinctura martis, & flores ammoniacales martiales.

2. Salia omnia solventia, nempe sal admirabile Glauberi, arcanum duplicatum, sive sal de duobus, sal ammoniacum, flores salis ammoniaci, sal tartari, & reliqua salia fixa.

3. Pleraque præparationes Mercurii, quæ neque valde emetica sint, neque valde purgent, ut aquila alba, panacea mercurialis, & potissimum athiops mineralis per deflagrationem confectus, qui neque purget, neque salivationem moveat.

4. Gummi solventi facultate donata, uti ammoniacum, sagapenum, balaellum, Myrrha, Aloes, &c.

5. Par-



5. Partes animalium salibus volatilibus imbutæ, quales sunt millepedes, viperæ, bufones &c. quarum pulvis, aut decoctio usuveniunt.

6. Hujusmodi remedia exhibentur sub forma opiatorum, bolorum, rotularum, aut pulverum, quæ decoctionibus, aut apozematibus adduntur ex plantis aperientibus confectis, videlicet ex radicibus Eryngii, Brusci, asparagi, anonidis, apii, chelidonii &c. tum ex foliis nasturtii aquatici, cichorii, Chærophilli, cochleariæ, agrimonix, &c.

7. Inter hujusmodi remedia usitatissimus est pulvis compositus ex viginti granis pulveris millepedum, tantundem æthiopis mineralis, & decem granis diagrydii præparati, qui quotidie, vel alternis diebus exhiberi solet.

8. Nisi identidem hic nuper enunciatus pulvis adhibeatur, draistica propositis remediis erunt copulanda quarto, vel quinto quoque die; nam solventia remedia postulant, ut solutus humor identidem repurgetur.

9. Si externus scirrhus videatur, internis remediis topica solventia addi poterunt, qualia sunt emplastra de-Vigo cum quadruplicato mercurio, de Diachylo cum gummi, de diabolano, & cicuta; embrocationes etiam usuveniunt ex oleis lumbricorum terrestrium, philosophorum, sapone &c.

Cataplasmata demum ex pulpa radicum bryoniæ, ari, elleboris nigris, curando ne hæc remedia, quæ nonnihil caustica sunt, vesiculas sublevent; admoveatur etiam sedimentum aquarum thermalium, simulque suffumigia ex cynamabari, storace, aut aceto, in quibus silices extinctæ fuerint, tum unguentum neapolitanum impendi solent.

10. His internis, atque externis solventibus identidem interjiciuntur emollientia, & relaxantia, ut jura pullorum, vituli, serum lactis, ejusque fomentationes, cataplasmata emollientia, emplastra mucilaginea ex althæa; Balnea denique ex decoctione malvæ, aut bismalvæ.

In *secundo* casu; videlicet quando sanguinis constitutio falsa, acris, & muriatica videatur, remedia solventia majori cautione indigent, eorumque virtus moderari oportet, crebro diluentia, humectantia, & temperantia adhibendo, ut jura pullorum, vituli, plantis refrigerantibus consociata, balnea, aut semibalnea tepentia, serum chalybeatum, aquæ minerales ferrugineæ, & lac ipsum asininum, aut caprinum.

II. In scirrhi interni pertractatione suppuratio vitari debet; at in scirrho externo minus ab ipsa periculi est, quin imo ita vertere scirrhum frequenter juvat.

Idcirco si dolor, calor, & rubor suppurationem prænuntient, oportebit,

1. In solventium remedium usu morari, donec resolutio perficiatur; at si nimia incalēscētia in propinquo videatur, sat erit proposita emollientia pharmaca solventibus addere.

2. Si inflammatio conspicua sit, vena erit incidenda, semel, vel bis ex brachio, aut ex pede juxta morbi positum.

3. Si motus febrilis adsit, æger jure, & simplici pituita erit pertractandus.

4. Cum tumor scirrhosus emolliatur, atque notas suppurationis præbeat, non erit aperiendus, nisi in tumore contentæ materiæ solutio universalis, aut maxima ex parte fiat; secus callositates superessent difficulter resolvendæ.

5. Suppurato tumori incidendo melius cedit lapis causticus, quam culter, modo partis affectæ conditio sinat; nam lapis istiusmodi magnam callositatum partem destruit, latiore aperturam inducit, curatu etiam faciliorem.

6. Tumor reclusus detergendus videtur, bonam carnem reproducendo, callositates destruendo, atque cicatricem promovendo, ut *l. l. c. II. de abscessibus*, vidimus.



III. Si animadverteris, quod scirrhi resolutionem tentando, æger in tabem vergat, pulsusque frequentiores, & pene febriles evadant,

1. Solventium usus penitus erit proscribendus, & jam remediis generalibus reiteratis, æger usui subiiciendus erit jurium pullorum, aut vituli cum plantis dulcificantibus, & temperantibus, atque ranarum interdum femoribus.

2. Modo tempestas sinat, lac asininum, aut vaccinum utilissimum erit æquali copiæ remixtum decoctionis graminis, aut hordei.

3. Opportuna erunt balnea, aut semibalnea tepentia ex aqua fluviali puriori, aut decoctione plantarum emollientium parata.

4. Æstivo tempore erunt exhibendæ aquæ minerales acidulæ, mitiores tamen, & diuretici, ut illæ sunt (*de ferges.*)

5. Identidem alvum ciere necessum erit ex lenientibus tantum, manna scilicet, cassia, & tamaryndis absque salibus, aut purgantibus resinosis.

6. Si pulsus vividus persistet, & sanguinis orgasmus præsens sit, quandoque venæ sectiones ad octo circiter uncias utiles evadent.

7. Victus exquisitus præscribendus videtur, qui potabilis, aut farinaceus sit, carni, vini, coffeæ, & chocolati usum interdicens.

8. Tandem somnus, vel quies saltem noctu curari oportebit opæ calmantium in emulsione etiam solutorum.

IV. Tandem ut scirrhus perfectio aliqua ratione obsistamus, qui nunquam convalescit; vel saltem ejusdem teterrimas consecutiones aliqua ratione avertamus, fas erit.

1. Ex una parte aperientia exhibere mitiora tamen, minusque calefacientia; scilicet tartarum martiale solubile, diaphoreticum minerale, recenter paratum, atque pulvis millepedum; ex altera vero parte diluentia humectantia, & dulcificantia superius proposita veniunt reiteranda, sed lac potissimum, si stomachus ferat.

2. His remediis exquisitam diætam addi oportet in qua alimenta tenuia sint facilis subactionis, vinus parvus, aut nullus, nulla vero animi pathemata, violentiora corporis exercitia, nullumque pervigilium.

3. Topicorum respectu plerumque eorum nullum impendi confert, vel ad summum relaxantia, & fundentia mitiora adhiberi poterunt, ut ceratum galenicum, emplastrum mucilagineum, vel illud ex æqualibus partibus diabolani, emplastri mucilaginei, & mellilori simul paratum.

## C A P U T S E C U N D U M.

### De Cancro.

#### Descriptio.

**C**ancer scirrhus est dolens factus per gradus successivos, ut infra ostendam. 1. Scirrhus mutat figuram, dilatatur, oblongatur, acuminatus fit, inæqualis, & angulosus sine causa manifesta.

2. Eodem tempore dolens evadit, dum contrectatur, interdum etiam laniationibus est obnoxius, modo paulisper calefiat, aut defatigetur æger.

3. Color externæ cutis, quæ scirrhum obtegat, paulatim mutatur, & per gradus fuscus, variegatus, plumbeus, &c. evadit; tumor tandem varicibus nigris refertur, quæ aliquo modo cancerorum pedes æmulantur, ex quo hujus tumoris græca nomina, *Καρκίνος*, & *Καρκίνωμα* & illud latinum *cancer* procedunt.

4. Scir-



4. Scirrhus sive cancer continuo ingrandescit, magisque in diem deformis, dolorosus, lividusque fit.

5. Ejus angulorum alter sub cute sublevatur, ipsamque tendit levigatam, splendentem, & in apice rubicundam reddit.

6. Circa hujusmodi apicem potissimus dolor, cruciatusque perferitur, ut omnis calamitas hic constipata videatur; in hoc casu cancer *confirmatus*, sed *occultus* apparet.

7. Cutis a maxima tensione tandem disrumpitur, atque ex scissuris serum ichorosum, purulentumque erumpit, quod paulatim canceri corpus exulcerat.

8. Cancro semel aperto ejusdem labia reflectuntur, instantur, elevantur, magis, magisque aperiuntur, & cancer *apertus* tunc appellatur.

9. Lancinationes, & dolores in diem cum aperturæ augmento, & ipsi augentur, atque cancer loco parvis legitimi saniem acrem purulentamque suppeditat.

10. Ex centro patentis canceri aut ejusdem labiis jugiter crescunt carnes fungosæ per modum vegetationis, quæ cito in pus resolvuntur, sed iterum facile, & ubertim reproducuntur.

### Differentiæ.

Cancer varias species complectitur.

1. In statu cancer *occultus* est, cum nondum exulceratus videatur; *apertus* vero si ulcere fædetur.

2. In progressu suo *incipiens* dicitur, quando dolores modici, rari, & inæqualitates leviores sint; contra vero *confirmatus* appellatur, quando lancinationes, protuberantiæ, & coloris mutationes conspicuæ sint.

3. In qualitate differt; nam modo *malignus* est cum maximo dolore; modo *benignus* cum mitioribus cruciatibus.

4. Causa etiam producens generice differt; interdum enim cancer a causa *interna* derivat a sanguinis vitio, absque externa causa, vel levissima saltem, quæ occasionem ipsi præbuerit; interdum tamen a causa *externa* originem ducit, nempe ab ictu, contusione, collisione &c.

5. Modus etiam concrescendi diversus est; nam quandoque *fungum* perfecte æmulatur, quandoque hanc similitudinem cancer lentius suscipit.

6. Quoad partem affectam vero attinet, cancer Hepar, splenem, uterum, testes, glandem, glandulas conglobatas, mammas, labia, cutim &c. occupat, sed duplex postrema species canceri plerumque coagmentatur ex pluribus granulis cancerosis, distinctis, & miliaribus, quia ejusdem sedes in glandulis miliaribus sita est.

### Causæ.

Ut recte de cancro judicemus, qui, ut supra admonuimus, ex scirrho oritur, attendendum erit.

1. Scirrhum tumorem esse sensim *per congestionem* natum humoris spissi quasi, atque compacti, ut tumorem durum, resistentem istiusmodi efformet.

2. Hunc liquorem in scirrho compactum quandoque rarefcere, primumque volumen recipere, saltem in quibusdam scirrhi partibus, nisi ubique tumoris.

3. Interdum etiam accidere potest hunc humorem eo magis rarefcere, atque grandius spatium occupare, quam suapte natura soleat; hæc proprietas in naturæ phenomenis non est abscondita, patet in gypso, qui aqua solutus tumet, atque rarefcit, prout concrefcit; recognoscitur in limatura



chalybis, quæ urina, aut allio trito commixta concrefcendo, inflatur; in metallis pariter idem ostenditur, atque falibus omnibus, quæ intumefcunt, ut species vegetationum referant; pari ratione igitur in fcirrhi fubftantia evenire poterit hoc phenomenon, quod obfervationibus etiam confirmari videtur.

4. Certum infuper effe conftat, fcirrhum in cancrum degenerare, inflari, ipfum rarefcere, atque extendi, quamvis id æquabiliter per omnem tumorem non contingat, hoc oftenditur.

1. Mutatione figuræ, quæ in fcirrho obfervatur, dum primo in cancrum definit, quod inæqualem tumoris intumefcentiam præbet.

2. Angulis, qui in his fcirrhi partibus confpiciuntur, qui manifeftant ibi grandiores expansiones gigni.

3. Sciffuris fuperficiem cancri deturpantibus, quæ citra manifeftam caufam, nifi ab aucto volumine, & expansione materiæ fcirrhofæ oriri poffunt.

4. Tandem ex labiorum ulceratorum reflexione in cancro aperto, quæ nifi ab inflatione harum partium produci poteft; quæ omnia fatis confirmant hanc expansionem in tumoribus fcirrhofis neceffario effe admittendam, dum ipsi in cancrum abeunt.

5. Hanc expansionem igitur five materiæ fcirrhofæ explicationem unicam caufam effe conversionis fcirrhi in cancrum quis inficiabitur? faltem apparet, hac ratione facile explicari poffe cancrorum formationem, abfquequo ad humorem acrem corrodentem confugiamus, qui in cancris occultis vel exulceratis minime fe offert; nam fanies ex his defluens lymphæ tantummodo videtur nutritia, guttulis nonnullis fanguinis onufta, aut fungofis filamentis in fuppurationem refolutis.

His pofitis, reliquum eft ad cancri originem patefaciendam caufam indicare, quæ materiæ fcirrhofæ expansionem promoveat, ex quo cancer gignitur.

Haud dubitaverimus hanc caufam effe caloris augmentum in cancri fubftantia, quod fcirrhi materiam rarefaciendo loculamenta difrumpat, in quibus compingitur, ac valeat proinde majus fpatium occupare, quam a naturali calore fieret. Hoc caloris augmentum in fcirrho, nifi a triplici fubfequenti caufa oriri poteft, quod fedulo attendendum eft; præfertim cum in hujusmodi circumftantiis potiffimum foleat fcirrhus in cancrum converti.

I. Quotiefcumque calor naturalis fanguinis augebitur per fupervenientem febrem, cibos acres, falitos, calefacientes, pervigilia, diuturniora exercitia, nimia animi pathemata, &c.

II. Quotiefcumque calor in fcirrho intenditur, per topica calida folventia imprudenter applicata, aut citius quam par erat.

III. Quotiefcumque fanguis ubertim in tumorem fcirrhofum irruit; vel quia in corpore exuberet, vel quia in affecta parte fubfidat a frequenti contractione, compressione, vel ictu.

### *Symptomata.*

Symptomata hic explicaturi erimus tantummodo, quæ ad omnes cancos generice pertinent, non vero quæ ejufdem fpecies diverfas refpiciunt; generalia idcirco cancri fymptomata fequentia effe folent.

1. Calor in fcirrho augetur, dum primo in cancrum degenerat, hac fola de caufa ipfum naturam mutare vidimus; fed hic calor in diem, prout progreditur morbus, augeri debet.

2. Prout



2. Prout calor augetur, partes scirrhi compressæ extendi, & explicari debent, quod volumen scirrhi auget, & figuram mutat, inæqualiter tamen, quia ab inæquali tumoris pressione inæqualis producitur tumoris expansio.

3. Ab hac expansione materiæ in scirrho contentæ nervi per ipsam distributi continuis distractionibus sunt obnoxii; quod sensum doloris producit, qui jugiter increfcet, prout scirrhi expansio augebitur.

4. Quandoque hæc tumoris intumescencia in quibusdam locis celeris ita fit, & nervorum distractio vehemens ita, ut dolor æmuletur phlebotomi ictum in tumorem infixum, ex quo dolor *lancinans* appellatur.

5. Cancer sub dilatatione, & incremento circumpositas venas compingit, quarum rami plerique a cute propinqua prodeunt; ex eo cutaneorum vasorum circuitus retardatur, & sanguis subsistens tumoris superficiem obscuriorem reddit.

6. Vidimus jam explicationem materiæ carcinomatosæ inæqualiter fieri. Animadvertendum hic est hanc inæqualitatem in superficie tumoris minorem esse, ubi obstacula minora sunt; hac de causa exterior canceri facies pluribus prominentiis deturpatur, quæ in diem augentur.

7. Cutis, quæ hujusmodi prominentias obtegit, post maximam distensionem levigata, & lucida fit, eodemque tempore rubet, quia sanguinis circulus magis retardatur.

8. Tandem ab hac distractione cutis infringitur; primo sub excoriationis specie scissura se offert; sed paulo post dilatatur, & ad canceri substantiam pertingit.

9. Tunc a disrupta cute, ac præsertim a membrana cellulari, jam diffracta, serositas lymphatica ubertim erumpit, sanguineis guttulis intimius saturata, colore rubro, aut roseo interdum referta.

10. Disrupta cute, cum protuberantia substantiæ ipsius tumoris huic respondens continuo progrediatur, neque amplius a cute defensa sit, finditur & ipsa, atque e nova plaga nova scatet lymphæ plus, minusve rubicunda; & tunc cancer *apertus*, sive *exulceratus* appellatur.

11. Cancro semel aperto materies, quæ ipsum gignit, obstaculis remotis celerius, validiusque expanditur, ac proinde apertura magis dilatatur, quasi patula *malus punica*.

12. Cum cutis, & reliqua canceri involucria non una polleant se se dilatandi facultate cum materia carcinomatosa, ideo canceri labia magis quam cutis extendi debent, atque extrorsum reflecti.

13. Expansio uberrima materiæ carcinomatosæ, etiam in aperto cancro, nervos valide distrahere debet, quod dolorem vividiores, quam in cancro occulto, producit.

14. Eadem expansio majus incrementum adipisci debet, præsertim cum plura vasa sanguinea, quæ extendi nequeunt, continuo destruat, ex quo sanguinis jacturæ oriuntur; quando vascula concisa capillaria fuerint, hæmorrhagia parvi momenti erit, maxima tamen, si vasa grandiora fuerint aut arteriosa.

15. Ex omni aperti canceri superficie carnes plus, minusve spongiosæ *fungorum* more crescunt, quod postremum expansionis materiæ carcinomatosæ gradum manifestat. Hi fungi ab aeris attactu, aut remediorum applicatione cito putrescunt, sed totidem resurgunt.

16. Nullum verum, & legitimum pus in cancro aperto produci solet; effluit tamen serositas lymphatica, & rubicunda, plerumque sanguineis molleculis imbuta, & fungorum putrefactorum fragmentis referta, quod laticem illum rubicundum, saniosum, fetidumque reddit.



17. Odor effluentis materiæ non solum fœtet, verum cadaver redolet, qualis ex putrefacta gangræna spiraret; revera materies ex cancro proveniens, cum maxima ex parte coagmentetur ex fragmentis putrefactis carniū unum olere debet, ac partes gangrænæ, aut cadaverum putrefactorum, quare canceri magis fœtent, quo magis fungis abundant.

18. Celeris expansio canceri valide comprimit circumpositas venas, & sanguinis circulum interceptando, ipsas inflat, nigerrimas, & varicosas reddit. Hoc evenit quandoque in cancro occulto, semper tamen in aperto observatur. In hoc statu cancer varicibus circumcinctus, *cancerum marinum* aliqua ratione æmulatur, quo nomine designari solet.

19. Expansio materiæ cancerosæ continuo respondet naturæ scirrhi in cancrum mutati; quare quo magis scirrhus durus, resistens, & exquisitus fuerit, eo magis cancer subsequens intumescet.

20. Celeritas expansionis ejusdem magnitudini respondebit, quia utraque ab eadem causa procedit. Idcirco quo magis materies canceri rarefactione potius erit, eo facilius cancer progredietur.

21. Dolor respondet nervorum distractioni, & hæc magnitudini, & celeritati expansionis materiæ morbosæ; ergo sub majori, & celeriori dilatatione canceri sæviores dolores insurgent.

22. Huic expansionis magnitudini, & celeritati pariter respondebit fungorum productio.

23. Tandem frequenter in canceris mammarum apertis animadvertitur de repente ex tumoris centro erumpere per insensibilem hiatus copiosum, ferofum laticem, rubrum, roseum, acrem, fœtidum, atque cadaver redolentem.

Pro hujusmodi phenomeni explicatione longe est incipiendum. Corpus glandulosum mammarum ex pluribus racemis conficitur distinctis sane, sed intime contiguis; sub scirrhi formatione eorum positus non mutatur, quia scirrhus neque formam, neque volumen partium pervertit, sed cum in cancrum ipse vertitur, volumine augetur, figura mutatur, neque amplius racemi sive accini glandulosi proxime se contingunt; relinquunt itaque interstitia, quæ cito lymphæ exsudanti ex disruptis membranis replentur, huic lymphæ guttæ sanguinis plures adduntur, & filamenta putrefactarum membranarum, ut lymphæ rubra, fœtida, & acris se offerat, quinimo magis, magisque perverti debet ob calorem partis, quæ ipsam complectitur, ac proinde calorem, & sensum canceri augeri; at glandulosi racemi continuo formam mutando, debent in illis loculamentis contentæ ferositati viam pandere, quæ abunde cum ægri levamine profluit; attamen debent simul morbi progressus accelerari, quia cavitates, quæ laticem illum complectebantur, semel evacuatæ, & aeri expositæ magis aperiri debent, & extensionem, atque deformitatem canceri augere.

### Diagnosis.

I. Cancer diu non latebit; quotiescunque tumor scirrhus punctorio dolore afficitur, in cancrum converti prænuntiat.

II. Facile est distinguere varias canceri species post super allatas differentiarum descriptiones, ubi ipse *occultus*, vel *apertus*; *incipiens*, vel *confirmatus*; *malignus*, vel *benignus* sit.

III. Quoad qualitatem canceri ipsa cognoscitur propter majorem, vel minorem



rem scirrhi duritiem, quæ canceri formationem præcesserat; ob magnitudinem; & celeritatem intumescentiæ atque expansionis materiæ morbosæ; ob doloris intensitatem; denique ob ubertatem carniū fungosarum ab ulcere decidendum.

IV. Nunquam de canceri sede ancipites hærebimus; quisque norit, neve hep-  
par, lien, uterus, aut alia, quæ exterius pateat, pars afficiatur.

V. Ab ægrotantium narratione tandem deduci poterit, neve cancer a cau-  
sa externa, interna, aut accidentali procedat, quod maxime animadvertendum  
est; nam cum de præcedentibus rebus satis edocti fuerimus, facile detegerimus,  
quidquid alterutri canceri speciei originem præbuerit; sed hujusmodi cognitio  
in prognosim, aut curationem parum admodum influit.

### Prognosis.

I. Cancer vel occultus, vel apertus, modo confirmatus videatur, absolute in-  
curabilis est, nisi ferro scindi possit; nam canceri resolutionem simul ac  
scirrhi tentare frustraneum videtur.

II. Superest enim tantum, aut cancrum abscindere, quod valetudinem re-  
stituit, modo pus bene vertat; aut vehementiam, incrementum, progressum-  
que cohibere.

III. Cum cancer eludat in utroque tentamine remediorum vim, atque me-  
dici diligentiam, pertimescendum erit ægrum sub diris canceri exulcerati  
cruciatibus, atque teterrimis ejusdem consecutionibus perituum esse, citius,  
vel ferius pro varia canceri indole.

IV. Externi tantummodo canceri extirpari possunt; idcirco interni omnes in-  
curabiles sunt, atque nisi palliativa methodus adhiberi potest.

V. Deinceps externorum illi solum abscinduntur, qui mobiles sunt, neque  
partibus adherent, quæ sub sectione lædi possent.

VI. Quapropter si cancer ossibus, eorum perioestio, vasis, nervis, aut ten-  
dinibus inhereat, reliquum est palliativam curationem inire, & canceri aperi-  
tionem retardare; nam cancer apertus celerius progreditur, quam occultus, ut  
Hippocrates (a) admonet. *Quibus occulti canceri adsunt, non curare melius;  
curati enim citius intereunt, non curati vero longius vitam trahunt.*

VII. Neque commendarem canceri extirpationem, cum a causa interna, vitio  
scilicet sanguinis dependeat; frequenter enim evenit, quod postquam æger  
laboriosum opus passus fuerit, futilem valetudinem post paucos menses novus can-  
cer, & deterior subsequatur, qui nobiliorem partem implicet.

VIII. Generice cancer letalis magis est, quando in constitutionibus sali-  
nis magis, atque biliosis occurrat, tum vividioribus cruciatibus sit obnoxius,  
qui partes nobiliores infestet, ac teterrima phenomena conjuncta habeat.

### Curatio.

Triplex est cancrum curandi ratio, in triplici ejusdem stadio.

1. Quando incipit, & æger extirpationem contemnendo postulat, quod ejus-  
dem progressus impediatur.

2. Quando æger finit canceri extirpationem, & facile, atque utile videtur opus.

3. Quan-

(a) Sect. VI. Aphor. 38.



3. Quando cancer extirpari amplius nequit, ac dolorem moderari tantum fas erit.

I. In primo casu necessum erit.

1. Exactum regimen prescribere quo ad nutrimenti qualitatem ægros, potionibus farinosis, jusculis, farinaceis, & similibus, cum paucis elixis carni-  
bus alendo, interdicens vini usum aut modicum saltem permittendo, exer-  
citia vehementiora, pervigilia, atque omnes excessus proscribendo, sobriam  
vitam suadendo, ne sanguinis nimium adipiscantur.

2. Præterquamquod identidem venam secare ter, quaterve in annum o-  
portet, præsertim si mulier effecta sit, quæ menstruis deficiat; hoc maxime  
interest, & tutior est methodus cohibendi canceri progressus.

3. Purgare interdum ægros confert, lenientibus haud calefacientibus adhi-  
bitis; hujusmodi sunt tamarindi, cassia, manna, rhabarbarum, sal vegetabile &c.

4. Exhibere decocta amara, & temperantia, jura cancerorum, serum chaly-  
beatum, & aquas minerales, balnea, aut semibalnea tepentia, lac caprinum,  
aut asininum, tum pro integro alimento lac continuo propinare, circa quod  
varias tempestates attendere oportebit.

5. Nihilum cancro admoveere convenerit ipsum calentem exsiccatumque ser-  
vando, atque ab injuriis externis vindicando; qua de causa fiat erit, partem  
affectam linteo, calida urina imbuto, ad instar cataplasmatidis, obtegere.

6. Narcotica etiam usum habere solent, mitiora tamen, & modica dosi,  
modo pervigilium, aut dolor ægrum infestent.

II. Superallata ratione interdum canceri progressus interdicitur, in his, qui  
temperatam vitam ducunt, & tranquillam, cujus sanguis nullo conspicuo vi-  
tio deturpatur.

Animadverti pluries ægros cancos patentes passos fuisse citra ullam teterri-  
mam consecutionem; idem tamen continuo non accidit, quandoque ad tumo-  
ris extirpationem confugere oportet, quod fieri neque potest, neque debet,  
nisi sequentibus casibus.

1. Quando canceri externi sunt, ut illi mammarum, labiorum, glandis, at-  
que testium &c.

2. Quando ipsi mobiles sunt, aut partibus adhærent, quæ absque noxa ab-  
scindi possunt.

3. Quando ab externa causa, & accidentali procedunt citra ullum sangui-  
nis vitium.

4. Quando denique ægri juvenes, & bene constituti videantur; vel si mu-  
lieres fuerint, neve menstruis perfecte gaudeant, aut his jam diu præter na-  
turæ leges deficient.

In concursu harum conditionum, animose canceri extirpationem ineundam  
esse arbitror, postquam generalia remedia adhibita fuerint, idoneam tempe-  
statem eligendo, qualis ver est, aut autumnus.

Hujusmodi extirpatio duplici ratione fit, ferro nempe, aut caustico: *prior*  
tutior est, & sola quæ benevertat; *altera* in cutaneis canceris abscindendis lo-  
cum habere potest, imo quandoque potior videtur.

Dum cultri ope canceri extirpatio institui vult,

1. Abscindatur oportet summa celeritate, atque solertia omnis cancrosa portio,  
videlicet integra mamma, si de ipsa affecta agatur.

2. Deinceps arterias ampliores vincere olim solebant, quod crudele erat;  
hodie solent spleniis aqua aluminosa imbutis dissectam partem obducere; quæ  
suf-



sufficiunt ad hæmorrhagiam sistendam. Utebantur etiam chirurgi stipula pulveribus adstringentibus cum albumine ovi quassatis saturata, sed hodie postquam ulceris confinia pulvinis simplicibus obtegerint, reliquum cooperiunt similibus pulvinis pulveribus adstringentibus conspersis, & apparatus satis firmis vinculis, fasciisque circumductis defendendo, jubent famuli manum supra imponere, quod satis cruoris jacturam impedit.

3. Cunctari oportet, donec sponte apparatus istiusmodi revellatur, quod tertio, aut quarto die eveniet; prout ulcus detergitur, pulvini apponuntur, suppurantibus cum luteo ovorum dulcificatis onusti, sed una similes pulvini aqua aluminosa imbuti in promptu esse debent, modo vas aliquod multum sanguinis adhuc funderet.

4. In progressu primo digerentibus luteo ovorum commixtis, deinde simplici digerente emplastro affecta pars pertractatur, donec suppuratione immixta balsamum Arcei adhiberi possit.

5. Si in suppurationis progressu glandula aliqua apparuerit, aut cancrusus tuberculus nondum abrasus, forcipe, aut escharoticis abscindi oportebit.

6. Tandem cum ulcus occludatur, cicatrix promovenda videtur leviter lapide infernali ipsam identidem tangendo, aut balsamum viride simplex, vel aliis unguentis remixtum adhibendo, vel partem conspergendo terebinthina ustulata, & in pulverem redacta, ipsamque spleniis siccis, aut rasis obducendo.

Cum speciales rationes nobis suaserint, corrodentium viam esse sternendam statim.

1. Sanciendum erit qualia sint deligenda: proponuntur plures arsenici præparationes, quæ magnopere commendantur, sed difficulter putarem arsenicum ita moderari posse, ut nullum damnum afferat; quare magis idonea videntur cauteria usitata, modo rite parata fuerint.

2. Etenim postquam spleniis, aut emplastro perforato margines cancri comburendi statuti fuerint, lapis causticus applicari poterit ad illam crassitudinem, quæ pro magnitudine tumoris idonea magis judicabitur; apparatus pulvinis cooperitur, fasciis vincitur, aut manibus firmatur.

3. Cum appareat validus lapidum effectus, removetur apparatus, & eschara oblinitur butyro recenti, cum foliis betæ, quod bis, terve in die renovatur, ut citius eschara decidat; frequenter enim hac de causa eschara inciditur, ut butyrum intimius ipsam pervadat.

4. Modo eschara circa limbos evelli incipiat, digestivum adhiberi oportet cum luteo ovorum commixto, usque dum omnis eschara abeat; tunc ulcus vulgari ratione cum simplici digestivo, & circa finem cum balsamo Arcei pertractatur, super allatis modis cicatricem fovendo.

5. Suppurationis tempore sedulo perquirendum erit, an glandulæ, aut granula cancrosa supersint, quæ forcipe, aut escharoticis destrui debeant, quod obtinebitur ope lapidis caustici, si durities maxima sit, aut pulvinis simpliciter pulvere, aut solutione ejusdem lapidis imbutis; trochisci etiam sublimati corrosivi utiliter in his casibus adhibentur, modo caute procedatur.

6. Tandem, ulcere deterso, cum nulla cancri suspicio subsistat, obvia methodo curatur ulcus, & cicatrix, quo fieri potest, acceleratur.

III. Postremus casus reliquus est, ubi cancer apertus, & dolens apparet, qui extirpari nequit; tunc enim fas erit, tantummodo dolorem moderari, morbi progressus retardare, & vitam ægri producendo ipsam calamitosam minus reddere.



Hac de causa topica omnia oleosa, aut emplastica vitari debebunt, quæ partem calefaciendo dolorem intendunt; confugiendum enim erit ad anodyna aquosa, aut absorbentia, tum relaxantia simplicia, quorum usitiora proponam.

Inter anodyna aquosa utiliter adhiberi solent.

1. Succus solani morellæ dicti, sedi, scrophulariæ, & geranij robertiani, simplices adhiberi possunt, aut in mortario plumbeo, cum simili pistillo contriti, donec inspissescant, & nigrescant; ipsis addi potest sal saturni, aut liquor ejusdem salis ea dosi, quæ potior videbitur.

2. Decoctio cancerorum fluviatilium, aut marinorum, ranarum, cæparum &c. in mortario plumbeo quassatorum, additis etiam sale, aut liquore saturnino.

3. Aquæ distillatæ spermatis ranarum, aut cæparum, quæ in mortario plumbeo cum supradictis præparationibus saturni quassari possunt; cancer apertus his succis, decoctionibus, aut aquis tepentibus inspergitur, pulvinos etiam his liquoribus imbutos admovento.

4. Absorbentia usitiora sunt; pulvis plumbi cum mercurio amalgamatus, five æqualibus partibus pulveris antimonij crudi commixtus, five antihectico Poteri, pulvis ranarum, cancerorum, bufonum &c. exsiccatorum, quibus pulveribus pars affecta conspergitur.

5. Quoad relaxantia anodyna hujusmodi sunt: fragmenta adhuc calentia carniæ vituli, pullorum, aut columborum, quæ parti affectæ admoventur, sæpe ipsas amovendo, antequam putrescant.

6. Maxime juvat expansioni materiæ cancerosæ obsistere, quæ potissimum grandiores dolores parit, & morbum accelerat; hac de causa applicantur plumbi laminæ simplices, aut mercurio imbutæ, quæ sæpe expoliuntur, atque renovantur; pariter adhiberi posset balsamum chalybis, quod sequenti ratione paratur.

*Sumatur* spiritus nitri idonea quantitas, in qua acus exilissimæ chalybeæ immergantur, quot solvi poterint, eæ præsertim deligi debent, quæ ex optimo chalybe confectæ sint, & facile frangantur; circa finem solutionis duplum olei olivarum affundatur, & liquor hujusmodi frigido loco reponatur, donec inspissetur, & balsami formam suscipiat; abluatur tunc ipsum aqua communi, quod pluries fieri juvat; cooperiuntur ipso pulvinorum ope canceri vegetiores fungi, qui si copiosiores videantur balsamum non ablutum adhiberi poterit, ut validius agat; sed pluries est abluendum, cum cancer minus sæviet.

7. Sub topicorum usu, haud negligi oportet optimum regimen, quod supra pro cancro occulto præscripsimus, interna rimedia exhibendo, quæ ibidem *articulo primo* proposuimus;

8. Tutior methodus, qua diri cruciatus in cancro compescentur, opii usus videtur; quod in substantia, aut a sordibus repurgatum adhibetur *laudanum* dictum; verum etiam sub liquoris forma paratum, ut in guttis anodynis *codicis Parisiensis*. Cum grandiores doses horum remediorum exhiberi debeant, prudentis erit, illas subdividere, alteram dosim repetendo, postquam certiores facti simus de prioris effectu: verior hæc est ratio remedium hoc exhibendi, quo abutendum non est.

9. Non modo opium in his circumstantiis intus exhibetur, sed etiam extrinsecus applicatur; quare tinctura anodyna topicis liquidis, & laudanum pulverizatum topicis solidis additur; quandoque etiam emplastra ex simplici laudano confecta in cancro aperto dolentibus partibus applicantur; at augeri debet opij ita adhibiti actio, ut imminuatur dosi illius, qui interius sumitur.



10. Magni momenti erit sanguinis jacturas intercipere, quæ frequenter in apertis canceris occurrunt; plerumque pulvini aqua aluminosa imbuti sufficere solent; ceteroquin aperti vasis orificio aluminis, aut vitrioli fragmentum applicari poterit, aut frustulum agarici quercus, quo utiliter in hoc casu chirurgi uti solent.

## A N I M A D V E R S I O N E S

*Circa Theoriam canceri in hoc capite propositam.*

I. Expansio, sive evolutio, quæ in materia scirrhusa gradatim fit, quando in cancrum degenerat, effectus est elasticitatis hujusce materiæ, quæ nimis comprimitur. Hac enim de causa spongia, aut crinum manipulus compressus dilatatur, aut extenditur cessante, vel imminuente pressione.

II. Hæc elaterij vis communis est omnibus pene corporibus, evidenter tamen in nonnullis apparet, quæ declarare possunt, quidquid circa cancrum acturi erimus; ea enim de causa pariter lacrymæ batavæ franguntur si caudæ apex disrumpatur, aut superficies ad certam profunditatem incidatur.

III. Alterum exemplum minus vehemens hujus elaterij suppeditat fructus *momordicæ*, sive *pomi mirabilis*; dum maturus est, formam, & figuram suam conservat, modo integer persistet, at si per quam exiguam scissuram quis cultro, aut alia ratione in ipsum inducat, apertura sponte dilatatur, & fructus aperitur sensibilibiter, usque dum omnis revolvatur.

IV. Nihil obest, quod cancrusæ massæ idem eveniat, ac momordicæ pomis, oculis contingere observatur. En vobis quid sufficiat ad explicanda canceri phenomena, absque quo confugiamus ad humorem acrem corrodentemque, cujus existentia dubia valde est; etenim qua ex parte de repente in massam scirrhusam, quæ in cancrum degenerare incipit, humorem hujusmodi acerrimum derivare poterit, præsertim cum superioribus diebus, dum materies scirrhusa tantummodo videbatur, nullum indicium acrimoniæ apparuerit?

V. Alias cum adhuc communem sententiam amplectebam, de qua tamen aliquantulum etiam dubitabam, experientiam institui, quæ rem non parum mihi explanavit.

Mammam sumpsi cancro affectam, ex corpore femineo jam amputatam, pondere septem librarum, posteaquam in plura fragmenta ipsam dissectui, per balneum arenæ distillationi eam subjeci, diligenterque collegi principia, quæ distillatio suppeditaverat, æque ac sal fixum a capite mortuo vulgari ratione desumptum; deinceps tantundem sumpsi carniæ bovis & æquali labore cruciavi, principia omnia a distillatione derivata congerendo; comparavi invicem hæc varia principia, salia præsertim tum volatilia, tum fixa, quantitas æqualis pene erat, qualitas una sub multiplici tentamine videbatur, vel hæc principia adhiberentur in metallis præcipitandis, menstruis acidis solutis, vel in effervescentiis cum acidis excitandis, vel in tincturis resinosis extrahendis, vel in syrapi violacei coloribus permutandis, vel tandem in ipsis apice lingue degustandis. Ex his concluditur humorem acrem, & erodentem cancrorum hypothese redolere; quare necessum esse horum tumorum originem alia ratione explicare, ut nos ruditer coacti sumus.



## CAPUT TERTIUM.

## De Gangliis sive Nodis.

## Descriptio.

**E** *Ganglia* Græcorum γαγγλία, sive *nodi* Latinorum tumores scirrhusi sunt, indolentes, sine calore, & rubore, qui tendines infestant, ligamenta, tunicas, membranaceas, atque periostium, ideoque pro variis, quas afficiunt, partibus, quattuor species complectuntur.

II. Nodi sive Ganglia interdum mobilitate gaudent, saltem lateraliter, quandoque firmiter adherent; nodi tamen tendinum, ligamentorum membranarumque mobilitate jugiter pollent, saltem antequam grandiores fiant, nisi periostium infestent, quia tunc mobilitate orbantur.

III. Nodi aut Ganglia unum constituunt tumoris genus, sed ganglia appellantur, cum parva sunt, & rotunda; nodi vero cum valde crescunt.

IV. Habentur hujusmodi tumores a magnitudine granorum miliaceorum, ad magnitudinem ovi columbini.

## Causæ.

Ganglia, & Nodi a lymphæ nutritiæ spissitudine veniunt, quæ in tendinibus, membranis, ligamentis, & periostiis conglomatur, & inspissatur: idcirco prima Gangliorum omnium, & nodorum causa est hujus lymphæ viscositas, aut ex causis communibus dependeat, aut a fomite extraneo cum ipsa commixto procedat, ut in lue celtica, scorbuto, & strumis evenit; quare habentur nodi *simplices*, *venerei*, *scorbutici*, *strumosi*. &c.

Sed necessariae sunt causæ particulares quæ causam generalem dirigant, ut hunc, vel illum tendinem, aut hanc, vel illam tendinis partem aggrediatur: hujusmodi vero singulares causæ plures esse possunt.

1. Aliquis ictus, qui tendinem, ligamentum, membranam &c. compresserit, quod lymphæ depositionem causat.

2. Aliqua nimia extensio, aut distractio ab aliquo violenti conatu producta, aut aliqua contorsione, quæ eundem effectum producit.

3. Admotio unguenti, sive emplastri adstringentis, quod lympham in parte affectâ detineat.

## Symptomata.

1. In nodis, & gangliis neque rubor, neque calor observatur, quia circulatio sanguinis non intercipitur.

2. Color cutis non mutatur, quia nodi cuti non adherent, nullamque alterationem inducunt.

3. Dolor modicus est in gangliis, aut nodis, etiam cum premantur, nam eorum durities nervos ab omni distractione defendit.

4. Resistentia maxima est, quia lymphæ in his partibus valde indurefcit; resistentia tamen hujusmodi inæqualis est, quia lymphæ inspissatio in omnibus nodis eodem spissitudinis gradu non pollet.

5. Motus illius partis, quæ ganglio afficitur, difficilior perficitur, quando mor-



morbis supra tendinem, aut articulationis ligamentum sedem habeat; articulo-  
rum motus tamen subsistit, quando nodus membranam, aut periostium ledat.

6. Nodi mobiles sunt, alii immobiles: mobiles cum parvi sint, & mobili-  
bus partibus adhærent; immobiles quando immobilibus partibus inhærent, quan-  
tumvis exigui appareant.

### *Diagnos.*

1. Nodus mobilis facile cognosci potest, neque confunditur cum lupa in-  
cipienti, a qua ob maiorem duritiem distinguitur.

2. Nodus fixus interdum confundi posset cum exostosi, quando periostio  
adhæret; facile tamen distinguitur, quia minus durus, magisque indolens  
exostosi est.

3. Sufficit cognoscere corporis humani fabricam, ut pars nodo affecta in-  
notescat.

4. Maxime nostrum inter est, an virus venereum, scorbuticum, aut strumosum  
nodum faciat, quod cognoscitur per signa horum morborum propria.

### *Prognosis.*

1. Nodi tumores sunt periculosi minus, parumque incommodi, qui sibi re-  
linqui possunt.

2. Frequenter etiam pro valetudinis difficultate vix curationem tentare ju-  
vat, cum raro resolvi queant, neque extirpari debent cum tendinibus, liga-  
mentis, aut ossibus inhereant.

### *Curatio.*

Nodorum curatio eo collimat, ut per viam resolutionis ipsi tollantur, quod  
tamen difficile, & impossibile quandoque videtur, ut nuper admonuimus.

Ad hanc tamen resolutionem promovendam adhiberi solent,

I. Emplastra de Vigo cum quadruplicato mercurio, de diabolano, diachylon  
cum gummi, tum sapo, sulphur Rulandi, aut emplastrum de cicuta &c.

II. Cataplasmata confecta ex pulpa radicum bryoniæ, cucumeris silvestris,  
cyclaminis, cicutæ, hyoscyami &c.

III. Gummi resolventia, ut gummi ammoniacum, sagapenum, & bdellium  
cum aceto emollita, & supra corium extensa.

IV. Frictiones mercuriales modicis dosibus supra nodos pluries iteratæ.

V. Suffumigia cum aceto supra candentes filices projecto instituta, vel cum  
cynnabari, & storace prunis ardentibus projectis, fumum ducendo rubi ope  
supra affectam partem.

VI. Aquæ thermæ affusæ, aut fordes thermarum parti affectæ appositæ.

VII. Plumbea lamina mercurio imbuta, & nodo continenter applicata.

Maximum tamen emolumentum affert nodum jugiter contrectari, ut conten-  
ta materies attenuetur, & ad resolutionem disponatur.



## CAPUT QUARTUM.

## De Verrucis.

## Descriptio, &amp; Differentia.

1. **V**errucæ exigui tumores sunt, sive prominentiæ cutis duræ, scirrhosæ, ac proinde sine calore, dolore, aut rubore.
2. Plerumque se offerunt per apicem in plura filamenta divisæ, quæ repræsentant pennicillum, quandoque etiam rotundæ, & levigatæ apparent.
3. Distinguuntur 1. in *breves*, & *latas* a Græcis *Μυρμικία* appellatas, & a Latinis *verruca sessilis*, & in *verruca longas*, *exilesque* a Græcis *Ἀκροχρόδες* dictas, a Latinis *verruca pensiles*; 2. in *verruca minores*, quas *Thymas*, sive *Θύμοι* appellant, & in *verruca majores*, quas *fici*, qui apud Græcos *Σύκοι* dicuntur.
3. Tandem in *verruca simplices callosas inflammatas*, aut *carcinomatosas* pro earum circumstantiis diversis.

## Causæ.

Cognita cutis fabrica ostendit verrucas efformari a productione papillarum nervearum ipsius cutis.

Hæ papillæ producuntur, & ingrandescunt, quando exuberantem nutritionem recipiunt; quod frequenter evenit, quando circa eorum basim obstructionem glandularum miliarium propin quarum, aut in membrana reticulari circumjacentium comprimantur, quia hæc compressio lymphæ nutrientis reditum impedit.

Obstructiones hujusmodi glandularum, nempe miliarium, & membranæ reticularis a duplici causa originem ducunt.

I. Prior *generalis* est, quæ sudorem, aut mucosum humorem inspissat; videlicet spissitudo ipsius sanguinis a prava diætâ, pathematibus, melancholia, aut admixtione viri venerei producta.

II. Altera *specialis* est, quæ adversus partem affectam agit, videlicet,

1. *Sordities*, & *falsedo*, quibus nonnulli inficiuntur; hac de causa infantes, bajuli, aut laboriosi homines sunt crebro his affectibus obnoxii.

2. *Acrimonia* humorem qui partem humefaciunt, ubi verrucæ insurgunt; quare frequenter observantur circa anum, aut muliebria.

## Symptomata.

1. Verrucæ *sessiles* sunt, sive *breves*, & *latæ*, quando plures papillæ cutis invicem contingentes afficiuntur, quod latitudinem verrucarum facit, sed cum una modice hæ partes pervertantur, ita productio modica apparet.

2. Contra vero *pensiles* sunt, videlicet *longæ*, & *constrictæ*, quando papillarum perpaucae afficiuntur, quamvis sæviori modo id contingat.

3. Inflammatione ipsæ plerumque carent, inflammantur tamen quandoque, modo circa basim distrahantur, comburanturque.

4. In hoc postremo casu molles, & flexibiles apparent, duræ vero in priori casu, quandoque tamen callosæ fiunt, dum continuo frigori exponuntur.

5. Car-



5. Carcinomatosa etiam fiunt, si contenta materies rareſcat, ut in cancro ostendimus.

*Diagnosis.*

Quisque facile poterit verrucas cognoscere, earumque varias species distinguere.

*Prognosis.*

Verrucæ magis incommodæ, quam periculosa sunt, modo in cancerum non degenerent, quod raro plerumque evenit.

*Curatio.*

Antequam verrucarum curatio instituat, ægrum præparare oportet, si multæ verrucæ appareant; nulla tamen præparatione indigent, si paucæ sint.

Verrucæ extirpari solent, quod quadrupla ratione fit, vinculo, igne, sectione, aut exsiccatione.

I. Deligantur crinibus, aut filis sericis cera indutis, sed hoc dolorem affert, ac nisi in verrucis oblongis convenit, neque tamen omnino extirpantur quin iterum reproducantur.

II. Comburentur ipsas perfodiendo candenti acu, aut ferro ignito tangendo, prius propinquis partibus defensis; verum etiam adhiberi solet perforatus nucum cortex, ubi verruca perbelle aptatur, & intromisso sulphure accenso ipsa destruitur; sed variæ hujusmodi methodi dolorem faciunt, partes inflammant, & frequenter sæviorem morbum pariunt.

III. Rescinduntur etiam cultro, aut forcipe, sed nisi circa basim scarificentur, facile reproducantur, verum a profunda incisione maxima, & deformis oritur cicatrix.

IV. Potior igitur methodus videtur exsiccatio: exsiccantia remedia tres classes complectuntur, juxta varium illorum virtutis gradum.

1. Debiliora sunt succus foliorum, coronæ solis, lac tithymali, aut ficuum silvestrium, succus chelidonii, &c. quibus verrucæ pluries in die imbibuntur, folia scrophulariæ, chelidonii, salicis, verrucariæ, sabinae, portulacæ &c. quorum pulmentum verrucis applicatur.

2. Media sunt sal marinum, aceto, aut succo raphani solutum, idem limacibus conspersum, ut erumpente lymphæ solvatur, sal ammoniacum aqua communi solutum, quibus liquoribus verruca imbibitur, donec sponte decidat; simulque adhiberi potest sub emplastri forma sal ammoniacum tritum cum paucis galbano.

3. Validiora tamen sunt escharotica, quæ diligentius adhiberi debent; hujusmodi sunt lapis infernalis, causticus, præcipitatum rubrum, spiritus nitri, oleumque vitrioli, quibus leviter verruca tangitur.

4. Verruca ita exsiccata eradicatur, & post casum exiguum ulcus superest, quod, vel sponte cicatrizatur, vel paucis diapalma convalescit.

5. Ut impediatur verrucarum reproductio, sufficit manus frequenter abluere; at si uberiores fuerint, decoctiones viperarum, & diaphoreticæ necessariae erunt ut sudor, & mucosus humor attenuetur, ac proinde exiguae cutis obstructions tollantur, quæ verrucis, aut poris occasionem præbent.



## CAPUT QUINTUM.

## De Clavis Pedum.

## Descriptio.

I. **C**lavi tumores exigui, scirrhusi sunt qui digitos pedum infestant, & plantam quandoque.

II. Modo cutem tantum deturpant, & *cutanei* dicuntur; modo intimius ad periostium usque pertingunt, & *profundi* sunt.

III. Indoles clavorum multipliciter variat: sunt enim indolentes, aut dolentes, inflammati, putrefacti, carcinomatosi, gangrænosii pro variis circumstantiis.

IV. Apud Medicos Græcos de hoc morbo neque verbum est, sed Celsus (a) & Plinius (b) naturæ Historicus de his loquentes *clavos pedum* appellant.

Hanc calamitatem pene ignorabant Veteres latioris solearum formæ ergo. Vocabulum *cor*, quod apud Gallos *clavos* significat, videtur derivasse a *cornu* verbo latino impuro.

## Causæ.

Clavi sive apud Italos *calli* a compressione derivant solearum circa digitos, aut plantam pedum; hoc comprobatur ex eo quod,

1. Illi, qui nudis pedibus deambulant, nunquam clavis laborant; itemque ii, qui latis utuntur calceamentis.

2. Insuper manus, quamvis earum digiti simili conflentur ratione, ac illi pedum, nunquam tamen clavis deturpantur.

Solearum compressio cutim, atque carnem indurat, ut paulatim callosam faciat, & verum tandem clavum producat.

Hic clavus, quamvis exiguus videatur, tamen a soleis pressus, præsertim si tendinibus, aut periostio adhæreat, propinquas partes ita comprimit, ut vivum dolorem pariat.

Clavi cutim tantummodo infestant, quando compressio exigua sit; sed plerumque ad tendines usque extenduntur, aut periostium, quia induratio sensim, sensimque eo usque pertingit.

## Symptomata.

1. Clavi plus, minusve dolentes apparent, prout sensibiliores partes agrediuntur.

2. Ipsi, seu melius dicam, partes, quibus adhærent, facile inflammantur, si carnibus proximius, quam par est, abscindantur, nimis premantur, aut præpostere caustica vehementiora adhibeantur.

3. Haud infrequenter clavi inflammantur, in suppurationem vergunt, & per exiguum abscessum gignunt.

4. Quandoque etiam in gangrænam, aut in cancerum convertuntur, præcipue cum eorum radices in partibus tendinosi insitæ fuerint.

## Dia.

(a) De re medica, lib. 5. cap. 28.

(b) Histor. Natur. lib. 21. cap. 19. & alibi.



*Diagnosis.*

Nihil facilius est, quam existentiam, qualitatem, & conditionem clavorum recognoscere.

*Prognosis.*

Clavi magis incommodi, quam periculosi sunt, nihilo tamen minus quandoque ipsi dum secantur, aut causticis comburuntur, gangrenam, cancrum, & mortem ipsam inducunt. Quod tamen in clavis tendinum, aut periostii tantummodo evenire poterit.

*Curatio.*

1. Revera clavi cutanei omnino abradi possunt; at res alio se vertit eorum respectu, qui tendinibus, aut periostio adhærent.

2. Neque ipsi cutanei sunt incidendi, modo sponte pene decedentes se offerant.

3. Quare caveto ab extirpatione clavorum ad vivam carnem usque, tum ab applicatione causticorum, ac potissimum sublimati corrosivi, arsenici, olei vitrioli &c.

4. Etenim, qui clavis laborant, sat erit soleas latas ferre, easque corio *marochino* dicto confectas potius quam vitulino minus flexibili.

5. Poterunt ægri frequenter pedes immergere in aquam tepentem, aut decoctionem radicum althææ, ut clavi emolliantur.

6. Tunc eorum summitates leviter scindi poterunt; qua de causa scalpelli species adhiberi solet.

7. Deinceps applicari poterit folium hederæ, portulacæ, aut fedi quotidie mane.

8. Pariter adhiberi poterunt folia chelidonii, hederæ terrestris, aut tithymalli contrita, quæ pluries clavis admoventur.

9. Tandem, quod validius est, galbanum usuvenit, aut gummi ammoniacum, quæ interdum aceto emolliuntur, & sub emplastri forma parti affectæ applicantur.



# LIBER QUINTUS

*De Tumoribus , qui ad nullam quattuor præcedentium clas-  
sum pertinere possunt, & quintam sejunctim classem con-  
stituunt.*

**R**eliqua sunt quinque tumorum genera explicatione indiga, stru-  
mæ nempe, tumores cistici, tumores gummosi, sarcomata,  
sive tumores adiposi, & emphysema.

Quattuor priora genera neque ad phlegmone, neque ad erysi-  
pelas, neque ad oedema pertinent, quorum nullum signum  
præbent, neque Medicorum ullus ad hujusmodi tumores ipsa retulit: æmu-  
lantur valde scirrhum ex eo, quod dolore careant, naturalem colorem cu-  
tis conservent, calorem nullum, excitent, & paulatim per viam conge-  
stionis efformentur. Ex eo Auctores nonnulli crediderunt quattuor illa tu-  
morum genera scirrhis esse adscribenda; sed carent resistentia, & duritie scir-  
rhosa, a quibus essentia scirrhi dependet.

Quoad postremum tumorum genus pertinet, videlicet emphysema nul-  
lam cum phlegmone, aut scirrho similitudinem ostendit, potius cum oede-  
mate collimat ob partis affectæ mollietatem, colorem, & calorem naturalem,  
quem servat; in hoc tamen differt, quod in emphysemate partes suam  
elaterium conservent, simulque compressæ prompte restituantur; in oede-  
mate vero nulla, vel exigua habeatur elasticitas, & a pressione fovea  
persistat.

Quare ne confundantur tumores, qui revera distincti natura sunt, spe-  
cialem librum instituerè credidimus, aut quintam classem, ubi ostendemus  
nullum eorum essentialiter ad quattuor præcedentes classes pertinere.

## C A P U T P R I M U M.

### *De Strumis.*

#### *Descriptio.*

I. Strumæ sunt tumores cutis circumscripti, sine dolore, & calore, mo-  
biles plerumque, levigati, aggregati, parum tamen resistentes, digitorum  
pressioni cedentes, & facile sese restituentes.

II. Hi tumores in iis partibus tantum oriuntur, ubi glandulæ congloba-  
tæ, aut lymphaticæ inferuntur, seu melius dicam, a glandulis ipsis lymph-  
ticis, & conglobatis nascuntur, quæ ob lymphæ stagnationem intumescunt,  
ingrandescunt, atque in strumas convertuntur.

III. Strumæ se manifestant in paucis glandulis; deinceps paulatim pro-  
pinquas aggrediuntur, & ita sibi neglectis aggeriem unicam efformant, race-  
morum more.

IV. In strumis glandulæ lymphaticæ duplum, triplum, aut quadruplum vo-  
lumen adipiscuntur; at cum ipsæ etiam in statu naturali diversam magnitudi-  
nem habeant, ita & strumarum volumen variat.

V. Stru-



V. Strumæ obtegentem cutem non pervertunt tum caloris, cum coloris respectu, modo non inflammentur, quod interdum evenit.

VI. Medici Græci strumas appellarunt *Χοιρίδες*, nempe *porcinas* (adde) glandulas ἀπὸ τοῦ χοίρου, a porco Latini eadem de causa *scrofulas* dixerunt a *scrofa*, quia putarunt hæc animalia hoc morbo facile laborare; Latini pariter *strumas* (a) etiam ipsas vocarunt, sed hujusmodi nomenclationes adhuc incertæ sunt.

### Differentiæ.

I. Strumæ aliæ sunt *internæ*, aliæ *externæ*, prout locantur glandulæ affectæ. Quando ipsæ mesenterium occupant, mesentericam febrim producant; quando pulmonem inficiunt, phthisim tuberculosam gignunt; quando thymum hydropem pectoris faciunt; quando plexum corohideum cerebri, Hydrocephalum inducunt.

Strumæ externæ, inguina, axillas, & collum potissimum deturpant, interdum etiam articulos ob congestas ibi lymphaticas glandulas.

II. Strumæ tum internæ, cum externæ distingui solent in *hereditarias* a parentibus derivatas ob virus sanguini communicatum; tum in *accidentales*, aut *adventitias*, quæ a nutrice interdum originem trahunt, vel effectus sunt pravi regiminis, aut præcedentium morborum, qui sanguinem, atque lympham perverterint.

III. Strumæ insuper aliæ *simplices* sunt, ubi glandulæ tumefactæ molles non nihil apparent, nullamque caloris, aut coloris mutationem patiuntur.

Aliæ *scirrhosæ* sunt, quæ magis resistunt, quamvis externum cutis habitum non lædant.

Strumæ *inflammatæ* etiam videntur, cum earum rubor, calor, aut dolor inflammationem prænuntiant.

Ipsæ in *abscessum* vergunt, modo putrescunt, & apostemam faciunt.

*Exulceratæ* etiam apparent, quando abscessus aperitur, & effluente pure cavitas purulenta, aut verum ulcus superfit.

Quandoque tandem strumæ *carcinomatosæ* fiunt, postquam scirrhosæ factæ fuerint.

IV. Tandem præter glandulas strumofus fomes ossa interdum aggreditur, & exostoses, hyperostoses, anchyloses, & cariem producant. Sed ad hunc tractatum non pertinent.

### Causæ.

Non repetemus hic quod superius diximus tum circa leges circulationis lymphæ *lib. 1. cap. 10.* cum circa naturam causarum hujus circulationis *lib. 3. cap. 1.* Sat erit nunc observare, lymphæ circulum multiplici ratione retardari, atque animadvertere causas hujus circulationis debiles esse; idcirco segnior fieri lymphæ circulum, quod respondet finibus, quibus lymphæ destinata est, ut supra admonuimus; ex hoc enim lymphæ stagnationes procedunt, atque oedemata, quæ necessario consequuntur, glandularum conglobatarum,

*Astruc de Tumoribus.*

K 3

aut

(a) Verbum *struma* ab illo *struo struere*, æque ac *strues* derivat, & proprie congeriem, sive congregationem significat. Videtur apud Celsum *de re medica lib. 5. cap. 28. num. 7.* hoc verbum *struma* apud Romanos significasse *Botium* potius, quam *scrofulas*.



aut lymphaticarum turgentiam, ac proinde bubones, parotides, ac strumæ obviæ fiunt.

Nihilo tamen minus, quantumvis lymphæ disposita videatur ad obstruendas glandulas atque supradictos tumores producendos, nunquam tamen perfecte subsidet, nisi ex concursu duplicis causæ, modo *generalis*, modo *particularis*.

I. Causa generalis, sive universalis, quæ in lymphaticis glandulis lympham detinet, est spissitudo ejusdem, quæ oritur,

1. A spissitudine ipsa sanguinis, a pravis alimentis nata, aut vitiata aquarum indole, quas hauriunt ægri, ab inordinato vitæ regimine in adultis, & in infantibus a lactis vitio.

2. Ab admixtione etiam sanguinis spissitudo oritur viri veneræ per remedia imperfecte subacti; ex hoc strumæ infantibus, & illis, qui imperfecte curati fuerunt, strumæ frequentes sunt.

3. A præsentia specialis fomitis, quem scrofulosum appellant, quem a parentibus, aut nutricibus in infantibus transductum, epidemice etiam sanis communicari facile est.

Hoc postremum virus venereo mitius, minusque corrodens, attamen humores æqualiter figit, lymphæ saltem respectu; nam adversus hunc humorem potissimum agit.

II. Sed cum hujusmodi causæ generaliores sint, peculiaribus, localibus, atque accidentalibus indigæ sunt, ut quasdam glandulas speciatim irruant, peculiare vero hujusmodi causæ innumeræ sunt.

1. Frigus extrinsecum, quod ultimum gradum spissitudinis lymphæ conciliat, ex quo strumæ externæ frequentiores sunt, quam internæ, & inter externas illæ colli magis obviæ.

2. Puris moleculæ, quas lymphæ in aliquas glandulas affert, ideoque mammarum affectiones, tumores axillarum producunt, ulcera crurum, glandulas inguinales tumefaciunt, capitis affectus, colli strumas pariunt.

3. Qualitas humoris, qui in nonnullas glandulas influit. Hac enim de causa chylus spissus, acidus, atque imperfecte subactus glandulas mesenterii, aut illas pulmonum inflat.

4. Ictus, atque collisiones, quæ debilitant glandularum elaterium, quam ictus in collum inflictus hujus partis glandulas tumefacit, mammarum compressio in ipsis tumorem facit, casus caput lædens, infartum inducit in plexu chorydeo cerebri.

5. Tandem conformatio naturalis glandularum, quarum aliæ magis, aliæ minus firmæ apparent, ex quo alterutra facilius obstruuntur.

Si invicem comparentur, quæ nunc de strumis dicuntur cum his, quæ de bubonibus superius dicta sunt *lib. I. cap. 10.* apparebit ambos hujusmodi tumores maximam, quoad naturam, & sedem affinitatem invicem ostendere, nihilo tamen minus in pluribus differunt.

I. Bubones celeriter fiunt per viam *fluxionis*; strumæ contra segniter procedunt per viam *congestionis*, quod oritur a spissitudine lymphæ, quæ major est in bubonibus, quam in strumis; ideoque in illis promptiorem effectum pariunt.

II. Bubones semper inflammationem comitem habent: strumæ nunquam ipsa afficiuntur, in bubonibus glandularum infartus celeris est; ut vasa sanguinea prompte comprimantur, antequam cruor per lateralia vasa tramitem sibi parare valeat; in strumis contra glandularum intumescencia sensim fit, vasa-

que



quæ sanguinea blande comprimuntur, ideoque sanguis facile per lateralìa vasa viam sibi pandere valet, antequam inflammatio superveniat.

III. In bubonibus rubor, calor, atque dolor habentur, quæ sunt symptomata necessaria inflammationis, idcirco nil mirum, si in bubonibus ea reperiantur, ubi inflammatio essentialis est; at hujusmodi symptomata in strumis absunt, quia in ipsis nulla est inflammatio.

IV. Bubones crebro, & facile per resolutionem dissipantur, quod difficulter admodum in strumis obtinetur.

Hæc differentia ab eo procedit, quia lymphæ in bubonibus nondum cunctatione induruerit, at valide quassatur, attenuatur, atque resolvitur a pulsantibus arteriis, quarum actio augetur in ratione inflammationis. Sed ex converso resolutio difficulter assequi debet in strumis, quia lymphæ, jam diu detenta, & valde indurata, non est arteriarum actioni obnoxia, neque inflammationi quæ resolutionem ejusdem foveant.

V. Bubones, qui per resolutionem non evanescent, plerumque in suppurationem vergunt, sed strumæ æquali labore in suppurationem, ac in resolutionem ducuntur; lymphæ bubonum minus spissæ est, quam in strumis, atque magis arteriarum actioni exposita, ut nisi resolvatur suppurari debeat, quod nunquam evenit in lymphæ strumarum contraria de causa.

VI. Bubones perfecte convalescent, neque amplius apparent; strumæ contra difficulter, raro abeunt, & facile revertuntur, quod oriri videtur in illis a vitio lymphæ accidentali, & transitorio, quod nisi exiguam lymphæ partem pervertit; in strumis vero omnis sanguinis massa infici solet per intimum ipsi venenum remixtum, quod difficulter destruitur, aut corrigitur, neque ullum agnoscit certum antidotum.

### *Symptomata.*

I. In strumis infartus glandularum affectarum primo insensibilis est, verum lente progreditur, quamvis non una semper lenitate; tandem dum morbus recognoscitur, plerumque jam pridem inceptus erat.

II. Quandoque infartus uno, eodemque tempore in pluribus contiguis glandulis fit, quæ tandem grandiores factæ, racemum sive catenam strumarum efficiunt; quandoque unicam glandulam afficit, quæ comprimendo propinquas glandulas lymphæ cursum retardat, & per successionem ipsas in strumas convertit.

III. Glandulæ strumosæ indurescunt magis, atque resistunt, quam in statu naturali, minus tamen, quam in scirrho; idcirco ut molles tumores haberi possunt.

IV. Glandulæ strumosæ dolore carent, quia ex una parte infartus, qui lente fit, nullam sensibilem nervorum distractionem inducit; ex altera vero nulla habetur arteriarum secutio, aut inflammatio, quæ nervos lacestat.

V. Neque calor, neque rubor strumas comitantur, quia strumæ suapte natura, ut jam diximus, inflammationis expertes sunt.

VI. Quandoque tamen per accidens strumæ etiam infarciuntur, sed hoc occasione ictuum, validæ compressionis, aut frequentis contrectationis evenire solet; item dum emplastrum, aut cataplasma acre nimis, resolvens aut calefaciens applicatur; verum etiam dum intus sumuntur remedia, nimis calida, aut efficacia.

VII. Strumæ inflammata in suppurationem facile vergunt a repetita actione



arteriarum, quæ validius pulsando attenuant, solvuntque lympham, atque in pus convertuntur.

VIII. Quandoque etiam strumæ duræ, resistentes, & scirrhosæ fiunt, quando lymphæ indurefcit propter dissipationem ferofitatis, quod evenit, quando perperam remedia applicantur calida, & resolventia, vel intus sudorifera aut diuretica validiora exhibentur, vel quando febris lenta superveniat, a remediis excitata, aut regiminis errore.

IX. Strumæ, modo scirrhosæ sint, carcinomatofæ fieri possunt, quando æger causis subjiciatur, quæ lympham induratum, atque in strumis compactam rarefacere, atque volvere valeant.

X. Inflammatio, abscessus, scirrhus, atque cancer externas strumas potissimum infestat, quæ ictibus, aut contusionibus sunt frequenter obnoxia, sæpe manibus contrectantur, vel quibus nocua remedia applicantur: internæ vero strumæ raro his incommodis subjiciuntur.

XI. Strumæ in femellis sponte plerumque evanescunt, modo menstrua appareant, nam tunc sanguis depuratur, & strumofus fomes expellitur, verum pubertatis tempore vis cordis expultrix intenditur, ac proinde circuitus sanguinis, atque lymphæ acceleratur, eorumque vitia proinde corriguntur. Hac pariter de causa infantes circa pubertatem a strumis convalescunt.

XII. Attamen fateri oportet apparenter sæpe strumas abire levique de causa ipsas produci; quod pariter intelligendum est de his, quæ per remedia profligantur. Hoc confirmat virus strumofum difficillime destrui, aut corrigi posse, sed tantum idonea medendi ratione quantitatem imminui, aut actionem compesci, quod calamitatem imminuit, sed non tollit.

XIII. Tandem animadvertendum est, id in strumis evenire ac in cancro; nam ipsis semel apertis grandiores progressus faciunt, quia contenta materies tunc facilius expanditur, exigua itaque strumarum apertura breviter dilatatur, margines inflantur, indurefcunt, forasque reflectuntur, uno verbo carnes spongiosæ, ut in cancro aperto mitiori tamen modo pullulant.

### Diagnos.

I. Strumæ externæ facile cognoscuntur per signa his propria; nam sunt tumores glandularum conglobatarum, ac proinde circumscripti, efformantur, atque augentur paullatim per viam congestionis, inflammatione, dolore, calore carent, compressioni cedunt, resolutioni, & suppurationi obfistunt: initio mobiles sub cute apparent, plerumque tandem in racemum congesti se offerunt.

Ex his facile itaque distinguuntur a tumoribus scirrholis, qui duri sunt, resistentes, incompressibiles, tum a bubonibus ipsis, quavis affines videantur, quia bubones cito, & per viam fluxionis coagmentantur, inflammationem, calorem, dolorem, & ruborem habent focios, atque facile in resolutionem, aut suppurationem desinunt, quod strumis minime convenit.

II. Strumæ internæ difficulter magis deteguntur, & conjecturis tantum fidere fas est, quæ fulciuntur præsentia strumarum externarum internas prænuntiantium; suspicionem pariter inducit inflatio regionis umbilicalis in strumis mesenterii; tandem ægritudinum indoles, ut languor in infantibus abscondita causa, qui recte strumis internis tribui potest.

III. De strumis existentia semel certiores facti, species varias facile distinguere



guere poterimus , quia visu , & tactu judicabimus , si simplices , scirrhusæ , carcinomatosæ , inflammatae , abscessatae , exulceratae sint nec ne .

IV. Quoad cognitionem attinet causarum strumarum peculiarium , facile deduci poterunt a conditione parentum , agnatorum , aut nutricum ipsius ægri , neve ipsæ hæreditariæ sint ; inquirendo simul quale fuerit ægri regimen , & varios morbos , quibus fuerit obnoxius , quæ tamen investigare in prognosi , vel curatione vix necessaria videntur .

### *Prognosis.*

1. Strumæ morbum constituunt pertinacem , curatu difficilem , diuturnum , rebellem , sed raro letalem .

2. Attamen si internæ sint , letales morbos inducere possunt , præcipue cum in suppurationem vergant ; externæ vero mortem inferre poterunt , si in cancrum degenerent .

3. Generice strumæ gentilitiæ difficiliter curantur quam accidentales , quia virus strumosum per sobolem propagatum intimius sanguini , & lymphæ permiscetur , atque difficiliter penitus destruitur , ut nihil ejusdem supersit .

4. Prudentis est in infantibus , modo occasio non urgeat , palliativam methodum , vel ad summum mitiora remedia in strumis exhibere , ut incrementum , sed potissimum suppuratio compescatur , pubertatem expectando , quæ tum in mulieribus , cum in adolescentibus morbum plerumque tollit , potius quam vehementioribus remediis ægros contorquere , quæ morbum intendunt , suppurationem inducunt , vel quod deterius est , febrem lentam , & consumptionem pariunt .

5. Strumæ in infantibus ante pubertatis tempus facilius curantur , quam in adultis , quia eorum lymphæ dulcior est .

6. Strumæ suppurate cicatrices relinquunt admodum deformes , cavas nempe , albas , & lævigatas .

### *Curatio.*

Quattuor sunt strumarum stadia ; 1. quando nondum inflammatae apparent ; 2. quando sub inflammatione suppurationem minantur ; 3. quando in abscessum , aut ulcus desinunt ; 4. quando scirrhusæ , aut carcinomatosæ fiunt .

I. Si nondum inflammatione laborant strumæ , resolutio idoneis est fovenda remediis , quod sensim , sensimque obtineri potest . Hac de causa

1. Adhiberi poterunt remedia generalia , nempe venæ sectio , purgantia , humectantia , dulcificantia , quibus curatio erit ineunda .

2. Deinceps per gradus veniunt attenuantia , aperientia , & solventia , quorum efficaciora sunt .

Martialia : nempe crocus martis aperiens , sal martis Riverii , tinctura martis , tartarum martiale solubile , & terra foliata tartari .

Antimonialia , diaphoretica : ut diaphoreticum minerale , bezoardicum minerale , & antihecticum Poteri &c.

Mercurialia : scilicet aquila alba , panacea , & æthiops mineralis per triturationem , aut deflagrationem confectus .

Gummi ammoniacum , galbanum , & assa foetida .

Partes animalium , videlicet pulvis millepedum , lacertorum viridum , Bufonum , & murium in furno exsiccatorum , & pulverizatorum .

Ex



Ex tribus, quatuorve horum pharmacorum pro libito selectorum, boli, opiata aut rotulae efformantur, quae idonea dosi exhibentur decoctum superbibendo vitulinum cum herbis refrigerantibus.

3. Addi potest aliquod sequentium remediorum, quae adversus strumas magnopere commendantur, nullamque noxam inferre possunt; hujusmodi sunt pulvis spongiae marinae, neque lotae, neque calcinatae, pulvis radices scrophulariae.

Pulvis sive decoctio *Paronychia folio rutaceo sive sedi tridactylitis testorum*. Card. Bened. Boyleus (a) asserit infusionem hujus plantae in cervisia per aliquod tempus sumptam, strumas exulceratas etiam profligare.

4. Utiliter etiam adhiberi solent decoctiones ptyssanae, & jura sudorifera cum ligno guajaco, sassafras, radice chinae, & sarsaparilla.

Haec pharmaca sub pulveris, aut boli specie praescribi possunt.

5. Identidem sub eorum remediorum usu purgantia, solventia, & resinosa conveniunt, nempe scammonium, diagrydium, jalapa, turbit gummosum, vel si lubeat idonea dosi addi poterunt cuique bolo, aut opiato exhibendo; quandoque etiam in cacheticis confert, vomitum excitare cum tartaro emetico, convenienti dosi propinato.

6. Ambo sequentia remedia adversus strumas quasi specifica praedicantur.

*Primum* est pulvis solvens D. Rotrou, empiricus, qui hac de causa aliquam famam adeptus est: pulverem hunc ipse exhibet mane jejuno stomacho ab octo ad quindecim grana simplicia vel commixta aequali quantitate pulveris, quem ipse alchalinum vocat, & nil aliud est, quam pulvis testarum ovorum calcinatorum; sub hoc remedio cunctatur aegrum octavo die purgantibus pillulis repurgando, quas ipse alexiterias appellat, & fabrefacit cum pineolis indicis, postquam oleum expressum fuerit. Ipse pariter liquorem exhibet quem tincturam aurificam appellat. Circa haec tractatum pervolvere oportet de morbis venericis editum apud *Cavallerium Parisiis* ubi horum remediorum praeparatio, atque usus describuntur.

*Alterum* remedium, quod adversus strumas potissimum judicant, est potus aquarum de Barrege, aut earum balnea, atque embrocationes; fateor enim vidisse sub hujusmodi aquarum usu pluries pene desperatas strumas profligari: dolendum est, ipsas in extremitate regni sitas esse, ut parum conferre possint his, qui mediocris fortunae sunt.

7. Si horum remediorum usus aegros calefaciat, aut perturbet nimis, diluentia, lac asininum, aut vaccinum exhiberi necessum erit, antequam solventium virtus stomachum, pulmonem, aut alia viscera laedat, vel sanguinem ita resolvat, ut consumptionem, aut hydropem faciat.

8. Juvat nullum extrinsecus admoveere topicum, sed si aegri poscant ad summum sequentia adhiberi poterunt, videlicet linimenta ex oleo lacertorum, aut bufonum paucis guttis additis spiritus salis ammoniaci, viperæ, aut urinæ.

Emplastra confecta ex diachylo cum gummi, ex diabolano, tum emplastrum de ranis cum mercurio, aut de Vigo, de cicuta, sapone &c. ea emplastra cinnabari, etiam conspergi poterunt, ut virtus augeatur.

Cataplasmata ex pulpa radicum bryoniae, cyclaminis, cucumeris silvestris, sub.

(a) De utilitate Philosophi natural.



Tub cinere excoctarum, eorum pulpacum oleo lumbricorum terrestrium, & oleo philosophorum admiscetur. Guido Cauliacus (a) inagnopere laudat sequens cataplasma ita inscriptum.

*B. Radicum Filicis, Asphodelorum; & si adderetur Ebulorum, bonum esset; coquantur in vino optimo, & pistando addatur modicum de sulfure vivo, & fiat Cataplasma.*

Tandem suffumigia ex karabe, aut cinnabari prunis projectis, tum ex aceto supra rubentes filices affuso usuveniunt.

II. Si ad curandas inflammatas strumas vocati erimus, vel si a topicorum usu ipsæ inflammantur, sequenti methodo erit procedendum.

1. Venam semel, vel bis secabis, item alvum movebis, deinceps diætā humectantem, & dulcificantem exhibebis in ratione pulsus, ætatis, atque virium ægri.

2. Strumis superimpones emplastrum mucilagineum, aut cataplasma confectum ex mica panis, lacte, aut orizis excoctis, ut inflammatio moderetur, atque profligetur.

3. Semel tamen suppuratione incepta topica nuper proposita necessaria erunt, emplastra petissimum, atque remedia maturantia, qualia videntur pulvæ acetosæ, althææ, radicum liliorum, cum oleo liliorum, veteri fermento, capis, aut basilico subactæ.

4. In his remediis persistendum erit, usque dum glandula per suppurationem perfecte soluta appareat; tumor apertus est relinquendus, ne deformis cicatrix oriatur id tamen vix juvat, in strumis callositatum ergo, quæ sæpe in strumis observantur; quare cultro aperiri debent, vel lapide caustico.

III. Strumis semel apertis, sequenti ratione pertractabuntur.

1. Postquam omnis contenta materies effluxerit, pars blande exprimi & splenis repleri oportebit.

2. Hoc apparatu confecto, qui sponte decidit, pulvinis digestivo simplici imbutis cum tinctura myrrhæ, aut simplici myrrha, prout ulcus deterius videbitur, pars affecta erit obtegenda.

3. Ulcus cum decoctione hordei, mele rosato, aut decoctione scrophulariæ vel scoriarum croci metallorum abluenda erit, præsertim si fungosas carnes præbeat.

4. Imminuta suppuratione balsamum Arcei, aut viride ad ulcus detergendum, cicatrizandumque usuvenit.

5. Si callositates supersint, nisi solvantur, scarificatione, aut escharoticis destrui debebunt; attamen non omnes callositates prosequi debemus, melius erit fistulam relinquere, quam grandiore aperturam, quæ nunquam occludatur.

6. Ut callositates destruantur, locum habent pulvis lapidis caustici, splenia de Vigo præparata, Trochisci sublimati corrosivi, aut de minio, quorum descriptio sequenti capite reperietur relate ad extirpationem luparum; tamen vitari debent remedia arsenicalia, quæ nocua, & infausta sunt; nec momentum facere debent chirurgi nonnulli, qui ipsa frequenter adhibent, atque inagnopere commendant.

IV. Tandem si strumæ scirrhusæ, aut carcinomatossæ sint, pertractari debent, aut scirrhi, & cancri, de quibus supra admonuimus.

C A-

(a) Tract. II. Doctrin. I. Cap. IV. Capitul. adminicul. de nodis & scrofulis.



## CAPUT SECUNDUM.

## De Tumoribus cisticis aut Lupis.

## Descriptio, &amp; Differentia.

I. **Q**uandoque sub cute in universo pene corporis ambitu tumores circumscripti efformantur, rotunda aut ovali figura donati, qui compressioni plus, minusve cedunt plerumque cum fluctuatione.

II. Hi tumores quandoque immediate post cutim locantur, quandoque musculorum interstitia occupant, præsertim quando carnosas partes, sive corporis extremitates occupant; initio exigui apparent ad magnitudinem pisi, sed paulatim ingrandescunt, donec deformes fiant.

III. Ipsi calore, & dolore carent, nullam naturalis coloris mutationem patiuntur; sed si inflammantur, calorem, ruborem, & dolorem habent, ut in inflammatione oriri solet.

IV. Observarunt, postquam sponte hi tumores, aut cultro aperti sunt, ipsos materia plus, minusve liquida repleti vesica membranacea callosa etiam quandoque contenta, quam Græci *κύστις* & Latini vesicam appellarunt; quare hi tumores *kystici* *κυστικοί*, sive tunicati vocati fuerunt. Nos Galli ipsos *loupes* vocamus, fortasse, quia viliori Lanitate *lupi* dicuntur ulcera crurum corrodentia, ex quo tumores tunicati, qui minus periculosi sunt, *lupæ* dictæ fuerint, ex hoc quod femineum nomen aliqua ratione leviolem morbum indicare soleat.

V. Plerumque in his tumoribus unica reperitur cistis, quæ undique propinquis partibus adheret; quandoque etiam duplex est, extrinseca una, intrinseca altera, priori inherens unice tantum pediculo; in hac posteriori vesica tumoris materia occluditur.

VI. Humor in hujusmodi tumoribus contentus non est semper ejusdem naturæ, modo spissus est, albus, atque sebum æmulans; quare Græci in hoc casu tumorem *στεάτωμα* appellant, quia *στάειν* apud ipsos *sebum* significat, modo contenta materies liquida est, a jusculis non absimilis; quare Græci tumorem *ἀδύρωμα* dicunt, quia *ἀδύρω* denotat *jusculum*, modo tandem materia liquida, flava, & cum melle conveniens est, ut Græci tumorem *μελιτωρίς* dixerint, quod significat *mellisavium*.

VII. Hæc est naturalis luparum conditio, quod minime profecto impedit earum inflammationem, aut abscessum, in quo casu si aperiantur, contentam materiam fundunt, & in fistulam plerumque abeunt, quandoque indurescunt, & sensim in scirrhum, aut cancerum desinunt; sed in utroque casu lupæ propriam naturam amittunt, atque in alium morbum commutantur.

## Causæ.

Usque dum ignorabatur natura, & circuitus lymphæ, vasorum dispositio, per quæ ipsa circumvehitur, etiam luparum origo abscondita erat, quare de his apud Medicos veteres non est inquirendum; post vasorum lymphaticorum inventionem, & lymphæ circulationis distinctas habemus de hac re notiones

Nunc



Nunc scimus vasa lymphatica inflata, aut dilatata lupas producere, materiam vero contentam lympham ipsam esse inæqualiter inspissatam. Positus & adhesiones, luparum incipientium præsertim, rem profecto declarant.

Reliquum enim erit pro integra luparum explicatione sequentibus questionibus satisfacere.

1. Quare vasa lymphatica enormiter ita dilatentur.
2. Quare lymphæ in ipsis contenta suscipiat formam sebi, junculi, aut mellis.
3. Quomodo efformetur cistis, aut vesica, quæ materiam tumoris retinet.
4. Quare in lupis duplex interdum videatur cistis.
5. Ex quo procedant corpora extranea, quæ nonnulli Auctores in his tumoribus reppererunt.
6. Tandem qualis sit differentia luparum, & hydatidum, de quibus postremis *lib. 3. c. 2.* diximus.

I. Vasa lymphatica dilatari nequeunt, nisi ob volumen lymphæ in eorum cavitate cumulatae; quare causas hujus dilatationis perquirendo, idem est, ac investigare causas stagnationis lymphæ in quibusdam partibus; sed hujusmodi causæ satis patent, & reducuntur,

1. Ad obstructions glandularum conglobatarum, quas vasa lymphatica intrant.
2. Ad spissitudinem lymphæ, quæ conditionem vulgaris circulationis pervertere poterit, vel hujusmodi condensatio a regiminis errore, externo frigore, vel alio quolibet vitiatum procedat fomitem.

3. Ad constrictiones, quæ vasa lymphatica comprimere valent, aut distrahere, ut in convulsivis musculorum conatibus casu, aut rigore nervorum evenire solet.

4. Ad relaxationes, quæ post ictus aut casus vasum lymphaticum occurrunt;
5. Ex his consequitur dilatationem vasorum majorem, vel minorem esse. prout causæ hunc humorem retardantes efficaciores erunt, aut debilius partium elaterium.

6. Itemque hanc vasorum lymphaticorum dilatationem primo sphericam figuram tumori præbere, imposterum tumoris formam produci, atque aptari partibus propinquis.

II. Lymphæ, quæ in vasis lymphaticis dilatatis cumulatæ, inæqualiter densa, & colorata esse potest; verum pro diverso ejusdem positu, aut thecæ densitate diversa, qua continetur, plus minusve transudare potest. Valebit igitur colorem, & consistentiam diversam suscipere, ideoque steatomata, atheromata, aut melicerites producere. Etenim lymphæ spissa parum bile saturata steatoma inducere poterit; lymphæ minus spissa, magisque pura atheroma. Tandem liquidior lymphæ sed biliosa admodum meliceritem faciet.

Insuper si pars lymphæ tenuior in quibusdam lupis magis, quam in aliis propriam circulationem recuperet, quod supererit, inæqualiter spissum apparebit, & tumores diversos efformabit.

III. Cistis nil aliud est, quam tunica ipsa vasorum lymphaticorum dilatatione inspissata; eadem causa, quæ ipsam extendit, succum nutritium retardat, & indurationi; locum præbet; simili ratione tunicæ arteriarum, atque venarum post dilatationem in aneurismatibus, aut varicibus indurescunt, ut etiam membranæ testium in Hydrocele, & Peritonæum in Hydrope, ac generice omnes membranæ, dum extenduntur.

Quandoque lupa cellularis est, quia ex pluribus vasis lymphaticis simul dilata-



latatis, aut ab aliqua glandula conglobata, loculamentis instructa efformatur.

IV. Duplum involucrum luparum ab aliqua propinqua membrana provenit, quæ vas dilatatum amplectitur, ut a membrana adiposa in adipe, a membrana propria musculorum in partibus musculosis, aut ab aponevrosi articulorum, in quibus lupa produci solet.

Hoc externum involucrum vasis sanguineis sibi propriis plerumque irrigatur, sed internum nullum plerumque vas ostendit; attamen externum æque crassum, ac internum videtur.

V. Afferunt nonnulli in tumoribus cisticis corpora extranea reperisse, circa quod scripsit *Severinus de abscessibus anomalis*. Hujusmodi erant ova columborum, castanea, animalia indurata &c. sed eorum miracula significant concrectiones lymphaticas variæ figuræ tantum repertas fuisse, quibus ea nomina tribuerunt.

Excipi tamen debent ossa, dentes, & capilli, qui interdum in tumoribus cisticis ovariorum, tubarum, aut matricis comperti fuerunt; sed in his casibus reliquæ visæ sunt concepti fetus, quæ hujusmodi tumores efformaverint. Ossum cruris in tumore hujus speciei repertum, quod erat in Museo Ruyschiano, inde in illo Petroburgi translatum fuit, aliam fortasse non habuit originem, modo vera sit phenomeni historia.

VI. Quod hic de lupis dicitur, & quod superius *l. III. c. 2.* de hydatidibus dictum est, maximam horum tumorum affinitatem demonstrat; ambo procedunt a dilatatione varicosa vasorum lymphaticorum, quæ ab iisdem causis derivat; ambo primum involucrum habent sibi proprium, quod plerumque secundo includitur. Tandem ambo pediculum habent, quo partibus propinquis nectuntur; quare hydatides, & lupæ unam naturam, conformationem, sedem, & causam producentem agnoscunt.

Nihilo tamen minus lupæ, & hydatides simul multiplici ratione differunt.

1. Involucrum luparum densum, opacum est, atque partibus propinquis adherens; tunica hydatidum contra mollis est, tenuis, pene *aracnoidea*, diaphana, & solo pediculo adnexa.

2. Materies contenta densa est, & jusculi speciem refert; hydatidum vero latex pura lympa est.

3. Tandem lupæ plerumque solitariae sunt, raro in racemum congeruntur; sed hydatides confertiores sunt, & congeriem racemosam efformant; at hujusmodi differentiae, quamvis maximæ appareant, accidentales sunt, & earum causæ facile divinantur.

Lupæ plerumque interstitia musculorum occupant, ubi compressionibus frequenter exponuntur, quando muscoli contrahuntur sub variis corporis motibus, ubi hæc involucri compressa sensim indurescunt, & opaca fiunt: contra hydatidum tunica ab omni compressione libera servat eandem tenuitatem, atque diaphaneitatem status naturalis.

Eadem musculorum actio lympham in lupis contentam continuo premendo, paulatim exprimere debet quidquid fluidioris est, donec lympa in diem ita inspissata tandem consistentiam in lupis obviam adipiscatur; sed ea lympa, quæ in hydatidibus reperitur, cum nullæ compressioni subjiciatur, propriam tenuitatem erit servatura.

Lupæ plerumque, ut jam diximus, in interstitiis musculorum efformantur a varicosa dilatatione grandiorum vasorum lymphaticorum, ibi reptantium; quare lupæ hydatides magnitudine superant, & solitariae plerumque conspiciuntur; quia vasa istiusmodi lymphatica insulata esse solent. Interdum tamen, sed



sed raro plures lupæ simul congeruntur sub racemi forma, quando plura vasa lymphatica, & propinqua una afficiuntur, verum etiam catenæ speciem referunt, quando vas lymphaticum variis in locis varicosum fiat. Hydatidum respectu, cum ipsæ a membranis oriantur, undique capillaribus lymphaticis venis refertis, nil mirum est, si confertiores sint, atque sigillatim lupis exiliores appareant, & racemum repræsentent.

Præter hujusmodi differentias lupæ, & hydatides simul conveniunt, producuntur utraq; a dilatatione varicosa vasorum lymphaticorum; propriam tunicam habent quandoque externam, etiam unico pediculo partibus adherent, tandem sphericam pene initio figuram ostendunt, quæ tamen producitur, prout crescunt: uno verbo producuntur eadem ratione similibus de causis in iisdem vasis, ac proinde essentialiter ambæ simul conveniunt.

En vobis, qua de causa cutis hydatidibus non afficiatur, neque musculus, quia dilatationes venarum lymphaticarum in his partibus lupæ evadunt, atque eadem de causa membranæ, quæ investiunt internas cavitates, lupis non deturpantur, quia ibi varicosæ dilatationes vasorum lymphaticorum hydatides perstant.

### *Symptomata.*

I. Lupæ sensim, paulatimque producuntur; idcirco vasa sanguinea circumposita non comprimunt, vel insensibiliter, ita ut sanguis vasa lateralia (paulatim dilatando) liberam circulationem retineat; quare lupæ nullam inflammationem solent inducere.

II. Ideo ipsæ calore, rubore, atque dolore carebunt, quia hæc phenomena solam inflammationem consequuntur.

III. Ipsæ modo grandiores sint, aliquis per sentitur dolor sub motibus partium, quibus adherent, quia muscoli se se contrahentes ipsas comprimunt, & hæ musculorum contractiones una impediunt.

IV. Lupæ a membrana materiam quamdam circumvestiente producuntur: ergo juxta extensionem hujus capsulæ circumscriptæ esse debent.

V. Simul compressioni cedere debent, certumque mollitiei gradum ostendere, qui variat in ratione spissitudinis contentæ materiæ, videlicet prout lupæ *steatomatosæ*, *ateromatosæ*, aut *melliceritodes* sunt.

VI. Cum theca, quæ lupas obteggit, elaterio polleat, resurgere, propriumque positum recuperare debet, modo compressio evanescat, quod etiam variat juxta consistentiam detentæ materiei.

VII. Lupæ inflammantur etiam quandoque, modo ictibus, aut contusionibus obnoxia fuerint; resolventia validiora adhibita fuerint, aut pluries manibus fuerint contrectatæ.

VIII. Dum ipsæ inflammantur, in suppurationem, ac postea in abscessum convertuntur, qui aperitur, & materiam fundit, jam ab inflammatione solutam, quod incurabilem fistulam inducit, donec lupæ theca substiterit.

IX. Quandoque, sed raro admodum lupæ, seu melius earum involucra scirrhusa fiunt, quod evenit, cum continuo attritui exponuntur. In hoc casu in carcinoma etiam convertuntur, si unquam lymphæ ibi congesta expansivum motum acquirat, ut in cancro observavimus.

X. Generice lupæ omnes externas corporis partes occupare possunt, sed frequentius musculorum interstitia, articulos, caput, & collum infestant, quia ibi grandiora vasa lymphatica reperiuntur, sequentibus capitibus, de illis capitibus



pitis, & colli locuturi erimus, quia peculiaribus nominibus insigniuntur, & a causis sibi propriis derivare videntur.

### Diagnosis.

1. Tumores cistici ab eo cognoscuntur, quod circumscripti sint, molles, & rubore, calore, atque dolore careant.
2. Ex eo pariter cistis forma innotescit, quod fluctuatio quædam appareat, plus, minusve conspicua pro varia tumoris magnitudine, & contenti humoris densitate, quæ fluctuatio de spissitudinis hujus humoris gradu suspicionem præbet; color tamen ejusdem humoris, nisi tumor aperiatur, non innotescit.
3. Judicatur facile si lupa in inflammationem, aut abscessum vergat, aut scirrhusa fiat, vel tandem in cancerum degeneret solo inspectu.

### Prognosis.

1. Lupæ pertinaces morbi sunt, & curatu difficillimi, sed dolore carent, & raro prævas consecutiones habent.
2. Nihilominus præterea quod lupæ propter magnitudinem molestæ evadant, ipsæ in inflammationem, abscessum, atque carcinoma converti possunt, ac proinde periculosa, & letales fieri.
3. Cum lupa extirpari velit, ejusdem volumen, positum, atque adhesionem attendere necessum erit, videlicet si nervis, tendinibus, aut vasis inhereat, quia hæc tum in morbi pertractatione, cum in prognosi potissimum locum habent.
4. Prænunciari pariter oportet profunditatem adhesionis, atque densitatem ipsius tunicæ.

### Curatio.

Lupæ nullam molestiam afferunt, optimumque consilium est nullam curationem suscipere, sed cum egri conquerantur, & morbi interdum progressus medentes cogat ad medelam suscipiendam: en varæ rationes ipsam instituendi. Quattuor adhuc innotescunt; *prior* per viam resolutionis materiam in lupis contentam solvendo; *secunda* per applicationem cathæreticorum, quæ lupas corrodant; *tertia* luparum suppurationem promovendo; *quarta* denique lupas omnino abscindendo, quibus addi poterit palliativa methodus, quam interdum amplecti debet, modo nulla videatur aliunde valetudinis spes; sed de ipsa infra disserturi erimus, ubi de botio pertractabimus.

*Primo*: via resolutionis neque facilis, neque tuta est, quia materies luparum haud liquida videtur, ut resorberi queat; præsertim cum in cisti detineatur, quæ resorptionem impediat, nihilominus leniter tentari poterit, absque quo inflammatio inducatur.

Hunc in finem tum interna, tum externa remedia adhibentur.

I. Remedia interna sunt solventia pro strumis, jam proposita; ut martialia, mercurialia, antimonialia, millepedes, pulvis bufonum &c. præterea commendant cineres spongiæ marinæ, ossa sepia, pulveres piperis oblongi, vel nigri, zingiberis, cynamomi, salis gemmæ, vel spongiæ rosarum silvestrium, *bedgar* appellatæ; ex eorum nonnullis rotulæ efformantur, quæ ore diu, noctuque detinentur, & alimentis imponuntur.

II. Ad remedia externa quod attinet, usveniunt,



1. Fomentationes, aut decoctiones foliorum pulegii, calaminthæ, hyssopi, &c. aut radicum bryoniæ, cucumeris silvestris, iridis, cyclaminis &c. parti affectæ applicatæ.

2. Emplastra diachyli cum gummis, addita drachma pulveris radice iridis pro singula duplici uncia unguenti, verum emplastra cicutæ, saponis, & diabolani.

3. Gummi ammoniacum, galbanum, bdellium, opoponax, emollita cum aceto, & supra alutam extensa.

4. Eadem emplastra, aut eadem gummia additis sale ammoniaco, vitriolo romano, sulfure, pulvere sinapis, oleo succini, radice iridis, aut cinnabari.

5. Calx viva cum melle subacta, & sapone, sub forma cataplasmatidis applicata. At hoc remedium bullulas causat valde incommodas.

6. Interdum lupas profligarunt ipsas malleo protinus pulsando, quo disrupta cistis materies contenta foras erumperat, & quæ supererat, sensim a lymphâ soluta facile resorbebatur. Hac methodo enim interdum lupæ resolutæ fuerunt, præsertim cum addita fuerint solventia, aut lamina plumbea mercurio imbuta supra apposita.

*Secundo:* Quando caustica adhiberi velint.

1. In parte declivi tumoris emplastrum admoveatur *apertura* instructum, ubi fragmentum idoneæ magnitudinis lapidis caustici accommodatur; cum cistis aperta fuerit, ipsa materia depletur ope spleniorum, quibus cavitas impletur, post hoc lupa cooperitur pulvinis imbutis unguento ægyptiaco, apostolorum, aut bruno cum basilico, vel præcipitato rubro.

2. Hac ratione paulatim cistis comburitur, usque dum per suppurationem destruat, quæ nisi sufficiat, validiora escharotica adhiberi possunt; videlicet 1. pulvini pulvere conspersi lapidis caustici, vel solutione imbuti ejusdem lapidis, qui in cavitate lupæ introducuntur. 2. etiam trochisci minii, aut sublimati corrosivi in Codice Parisiensi descripti, qui caute lateribus cistis durioribus admoventur. 3. splenia de-Vigo præparata, quibus utimur eadem ratione sub forma turundæ, aut pulvini. En vobis ipsa parandi methodus ab ipso Auctore descripta *Practicæ lib. 11. cap. 5.*

Sumitur duplex uncia spleniorum ex veteribus linteis confectorum, triplex uncia micæ panis albi probe concocti, & in pulverem redacti, uncia semis sublimati corrosivi, libra una aquæ rosarum, tantundemque plantaginis, & postquam omnia ebullierint ad trium quartarum partium liquoris consumptionem, splenia tunc exsiccantur, dein pectuntur, & pro indigentis cum emplastro cerusæ, aut diapalmæ lupis destruendis admoventur.

3. Quando cistis destructa videtur, ulcus cum balsamo Arcei pertractatur, ut reliqua ulcera cicatrizanda.

*Tertio*, frequenter evenit, quod nimio solventium acerrimorum usu lupæ in inflammationem, aut abscessum desinant; tunc antequam aperiantur, tutius est illas aperire, modo mollis admodum materies pertentiatur; adhiberi poterit fragmentum lapidis caustici, ut jam diximus, quod potissimum est, sed cultro etiam tumor incidi poterit, qui si grandior fuerit, in crucem secabitur, angulos rescindendo. Post hæc pari ratione progredi oportet ac in articulo præcedenti admonuimus, nisi quod in lupis inflammatis magis a suppuratione, quam ab escharoticis sperandum videtur; quandoque etiam sola anodyna, & emollientia conveniunt, si dolor inflammationem comitetur.

*Quarto:* pro extirpatione lupæ,

*Astruc de Tumoribus.*

L

1. In-



1. Inciditur cutis in crucem usque ad cistim, quæ facile recognoscitur; modo cuti non adhæreat, sed si unquam, quod raro evenit, paulatim abradi-  
tur, ipsam diligenter exsiccando.
2. Cum cistis non adhæreat, adhæsiones ejusdem facile apparent, & si in-  
hæreat partibus minoris momenti, penitus rescinditur; eadem ratione progredi-  
tur, si cuti adhæreat, modo prius divisa ab ipsa fuerit.
3. Quando lupa duplum involucrum habet, ut haud infrequenter accidit,  
ambo rescindi debent, postquam quod si aliquod vas nimium sanguinem fundat,  
sistitur fluxus bolo vitrioli, aut agarico quercus.
4. Quando cistis tendini, ligamento, grandiori vasculo, aut periostio in-  
hæret, ejusdem portio adhærens relinqui oportet, quæ suppuratione evelle-  
tur, aut escharoticis sensim abibit.
5. Tandem si post lupæ abrasionem videatur os aliquo modo deturpatum,  
remedia convenient in osium carie obvia; nam cisti omnino destructa, ulcus  
vulgari ratione cicatrizatur.

### C A P U T T E R T I U M.

#### De Lupis Capitis.

##### Descriptio.

- I. **I**Ntra cutim, & pericranium exiguæ lupæ interdum oriuntur, quæ supe-  
rius descriptas lupas penitus æmulantur.
- II. Duplici nomine insigniuntur: modo *testudines* dicuntur, quando compla-  
natæ, & molles sunt; modo *talpæ*, sive *topinariæ* appellantur, quando duræ,  
rotundæ, & immobiles apparent.
- III. Lupæ capitis, ut illæ reliqui corporis, sunt constructæ, humor vero lu-  
parum capitis luteus plerumque est, & ipsæ ex genere meliceritum videntur.
- IV. Istiusmodi lupæ, sed præcipue rotundæ, quandoque sub cute fedem  
mutant, & parum descendunt juxta loci inclinationem.
- V. Quandoque unicæ sunt, quandoque plures variæ magnitudinis, quam-  
quam ab ipsis liberum sit reliquum corpus.
- VI. Frequentius infestant illos, qui in infantia tineam, aut crustas lacteas  
passi sunt.

##### Causæ.

Hujusmodi lupæ capitis easdem causas recognoscere possunt, in præcedenti  
capite descriptas, nihilominus peculiaris causa in capite est, quæ hæc ob-  
vias magis reddit. Hæc causa nisi glandulas respicere potest, per quas humor  
sebaceus inspissatus separatur, quem Latini *furfurem* appellant, cujus ubertas  
*furfurigo* etiam dicitur.

Hæ glandulæ, sive melius canales, confertissimi sunt in parte capillata, &  
in cutis substantia proxime locati, qui sub epidermide per exiguum foramen  
prope capillorum radices aperiuntur. Ab ipsis humor crassus, oleosus, seba-  
ceus separatur ad radices capillorum madefaciendas destinatus, qui sub cute in-  
spissatus furfurem copiosum gignit in iis, qui raro peccantur, neque deest in  
illis etiam, qui politiores sunt.

Ab hac descriptione facile patet, extremitates horum canalium in his glan-  
dulis



dulis obturari, ex quo humor sebaceus detinetur, qui glandulam dilatando tumorem sphaericum sensim producit, in lupam convertendum.

Extremitates horum canalium obstrui possunt,

1. Ob vitium separati humoris, quando spissus nimis videatur a deleteria sanguinis indole, aut regiminis vitio, tum ab admixto extraneo fermento, aut ab externo frigore condensetur.

2. Hi canales constringi etiam possunt ob læsiones, quas in præcedentibus affectibus passi fuerint.

### *Symptomata.*

1. Si unicus canalis afficiatur, unica erit tumoris cavitas, si plures, tumor cellularis apparebit.

2. Tumor primo rotundum, & durum se ostendet, deinde, prout produetur, planus, & mollis fiet.

3. Hæ lupæ sedem mutare possunt, quando in loco declivi capitis positæ sint, quia adhæsiones facile infringuntur, & proprio pondere descendunt.

4. Patet lupas frontem, aut aures deformare plus, minusve pro earum magnitudine, cum ipsæ in alterutram partem decidant.

5. Humor in his lupis contentus cum sebaceus sit luteus apparet, quia hic naturalis est sebacei humoris color, qui in diem magis obscuratur, prout in lupis inspissatur.

6. Hæ lupæ possunt pericranium lādere, & cranium ipsum in cariem ducere, quia corrodens, & acre serum fundunt.

7. Tandem in inflammationem, aut abscessum vergere, vel in scirrhum, & carcinoma converti ut reliquæ lupæ, & iisdem de causis.

### *Diagnos.*

Lupæ capitis admodum conspicuæ sunt: inspectus earum magnitudinem, figuram, & sedem satis manifestant; tactus duritiem, aut mollitiem animadvertit; denique phenomena, quæ ipsas comitantur, si inflammata, suppurata, carcinomatosa sint, satis indicant.

### *Prognosis.*

1. Lupæ capitis plerumque periculo vacant, raro curantur; sufficit bis in anno remedia impendere, quæ lymphæ fluiditatem servant, & morbi progressus retardent.

2. Extirpari tamen debent duplici casu; quando deformes fiant, aut in abscessum, carcinoma, & cariem desinant.

3. Amputatio exiguarum luparum facilis est; at periculosa est plus, minusve pro diversa earum conditione, si grandiores sint.

### *Curatio.*

I. Ut impediatur incrementum harum luparum, solventia, & attenuantia interna adhiberi possunt, nempe

1. Martialia, mercurialia, & antimonialia, tum decoctiones cancrorum, millepedum, viperarum, & aquæ minerales ferrugineæ.

L 2

2. Ad-



2. Addi possunt solventia externa, ut embrocationes aquarum thermalium, aut decoctiones pulegii, calaminthæ, melliloti, sulphuris communis &c.

3. Adhiberi etiam possunt reliqua remedia præcedenti capite proposita adversus lupas externi corporis.

II. Modo censeatur luparum amputatio necessaria, cultro, vel caustico institui poterit.

*Prior* methodus brevior, & simplicior est: in superiori parte enim inciditur lupa, caute ducendo scalpellum, ne cistim lædat; insuper auxilio cavi specilli intra lupæ capsulam, & cutem intrusi in crucem incisio instituitur usque ad margines tumoris, qui digitis facile abraditur, modo fortiter non adhæreat, sed si adhæssiones animadvertantur, forcipe rescinduntur, postquam quod ulcus vulgari ratione pertractatur.

Si cui lubeat caustica adhibere, circumvestita lupa emplastro perforato, lapide caustico cooperitur; sed cum de cutis combustionem tantum agatur, modica lapidis fragmenta erunt sumenda, & cum apparuerit cutim satis combustam esse, removebitur emplastrum, & perforabitur eschara, eadem ratione, & iisdem cautelis adhibitis, ac si integra cutis incideretur, postquamquod erit lupa digitis extrahenda, vel forcipe, si aliquo loco adhæreat; in progressu ulcus, ut supra diximus, vulgari methodo pertractabitur.

Si pericranii loca, quibus lupa adhærebat, læsa appareant, pulvini applicabuntur, spiritu vini imbuti, qui reiterabuntur, usque dum caro reproducta fuerit, & ulceris conditio in cicatrizationem vergere ostenderit.

At si pericranii labefactatio suppurationem minetur, os pateat, caries producat, non solum vini spiritus erit admovendus, verum etiam tinctura myrrhæ, aloes, euphorbii, usque dum os leviter exfolietur, & granulosa caro reproduci incipiat.

III. Tandem si capitis lupa suppurata, aut disrúpta jam videatur, lapide caustico erit aperienda, aut apertura dilatanda suppurationem capsulæ promovendo, vel ejusdem consumptionem tentando, escharoticis superius propositis pro generica luparum curatione, deinceps obvia methodo vulnus cicatrizando.

## C A P U T Q U A R T U M.

*De Botio, sive Bronchocele.*

*Descriptio.*

I. **I**N anteriori colli parte lupæ produci solent, quæ a suprema laryngis parte incipiunt, & per asperam arteriam descendunt, omnem colli latitudinem interdum occupando.

II. Hujusmodi tumores plerumque lupis mitiores sunt, pressioni facile cedunt, segniter progrediuntur, & liquida materia replentur, quæ homogœnea videtur. Interdum tamen grumi persentiuntur variæ magnitudinis, reliquæ contentæ materiæ respectu duriores.

III. Hi tumores, sæpe unicam capsulam habent, frequenter duplicem, partim supra humerum reflexam, partim antè descendentem.

IV. Ab ortu suo tumores istiusmodi exiguos se offerunt, ut vix conspiciantur; in progressu vero ingrandescunt, ut deformes fiant, & colli motus offendant; quandoque etiam asperam arteriam comprimendo, respirationem lædunt, præsertim cum sub sternum producuntur.

V. Cu-



V. Cutis, quæ hos tumores obtegit, naturales conditiones diu conservat; sed tractu temporis præsertim cum tumores grandiores fiant, densa, rubicunda, & varicibus interspersa esse solet.

VI. Quamvis hujusmodi tumores in omnibus regionibus frequentes sint, in illis tamen obvii magis apparent, qui alpibus circumcinguntur, ubi aer hyeme glacialis est, & incolæ aquam ex solutis nivibus hauriunt; alpium itaque habitatores singulari ratione huic morbo sunt obnoxii, qui apud illos *endemius* videtur.

VII. Dum hi tumores aut in vivis extirpantur, aut in cadaveribus hoc morbo affectis diffecantur, repleti apparent jusculi specie, plus, minusve densi, albo cinereo colore referti, quandoque concretionibus granulosis saturis.

VIII. Hæc materies capsula detinetur ea luparum molliori; quandoque unica habetur cavitas, plerumque tamen plures invicem communicantes.

IX. Hi tumores appellantur a Græcis *Βρογχοκήλη*, scilicet *tumores bronchorum*, aut *tumores circa bronchia*. A Latinis vero *Hernia gutturis*, aut *strumæ*, viliori tamen latinitate dicuntur *botium*, *bocium*, aut potius *bossium*, quod nomen a verbo *bossa* derivare videtur, quod *inflationem*, *tumorem*, *bossium* significat. Verum nomen communius est *guttur*, quod his tumoribus tribuitur, quia gutturi adveniunt. Atque ab hoc postremo nomine illud gallicum *Gouetreux* desumptum est; & ideo hoc morbo affecti gallice nuncupantur *Gouetreux*, qui alias dicebantur *Gutturosi*.

### Causæ.

Bronchocele sub luparum adspectu easdem causas agnoscit, ac proinde a simplici dilatatione interstitiorum vasorum lymphaticorum, circa collum reptantium, oriri potest; nihilo tamen minus magnitudo, & specialis modus, quo colli latera deturpat, suspicionem præbet singularem causam adesse.

Hujusmodi animadversiones suadent obviam sedem botii in glandulis thyroideis esse, sive melius dicam, in glandula thyroidea, quia ambæ per inferiorem ductum simul conveniunt; hæ glandulæ dextrorsum, & sinistrorsum laryngis collocatæ sunt, & juxta longitudinem cartilaginis *thyroidæ* sive *scutiformis* protenduntur, a qua nomen accipiunt; ex pluribus conflantur ipsæ vesiculis, sive cellulis membranaceis, invicem communicantibus, ut flatu facile evincitur.

Anatomici circa harum glandularum usum invicem discrepant: plerique credunt ipsas humorem separare ad cartilagine laryngis madefaciendas destinatum; at subinde excretorios canales quærunt, frustra tamen adhuc, qui hunc humorem fundant: ipsos tamen putarem eas glandulas lymphaticas esse, quæ ex facie, & capite revehantem lympham retineant, quæ postea in vasa rorifera bilis, aut subclaviam sinistram deferatur. Non inficiabor hæc glandulas laxas esse, minusque compactas glandulis conglobatis eidem usui in lymphæ circulatione destinatis. Hoc fortasse a majori laxitudine cellularum, aut amplitudine procederet, quod tamen potissimum earum glandularum officium non infirmat; talis est singularis structura thymi in thorace, quæ glandula haberi debet, ut lymphæ hydrophilacium, ubi ex pulmone, & pleura lymphæ redux colligitur, donec in vasa rorifera bilis transferatur.

Hujusmodi glandularum thyroidearum descriptio ostendit ipsas locari, ubi botia, sive bronchoceles originem habent; verum suapte natura facile dilatari,



atque extendi, ac proinde facile tumores cisticos magni voluminis efformare posse; tandem harum glandularum positum circa latera colli conducere ad rationem detegendam, ob quam hoc morbo collum specialiter afficiatur.

Reliquum erit igitur causas statuere, quæ in alterutra harum glandularum affluentem lympham valeant retinere, ac tumorem Bronchocele dictum producere.

Etenim hujusmodi causæ, ut pluries diximus, generales, speciales, & locales esse possunt.

I. Generalior causa spissitudo lymphæ videtur a sanguinis densitate proveniens; hæc spissitudo ab aliis pluribus causis diversis oriri potest, totidem enuntiatis, & præsertim,

1. A prava alimentorum, & potionum qualitate.

2. A tristitia, ceterisque animi pathematibus.

3. Ab admixtione viri venerei, aut scorbutici &c. quibus sanguis inficitur.

II. Quo ad causas peculiare, aut locales attinet, innumeræ esse possunt, videlicet,

1. Frigus, ventus, humiditas, quibus collum, vultus, caput subjiciuntur, ex quibus lymphæ in glandulas thyroideas reducitur.

2. Liquores frigidi, & glaciales, qui hauriuntur, aut aer, qui inspiratur, ex quibus pharynx, atque larynx protinus refrigerantur, ut easdem affectiones glandulis thyroideis valde propinquis communicent.

3. Tandem qualitas aquarum limosarum, aut vitriolicarum, sale etiam coagulanti infectarum, quæ dum hauriuntur, adversus lympham glandularum thyroidearum agunt, ipsamque condensant.

Ex his facile apparet, quare hujusmodi morbus in alpibus obvius sit, ac in frigidis reliquis regionibus, ubi frigidus aer, tum extrinsecus, cum intrinsecus, sub inspiratione lympham glandularum thyroidearum figat; ubi continuo aqua nivalis hauritur, salinis coagulantibus particulis saturata, quamvis glandulas thyroideas pro præcipua hujus morbi sede recognoscamus; nil mirum tamen videtur quandoque etiam produci a dilatatione glandularum arytenoidarum, aliarumque, quæ juxta longitudinem asperæ arteriæ sub musculos sterno-hyoideos, atque sterno-thyroideos collocantur, quæque eandem structuram, ac usum habent, iisdemque de causis affici possunt, ut Bronchocele producant.

Ceteroquin animadvertendum est in hujusmodi glandulis, lympham generali de causa jam inspissatam a peculiaribus sive accidentalibus causis ultimum spissitudinis gradum adipisci, & cum deferentia vasa lymphatica afferentibus magis implicentur, ideoque effluxus influxu magis intercipi debet, quod confirmat facile incrementum horum tumorum.

### *Symptomata.*

I. Dum Bronchocele incipit, exiguum tumorem, sive glandulam colli exhibet, sed cum lymphæ in glandulam thyroideam obstructam affluens, ibi detineatur, tumor prompte ingrandescit.

II. Plerumque cito non modo, verum maxime ingrandescit, quia cellulae glandulae thyroideæ, & membranae ipsam involventes, laxæ sunt, & valde extensiles, quod pari ratione in lupis vulgaribus nedum evenit.

III. Bronchocele inferius asperæ arteriæ, atque interdum supra claviculam, & ster-



& sternum in thorace extenditur, atque tunc tracheam comprimendo respirationem lædit, difficilioremque reddit.

IV. Quandoque hujusmodi tumor supra sternum extensus ad latera versus humeros progreditur, in quo casu motus colli magnopere implicat.

V. Modo humor detentus lymphæ pura sit, propriam fluiditatem continuo servat, non æquabiliter tamen quandoque, quinimmo concretiones duræ, & compactæ interdum efformantur ob spissitudinem alicujus portionis hujus lymphæ.

VI. Quando Bronchoceles aperiuntur, modo unicam cavitatem ostendunt, modo plures; nam plerumque lymphæ cumulatio in pluribus cellulis fit.

VII. Cutis, quam Bronchocele producit, plerumque propriam mollitiem, atque naturalem colorem servat, dummodo tumoris volumen circulationem non intercipiat: at si pro maximo volumine sanguinis circulum impediat, ab affluente detento sanguine, cutis rubescit, densior fit, quia plus humoris nutritis deponitur; tandem varicibus refertur, quia retardato sanguine venæ dilatantur.

VIII. Quandoque horum tumorum involucra ab ictibus, compressionibus, contrectatione nimia, aut regiminis vitio inflammantur, & tunc inflammationis phenomena apparent, calor, rubor, dolor, atque tensio.

IX. Quandoque hæc inflammatio in suppurationem vergit, quæ materiæ contentæ communicatur, & tunc Bronchocele aperta tandem in fistulam definit.

X. Bronchocele in scirrhum convertitur, etiam quando involucra dura, atque cornea evadant; in cancerum etiam mutatur, si scirrhusa involucra naturam canceri induant, ut superius explicavimus, sed hæc raro eveniunt.

#### *Diagnosis.*

1. Dum Bronchoceles incipientes sunt, vix conspiciuntur, quinimmo dum exiguæ sunt, cum tumefactis glandulis confundi possunt, sed raro decipimur, modo certam magnitudinem attingant.

2. Facili indagine recognoscitur volumen, positus, nexus cum partibus propinquis, conditio materiæ contentæ, tum magnitudo, & numerus concretionum in ipsa hærentium.

3. Juvat potissimum animadvertere si inflammatio, abscessus, scirrhus, aut carcinoma adsint, quæ facile patent, modo symptomata appareant, quæ varios hujusmodi tumores comitantur.

#### *Pægnosis.*

I. Per se hic morbus periculo vacat, modo propriam indolem servet; nonnulli fuerunt, qui per integrum vitæ cursum Bronchocelem passi sunt citra grave detrimentum.

II. Bronchocele tamen molestiam affert pro maxima, quam inducit deformitatem, quæ eo deterior est, quo magis tumor extenditur, itemque multum incommodi reddit, cum pro maximo volumine motus colli offendat, asperam arteriam comprimat, & liberam respirationem impediat.

III. Tandem hujusmodi tumor damnum infert, quando inflammationem, abscessum, fistulam, scirrhum, aut cancerum producat.



*Curatio.*

Bronchoceles sex stadia, quoad curationem offerunt.

1. Quando ipsæ exiguæ sunt, & incipientes, ubi resolutionis spes adhuc remanet.
2. Quando pro magnitudine resolvi nequeunt, & palliativa methodus tantum iniri licet.
3. Quando involucra inflammata sunt, & abscessum minantur.
4. Quando abscessu jam confirmato, ejusdem curatio administranda videtur.
5. Quando involucrum durum, callosum, & scirrhosum fit.
6. Quando tandem hoc carcinomatofum fit, quod periculosum admodum est phenomenon, sed minus frequens.

Ostendam itaque concinno ordine, quæ in singulis casibus conveniunt.

*Primo:* speranda videtur resolutio modo recens, & exiguus tumor sit: quæ de causa remedia, tum externa, tum interna adhibentur.

I. Remedia interna circiter conveniunt cum iis, quæ adversus lupas proposuimus, & ex aperientibus, attenuantibus, & solventibus desumenda videntur.

Idcirco post remedia universalia, videlicet venæ sectionem, purgationem, decocta temperantia, & dulcificantia, atque opiata solventia, & aperientia confecta ex croco martis, floribus martialibus, æthiope, pulvere millepedum, extractu aloes, sale tartari &c. sequentia remedia exhiberi solent, quæ pro specificis adversum Bronchocelem prædicantur, quamvis citra rationem fortasse: talia sunt.

1. Decocta sive apozemata ex radicibus parata bardanæ, scrophulariæ, brusci, lamii, filipendulæ &c.

2. Plures pulverum species deinceps usuveniunt, videlicet pulvis lacerti, furno exsiccati, a ʒ. s. ad ʒ. i. pulvis item compositus ex partibus æqualibus pulveris spongiæ non lotæ, & furno exsiccatæ & boracis, qui æquali dosi exhibetur; similis pulvis conficitur ex zingibero, turbith gummoso, spongia marina, atque faccaro sejunctim in pulverem redactis, simulque commixtis, eadem ratione exhibendus.

3. Decoctiones etiam exhibentur spongiæ marinæ, non lotæ, cum libra una cerevisiæ, vini, aut aqua mentæ destillatæ, ebullitæ, quæ jejuno stomacho ad dosim trium, vel quattuor unciarum, quotidie mane adhibentur.

4. Rotulæ etiam usuveniunt, quæ mane jejuno stomacho, ore detinentur: inter plures earum præparationes sequens utilior mihi videtur.

Sumatur spongia marina nondum lota, ponaturque vase fictili recenti cum octoginta granis piperis nigri, tribus drachmis zingiberi, & duplici drachma salis gemmei, aut salis nitri, comburantur omnia usque dum in pulverem redigi queant; hic pulvis cum sufficiente quantitate mellis narbonensis misceatur, ut electuarii species producat, iterum hoc electuarium comburatur, donec in pulverem redigi possit, rursusque novo melle superaddito, opus reiteretur, tunc materies in subtilissimum pollinem redacta melle narbonensi opiatum conficiatur, quod in rotulas divisum fabarum magnitudine ad usum supradictum fervetur.

II. Quoad remedia externa attinet, ea omnia adhiberi possunt superius adversus lupas commendata, nempe fomenta, cataplasmata, emplastra, & suffumigia, quæ repetere frustraneum est; animadvertere tamen oportet, partem affectam



fectam non admodum esse calefaciendam, ne inflammatio, & suppuratio ipsa superveniant.

Cum eorum remedium auxilio materies tumoris satis emollita fuerit, cataplasma adstringens applicari poterit, quod involucrum Bronchocele firmando contenti humoris resolutionem foveat; sequens eo collimat.

Sumatur idonea copia foliorum, atque nucum cupressi quassatorum, & ebulliat in vino meraco, usque dum liquor consumetur; terantur deinceps folia, atque nuges, donec cataplasma conficiatur, quod pulveri limacum rubrarum calcinatarum conspersum tumori admovebitur, idem bis in die reiterando.

*Secundo* cum nulla superfit resolutionis spes, vel timeatur, ne resolutionem fovendo, abscessus, atque inflammatio oriantur, ad palliativam methodum erit confugiendum, volumen imminuendo, præsertim cum respirationem lædat, quod duplici ratione obtinebitur.

1. Punctione, five paracenthesi cum troecarte, ut in ascite five hydrocele fieri solet: hac ratione humor contentus evacuetur, & æger magnopere recreatur.

Sed hæc methodus tunc solummodo convenit, quando humor contentus satis liquidus sit, ut per troecarterem exire valeat, quinimmo pro hoc opere amplum instrumentum seligi debet; in hoc casu vero juvat per aperturam aquam hordei intromittere, quæ diluendo tumoris materiem, ejusdem solutionem, atque effusionem promoveat.

Locus, ubi in hoc opere instrumentum applicatur, non semper unus est, generice pars declivis tumoris eligitur, sed quandoque præponitur altior, modo ibi liquidior videatur materies; idcirco eo in loco paracenthesis instituitur, ubi morbi conditio, & spes commodioris evacuationis suadet.

Cum sufficiens humoris quantitas evacuata fuerit, instrumentum removetur, & foramen cooperitur emplastro nurimbergense, aut diapalma cum superimposito splenio, spiritu vini, aut aqua vulneraria, quæ ad vulnus cicatrizandum sufficient.

Cum hujusmodi opus facile sit, & periculo vacet, pluries repeti poterit, & hac methodo incommodum, & deformitatem Bronchoceles imminuere.

2. Ufuvenerunt etiam setacea, quæ sequenti ratione instituuntur, sumitur filum crassum gossypii ex pluribus minoribus compositum, & idoneæ acus ope perfoditur Bronchocele in parte sua declivi, setaceum vero suppurantibus, ut basilicum, aut solventibus ut emplastrum ægyptiacum; quandoque etiam escharoticis, qualia sunt unguentum brunum, aut basilicum pulvere caustico inspersum imbibitur, ipsumque ex opposita parte trahitur, ac tali pacto remedia supradicta in tumorem introducuntur, quæ contentam materiem facile resolvunt.

Hac methodo a duplici apertura setacei erumpit solutus latex, etiam si spissus fuisset, hocque effluvium fovebis usque dum æger a voluminis imminutione recreetur, sed hæc medendi ratio longa, & molesta est neque adhiberi debet, nisi tumoris materies spissa nimis videatur, ut per troecarterem non transeat, quandoque duo setacea in crucem disposita adhibentur; alterum verticale, horizontale alterum. Hæc cautela potissimum necessaria videtur, quando Bronchocele grandior sit, & variis concretionibus repleatur, ut major per duplex setaceum resolutio promoveatur.

Modo Bronchoceles volumen satis imminutum fuerit, setacea remonentur & emplastrum diapalmæ, aut nurimbergense applicatur cum compressa aqua vulneraria imbuta, ut supra diximus de foramine troecarteris.



*Tertio.* Si Bronchocele inflammatione corripiatur, prompte resolvi debet, antequam in suppurationem convertatur. Hac de causa,

1. Venam ex brachio, aut ex pede secabis, numerum, & magnitudinem venæ sectionum juxta gradum inflammationis, & ægri ætatem, ac vires instituendo.

2. Si febris inflammationem comitetur, æger jure, & ptisana erit pertractandus, frequenter aquea clismata præscribendo.

3. Si suspicemur plenitudinem primarum viarum morbum detinere, purgationem, plus, minusve validam, sæpe etiam repetitam præscribere fas erit.

4. Nihilominus remedia externa non sunt contemnenda, ut fomentationes cum lacte tepenti, decoctione bis malvæ, vel utroque simul, itemque cataplasmata ex mica panis, lacte, aut oryxis lacte excoctis.

*Quarto.* Si tamen Bronchoceles in suppurationem, aut abscessum pertinaciter vergant, primo inquirendum erit statum suppurationis, quæ nisi perfecta fuerit, cataplasmatibus suppurantibus, promovebitur, confectis ex pulpa foliorum, malvæ, Althææ, brançæ ursinæ, aut radicibus liliorum sub cineribus excoctis, quibus addi poterunt fermentum vetus, capæ tritæ, aut emplastrum diachylum cum gummi, usque dum Bronchocele soluta fuerit; tunc tumor erit aperendus, vel cultro, cruciatam incisionem instituendo, ubi anguli rescinduntur, aut lapide caustico admoto; semel tumore patente cum omnis materies eruperit, vacuum splenis exsiccatis replebitur, hunc apparatus relinquendo usque dum sponte decidat; tunc digestivum vulgare sufficiet, cui addi poterit tinctura myrrhæ si ulcus falsum, foetidumque valde sit.

Cum suppuratio folliculum tumoris non destruerit, unguentum ægyptiacum digerenti addi poterit, ut perfecte destruat, vel simplex etiam ægyptiacum adhibebitur; aut si non sufficiat, escharotica convenient, qualia sunt unguentum brunum, & digestivum pulvere lapidis caustici imbuto, vel pulvini solutione ejusdem lapidis saturati; denique rotulæ sublimati corrosivi, de quibus superius *cap. de Lupis* locuti sumus.

In hac methodo cunctari oportet, donec cisti perfecte consumpta sit, quod paulatim, & caute fieri debet, cum de parte agatur tot nervis, venis, arteriis, atque tendinibus referta.

Semel cisti abrafa, ulcus vulgari ratione pertractabitur, deformem minus cicatricem curando.

*Quinto.* Rarum est, ut jam diximus, quod Bronchocele in scirrhum convertatur; at si hoc infortunium unquam eveniret, palliativa methodus tantum conveniret, quæ ab omni externa impressione tumorem defendat, tum a frigore ipso, intus remedia diluentia, humectantia, leviterque solventia præscribendo, quæ indurationem aliqua ratione impedian.

*Sexto.* Dicerem eandem medelam esse prosequendam, cum tumor carcinomatosus fiat, sed cancer nullam plerumque modificationem admittit; etenim si valde progrediatur, amputatio necessario institui debet. Hac de causa tumore semel aperto lapidis caustici ope, atque effusa materie, quidquid carcinomatosi supererit, forcipe rescindi oportebit; reliquum vero folliculi escharoticis consumendo, in progressu ulcus vulgari ratione pertractabitur.

At si cancer alicui parti adhareat, quæ rescindi nequeat, quod valde pertimescendum est, morbus desesperatus erit, & quamvis progressus compescantur, tandem letalis evaserit. Sed plerumque rarissimum est, quod Bronchocele in scirrhum, aut in cancerum convertatur.



## CAPUT QUINTUM.

*De Gummis, & tumoribus gummosis.**Descriptio.*

1. **H**I tumores primum vix conspicui, & prominentes sunt, omnes corporis partes occupant, modo sub cute, modo profundiores circa ossa apparent, quandoque etiam ossibus ipsis adherent.

2. In his tumoribus nulla adest in parte affecta caloris, aut coloris mutatio, levis dolor inest, qui sensim tamen augetur, & molestus fit, quando hi tumores profundi sunt, & ossibus adherentes.

3. Idem tumores non circumscribuntur, sed manu admota post certam quamdam elevationem insensibiliter ad latera declives fiunt; volumine variant, quandoque vix sensibiles sunt, & solo dolore recognoscuntur, quandoque altitudinem digiti transversi attingunt.

4. Hujusmodi tumores triplicem sedem habent diversam; 1. in tunica cellulari, & tunc tumor sub cute est, quod raro tamen evenit; 2. in musculorum theca, atque aponevrosi, & tunc profundior est; 3. in periostio, aut pericranio quod magis obvium est, & in hoc casu tumor ossibus inherens pro exostosi plerumque habetur.

5. Observationes in cadaveribus institutæ ostenderunt hosce tumores a substantiâ quadam efformari, compacta, homogenea, uniformi a larido, sapone, aut caseo batavo, haud absimili: sed ut melius dicam, observationes docuerunt hos tumores nil aliud esse, quam membranas ipsas in his partibus constipatas, & supra dictas notas offerentes.

6. Plures observationes circa hanc rem afferre possem, sed sequens sufficere videtur, ut horum tumorum indoles innotescat; ipsam habui a D. Sebire D. Medicinæ eruditissimo, qui summa cum laude artem exercet Maclovii.

Mulier annorum 62. ætate constituta emicraniis obnoxia evasit, circa orbitam indurationem, atque stuporem persentiebat, dexteram omnem capitis faciem occupantem, verum sævis doloribus cruciabatur in oculo ejusdem partis, quamvis sanus videretur, sed ipse sensim, sensimque contorquebatur, & protuberans extra orbitam versum sinum subciliarem propellebatur, posteaquam visus, motusque abierunt.

Hæc phenomena originem habuerunt ab orbitæ tumore exiguo primum, qui tamen in diem auctus post trium annorum spatium ægrotanti mortem attulit.

Symptomata concomitantia fuerunt hæmorrhagiæ narium profusæ, frequentes in cerebro inflammationis minæ, sed præ reliquis molestissime fuerunt integra pene visus abolitio, surditas, & deglutitionis difficultas.

Post mortem pro singulari morbi causa recognoscenda cadaver dissecuerunt repperunt tumorem orbitæ dexteræ sex ad septem circiter lineas supra nares protendi, dimidium orbitæ occupare, ita ut oculum expelleret, verum descendere usque ad alveola, ut maxilla superior inferiori ultra pollicem superstaret, tandem palati fornicem jam complanatum esse, & alveola sinistri lateris tumore repleti.

Hic tumor caput penetrabat, ubi ad magnitudinem nucis prominebat circa sellam turcicam jam consumptam usque ad apophisim petrosam, & magnum foramen spinale occiputis, ubi pene tertiam partem circumferentiæ exserat.

Idem



Idem tumor solverat, & in propriam substantiam converterat omnes nervos, vasa, atque membranas, quas in iter suum offenderat, ut unicam massam constitueret ad cerebrum usque pertingentem.

Substantia hujus tumoris compacta, erat albida caseo haud absimilis, minus alba, minusque dura apparebat circa cerebrum, ubi glandularum naturam emulabatur.

### *Causæ.*

Frustra inquiremus apud veteres Græcos, aut Latinos Scriptores hujus tumoris notionem (a) cum ipse subsequatur luem veneream, quæ Veteribus incognita erat; hujusmodi tumor membranarum respectu idem est, ac exostoses ossium respectu.

Lympha nutriens a fomite celtico inspissata, & in aliqua membrana detenta fibras tendineas, quibus ipsa componitur, paulatim emollit, & earum substantiam ingrediens per excessum nutritionis tumefacit. Huic priori incrementi gradui alter succedit eadem de causa secundo, tertio, & sic de cetero, ut pars affecta sensim extendatur, atque indurescat.

Hujusmodi successiva incrementa, quæ membranas inflant, absque quo inflammationem, aut abscessum faciant, a fomite venereo producuntur, lympham inficientem; debilis tamen & mitioris indolis, vel quod minus deleteria hujus fomitis indoles a constitutione ægri procedat, vel ab ægri temperamento, temperantia, exercitio, aut labore, quæ veneni virtutem infringant, jam remedium usu in parte labefactatam. Nam si virus deterioris indolis fuerit, lympa ipso imbuta potius quam inflare, per viam nutritionis affectas partes ipsas eroderet, inflammaret, aut in abscessum duceret.

Nihilo tamen minus cum lympa viro venereo imbuta generalis causa videatur, quæ æquabiliter adversus omnes membranas agere deberet; patet proinde aliquam peculiarem causam adesse, quæ majorem actionem in aliquam partem specialiter attrahat.

Cum lymphæ circulus lentus sit, localis, causa levissima etiam sufficiens esse posset; ut in aliquo loco ejusdem cursus intercipiatur, ibique actionem generalis causæ dirigat.

Hæ peculiare causæ innumeræ esse possunt, ut ictus, contusio, valida compressio, artuum contorsio, morbus cutaneus, ut erysipelas, herpes, clavus, tandem frigidus aer, pluvia &c. quibus pars exposita fuerit.

Experientia ostendit hos tumores gummosos, frequentius periostrium, & pericranium ossibus inherens, quam membranas, aut aponevroses infestare. Hoc procedere videtur a distractione, & pressione harum membranarum sub diversis membrorum, & musculorum motibus, qui lymphæ circulantis cursum accelerant; quare lympa infecta facilius in periostrio, aut pericranio subsidit, quæ pressionibus, aut distractionibus non sunt obnoxia.

Quandoque tumor periostrii, aut pericranii ferositatem supra ossa exprimit, quæ fibras osseas emolliendo exostosim gignit. Sed quandoque etiam exostosis ipsa periostrium, & pericranium, quibus obducitur, comprimendo, atque lym-

(a) Nullam aliam tumoris speciem cognovi, quam quæ relata est in Thesi CCVIII. Tomi collectionum Thesium Medicinæ D. Haller. sub titulo de *Car. Frid. Hundermarck, & Frid. Jacob. Tittmann, Osteo-steatomatis casus rarior. Lipsiæ 22. Aprilis 1757.* Sed mihi ille videtur, nondum morbi causam, & indolem cognovisse.



Lymphæ cursum retardando gummosam in membranis intumescantiam producit.

Præter tumores gummosos usque adhuc descriptos, quandoque in iis, qui lue venerea afficiuntur, granula glandulosa nonnulla sub cute apparent, quæ lue venereæ Scriptores gummata simul appellarunt; modo hæc granula plena, & solida sunt, & totidem exiguæ glandulæ conglobatæ videntur, a stasi inspissatæ lymphæ turgentes, quæ exiguas strumas æmulantur; modo cava se offerunt, & viscido, atque mucilaginoso humore repleta, & parvulas lupas imitantur, hoc tamen discrimine quod harum involucria vulgaribus lupis densiora sint; recte hujusmodi exigui tumores pro exiguis habentur glandulis lymphaticis tumefactis, ubi lymphæ, quæ centrum occupat, non induruerit.

### *Symptomata.*

1. Tumores gummosi, ut superius vidimus, a lymphæ derivant, in aliqua membrana detenta, quæ ibi nimiam nutritionem affert, & densitatem auget: ex eo consequitur nullum necessario expansum humorem latitare, nullumque induratum liquorem, sed membranam ipsam constipatam proprium colorem, & naturalem statum servare, compactamque, & homogeneam permanere, ita ut dum rescindatur, laridum, saponem, aut caseum æmuletur.

2. Hi tumores in centro densiores sunt, ubi lymphæ primo detinetur, & ad latera insensibiliter extensionem, & densitatem imminuunt, ut lenticularem figuram acquirant.

3. Cum hujusmodi tumores paulatim progrediantur, dolore carent, quia filamenta nervosa per ipsos distributa, levem distractionem patiuntur, quæ dolorem parere nequit.

4. Nihilominus quando tumor perfectus fuerit, a pressione dolor insurgit, quia tunc filamenta nervosa jam tensa oblongantur, & omnibus impressionibus fiunt obnoxia.

5. Generice tumores gummosi periostii, & pericranii majori dolore afficiuntur, quam ii, qui membranas aponevroticas, aut cellulares occupant, quia filamenta nervosa ibi magis tenduntur, & ceteris paribus a pressione obpropinquum os magis distrahuntur.

6. Tumores gummosi suapte natura inflammationis expertes sunt, nam cum paulatim crescunt, sanguinis circuitus admodum non intercipitur; hæc de causa calor, atque rubor plerumque abest.

7. Sed hi tumores interdum inflammari possunt, si ictui, aut contusioni fiant obnoxii, manibus frequenter, ruditerque contrectentur, aut solventibus cataplasmatibus valde torqueantur &c. In his casibus inflammatio superveniens ruborem, calorem &c. inducit.

8. Quando tumores gummosi periostii, & pericranii exostosi copulenter, magnopere dolent: quia ossium incrementum tumorem, nervosæque fibras per ipsum distributas valde distrahit; hic dolor frequenter inflammationem inducit, & hæc parit, vel saltem accelerat ipsam cariæ.

9. Quando in lue venerea affectis ossa molliora, & turgida fiunt, prout os intumescit, periostium superimpositum gummosum fit.

10. Hanc theoriam prosequendo facile est observationem explicare superius allatam.

I. Tumor gummosus in parte inferiore orbitæ juxta nares producitur, hic seorsim crescens oculum premit, ipsumque ab orbita propellit.

II. Idem



II. Idem tumor dexteram narem intrans per ejusdem longitudinem protensus in palati fornice reptat, ibique ossa inflat, atque emollit, palatumque complanat.

III. Hæc intumescencia ad alveolos ipsos dexteri lateris protrahitur, ut maxilla superior inflata inferiorem ad pollicem superet.

IV. Sed quod magis teterrimum est, hujusmodi gummosus tumor trans futuras in parte dextra basis cranii producit, usque ad apophisim petrosam ossis temporalis, & foramen spinale occipitis, eaque ossa emollit, membranas, atque nervos lædit, ipsorumque naturam progrediendo, pervertit, ac subinde septimum par, quod acusticos nervos suppeditat, destruitur, ex quo auditus aboletur; pariterque quintum par, quod pharyngis nervos præbet, consumitur, & difficultatem deglutiendi inducit, modo postremum phenomenon ipsi tumori gummoso tribuendum non videatur, qui probabiliter a narium fundo ad œsophagum usque protendi poterit.

### *Diagnos.*

1. Æger ipse tumores gummosos animadvertere valet; nam dolores, aut molestia ipsum commonefacient, ut admota manu recognoscat aliquam mutationem a statu naturali in parte affecta natam esse.

2. Tunc medicus, sedulo investigando, inquirere debet, præsertim dum tumor incipiens est, si ipse revera adsit, si cum tumoribus scirrhis conveniat, aut cum glandulis strumosis, quæ tamen circumscriptæ sunt, rotundæ, & ovales, & in his partibus insitæ, ubi glandulæ lymphaticæ, aut conglobatæ abundant, quæ gummoso tumori non conveniunt; item a lupis est distinguendus hujusmodi tumor, qui neque circumscriptus, rotundus, aut ovalis apparet, neque ullam fluctuationem ostendit; tandem erit distinguendus ab exostosi quæ minus dura, magisque extensa videtur, quamvis tamen hujus postremi casus respectu minus periculi hæc confusio intulerit, ut frequenter evenit, quia ipse cum exostosi unam prognosim habet, unamque medelam postulat.

3. Cum de existentia tumoris gummosi certiores facti simus, multiplex ipsius conditio cognosci oportet, si inflammatus sit, quod rubor, calor, atque robur ostendunt; si in abscessum, aut suppurationem vergat, quod fluctuatione cognoscitur.

4. Tumores gummosi membranarum aponevroticarum difficiliter distinguuntur, quam ii, qui membranam cellularem aggrediuntur, quia priores profundiores sunt, eademque de causa omnium difficiliter patent, qui perioestio inhaerent, præsertim, si plures muscoli ossum obtegant; sed contra illi facillime recognoscuntur, qui dorsum tibiæ infestant, aut pericranium deturpant.

5. Potissimum enim nosse oportet, si ossa, quæ tumores gummosi coeperiunt, cariata fuerint, quod manifestant dolor, calor, & mollities centri tumoris, sed præsertim fluctuatio, quæ inflammationem subsequitur.

### *Prognosis.*

I. Tumores gummosi simplices sunt, vel symptomatici luis venereæ, ac proinde periculum habent hujus postremi affectus, sed cum inflammatio, suppuratio, aut caries absint, periculo plerumque vacant.

II. Luem veneream profligando, etiam gummata plerumque evanescent, ut  
etiam.



etiam exostoses modo recentes sint; sed si affectus inveterati fuerint, & lymphæ valde induruerit, frequenter non resolvuntur, in hoc casu volumine imminuuntur, duriores fiunt, amplius non crescunt, & absque noxa feruntur, ut exostoses, quæ frictionibus resistunt.

III. Tumores gummosi inflammati periculosi sunt, quia facile in abscessum convertuntur, & abscessus huiusmodi magis periculosi evadunt, quia ossium cariem pene semper producant.

IV. Gummata pariter, quæ exostosi consociantur, valde periculosa sunt, quia sæpissime ossium cariem faciunt.

V. Sed omnium periculosissimi sunt tumores, qui jam confirmatam cariem cooperiunt, qui promptum, atque efficax auxilium postulant.

### Curatio.

Gummata, sive tumores gummosi sub tria stadia diversa pertractari possunt.

1. Quando ipsi simplices sunt, videlicet inflammatione, abscessu, aut carie non laborant. 2. Quando inflammati apparent cum periculo suppurationis. 3. Quando jam in suppurationem conversi sunt, vel caries adsit subtus positi ossis.

I. In *priori* casu unica methodus gummata efficaciter profligandi, tum inveterata, cum recentia, est mercuriale linimentum admove, ut subacta lue venerea, tumores gummosi abeant, qui ab ipsa nascuntur.

Hac de causa æger disponitur venæ sectione, & purgatione, ipsum bis in die, per decem aut duodecim dies, repenti balneo madefaciendo; postquam quod frictiones mercuriales vulgari ratione administrantur, secundo, aut tertio quoque die ad dosin pro singula frictione drachmæ unius cum semisse, duplicis drachmæ, aut duplicis drachmæ cum semisse linimenti, quod componitur ex partibus æqualibus mercurii extincti cum terebinthina, & adipe suillo.

Hæ sunt regulæ generales frictiones administrandi, sed variant multiplici ratione, prout ætas, vires, ægri constitutio, gradus, & vehementia morbi, symptomatum indoles, & effectus mercurii postulaverint, circa quod tractatus pervolvite, qui de lue venerea curanda agunt.

Insuper præter universales frictiones eadem ratione tumor gummosus erit obliniendus eodem linimento.

Hac methodo per resolutionem plerumque dissipabitur tumor gummosus, modo recens sit, & lymphæ nondum maximam duritiem adepta fuerit; at si tumor nihil, vel parum mercurio obediat, saltem hac ratione exsiccabitur, & ulterior progressus impiedetur, quod ægrotanti sufficere debet.

Sub frictionum usu exostoses etiam interdum evanescent, modo recentes sint, parumque induratae, frequenter tamen parum imminutæ supersunt, quo in casu pariter erit acquiescendum, modo tamen exostoses non doleant.

Ceteroquin in exostosis, quæ frictioni resistunt, applicari potest emplastrum compositum ex Diabotano, de Vigo cum mercurio, & mucilaginibus, æqualibus partibus subactis, ut post aliquod saltem temporis spatium exostosis perfecta obtineatur resolutio; idem emplastrum adversus tumores gummosos pertinaces pariter adhiberi potest, eoque libentius, quia in his casibus magis valet.

II. Si tumores gummosi inflammati fuerint, hujus inflammationis resolutio, aut saltem imminutio erit curanda, eodemque tempore parabitur ægro-



ægrotns ad frictiones suscipiendas, quæ potissimæ sunt ad morbi curationem;

Primo itaque non una, ut in vulgaribus casibus, sed duæ, vel tres venæ sectiones erunt instituendæ, ut fervor inflammationis compescatur; eodemque tempore parti affectæ admovebitur cataplasma de mica panis cum lacte, quod renovabitur ter intra viginti quatuor horas, & balnea bis in die administrabuntur absque purgatione, cataplasmata removendo, cum æger balneum intraverit, si ipsum tamen partibus madefaciendis adhæreat.

Hæc remedia vehementiam inflammationis plerumque compescunt, neque prætermittitur altera venæ sectio, modo parumper pars affecta caleat, aut doleat, ut æger tutius purgari queat.

His cautelis præmissis frictiones mercuriales super allata methodo subministrantur.

Hujusmodi frictiones, tum universales, cum locales continuantur, usque dum inflammatio, & dolores evanescant, tumor gummosus imminuatur, aut resolvatur, atque reliqua phenomena venerea, quæ superessent, penitus dissipentur, donec omnis lues profligata videatur.

At si sub hujus remedii administratione inflammatio, potius quam resolvi, in suppurationem vergat, & abscessum gignat; necessum erit illico tumorem aperire, ne acris puris stagnatio cariem ossis pariat, modo jam incepta non fuerit. Sequenti articulo videbimus, quomodo hæc apertura institui debeat, & quæ in progressu opportuna sint.

II. Si medicus advocetur, jam tumore suppurato, aut frustra his remediis adhibitis, tamen in suppurationem vergat, conveniet ex *una* parte luem veneream subigere, nondum fortassis satis profligatam; ex *altera* protinus abscessum aperire, ne pus affluens ossum cariet, nondum fortasse læsum.

1. Parabitur itaque æger frictionibus mercurialibus, methodo superius recensita, prout morbi gradus postulaverint.

2. Uno, eodemque tempore abscessus aperiatur, quod duplici ratione obtineri poterit, cultro nempe, & lapide caustico. Si culter deligatur, qui breviorrem præstat viam, simplex incisio instituetur, cum abscessus exiguus fuerit, sed si grandior videatur, duplex incisio, & cruciata erit instituenda, hujus angulos rescindendo; at si præponatur cultro causticus lapis, qui quamvis diuturnus magis, commodior est pro pertractatione hujus morbi, præsertim si caries adsit, applicabitur tunc parti affectæ emplastrum perforatum, cujus foramen respondeat abscessui aperiendo, cui undique emplastrum perfecte adhærere debet; replebitur insuper foramen pluribus frustulis lapidis caustici apparatus cooperiundo multis spleniis exsiccatis, atque idoneo linteolo.

Post tres, vel quatuor horas observabitur, removendo apparatus, quid lapides caustici præstiterint, si ipsi liquati videantur, eschara humectabitur butyro recenti, folia betæ, butyro oblinita super imponendo, quod reiterabitur, bis, terve in die, donec eschara decidat.

3. Cum eschara a circumferentia abradi incipiat, ulceris limbi pulvinis digestivo vulgari imbutis cooperientur, usquedum eschara perfecte destructa, & ulcus detersum videatur; tunc balsamum Arcei conveniet, verum balsamum viride cum ipso etiam Arcei commixtum, sed curandum erit, ne ulcus consolidetur, antequam lues venerea jam satis convaluerit, ut cicatrix persistens sit.

4. Diutius vero morari oportet, si sub abscessu ossis caries existat: in hoc casu evacuato pure, os obducatur pulvino spiritu vini imbuto, aut tinctura myrrhæ, quod renovabitur pluries, ut exfoliatio cariei acceleretur; carnes vero in-



ro incrementes compescentur levioribus escharoticis, atque ulceris cicatrizatio impediatur, usque dum exfoliatio perfecta fuerit.

5. Necessum pariter erit si exfoliatio segnior sit, ossi cariato ferrum candens admove, exfoliationem patienter expectando, antequam ulcus firmetur; interea æger refocillari poterit lactis usu, modo ipsum stomachus ferat.

## CAPUT SEXTUM.

*De Tumoribus sebaceis aut sarcomatibus.**Descriptio.*

I. **I**N qualibet corporis parte tumores gignuntur rotundi, aut saltem ad figuram hujusmodi valde accedentes, nulla cavitate præditi, indolentes, molles, & facile compressioni cedentes absque magno conatu, ut restituantur, qui nullam mutationem, nec caloris nec coloris affectæ parti inducunt.

II. Hi tumores diversæ sunt magnitudinis, aut, ut melius dicam, per plures magnitudinis gradus procedunt. Alii exigui sunt, ut pisi; alii grandiores, ut caput infantis æmulentur: non una celeritate crescunt; alii segniter; alii celeriter ingrandescunt.

III. Nulla est corporis humani pars, quæ hoc affectu expers evadat; cutem deturpant, quæ externum corporis habitum obducit, cavitates omnes sarcomata intrant, ut nares, ubi appellantur polypi, oesophagum, ubi impediunt deglutitionem, tubum intestinalem, ubi intercipiunt exeuntes fæces, sed præsertim vaginam lædunt, ubi pro uteri descensu frequenter habentur: hujus speciei sarcoma feliciter amputavi, quod sex libras æquabat.

IV. Dum hujusmodi tumores aperiuntur, aut diffecantur, post amputationem solidi reperiuntur, cavitate orbat, sed tendinearum membranarum interfecatione conflati, quarum interstitia adipe replentur vulgari densiori; verum per illos anfractus nervi, & vasa tum arteriosa, cum venosa satis conspicua reptant.

V. Post hanc descriptionem neminem latebit, hanc esse membranam adiposam, sub cute ubique corporis diffusam, ipsamque tumefactam, inspissatamque sarcomata, sive tumores recte adiposos dictos producere. Græci, qui minus ipsos perscrutati sunt, materiem, qua hi tumores replebantur, pro carne habuerunt, eosque sarcomata Σαρκόματα appellarunt.

VI. Ea quæ diximus, pertinent ad statum naturalem horum tumorum, ipsi tamen possunt, ut reliqui tumores, in inflammationem, abscessum, scirrhum, aut carcinoma converti.

*Causæ.*

Ex antea dictis deducitur tumores hujusmodi sebaceos nunquam ab humorum congerie produci, sed tantummodo a nimia nutritione portionis alicujus membranæ adiposæ, quæ ob detentum adipem deformiter ingrandescit; patente enim materia hos tumores producente, reliquum erit cognoscere causas locales, quæ aliquam portionem hujus membranæ ad detinendum adipem disponant. Experientia nos docet causam hujusmodi triplicem esse.

Prior videtur tenuitas cutis in aliquo puncto nata a profundiori scissura  
*Astruc de Tumoribus.* M ero.



erodente ulcere, tuberculo, aut pustula, vel varioloso suppurato tumore &c. cum hæc cutis portio debilis sit, premit minus membranam adiposam, idcirco lymphæ minus pressa uberius detinetur, nimis partem alit, adiposumque humorem gignit, quod a continuatione ejusdem causæ in diem increbuerit.

*Secunda* constrictio est portionis alicujus membranæ adiposæ, ob quam lymphæ retenta similem prominentiam, sive adipis stagnationem producit; ex eo hujusmodi prominentiæ subsequuntur frequenter dolores circumscriptos, & dolentes ab humore quopiam acri sub cute rarefacto.

*Tertia* denique labefactatio elaterii partis alicujus ejusdem membranæ videtur producta ab ictu, casu, aut valida compressione; in omnibus hisce casibus lymphæ a parte affecta debiliter expressa ubertim subsidit, atque nimis, partem nutriendo, adiposam excrecentiam progignere solet.

Hujusmodi tumores supra externum corporis ambitum haud rari sunt, sed frequentius varias corporis cavitates occupant, quia circumposita tunica, quæ substrata latior est, facilius cedit impressionibus causarum superallatarum.

Hæc enim de causa similes tumores nares frequenter deturpant, quia earum interior membrana frequenter læditur ab acrimonia humoris in rheumaticis affectibus a cerebro derivati, a nicotianæ caustica facultate, ab introductione digitorum, aut a præpostera pilorum abrasione.

Oesophagus pariter offenditur in transitu transeuntium rudiorum ciborum; intestina pariter post dysenteriam his tumoribus obnoxia fiunt, sed vagina speciatim, quæ scissuris subjecta est a laborioso partu; aut frequentibus manu-stuprationibus.

#### *Symptomata.*

I. Initio hujus morbi membranæ adiposæ affecta pars nimis alta levem, & superficiale tumorem gignit, sed hic cito ingrandescit, & deformis fit, ut superius enuntiavimus.

II. Hoc augmentum plus, minusve celere est, prout vasa sanguinea in affecta parte magis, vel minus extenduntur, vel suapte natura grandiora sunt, quia utrumque majorem copiam lymphæ nutrientis in hanc partem derivat.

III. Quandoque hujusmodi excrecentiæ cum ad certam magnitudinem pervenerint amplius non crescunt, quod evenit, quando producentes causæ ab actione sua desistunt; videlicet quando elaterium restitutum fuerit, aut cutis certo gradu distensa, ulterius distrahi renuat.

IV. Quandoque hi tumores cuti adhærent crasso, & brevi pediculo, quandoque oblongo, & exili, quæ differentiæ dependunt a distractione membranæ cellularis, quæ in affecta parte jam inflatur, & a latitudine cutis ibi incrementis.

V. Hujusmodi prominentiæ molles sunt, ut reliquæ pinguedinosæ corporis partes, quod mirum non est, cum unam cum ipsis structuram habeant, firmiores tamen nonnihil apparent, magisque elasticæ, quia fibræ tendinæ crassiores evadunt, relate ad uberiorem susceptam nutritionem.

VI. Hi tumores indolentes sunt, ut reliquæ pinguedinosæ partes esse solent, quia per adipem rara serpunt filamenta nervea.

VII. Cutis, quæ hæc prominentias obteggit nullam initio morbi mutationem patitur, eandem tenuitatem, & colorem servat, quia sanguis liberam circulationem retinet; sed cum hujusmodi prominentiæ grandiores factæ fuerint,



rint, atque admodum inveteraverint, cutis densior, magisque rubicunda fiet, quia sanguinis circulus tunc a volumine tumoris intercipitur.

VIII. Quandoque ob causas accidentales, ut superius exposuimus in *præcedenti capite*, tumores adiposi, etiam in inflammationem incidunt, aut in abscessum, scirrhum, & carcinoma desinunt.

IX. Quando diligenter hujusmodi tumores rescinduntur, grandiores præsertim pauca tum vasa sanguinea, cum nervosa filamenta reperiuntur; at nullus est admirationi locus quia illa tantummodo reperiri debent, quæ exigua copia per membranæ cellularis portiunculam percurrere solebant, quæque membrana increfscens totum volumen tumoris pepererit.

### *Diagnosis.*

Ipsa evidens est, quia visus, atque tactus horum tumorum existentiam, indolem, magnitudinem, duritiem, nexusque declarant, ut tuto de hoc morbo prænuntiari possit. Quoad causas attinet, quæ hos tumores produxerint, difficulter patent, sed harum cognitio parum confert, quia nec prognosim proinde, nec medelam mutare valet.

### *Prognosis.*

1. Generice tumores adiposi, sive sarcomata simpliciter subcutanea periculo vacant, sed pro volumine, & pondere molestiam afferunt, & deformia evadunt, quando in conspectu sunt.

2. Sarcomata quæ aliquam cavitatem occupant, pertimescenda valde, & periculosa frequenter sunt, ea proinde quæ nares, œsophagum, tubum intestinalem, aut vaginam deturpant incommoda admodum evadunt, quia alicui functioni necessariæ officiunt; imo perniciofa fiunt, si deglutionem in œsophago, aut fecum excretionem in intestinis impediant.

3. Tumores adiposi, inflammati, suppurati, scirrhosi, aut carcinomatosi horum morborum periculum sequuntur.

4. Ceteris paribus sarcomata, sive tumores adiposi eo deteriores fiunt, quo grandiores, aut vetustiores sunt, vel eorum adhæsiones breviores, & latiores evadunt; omnium perniciosissimi esse solent, qui aliquam cavitatem occupant, ubi nullus est amputationi locus.

### *Curatio.*

Sarcomata modo exigua sint, non sunt rescindenda, præsertim cum amplius non increfcant;

Sed extirpari debent cum in conspectu sint, deformia appareant, grandiora fiant, ac potissimum si in abscessum, aut scirrhum vergant, vel carcinoma minentur; quandoque hujusmodi prominentiarum pediculum arcte vinciendo duplici crine equino, aut filo serico circumducto, casus horum tumorum acceleratur; cum animadvertatur vinculum relaxari ab exsiccatione pediculi alterum vinculum arctius instituitur, quod reiteratur pluries, donec tumor decidat, vel levissima incisione abradatur. Sed hæc praxis pluribus incommodis est obnoxia. 1. diuturna, & dolorosa est 2. refluxum sanguinis intercipit, & inflammationem in tumore producit, 3. nedum convenit quando pediculus



crassus, & durus sit. 4. relinquit tamen circa pediculi adhæſionem calloſitatem, quæ tumorem ſæpe reproducit.

His de cauſis hujusmodi methodus obſolevit, & amputatio ipſi ſubſtituitur. Siniftra manu igitur tumor ſumitur, ſublevaturque; dextera vero cultro armata tumoris pediculus prope cutim reſcinditur; poſt incifionem, reſciſſa pars inquiritur, ut recognoſcatur, ſi ulla calloſitas ſuperſit, in quo caſu pars ſcarificatur, ut uberior ſuppuratio ſuperſtites calloſitates facilius reſolvat; ſi poſt incifionem nullæ, vel exiguæ calloſitates appareant, parum vel nihil incifiones protrahuntur. His rebus peractis vulnus ſpleniis exſiccatis, & compreſſa vino rubro imbuta obtegitur, faſciis apparatus firmando, quo remoto, & ulcere patente vulgari methodo ipſum pertractatur, nempe digerenti, baſamo Arcei, atque tandem pauco baſamo viridi cum ſpleniis ſiccis, ut cicatrix promoveatur, identidem lapide infernali luxuriantes carnes tangendo.

Exiguæ prominentiæ extirpari poſſunt, nulla prævia præparatione; ſed æger erit diſponendus, ſi tumores grandiores fuerint cum lato, & calloſo pediculo, vel in abſceſſum, ſcirrhum, aut carcinoma vergant.

Hæc præparatio importat, venæ ſectionem, atque purgationem, tum ſumptionem per quindecim, aut viginti dies decoctionum pullorum, aut vituli cum plantis temperantibus, ac antiſcorbuticis ſerum lactis cum iifdem plantis ebullitum ægrotis exhibendo.

Uſque adhuc de externis ſarcomatis locuti ſumus; de reliquis internis pro eorum diverſa natura, aut poſitu curatio variat: variæ ſunt rationes itaque extrahendi narium polypus, nulla eſt extirpandi ſarcomata œſophagi, aut tubi inteſtinalis, difficulter denique vinciuntur, aut ſecantur illa vaginæ, circa quod opus *de morbis mulierum* pervolvi debet.

## C A P U T S E P T I M U M.

### De Emphyſemate.

#### Deſcriptio.

I. **Q**Uandoque, ut infra obſervabimus, ſub cute ſpecialis aeris intumeſcentia gignitur, quæ paulatim quaquaverſus, & niſi medeatur, integrum corporis habitum tumefacit.

II. Partes hoc affectu correptæ colorem, caloremque naturalem ſervant, ac tantummodo adipe turgidæ apparent.

III. Sed ſi premantur, tumefactæ conſpiciuntur, prementi digito facile cedunt, citoque reſtituuntur, a preſſione leve murmur perſentitur, quod produci videtur a detento aere ſub digiti preſſione effugiente.

IV. Non decipimur enim hunc tumorem effectum judicando aeris in cellulis membranæ adiposæ contenti, qui preſſus per plures cellulas pertransiens, per proximiorum hiatum tandem erumpit.

V. Hæc tumoris ſpecies a Græcis *emphyſema* appellatur *Εμφύσημα* videlicet *inflatio*, a Latinis vero dicitur *tumor flatuoſus*, aut *flatulentus*: nunc utroque utimur nomine, ſed illo *emphyſematis* frequentius.

#### Cauſæ.

Emphyſema producitur ab aere e pulmonibus erupto, qui ſub cute membranam



nam cellularem intrat, & integrum quandoque corporis ambitum occupat; hac ratione, inter cutem vervecis flando, omne tumescit animal: ex his consequitur emphysema plerumque *triplici* sequenti de causa produci. 1. quando ulcus thoracis cavitatem pertingit, 2. quando vulnus substantiam usque pulmonis penetrat; 3. quando ulcus, aut vulnus oblique thoracem perfodit, angustum relinquendo foramen.

Tunc in inspiratione aeris portio a vesiculis pulmonaribus exiens, per vulnus pertransiens, capacitatem thoracis intrat, & per vulneris aperturam erumpit. Sed cum vulneris obliquitas, aut super imposita splenia quandoque aeris exitum impediunt, aer tunc per propinquas cellulas disperditur, ibique expanditur, cum hac aeris intromissio in singula expiratione duplicetur, aer proinde plures cellulas dilatando emphysema producit, quod undique protenditur, totumque corpus occupat, nisi cito ipsi medeatur.

Huic causæ diversimodè modificatæ vulgaria emphysemata referri possunt; novi casum, qui quantumvis videretur ab hac lege aberrare, ipsam tamen confirmat.

Vir quidam aurium affectu correptus laridi fragmentum introduxit, tali pacto, ut amplius retrahi non posset. Laridum hoc putruit, & in *acustico* *meatu*, & trans *tympanum* fortasse ulcus produxit, quod cutim excoriavit.

Hunc morbum diu parvi fecit, & post aliquod tempus vultus, caput, collumque sub vociferatione præsertim intumuerunt: hunc affectum postea pro emphysemate habuerunt Medici, quod confirmavit levis compressio, ob quam aer per affectam aurem erumpebat. Detectum itaque est sub vociferatione expiratum aerem ab aspera arteria in cavitatem tympani transiisse per aquæ ductum tubæ eustachianæ, ex quo loco sub cute per scissuras ulceris meatus auditorii per integram faciem, caput, collumque extendebatur.

Hoc phenomenon nedum accidebat silente homine, quia respiratio tunc lente per nares perficiebatur, sed contra, dum elata voce loquebatur, promptior, atque uberior exspiratio aeris portionem aquæductui suppeditabat, quæ sub cute, ut diximus, per totam faciem perreptabat.

Etenim expiratus aer in hoc casu erat emphysematis causa, quod ostendit nullum dari in corpore emphysema, quod ab expirato aere per cellularem disperso originem non agnoscat.

#### *Symptomata.*

I. In Emphysemate introductus aer nihil sanguinis circulationi officit, quare color, atque calor in naturali statu persistent.

II. Nihilo tamen minus si aer in aliquibus cellulis abunde cumuletur, non solum scissuras tunicarum producere poterit, verum vascula nonnulla sanguinea disrumpere, & ecchymoses periculosas parere; sed hoc rarum est, quia nunquam tanta copia aer colligitur.

III. In Emphysemate aer modice cellulas extendit, neque gravem dolorem plerumque excitat, quod fortasse eveniret, si aer ubertim cumularetur; sed hoc rarum esse diximus.

IV. Neque sperandum est, aerem a vasis lymphaticis resorberi posse, quæ tamen facile serum in oedemate quandoque expansum resorbent: quam necessum est ipsum, vel per eandem viam repellere, vel novam ipsi parare.

V. In Emphysemate æger nonnihil torquetur, cum igni appropinquetur aut nimis lectulo calefiat, minus tamen si frigori subjiciatur, nam calor aerem, rarefaciendo cellularum dilatationem auget; frigus vero aerem condensando distensionem imminuit.



*Diagnosis.*

Emphysema cum oedemate haud confundi potest, quia ab ipso tripliciter differt. 1. emphysema digiti impressionem non retinet, citoque restituitur, quod in oedemate non evenit. 2. in emphysemate cutis resonat pulsata, in oedemate non ita. 3. ab emphysemate cum sibilo aer erumpit, ab oedemate nequaquam.

*Prognosis.*

Emphysema periculo vacat, praesertim cum parum perduret, alterum tamen periculum habet, illud videlicet, quod a causa vulneris dependet, cujus ipsa est symptoma.

*Curatio.*

In emphysematis curatione duo sunt attendenda: *alterum* causam remove- ob quam aer sub cute disperditur: *alterum* intromissum aerem ex cellulari men- brana evacuare.

*Priorem* indicationem implet latior vulneris apertura, ut simul imminuta obliquitate, facile aer per hanc viam foras erumpat.

Opus huiusmodi absolvitur unica incisione, cujus magnitudo, ac directio ul- ceris conditioni, & posuit respondeat. Tunc pariter turundis, atque pulvinis vulnus obturari oportet, ut aer per ipsum nullam sibi aperiat viam, quare im- mediate post maximam expirationem erit obducendum ulcus.

Neceffum erit pariter defendere margines ulceris, ubi aer sub cute intrat, compressa satis compacta, & aqua vulneraria imbuta, omnia fasciis firmando.

Sed hac omnia, nisi postquam introductus aer omnis evacuatus fuerit, con- venire videntur, quod est objectum *secundae indicationis*.

Hac de causa leniter premitur undique manibus, aut linteo emphysema, quod pluries reiteratur, usquedum omnis aer e cute eruperit.

Hoc sufficit pro recenti emphysemate, cui illico medetur, sed cum diu in- flatio perduraverit, ut partes proprium elaterium amiserint, ipsum restitui de- bet, partem affectam madefaciendo decoctione carminativa confecta ex foliis camomelli, calaminthæ, majoranæ, rutæ, seminibus cimini, feniculi, dau- ci, vel ex baccis juniperi, lauri, aut buxii; embrocationes etiam hac de causa praescribuntur ex oleo lauri, camomelli, philosophorum, aut rectificato cranii humani, itemque viperarum; insuper applicantur emplastra baccarum lauri, car- minativa Sylvii, quando partes jam diu tumefactæ fuerint.

Verum si his cautelis invitis portio aliqua aeris supersit post vulneris cicā- trizationem, nisi nova aperiatur via, exitus sperandus non videtur, id tamen obtinebitur, vel acu cutem perforando, vel ipsam alte incidendo si opus fue- rit, postquam vulnus vulgari ratione pertractatur.

In Emphysemate nulla alia remedia interna sunt necessaria, praeter ea, quæ thoracis ulcus postulaverit, nihilominus Auctores nonnulli commendant potum infu- sionis plantarum vulnerantium helveticarum cum paucis sale *de duobus*; hæc methodus non est contemnenda modo febris absit, & optima thoracis constitutio ipsam finat.

Ceteroquin Emphysema unicus tumor flatulentus est, qui revera existit. Pneuma- tocele, & tumores flatulenti genuum ceterarumque corporis partium, de quibus Me- dicorum plerique pertractant, minime in natura reperiuntur, sed in libris tantum- modo exarantur.



## LIBER SEXTUS

## DE ULCERIBUS.

## CAPUT PRIMUM

*Ulcerum generica pertractatio.**Descriptio & Differentia.*

**U**lcera sunt solutiones continui in partibus mollibus cum puris effluvio.

Respectu *solutionis continui* ulcera cum reliquis continui solutionibus conveniunt, videlicet cum scissuris, & vulneribus partium mollium, fracturis, atque carie partium solidarum, & ossium; sed respectu *solutionis continui partium mollium cum puris fusione* ab utrisque differunt, & morbi genus speciale constituunt a reliquis similibus satis distinctum.

Ulcerum differentia citra opus a Medicis multiplicem divisionem adeptæ sunt. Distinguuntur enim quoad horum *extensionem* in *magna* & *exigua*; quoad earum *cavitatem* in *superficialia*, & *profunda*; quoad *partem affectam* in *externa*, & *interna*; relate ad *perdurationem* in *recentia*, & *inveterata*; relate ad *configurationem* tandem in *rotunda*, *oblonga*, *lata*, & *angusta*, *directa*, atque *obliqua*.

Hujusmodi distinctiones tamen nullam mutationem pariunt, circa ulcerum pertractationem, neque circa ipsas morari necessum est; differentias enim potius attendere debemus, quæ a phenomenis concomitantibus, aut a morbis, cum quibus ulcera complicantur, deduci possunt; hac enim de causa ulcera modo *benigna* sunt, sive *simplicia*, aut *maligna*; modo *sicca*, quæ parum, vel nihil in suppurationem convertuntur, aut *putrida*, quæ nimis putrescunt; modo *fungosa*, modo *fistulosa*; illa insuper veniunt considerata, quæ ad ossa pertingunt, eaque cariant, quæ pertinacissima sunt, atque tandem, quæ difficillime cicatrice obducuntur.

Non est hic ostendenda specialis singulorum ulcerum indoles, quam sequentibus capitibus explicaverimus.

Ceteroquin hic reticenda sunt ulcera *gangrenosa*, de quibus cum gangræna *lib. 1. cap. 3.* egimus. *Carcinomatosa*, de quibus ubi de cancro aperto *lib. 4. cap. 2.* locuti sumus, atque *strumosa*, quæ cum strumis explanavimus *lib. 5. cap. 1.* Ulcera tandem *venerea*, & *scorbutica* hic locum non habent, sed in peculiaribus tractatibus, qui de his morbis habentur.

*Sedes.*

Ulcerum externa, de quibus potissimum hic agitur, lædere possunt, 1. *solam cutim*: qualia sunt *erysipelatoza*, & *herpetica*. 2. possunt *membranam cellularem* deturpare; talia sunt ulcera *erisypelatoza*, quæ sub cute repunt, & plura alia



multiplicis generis . 3. possunt cum cuti , & membrana cellulari etiam musculos aggredi , qualia sunt illa , quæ abscessus , aut vulnera grandiora subsequuntur . 4. Tandem aponevroses , & tendines lædere possunt , qualia sunt vulnera profunda , sinuosa , aut fistulosa . Sed quælibet pars ab ulcere fædetur , vel cutis simpliciter , in ulceribus tamen scissuræ semper habentur vasorum capillarium , arteriosorum , venosorum , lymphaticorum , atque filamentorum nervosorum , quia hujusmodi vasa , atque filamenta confertim undique diffunduntur , ut minima etiam scissura plura eorum lædere valeat .

Quæ de externis ulceribus dicta sunt , ad externa pariter pertinent ; quando ulcera stomachum , intestina , vesicam , aut uterum infestant . Nam ulcera , quæ in his cavitatibus nascuntur , possunt tantum superficiem tunicarum afficere , & tunc superficialia dicuntur , immo *exulcerationes* tantum appellantur , sed cum intimius permeent , non solum priores tunicas erodunt , verum profundiores , & profundius collocatas .

### Causæ .

Ulcerata triplicem causam agnoscunt .

*Prima* ab abscessu dependet , quacumque de causa oriatur , vel ab inflammatione suppurata , vel a contusionibus ; aut *ecchymosis* , vel a vomicis , aut tumoribus cisticis &c. semel enim abscessu disrupto sponte chirurgi ope , aut caustici combustione statim nomen ipse mutat , illumque ulceris suscipit .

*Secunda* a vulneribus originem agnoscit a quacumque causa natis , vel ab instrumentis secantibus , vel a sclopetis , donec sanguis fluat , aut inflammantur tantummodo , nomen & naturam vulnerum retinent , sed cum aliquid saniosi , aut purulenti fluere incipiat , *ulcerum* nomine pollent .

*Tertia* , ab erosionibus derivat ; quæ alicujus partis superficiem corrodunt , vel ab humore acri in aliquam corporis partem affluentem producantur , vel ab ignis , olei ebullientis , ceræ fusæ combustionem , aut causticorum applicatione .

### Diagnosis .

Ulcerata haud difficulter recognoscuntur modo animadvertatur quamlibet solutionem continui in parte molli cum puris effusione ulcus esse .

Ulcerata diversa extensionis , cavitatis , partis affectæ , perdurationis , aut figuræ respectu statim conspiciuntur .

Quoad reliquas differentias majoris momenti , quæ speciatim magis ad hunc tractatum attinent , earum signa diagnostica infra afferemus .

Varia ulcerum causæ , atque diversæ superallatis descriptionibus satis patent .

### Prognosis .

Quamvis multum valetudinis spes supersit in plerisque ulceribus , quæ juvenes homines , & bene constitutos aggrediuntur , præsertim si accidentalia sunt , caute tamen erit pronuntiandum de iis , quæ subjecta ætate constituta , & cachetica vexant , præcipue cum sanguinis vitium suspicemur , sequentibus capitibus vero singulorum prognosim ostendemus .



## Curatio.

In ulcerum pertractatione *quattuor* diversa *stadia* habentur, quæ cognoscere, atque distinguere magnopere confert, a quibus integra valetudo dependet.

Hæc *stadia* sunt *suppuratio*, *deterfio* sive *mundificatio*, *reproductio* carnis, tandem *cicatrizatio*.

I. In quolibet vulnere habetur continui solutio; ergo in omni vulnere plura sanguinea, & lymphatica vasa infringuntur, hæc vasa per sectionem contenta fluida emittunt, & vulnus tunc sanguine manat. Sed cum hæc vasa cito ob tunicarum elaterium occludantur, effugientem humorem retinent, atque magis inflantur, ut vulneris margines statim inflammentur.

Sed in hoc statu arteriæ quæ circa margines illæ supererint, valide pulsando propinquas dissectas arterias sanguine turgidas succutiunt, ac contentum cruorem resolvunt, & successivas mutationes producant, quæ necessariae sunt, ut pus efformetur. Circa hanc rem, & earum mutationum leges erunt pervolvenda, quæ superius enuntiavimus *lib. 1. cap. 2.*

In suppuratione vulnorum, combustionum, atque erosionum cunctari oportet, donec inflammatio præcesserit, quæ suppurationem inducit, sine qua continui solutio ulceris nomen nondum meretur; in abscessu tamen cum suppuratio jam incepta sit, dum ipse aperitur, continuat simul ut ab aperto abscessu statim *ulcus* oriatur.

II. Deterfio sive mundificatio ulcerum suppurationem sequitur, prout putredo, ichor, & livida stigmata decidunt, aut destruuntur, ac proinde carnes relinquunt in ulceris cavitate deterfas, & roseo colore refertas.

Ut hæc mutatio eveniat, necessum est, 1. exiguos, grummos densiores, & viscosos abradere, quibus ulcera sunt referta, 2. extirpare sanguinis concrecentis globulos, quibus interior uteri facies est interspersa, 3. & quod difficilius est, filamenta destruere, quæ a variis ulceris punctis pendent, quæ sunt reliquæ vasorum sanguineorum, aut lymphaticorum, filamentorum nerveorum, membranaceorum, ac tendinosorum, quæ una extremitate adhuc adhærent.

III. Carnium regeneratio opus naturæ videtur, quod in continui solutione incipit tempore etiam suppurationis, & deterfionis, quæ tamen magis patet post perfectam absterfionem; tunc carnes sub naturali forma exurgunt rosæ, firmæ, & granulose: ipsæ enim sensim crescunt, & cavitationem ulceris insensibiliter implent, donec ad libellam cum partibus propinquis se ponant. Hic reticebimus, qua ratione carnum reproductio perficiatur, nam huiusmodi perquisitio a nutritione deducitur, quæ ad Physiologos pertinet, & extra rem videtur: fas erit tantum animadvertere, quod validissimis rationibus fulcitur, hoc augmentum per simplicem explicationem, aut expansionem vasorum capillarium fieri, atque nervorum, filamentorum, tendineorum membranaceorumque, quæ limina ulcerum componunt, tali pacto tamen, ut prout huiusmodi partes producuntur, pari ratione nutriantur, inspissenturque per appositionem lymphæ nutrientis, donec continuata productione ulcerum cavitationem sensim repleant.

Hac methodo facile cognoscitur,

I. Quomodo in cicatricibus habeantur arteriæ, venæ, vasa lymphatica, & nervosa filamenta, nam cicatrices ab extensione, sive productione eorum perficiuntur.

2. Quo-



2. Quomodo in cicatricibus vasa & nervi rariores esse debeant, quia vasorum, & nervorum numerus minor erat in sana carne, quam in cicatrice obducta.

3. Quomodo hæc expansio nunquam valeat partes organicas semel destructas reproducere, ex quo in ulceribus membrana cellularis sive adiposa, reticulum Malpighianum, & fibræ musculares nunquam reproduuntur. Sed quocumque modo carniū regeneratio perficiatur, id naturæ tribuendum est, & ars nostra tantum obstacula removet, quæ naturæ molimen retardarent.

IV. In cicatrizatione nova cutis, sive cicatrix progignitur, quæ sensim sensimque novas carnes obducit, & affectam partem in naturalem statum reducit. Plerumque enim cutis reproductio circa margines ulceris initium habet, ea-que serius, vel citius progreditur prout carnes magis, vel minus æquales, & consolidatæ fuerint. Quandoque plura cicatrizzata stigmata in medio ulceris apparent, quæ totidem germina videntur, cito cum propinqua cuti coeuntia.

Cum diligenter modum perscrutamur, quo cicatrix efformatur, crediderimus fibras tendineas, aut membranaceas simul junctas, atque condensatas sensim cicatricem reproducere.

Hic frustraneum erit remedia ostendere, quæ suppurationem promovent, deterfionem inducunt, regenerationi carniū favent, aut cicatricem determinant. illa sequentibus capitulis enunciabimus, cum varia obstacula ostenderimus, quæ in ulcerum pertractatione occurrunt, & quibus mederi oportet, ut naturæ molimen perficiatur.

## C A P U T S E C U N D U M.

### *De Ulceribus benignis sive simplicibus.*

#### *Descriptio.*

**U**Lcera *simplicia*, *benigna* seu *boni moris* illa sunt a Græcis *Ελκη ευήθη*, appellata, quæ nullum periculosum symptoma comitatur, habent convalescunt, modicum, & laudabile pus fundunt, facile detergantur cito carnes optimæ notæ reproducuntur, & firma cicatrice obducuntur.

Juvat hujusmodi ulcera perfecte cognoscere, eorumque proprios characteres, ut e converso his conditionibus deficientibus *maligna* ulcera, sive *mali moris* a Græcis *Ελκη κακήθη*, nuncupata perfecte recognoscantur, juxta illud vulgare effatum *rectum est sui index, & obliqui.*

#### *Causæ.*

Ut ulcera benigna sint, & supra expostas conditiones præseferant, sequentia necessaria sunt.

*Primum*, quod ulcus cujuslibet speciei cutim, membranam cellularem, & musculorum ad summum substantiam offendant, tendines, & ossa intacta relinquendo.

*Secundum*, quod pus in ulcere natum sive melius ex parietibus erumpens optimum sit, laudabile, neque morbum augeat, aut valetudini officiat.

*Tertium*, quod carnes facile, & prompte restituantur, firmæ sine duritie, & granulosa appareant, roseoque colore refferta.

*Quar-*



*Quantum* tandem, quod humor nutritius ex parietibus erumpens post ulceris deterfionem tenuis sit, facile concrefcens, qui partes nutrire valeat.

Ex his quatuor conditionibus prior ulteriori explicatione non est indiga, facile apparet ipsam dependere a positu abscessus, qui ulcus progignit, aut ab inflicto vulnere plus, minusve profundo: reliquæ tres conditiones magis specialem declarationem postulant, quam breviter ostendemus.

I. Pus ut laudabile sit *album* esse debet, *spissum*, *leve*, *æquale*, *acrimoniæ expers*, neque *graveolens*.

Hæ qualitates in pure non reperiuntur, nisi hoc ex sanguine bene constituto procedat, ut superius explicavimus *lib. i. cap. 2.* Pars enim gelatinosa sanguinis, quæ pus sola gignit, cum alba, spissa, levis, æqualis, homogenea, acrimoniæ expers, neque graveolens sit; easdem qualitates puri communicare debet, cum & ipsa nullo deturpetur vitio, quo nunquam deturpabitur, quando sanguis bene constitutus fuerit.

Pus nunquam ab his conditionibus deflectit, nisi uberiori lymphæ irroretur, quæ ipsum serosum reddit, vel a floccis fragmentisque ex suppuratione procedentibus foedetur, quæ ipsum inæquale, grummosum facit, aut sanguinis guttis inficiatur, ex quo nigrum, saniosum evadit, vel putredine propinquare partium deturpetur, ut graveoleat, denique cum ex acrimonioso, & salito sanguine oriatur, ex quo & ipsum corrodens fit.

II. Carnes ut bene constitutæ appareant, molles esse debent, necessario tamen elaterio superstitæ, & vasis capillaribus refertæ, per quæ sanguinis & lymphæ circulus libere sequatur, item oscillationes vasorum fibrarumque ordinate peragantur; tandem necessum erit quod lymphæ nutritia idoneas condiciones præferat.

Hæc omnia in subjectis naturaliter bene constitutis reperiuntur, ubi partium textura firma, mollis, & elastica est; tum sanguis atque lymphæ nullum vitium ostendunt: huiusmodi conditiones enim in infantibus, & juvenibus facile observantur; sed in senibus plerumque deficiunt, quia fibræ rigidæ nimis sunt; vasa capillaria magna ex parte oblitterata, atque spissior lymphæ; ex eo enim in senibus carnes lentius regenerantur, & inferioris notæ.

Citra ætatem etiam id frequenter evenit accidentalibus de causis; cum sanguis enim lymphæ exuberet, carnes molliores erunt; contra vero si sero depauperabitur, carnes compactiores exurgent; si serum abundet nimis, aut valde deficiat, vel confertiores, vel pauciores carnes regenerabuntur. Si acrior fuerit lymphæ ab ipso derivata, potius quam optimas carnes producere, reproductas destruet, quod pariter eveniet, dum sanguis lue venerea, aut scorbutica inficitur.

III. Tandem lymphæ nutritia fibrarum anfractus intrans, non solum ipsas replet distenditque, verum ob hanc dilatationem insensibiliter repetitam fibras augeat, atque carnes reproducat. Tres status plerumque diversos hæc lymphæ habere solet. 1. quando tenuis est & roris modo exiliores meatus penetrat, & tum *Ros* appellatur; 2. quando paulatim inspissatur ab hiatibus erumpens, quo progressa erat, & tunc *Gluten* dicitur. 3. quando magis inspissatur, & in fibrosam substantiam convertitur atque *Cambium* proinde vocatur, ex quo barbarum illud nomen *cambiare* derivat.

Uno verbo certum est pro carniū regeneratione ulcerumque valetudine lymphæ copiam satis idoneam esse necessariam, ipsamque acrimoniæ expertem, tenuem, penetrantem, satisque viscosam esse debere, ut gradus illos spissitudi-



nis adipiscatur, per quos facile in fibrosam substantiam convertatur; ergo patet hujusmodi lymphæ qualitates a copia, & conditione sanguinis derivare, ut si ipse inops, aut male affectus fuerit, & ipsa lymphæ inferioris notæ prodierit.

Ex his concludi poterit ulcera benigna esse, 1. relate ad eorum positum, & extensionem. 2. ad qualitatem, & constitutionem naturalem carniū. 3. atque ad ægrorum ætatem, sed potissimum relate ad quantitatem, & qualitatem sanguinis, qui hanc lympham suppeditat ad ulcerum regenerationem destinatam.

#### *Symptomata.*

I. In ulceribus benignis suppuratio brevis est, quia pus erumpens dulce est, neque laceffit, neque erodit parietes ulceris, neque diu producit ejusdem fusionem.

II. Eadem de causa ulcera benigna facile detergantur, quia ex una parte carnes nascentes compactæ sunt, minimeque putrescunt; ex altera pus dulce est & nulla ratione corrodit.

III. Pariter ulcera benigna statim replentur, quia carnes optimæ notæ & crescunt, & persistunt: verum lymphæ nutritia bene constituta esse solet.

IV. Carnes hujusmodi cicatrice facile obtegi debent ob productionem fibrarum tendinearum cutis, aut fibrarum tendinosarum, quæ in ulcus ipsum inferuntur.

V. Hæc cicatrix firma, & persistens esse debet, non solum quia bene constitutis carnibus adhæret, verum quia ab optima lymphæ originem trahit.

#### *Diagnosis.*

Ab allata descriptione ulcera benigna facile innotescunt.

Interdum tamen ulcus, quod ortu suo benignum videbatur, in progressu tamen malignum observatur, quia nova signa mali moris deteguntur, aut sanguinis vitia morbi initio latitantia.

#### *Prognosis.*

De ulceribus benignis favorabiliter prænunciari poterit. Si quandoque diu nos lateat prava ulceris indoles, hoc incitiæ tribuendum videtur, ob quam festinanter ulcus mali moris benignum prædicaverimus.

Rarum admodum est, quod brevi temporis spatio sanguinis qualitas mutetur, ut malignum ulcus reddat, quod initio benignum erat; sed frequenter decipi volumus a dubiis indiciis favorabiliter faciendo de sanguinis conditione, & potius quam præceptum iudicium accusare velimus, de repente sanguinis qualitati mutatæ malignitatem tribuamus.

#### *Curatio.*

In pertractatione quorumlibet ulcerum, ac proinde ulcerum benignorum etiam, quattuor stadia sunt distinguenda, suppuratio, mundificatio, carniū regeneratio, & cicatrizatio, ut in singulis casibus idonea deligantur remedia.

I. In



I. In suppuratione *duo* sibi erunt proponenda: *primum*, relaxare ulceris fibras, quæ inflammatae, & contractae esse solent. *Secundum* oscillationes vasorum, fibrarumque excitare ut suppuratio promoveatur, & depleantur vasa turgentia ulceris.

Ad hæc objecta absolvenda suppurantia communia adhiberi solent, ut unguentum basilicum, & reliqua digerentia, quæ plerumque ex terebinthina, & luteo ovorum simul quassatis conflantur.

Cum suppurationem tantum promovere oporteat, basilicum purum adhibetur, aut digestivum cum luteo ovorum &c. At si ulcus inflammetur, aut dolorem pariat, basilicum moderatur uberiori admixtione lutei ovorum cum terebinthina simul, ex qua digestivum confici solet.

Quando ulcera abunde pus suppeditant, minusque laudabile, basilico, aut digerenti vulgari guttæ aliquot tincturæ myrrhæ adduntur, aut myrrha simpliciter in pulvèrem redacta. Quandoque etiam addi poterit tintura aloe, aut euphorbii, vel parum unguenti ægyptiaci, præsertim cum ulcus flavum & lividum appareat, aut gangrænam minetur.

Non una est hæc remedia adhibendi ratio; etenim si ulcus abscessum subsequatur, statim cavitas pluribus spleniis ficcis, mollibus repletur, ut pus effluens absorbeatur. Viginti quattuor horis confectis sponte hic apparatus decidit, & filis ulcus tunc cooperitur imbutis digerentibus, quæ applicari debent absque pressione, & insuper obteguntur pulvinis iisdem digerentibus imbutis; duplici vero linteo spiritu vini madefacto cum idoneis fasciis omnis apparatus firmatur, hanc methodum proseguendo donec suppuratio persistat; quod si uberior fuerit, bis in die renovabitur opus.

Si Chirurgus advocatus fuerit ad recens vulnus pertractandum adhuc sanguine manans, cavitas replebitur spleniis leviter pressis ut hæmorrhagia sistatur, duplici linteo fasciisque circumductis apparatus firmando.

In hoc casu diutius splenia ulceri adhærentia perstant, nihilo tamen secius pulvini digerente imbuti applicari possunt, ut inflammatio compescatur, & suppuratio promoveatur, quæ suppurationem spleniorum fovebit.

In vulneribus ab instrumentis secantibus, aut acuminatis inflictis suppuratio plerumque brevis, & modica est; quia pauca vasa, & paucae fibræ disrumpuntur, quare in hoc casu plerumque digerentia simplicia cum terebinthina, & luteo ovorum tantum adhibentur; sed in vulneribus a sclopetis natis cum magna habeatur contusio per omne igniti globuli iter, suppuratio diuturna magis, & copiosa esse debet.

In hoc casu enim digerentia magis composita impendi debent cum oleo simul hyperici, pulvere myrrhæ, aloe, euphorbii, aut unguento ægyptiaco.

Numquam his methodis uti in ulceribus benignis necessum est, de quibus in hoc capite est sermo; digerentia enim simplicia magis hic sufficiunt, quæ paulo post eorum applicationem suppurationem imminuunt, & ulcus detegunt, & ecce vobis secundam periodum morbi, quam mundificationem esse diximus.

II. In hoc secundo casu interest carnes firmare jam incrementales, & fragmenta fibrarum exigua abradere jam putrefacta, quæ naturalem colorem incrementium carnum deturpant.

Plura olim unguenta hunc in finem adhibebantur, ut unguentum mundificativum de *apio*, vel illud *Apostolorum*, quæ jam obsolescerunt, invalescit hodie



die balsamum Arcei, quod Medico Hispano debemus, qui scripsit (a) tractatum de vulneribus.

In hoc balsamo adeps hirci & gummi elemi locum habent, ac duas indicationes simul implent, quæ in ulcerum mundificatione sibi proponi debent; ex eo enim cum ulcus facile detergatur, ut in ulceribus benignis observatur, utriusque componentis copia imminuitur, ac interdum adeps supprimitur, vel cum balsamo Arcei digestivum vulgare confociatur, ut labefactetur remedii facultas, vel tandem luteo ovorum moderatur.

Ad deterfionem fovendam absque ulceris calefactione affunditur sæpe sæpius sive melius ulcus abluatur aqua hordei cum melle rosato, vel infusiones plantarum vulnerariarum, aut aquæ thermiales hunc in finem adhibentur, sed hæc auxilia frustranea sunt in ulceribus benignis quæ facile mundificantur.

Deterfionis tempore ulcus cooperitur spleniis balsamo Arcei dulcificato imbutis, & cum pulvinis eodem balsamo onustis, linteis super impositis, & fasciis circumductis. Hic apparatus bis in die primis diebus repetitur, sed brevi semel sufficit, ut carnes valeant incrementum accipere; en quod *tertia periodus* ulcerum incipit.

III. Superius jam admonuimus carniū regenerationem omnino esse naturæ laborem, artem vero obstacula tantum remove, quæ earum incremento officerent; idcirco attendere debemus conditionem carniū incrementum ut moderentur, atque varientur remedia eligenda.

1. Si carnes compactæ granulosa, & roseæ fuerint, idonea celeritate crescant, in usu balsami Arcei cunctari oportebit quod dulcificabitur digestivo vulgari idonea dosi commixto.

2. Si carnes nimis crescant, & molles, spumosa, lucida appareant, erunt constipanda, vel simplici balsamo Arcei, vel unguento ægyptiaco, aut apostolorum parum quandoque balsami viridis addendo.

3. Contra vero si carnes humiles persistant, segniterque crescant balsamum Arcei labefactabis pauco digestivo vulgari, aut luteo ovorum, vel erit imminuenda copia gummi elemi, quod hanc compositionem intrat.

4. Si carnes rubicundæ nimis, & copiosæ fuerint, ut a nimia nutritione evenit, tenui victu æger sustinebitur, aliquas doses etiam Corticis Peruviani exhibendo.

5. Tandem si animadvertatur pravam ulceris conditionem, & regenerationis carniū impedimentum a lue venerea, aut scorbutica procedere, sanguinem inficienti, magis specifica, & appropriata remedia convenerint, quæ alterutrum horum morborum subigant.

IV. Cum tandem ad *quartam* ulceris *periodum* perveniamus, & natæ carnes ad cutis libellam jam videantur carniū superficies exsiccare, nostrum erit, ut subinde firma cicatrix reproducatur.

Communiter in ulceribus benignis splenia sicca, atque rasa usuveniunt ad cicatricem fovendam; sed cum carnes molliores fuerint, remedia magis exsiccantia opportuna sunt epulotica, sive cicatrizantia dicta; hujusmodi sunt Tutia, Cerusa, & Calx plumbi carniū inspersa, quandoque etiam unguentum adhibetur Tutia, pompholygis, aut exsiccans rubrum, vel emplastrum cerusæ combustæ, aut minii.

Haud

(a) Cujus Tractatus titulus est, De recta curandorum vulnerum ratione, & aliis artis hujus præceptis Lib. II. Francisco Arceo, Fraxinalensi, Doctore Medicina, & Chirurgo, Auctore.



Haud infrequenter maximum cicatricis obstaculum est exuberantium carnum inæqualitas, in quo casu alumen combustum, vel melius levis tactus lapidis infernalis opus absolvunt.

V. In ulceribus benignis, & reliquis omnibus certas leges prosequi debemus: circa eorum pertractationem.

1. Cito ipsis mederi oportet, ne externus aer curationem retardet, quinimo ulcera parumper calefieri necessum erit dum pertractantur; quare omnis apparatus in promptu esse debet.

2. Suppurationis tempore pus in ulcere collectum spleniis aut turundis erit absorbendum, caute tamen, ne carnes lædantur.

3. Pariter vulgares ablutiones institui possunt, modo leviter peragantur, sed ab omni lotione erit abstinendum post ulceris deterfionem, quia tunc carnum, & cicatricum regenerationi proficeretur.

4. Nihilominus in hoc casu quandoque balnea aquarum thermalium, aut decoctionum vulnerariarum conveniunt, quando carnum reproductio segnior sit, & pars affecta usum balneorum permittat.

5. Spleniis simplicibus minime contortis, quæ ulceris parietes non comprimant pars affecta cooperiri debet, nihil vacui relinquendo; hodie turundarum usus obsolevit, nisi orificium alicujus sinus apertum detineri velit.

6. Juvat partem affectam quietam tenere, minima enim commotio distractiones excitare posset, quæ dolorem, & suppurationem augerent, tenellas reproductas carnes destruerent, atque cicatricis primordia infringere.

7. Initio morbi dummodo suppuratio uberrima sit præsertim si pus acre foetidumque videatur, & ulcus valde putrescat, bis terve, & ultra ulceris mundificatio reiterabitur, ne puris subsidentia morbum augeat, sed cum ulcus deterfum fuerit, atque cicatrix reproducta, raro admodum pars affecta contrectabitur, nam frequentior contrectatio perfectæ valetudini officit.

VI. Præter hæc varia externa remedia, quæ necessaria sunt ut sensim, sensimque ulcera convalescant sequentes indicationes absolvere confert: internis remediis, & recto regimine.

1. Dulcificabitur sanguis usu jurium pullorum cum herbis temperantibus, & refrigerantibus, vel feri lactis depurati, in quo infusæ fuerint plantæ vulnerariæ, aut lactis simplicis asinini, aut vaccini.

2. Purgabitur æger identidem lenientibus, videlicet rhabarbaro, sale de duobus, manna, cassia &c.

3. Si digestio difficulter fiat, quotidie exhibebitur dosis chinechinæ a drachma semis ad unam.

4. Quies noctu erit fovenda usu mitiorum narcoticorum, videlicet cum uncias semis syrupi Dyacodii, aut granis quattuor pilularum Cynoglossi.

5. Tandem hortabimur ægrum, ut regimen idoneum servet, jusculis, & oryxis jure confectis paucisque carnibus vescatur, a vino, Coffea, liquoribus spirituosus & venere se se abstineat, imo si febris adsit, jus tantum erit potandum.



## CAPUT TERTIUM.

*De Ulceribus siccis quæ parum, vel nihil in suppurationem vergunt.*

*Descriptio.*

**D**Emonstravimus jam, quomodo suppuratio in ulceribus inserviat exonerationi sanguinis, atque lymphæ, quæ in plura vasa pro circulatione affluunt; hac ratione parietes ulceris inutili onere liberati molliores fiunt, & vasa, quæ propriam integritatem conservant, proprias oscillationes recipiunt, quod carnum regenerationi, & ulceris valetudini magnopere conducit.

Suppuratio pariter in pus convertit appendices vasorum disruptorum, & reliquias filamentorum nervosorum, tendinosorum, membranosorumque, quæ dissecta, aut erosa fuerint, quod deterfionem, & mundificationem ulceris producit.

Quare ex his consequitur ulcera, quæ parum, vel nihil puris suppeditant, detergi admodum imperfecte, vel nihilum omnino, ut carnes parum, vel nihil reproducantur, quod valetudinem retardat, & sævissima symptomata inducit.

*Causæ.*

Hic suppurationis defectus a triplici causa procedere potest.

*Prima* causa adest quando ulceris parietes nimis inflammantur, nam sic vasis nimis turgentibus, eorum oscillatio ad suppurationem necessaria impeditur, vel saltem quam maxime retardatur.

Hæc inflammatio oritur, 1. ex dolore ab ulcere producto, qui fibras affectæ partis coarctando, sanguinis circulationem impedit.

2. A febre superveniente, quæ margines ulceris tumefacit, ubi circulatio implicatur ab eorum tumore.

3. Ab aliquibus morbi præcedentis reliquiis, videlicet ab abscessibus, qui ulcus prodixerunt, atque aliquem infartum reliquerunt.

4. Tandem ab indiligenti in curando præcedenti morbo opere, vel quod pars affecta ruditer pertractata fuerit, compressa videlicet nimis, aut distracta, vel quod perperam remedia acria, & stimulantia adhibita fuerint, quando mitiora tantum opportuna erant.

*Secunda* causa, quæ præcedenti directæ opponitur, est defectus inflammationis in ulcere, quamobrem vasa debiliter contrahuntur, parumque foveant suppurationem.

Hic inflammationis defectus oriri potest, 1. a debilitate ægri, qui naturaliter gracilis constitutionis sit, aut a præcedente ægritudine labefactatus.

2. Ab eodematosa laxitate affectæ partis, vel eodema procedat a naturali sanguinis constitutione, vel ab aliqua accidentali causa.

3. Tandem a deleteria qualitate sanguinis, qui serosus sit, & spiritibus deficiat, quod pulsus cordis, arteriarumque debiles, segnesque reddit, cui senes proinde obnoxii sunt.

*Tertia* causa dependet ab omni nimia evacuatione, quæ humorem suppurandum divertat.



- Id evenit, 1. in alvi profluvii initio suppurationis supervenientibus.  
 2. In copiosis sudoribus, qui interdum in his circumstantiis occurrunt.  
 3. In narium, hæmorrhoidum, aut uteri cruento fluxu, modo ubertim, diuque perdurent.

### Symptomata.

Symptomata, quæ in ulceribus siccis observantur, variant pro causis diversis quæ suppurationem impediunt.

Idcirco in *primo casu*, 1. dolor, calor, rubor, atque tensio in ulcere habentur, quæ jugiter inflammationem comitantur; frequenter etiam febris adest, quæ pariter inflammationis est indivisibilis comes.

2. Neque abs re videtur suspicari gangrænam circa ulceris confinia, quia vasorum plenitudo necessarias oscillationes retardat, ac harum partium vitam proinde aufert; hæc est causa potissima gangrænæ in inflammatione obvia.

3. Superficies ulceris sicca, & cornea evadit, quia vasa indurata nullam ferositatem suppeditare valent; ipsa pariter huc illuc nigrescit, quia vasa, quibus referta est, sanguine nimis turgent, lividumque colorem parti communicant.

In *secundo casu*, 1. dolor, calor, rubor, atque tensio absunt, quia nulla habetur inflammatio, ulla proinde non est febris.

2. Nihilo tamen minus ulceris margines gangrænam pertimescunt, quia ob maximam vasorum laxitudinem proprias oscillationes exequi nequeunt, vel debiliter ita contrahuntur, ut gangræna immineat.

3. Superficies ulceris minus sicca, & cornea apparet, quia vasa aliquam ferositatem fundunt, & hæc ferositas a calore minime dissipatur: paucae vel nullæ apparent nigerrimæ, quia vasa ibi sanguine non turgent.

Tandem in *tertio casu*, 1. neque calor, neque rubor, neque dolor, neque tensio in ulcere observantur, sed parietes minus laxi, quam in secundo casu apparent. 2. livoris, & gangrænæ periculum propinquum minus est, attamen suspicari licebit si eadem morbi conditio diu perduraverit.

3. Tandem ulceris superficies, neque ita rubet, ut in primo casu, neque pallefcit ut in secundo, neque nigerrimis maculis refertur, ut in alterutro.

### Diagnosis.

I. Ulceris arefcentia puris defectu facile innotescit, tum siccitate apparatus, qui identidem removetur, tum a levi mutatione digredientium, quæ in hoc casu adhibentur.

II. Facile distinguuntur causæ diversæ, quæ hanc siccitatem producant; si fuerit enim inflammatio marginum ulceris, eam dolor, rubor, calor, atque tensio manifestabunt; si contra defectus fuerit inflammationis, ipsum doloris, ruboris, caloris, & tensionis deficientia declarabit. Innotuerit tandem morbum a nimia aliqua evacuatione procedere, quæ suppurationem divertat, quando æger revera hujusmodi fluxum patitur.

III. Suspiciari licebit de futura gangræna ab insensibilitate, & mollitie partis affectæ tum a lividis supervenientibus maculis, circa quod sedulo distingui debent maculæ nigræ, quæ in primo casu hujusmodi ulceris apparent, ab illis, quæ gangrænam præcedunt.



*Prognosis.*

I. Ulcus aridum, quod suppurationem non pariat, detergi nequit: sed ulcus, quod nedum detergitur, nunquam convalescet: ergo ulcus siccum, aridum maximum periculum facit ob sanationis difficultatem.

II. Ulcus, quod nunquam detergitur, semper in gangrenam definit, citius, vel serius pro majori, vel minori deterfionis defectu; idcirco ulcus hujusmodi periculosum admodum est, ut letale fieri possit.

III. Ulcus aridum, quod nimiam evacuationem subsequitur, eo minus periculosum est, quod a marginum inflammatione producitur, quia gangrenæ minus obnoxium est. Insuper ulcus hujusmodi cum inflammationem consequatur, minus periculi habet, quam si a laxitudine, & inertia partium dependet, quia tunc facilius gangrenam, aut ipsi mederi poterit.

*Curatio.*

Cum ulcus a tribus diversis causis originem ducat, triplex etiam erit instituenda medela.

In *primo caso* inflammatio erit imminuenda, turgida vasa evacuando, & eorum oscillationes restituendæ, ut suppuratio promoveatur.

1. Hac enim de causa venæ sectiones ex brachio, aut pede erunt præscribendæ, earum numerum aut extrahendi sanguinis copiam juxta morbi gradum, & ægri vires moderando.

2. Febris erit moderanda, ac sanguinis calor temperandus usu ptisanarum refrigerantium, emulsionum, mane, & vespere haustarum, feri lactis clarificati, & apozematum diluentium, itemque calmantia bis in die exhibendo ad dolorem compescendum, videlicet syrupum diacodii, aut guttas anodynas.

3. Ulcus blande pertractari oportebit remediis anodynis & relaxantibus, qualia sunt luteum ovorum cum oleo hyperici quassatum, aut unguentum rosatum, quibus splenia, aut pulvini imbibuntur.

4. Circumferentiam ulceris cooperire necessum erit cataplasmatibus dulcificantibus, & emollientibus cum mica panis, & lacte, vel cum pulpa foliorum althææ, brancæ urlinæ, oxalidis aut radicum liliorum confectis, &c.

5. In hac methodo per aliquot dies erit persistendum usque dum suppuratio confirmata fuerit, vel morbi pertinacia proximam minetur gangrenam.

6. Si suppuratio jam producat, obvia methodus idonea erit, quam capite præcedenti exposuimus; at si ulceris arescentia gangrenam prænuntiet, statim ulcus undique erit incidendum, plus minusve prout morbi conditio postulaverit.

7. Deinceps unguentum ægyptiacum spiritu vini modificatum erit admovendum, quin imo cathartica validiora interdum necessaria erunt, ut unguentum brunum aqua phagedenica, aut mercurii solutio.

8. Tandem pars affecta jugiter cooperiatur linteis imbutis spiritu vini camphorato & sale ammoniaco copulato.

In his circumstantiis æger jussulis vescatur, ipsi elismata refrigerantia intromittantur, atque lenientia exhibeantur.

In hoc *secundo caso* eo medela collineat, quod ægri vires sustineantur, cordis, & arteriarum pulsus excitentur, & serositas, quæ ulceris parietes emollit, dissipetur.



Hæc absolvitur indicatio .i. bis in die , vel crebrius , si opus fuerit , quatuor , vel quinque cochlearia exhibendo potionis cordialis cum aquis distillatis confectæ melissæ , cardui benedicti , bellidis , cum theriaca , confectioe hyacinthina , fale volatili viperarum atque syrupo oxalidis , aut stæchadis .

2. Quarta quoque hora propinando cyathum decoctionis foliorum cardui benedicti , aut infusionis the , aut vulnerariæ helveticæ .

3. Præscribendo diætam *analepticam* , videlicet , quæ vires restituat , quæque importet jura nutrientia , quibus addi poterit jus cordis vituli , luteum ovorum , quandoque etiam aliquot cochlearia vini hispanici exhibendo , vel juscula ex carnibus tritis parata vel etiam fragmenta pulli assi .

4. Ulcus pertractando cum digestivo , cui non solum tinctura myrrhæ erit addenda , quin etiam spiritus vini , ut parietes roborentur , atque calor restituatur .

5. Applicando ulceri jusculum ex pane cum vino ebullito , & pauco affuso spiritu vini paratum , tum super imponendo plantas vulnerarias helveticas cum vino ebullitas , aut lintea imbuta spiritu vini camphorato , & ammoniacato .

6. Si eorum remediorum ope suppuratio restituatur , vulgaris methodus sufficiet ; at si contra gangræna immineat , ut supra diximus , ulcus alte incidere necessum erit , & remedia superius proposita adhibere .

Tandem in *postremo casu* satagere debemus , quod alvi fluxus , sudores , & hæmorrhagiæ compescantur , quæ suppurationis materiam divertunt ; hac de causa remedia erunt adhibenda singulis his morbis magis idonea , quæ hic referre supervacaneum censuimus .

Nihilominus ulcus pari ratione ac in secundo casu pertractabitur , & si gangræna proxima videatur , incisiones non erunt prætereundæ .

Quoad diætam attinet , ipsa *analeptica* sit , ut nuper docuimus , quæ vires sustineat ; attamen specialia alimenta interdum erunt præscribenda , quæ alvi fluxus , sudores , aut hæmorrhagiæ sigillatim postulaverint .

## C A P U T Q U A R T U M .

*De Ulceribus putridis , quæ nimis suppurant .*

*Descriptio .*

**A**lia ulcera habentur , in quibus suppuratio copiosa nimis , & diutina est , ubi nulla deterfio , aut mundificatio fit , quinimmo putredo in diem increfcit inter musculorum anfractus , aut sub cute se extendens .

Hujusmodi ulcus Græci appellant *Ελκος φαγεδαίνον* , a Latinis vero ipsum *ulcus depascens* , aut *rodens* dicitur , quod Græcis nominibus respondet . Medici , qui de chirurgia ante scientiarum restaurationem scripserunt , idem *ulcus ambulativum* , aut *serpens* nuncuparunt , hodie nos *ulcus putridum* vocamus .

*Causæ .*

Hæc ulcera triplici ex causa dependent .

I. Ab apertura , quam inflammatio , aut Erysipelas produxerat , ut pars affecta facile resolvatur , & putrescentia cito producat .

II. A laxitudine , quam oedema habituale inducit , ut ulcus superveniens facile .



eile producat, præsertim si serositas ibi affluens acris, & salita fuerit, ut facile in pus convertatur.

III. A deleteria puris qualitate quod acre valde sit, atque corrodens ut potius quam carni reproductionem, & cicatrizationem fovere, magis ulceris margines erodere valeat, quod nimiam suppurationem detinet, præsertim cum pus lue venerea, aut scorbutica inficiatur. Observationes confirmant, quod nuper ostendimus, videlicet hujusmodi ulcera inflammationes pertinaciores, & imperfecte resolutas consequi, ubi suppuratio nisi in aliqua parte gignitur, verum cito undique producit, & crescente proinde magnopere ulcere intimius excavatur.

Ulcerata hujusmodi erysipelata etiam subsequuntur, quando morbus membranam cellularem, aut adiposam intimius lædat.

Tandem oedemata inveterata hæc ulcera producere solent, in quo casu morbus æquabiliter carnem fodit, ac sub cute extenditur.

### *Symptomata.*

I. Pus nunquam in ulcere depascente evanescit, quamvis diligenter deterfio promoveatur, nam prava carni conditio, aut deleteria puris indoles, quæ corrodens est, detinet, atque auget infirmitatem.

II. Hac de causa nulla deterfio est expectanda, quia margines corruptarum partium, qui separari possent, similia habent fragmenta putrefacta consecutura, quæ jugiter reproducentur.

III. Odor horum ulcerum pene semper cadavericus est, quia a carnibus putrefactis, pureque remixtis dependet.

IV. In ulceribus multum substantiæ amittitur, quia putrefactio omnem ulceris ambitum depascitur, & cavitatem continuo auget.

V. Conditio parietum hujusmodi ulceris a gangræna non multum distat, quinimmo crebro ipsi in gangrænam desinunt, quia in hoc ulcere escharæ species, gignitur revera gangrænosa.

### *Diagnosis.*

I. Haud difficulter ulcus putridum cognoscitur, modo paulisper super allatam descriptionem attendamus.

II. Causa morbi pariter facile detegi poterit, modo cognoscantur, quæ præcesserint, videlicet specialis ægrotantium conditio, aut morborum indoles, quos passi fuerint, brevi deinceps indagine morbi gradus, & progressus patebunt.

III. Tandem gangrænam suspicabimur a vario putrefactionis gradu, aut spissitudinis puris, quod ulcus circumvestit, cum reliquis gangrænæ signis, nempe livor, & insensibilitas, quæ frequenter in hoc ulcere observantur.

### *Pægnosis.*

I. Ulcus putridum semper periculofum est, quia valetudo saltem longa, & difficilis est relate ad difficilem ulceris deterfionem, & cicatrizationem.

II. Ulcus hujusmodi pariter periculofum est, quia plerumque in gangrænam desinit.

III. Pe-



III. Periculum gangrænæ in hoc ulcere eo majus est, quo aperitio, & molities partis affectæ major fuerit, aut sanguis ægrotantium magis peccaverit.

IV. Plerumque nulla est valetudinis spes, quando gangræna appareat, modo membrum amputari possit in quo ulcus residet.

*Curatio.*

Ulceris depascentis pertractatio majorem postulat diligentiam, 1. ut prompte putrefactionis progressus compescantur, 2. ut distinguatur putrefactio seu melius dicam, eschara, quæ a remediis producitur, ab illa, quæ a morbo dependet. 3. ut gangræna avertatur, quæ frequenter in hujusmodi ulceribus supervenit.

I. Ad *primam* indicationem absolvendam,

1. Adhibetur digestivum vulgare, cum oleo hyperici, tinctura myrrhæ, aut aloes, spiritu vini camphorato, unguento ægyptiaco, &c. obducitur pariter pars affecta linteis imbutis spiritu vini camphorato cum sale ammoniaco simul.

2. Intus exhibentur bis in die quattuor, vel quinque uncia potio cordialis ab illa haud absimilis, quæ capite præcedenti proponitur; quarta quoque hora decoctionem cardui benedicti propinando, ubi grana aliquot salis volatilis viperarum infunduntur.

3. Æger purgatur cum pulpa tamarindorum, cassiæ atque mannæ, vel cum tartaro stibiato solubili, si suspicio adsit in primis viis, morbosæ materiæ vel in cerebrum metastasis timeatur, quæ soporem inducat; eodemque tempore exhibentur jura pulli, aut vituli cum cancris, & millepedibus, tum plantis vulnerariis parata: hujusmodi sunt bugula, fanicula, veronica &c. quibus addi potest drachma salis de duobus.

4. At si post hæc remedia morbus adhuc producat, efficaciora erunt præscribenda; ulcus enim fovendum erit decoctione repenti foliorum marrubii, centaurii, hyperici, & absinthii, aut vulgari lixivio, in quo soluta fuerit idonea copia unguenti ægyptiaci.

Simile officium præstant radices duplicis aristolochiæ, folia agrimonix, nucum, hyperici, & apii palustris, tum soluta fuligo.

Tandem usuvenit blanda solutio salis marini, & vitrioli albi in aqua communi peracta.

5. Post hujusmodi fatus ulcus inspergitur pulveribus myrrhæ, aloes, atque iridis florentinæ æquabiliter commixtis, & pro deterfione adhibentur succus apii, terebinthina, pulvis iridis, atque aloes simul subacti.

II. In hujus ulceris pertractatione distingui oportet si putrescentia ab ipso morbo dependeat, aut a septicis remediis, quæ adhibita fuerint.

Galenus asserit empiricum quemdam cum animadverteret ulcus remediis continuo obsistere, nulla ratione habita remediorum facultati, continuo validiora applicasse, quæ semper majorem putrefactionem inducebant, usque dum Galeno advocato cum inscientiam empirici cognosceret, suppurantia tantum simplicia adhiberet, ut eschara separari posset, quod revera evenit, & ulcus brevi detersum atque restitutum fuit.

Idcirco in horum morborum curatione postquam remedia septica validiora adhibita fuerint & morbi gradui respondentia, animadvertendum est, si eschara decedente ulcus detersum appareat; in quo casu ut simplex ulcus *boni moris* ipsum erit pertractandum.

*Astruc de Tumoribus.*

N 3

III. Tan-



III. Tandem si aliqua ulceris portio livida, & mollis fiat, sensumque pene amittat, sed potissimum si bullæ efformentur, necessum erit,

1. Partem usque ad sanam carnem alte incidere.

2. Incisiones compressis linteisque spiritu vini camphorato, additoque sale ammoniaco imbutis erunt cooperiendæ, quæ nisi sufficiant, catheractica erunt imponenda adversus gangrenam superius proposita, *lib. 1. cap. 3.*

3. Tandem in toto curationis circuitu æger erit alendus jussculis oryzarum, hordei, granorum lentium, tum gelatinis carniū & luteis ovorum, modo tamen febris absit; nam ipsa superveniente jura tantummodo idonea videntur.

## C A P U T Q U I N T U M.

### De Ulcere calloso.

#### Descriptio & Differentie.

**C**allofa illa ulcera appellantur, cujus margines neque flexiles, neque molles sunt, sed magnopere duri, renitentes, & pene scirrhusi apparent.

Quandoque hæc durities, sive callositas omnem ulceris superficiem occupat; quandoque partem aliquam.

Interdum hujusmodi ulceris callositates continuatæ sunt; interdum per intervalla distinguuntur.

Tandem ulcera callofa modo margines habent obversos, modo complanatos, & ad libellam ceterarum partium.

Hoc ulcus latine callosum appellatur, græce *Ελκος* &c.

#### Cause.

Callositates in ulcerum limine oriuntur a subsidentia lymphæ nutritiæ ibi inspissatæ: experientia nos docet multiplici de causa id oriri posse.

1. Prava puris conditione, quod lympham figit, circa ulceris limbos circumstantem, eoque facilius si a sanguinis vitio jam condensata fuerit; quare in lue venerea, strumis, & scorbuto ulcera frequenter callofa apparent.

2. Subsidentia puris ipsius pravæ conditionis, quod destruendo partium elaterium statim & spissitudinem lymphæ gignit; quare sinus, atque fistulæ inveteratæ pene semper callositatibus deturpantur.

3. Aeris actione adversus ulcera quæ lymphæ cursum retardat; quare ulcera neglecta, diuque aeri exposita callofa facile evadunt.

4. Frigore externo si ulcus offendat; quare ulcera hyeme magis quam æstate callofa fient, præsertim si ab ipso ægri defendi nequeant.

5. Rudi modo pertractandi ulcera ita ut limbi comprimantur, ex quo ulcera compactis durisque splenis pertractata pene semper callofa evadunt.

6. Qualitate remedium, ut adstringentia, & terrestria, quæ perperam adhibita callositates intendunt.

7. Tandem natura emplastrorum in causa est, quæ si exsiccantia nimis, & epulonica sint, cicatricis loco mollis, & flexibilis callosam cicatricem progignunt.



*Symptomata.*

I. In ulceribus callofis margines duri & renitentes sunt, quia turgent lymphæ inspissata ibi affluente.

II. Ulcera callosa nullum fere pus suppeditant, vel quod vasa a callositatibus comprimantur, vel quod oscillationes vasorum, quæ puris separationem foyent a callositatibus supprimantur.

III. Parum puris quod ulcera callosa suppeditant, ferosum est, vel quod lymphæ sit a turgidis vasis lymphaticis erumpens, vel quod debiles oscillationes impediunt ejusdem in pus concrefcentiam.

IV. Carnes, quæ in ulceribus callofis nascuntur, nunquam bonæ indolis sunt, quia parietes, quæ ipsas pariunt, necessaria mollitie carent, ut laudabiles carnes producantur, adeo ut carnes producentes molles, & fungosæ appareant ab expansione superficiem ipsius ulceris.

V. Ulcera callosa imperfecte absterguntur, & pravis carnibus cooperiuntur; quare nunquam cicatrizarî possunt.

VI. Quando lymphæ in callofis partibus inspissatur, & exigua copia, margines complanati apparent, ac libellam servant; sed cum copiosa lymphæ concreverit, margines obvertentur.

VI. Callositates *continuatæ* sunt in ulcerum limbis, quando causæ producentes adversus omnem superficiem ulcerum agunt; *distinctæ* vero conspiciuntur quando eadem causæ aliquas partes tantum ulcerum deturpent, vel aliquæ partes tantum earum actionem pati valeant.

VIII. Simulque callositates generales sunt, si causæ æquabiliter per omnem ulcerum hujusmodi cavitatem actionem suam afferant; particulares vero callositates observantur, si causæ producentes specialem partem offendant, vel aliqua tantum ulcerum portio affici possit.

*Diagnosis.*

I. Visu, atque tactu facile constat de ulceris callositate nec ne, tum si callositas generalis, vel partialis sit, continuata, vel distincta, extensa, vel exigua.

II. Haud difficile pariter sinus, si qui adsint, se manifestant, sed circa ipsos *cap. 6.* erit persolvendum, ubi eorum diagnostica signa ostendemus.

III. Quo ad peculiarem causam attinet harum callositatum, facile innotescet a præcedenti descriptione: at ejusdem notio in prognosim, aut morbi curationem parum influit.

IV. Juvat potius cognoscere, si lues venerea, strumæ, aut scorbutus callositates faciant, atque detineant; nam in singulis hujusmodi circumstantiis specifica remedia his morbis propria conveniunt; præterea hujusmodi affectus propriis pathognomonicis signis manifestantur.

*Prognosis.*

I. Callositates in ulceribus semper periculosæ sunt.

1. Ex se quia curationem retardant, & multa postulant remedia.

2. Causæ ergo, quia plerumque sanguinis vitium supponunt, quod difficile corrigi potest.



3. Relate ad earum consecutiones, quia dum resolvuntur, frequenter in sinus, aut fistulas degenerant.

II. Callositates, quamvis semper in ulceribus periculosa sint, tamen plus, minusve incommodi habent, multiplici de causa.

1. Pro diversa earum magnitudine.

2. Pro varia duritie, atque renitentia.

3. Prout a causis internis, aut externis procedunt.

4. Tandem prout simplicia fuerint, aut sinibus, vel fistulis copulata.

### *Curatio.*

In ulceribus callosis indicationes omnes eo collimant, ut callositates destruantur, citra quod nulla valetudo erit expectanda. Id quattuor modis obtinebitur.

1. Per resolutionem, quæ tutior est methodus, sed minime convenit callositatibus incipientibus, & mediocriter renitentibus: ut facilius eo perveniamus, primo inspissatæ lymphæ idonea fluiditas restituenda videtur, ut liberam circulationem recuperet; tum vasis fibrisque affectæ partis, ubi lymphæ affluit, necessarium elaterium erit conciliandum, ut valide contentos liquores expriment.

Hac de causa 1. ulcus primo remediis laxantibus, & anodynis erit obliniendum, ut durities, & callositates facile emolliantur. Hujusmodi sunt digestivum vulgare cum mucilagine althææ, oleo liliorum, amygdalarum dulcium, aut butyro recenti consociatum.

2. Applicantur deinceps parti affectæ linteola imbuta aliquo spirituoso solventi, videlicet aqua vitæ simplici, vel camphorata, aut ammoniacata simul, itemque cataplasmata confecta ex mica panis vino emollita, & spiritu vini irrorata, aut ex herbis vulnerariis vino meraco ebullitis parata.

3. Circa ulcus pariter leviores frictiones mercuriales conveniunt citra etiam luis venereæ suspicionem; nam Hydrargyrus pro maxima qua pollet solvendi facultate, & in reliquis casibus spissitudinis lymphæ catholicum est auxilium.

4. Uno eodemque tempore iis externis remediis interna remedia adduntur, videlicet lues venerea compescitur, si hæc in causa videatur, strumæ vel scorbutus corriguntur, si hujusmodi affectus præsentis sint, vel saltem sanguinis, & lymphæ vitia temperantur per remedia antistrumosa, atque antiscorbutica.

5. A quacumque vero causa ægritudo procedat, lymphæ attenuari oportet interno usu solventium; quotidie enim duplex cyathus exhibetur decoctionis foliorum cardui benedicti, & scabiosæ, aut duplum circiter infusionis vulnerariæ helveticæ, vel quod validius est, duplex haustus radicis chinæ, aut sarsaparillæ.

6. Solventia efficaciora etiam impendi solent, qualia sunt martialia, mercurialia, & antimonialia non chatartica, sal admirabile Glauberi, sal de duobus five arcanum duplicatum, pulvis denique, aut decoctio asellorum.

II. Si variæ atque diversæ hujusmodi curandi rationes callositates nondum resolvant, aut imperfectam resolutionem faciant, suppuratio erit promovenda, quæ frequenter callositates destruit duras, & inveteratas, modo ultimæ duritie gradum non attingant.

Hac de causa. 1. Ulcus remediis putrefacientibus pertractatur, quæ valeant solutionem, atque suppurationem inducere, qualia sunt digestivum compositum.



tum paucæ terebinthinæ remixtum , sed multo oleo liliorum , aut butyro recenti confociatum .

2. ulceris margines erunt cooperiendi cataplasmatibus maturantibus confectis ex pulpa foliorum, malvæ, althææ, brancæ ursinæ, oxalidis, aut radicum liliorum; addito etiam oleo liliorum ad pulpas subigendas, vel ex pulpa caparum cum veteri fermento, pulmento ex crustulis, basilico, aut emplastro diachylo.

3. Tunc pariter intus remedia spirituosæ, & sudorifera exhiberi possunt, superius articulo præcedenti proposita, quibus tunc modice utebatur.

III. Si suppuratio deficiat, aut non sufficiat, ad callositates pertinaciores destruendas cauterium actuale, aut potentiale adhiberi debet.

1. Cauterium actuale tutiorem breviorēque methodum suppeditat ad callositates penitus absumendas absque reproductionis metu, quia semper in hoc opere copiosa oritur suppuratio. Hujus remedii actio moderari oportet juxta magnitudinem, & duritiem callositatis; plerumque sufficiet ferrum plus, minusve calefactum, raro enim candens, ignitumque applicatur.

2. Cauterium potentiale actuali substituitur, segnius tamen est, quare ægri ipsum plerumque præponunt. Inter caustica potentialia enumerantur lapis causticus, præcipitatum rubrum, unguentum brunum, trochisci sublimati corrosivi, lapis infernalis atque oleum vitrioli.

3. Sedulo si fieri possit remedia, cathartica vitari debent, præsertim arsenicalia, quorum usus suspectus est; in mediocribus callositatibus unguentum brunum frequens est, videlicet basilicum præcipitato rubro confociatum, quo pulvini imbibuntur; si callositas renitens valde observetur, præcipitatum rubrum purum adhibetur supra pulvinum inspersum callositati admovendum, sed cathartica usitiora sunt rotulæ, aut trochisci sublimati corrosivi superius l. 5. c. 2. descripti, ac præsertim lapis causticus, qui triplici ratione impenditur, vel ipsum integrum callositati admovendo, vel in pulverem redacto pulvinum inspergendo, vel aqua communi solutum, qua solutione pro simili usu pulvinus imbuatur. Quoad oleum vitrioli vehementissimum causticum est, quod nunquam pene usu venit. Lapis vero infernalis in callositatibus superficialibus tantummodo adhiberi solet.

4. Post caustici actualis, vel potentialis applicationem escharæ casus promoveri debet; huic cedit butyrum recens, quo oblinitur eschara aut digestivum recenter paratum, oleoque liliorum subactum.

Quando eschara evanuerit, erit inquirendum ne ulla adhuc callositas supersit, & tunc reiterabitur labor, sed hæc altera cauterii applicatio, modo necessaria sit, levissima tamen esse debet.

5. Antequam causticum admoveatur, callosam partem incidere juvat, ut cauterii actio foveatur, & ejusdem nocui effectus imminuantur. Eadem methodus adhibetur, quando callositatum solutio per suppurationem tentatur, eaque & hic benevertit.

IV. Quarto tandem omnium brevissimam viam fategerimus callositates absumendi, si cultro aut forcipe callositates abstulerimus; quandoque etiam modo ulcus minus extendatur vel sinuosum appareat, omnis deturpata caro abscinditur, ut sana renovetur, post hoc splenia sicca applicantur ad compescendam hæmorrhagiam, ut in recentibus vulneribus. Deinceps vulgari ratione ulcus pertractatur.

V. In duplici postremo casu tria sedulo erunt animadvertenda.

Ambæ



1. Ambæ posteriores methodi vitari debent, quando callositates nervos satis conspicuos, tendines, aut grandiora vasa implicent.

2. Pariter vitari debent, quando callositates partibus tendinosi, aut aponevroticis, ut in articulationibus, adhæreant.

3. Vitari tamen necessum erit, quando callositates perioftio inhæreant, ut abscindi nequeant, absquequo os detegatur, quamvis in hoc postremo casu id fieri pluries conveniet.

In his tribus casibus resolutio, aut suppuratio est promovenda, vel si cathetica venient adhibenda, mitiora tantum opportuna videntur.

## C A P U T S E X T U M.

### De Ulceribus sinuosis, sive de sinibus, & fistulis.

#### Descriptio.

ULcera quædam habentur, in quibus omnis eorum cavitas statim oculis se offert; alia vero quorum cavitas canalium more propinquas partes pervadit: illa Græci κόλποι appellant, a Latinis vero *cuniculi* sive *sinus* appellari solent, a Gallis denique *clapiers*; priora ulcera *simplicia* sunt, reliqua *sinuosa*, sive *cuniculosa*, apud Græcos Ελκη κοιλώδη.

Sinus, qui & ulcera diversa constituunt, variæ indolis sunt.

Modo sub cute reptant intra cellularem membranam, & sinus *cutanei* dicuntur; modo intimius penetrant juxta musculorum anfractus, & *profundi* vocantur; modo ab ulcere partes superiores versus recurrunt, & tunc natum pus facile erumpit; modo hujusmodi sinus inferiores partes versus descendunt, in quo casu pus ibi affluens difficiliter extrahitur; tandem hujusmodi sinus modo *simplices* sunt, modo *callositate* obducti, & in hoc casu sinus *fistulosi*, sive *fistulae* nuncupantur apud Græcos Σίριξ.

#### Causæ.

Relate ad eorum originem duæ sinuum species distinguuntur: alii ulcus simplex subsequuntur, alii ab ulceribus procedunt, quæ a vulneribus nata sunt; alii simul abscessum sequuntur, qui initio aperitionis nullum sinum tamen præferebat; alii tandem ulcere vetustiores sunt, & jam existerant, antequam abscessus aperiretur, & in ulcus desineret.

I. In *priori* casu a pure producuntur, quod in aliquem ulceris anfractum penetrans paulatim sibi viam pandit.

Pus enim hac ratione in propinquas partes irruit:

1. Quando diu in ulceris fundo subsidat, absquequo extrahatur.

2. Quando ulcus ita locatum fuerit, ut pus erumpere nequeat, vel hunc positum Chirurgus negligat.

3. Quando pus admodum acre sit, ut omnibus cautelis invitis propinquas partes tamen corrodat, sibi sinus paret.

II. In *secundo* casu sinus intra abscessum duplici ratione efformari possunt: quandoque morbus a sinus apertura incipiens paulatim corrodo tantum producit, ut in longinqua parte abscessum efformet, & tunc sinus abscessu ipso vetusti or erit; quandoque pus jam nati abscessus vicinas partes sensim aggrediens sinum gignit, & tunc sinus abscessu recentior videbitur.

Qua-



Quacūque ratione sinus producantur, plerumque extenduntur.

1. In membranam adiposam.
2. In musculorum interstitia juxta tendinum, aut grandiorum vasorum longitudinem, & circa periostium tandem, quia in his partibus minus resistentiæ patitur, faciliusque sibi pandit viam.

### *Symptomata.*

I. In ulceris margine, ubi sinus locatur, continens tensio per sentitur, quia hujus sinus longitudo inflammatione & callositate laborare solet, quæ hanc tensionem, & renitentiam parere solet.

II. Hæc symptomata magis conspicua sunt, ubi sinus subcutanei sint, propiusque subinde premantur; contra vero tensio minus sensibilis est, quando sinus profundi sint, quia carniū volumen ipsos tuetur.

III. Quamvis sedulo repurgetur ulceris fundus, febris tamen ulcera cuniculosa semper comitatur, quia pus in ipsa affluens a sanguine resorbetur, quod potissimum verum est relate ad sinus, qui inferius protenduntur, ubi pus difficulter extrahitur.

IV. Ulcera sinuosa magnam puris copiam fundunt, quia præter illud parietum ulceris multum ex sinu ipso in ulcere aperto, manat.

V. Quapropter in ulceribus cuniculosis difficulter deterfio, atque carniū reproductio obtinetur, quia pus ex sinubus erumpens enatas carnes continenter destruit.

VI. Tandem sinus plerumque callositatibus deturpantur, quia pus ibi affluens lymphæ circulationem intercipit, quæ proinde juxta longitudinem sinus concrefcens, ut in capite præcedenti ostendimus, callum producit.

### *Diagnosis.*

1. Conjecturari licebit, aliquem in ulcere sinum abscondi a copia effluentis puris, tensione constanti, & difficultate deterfionis, atque carniū reproductio- nis, reliquorumque phenomenorum persistentia.

2. Sinus manifestatur, quando partem affectam premendo aliqua per sentia- tur persistentia; verum a pressione pus striatim efluat.

3. Extensio atque directio sinus specillo facile deteguntur.

4. Tandem partes sinubus affectæ manifestantur anatomica earum scientia, & specilli directione.

### *Prognosis.*

Omne cuniculosum ulcus valde periculosum est, curatuque difficillimum, præsertim cum medicamenta introduci nequeant usque ad ejusdem fundum.

Sed periculum increscit,

I. Pro numero, & profunditate sinuum.

II. Pro duritie, & magnitudine callositatum.

III. Pro natura partium affectarum, aut propinquarum.

IV. Tandem pro ætate, viribus, atque constitutione ægroti.



## Curatio.

Certum est pro finium curatione necessariam esse suppurationem, deterfionem, atque consolidationem; postquamquod ulcus vulgari methodo pertractatur.

Triplici ratione id obtineri poterit & singula methodus proprias habet utilitates, quas figillatim explicabimus.

*Prima:* sinus aperitur cultro, aut forcipe specilli canaliculati auxilio juxta ejusdem longitudinem, postea ulceris labia secantur, ut sinus conspicuus fiat.

Id plerumque usuvenit in sinibus cutaneis, & superficialibus, ut cutis tantummodo, vel ad summum paucæ fibræ musculares rescinduntur juxta earum directionem.

Hac ratione ulcus simplex obtinetur vulgari ratione pertractandum; si callositates in limbo adsint, forcipe abraduntur, aut cultro inciduntur, vel melius escharoticis consumuntur, ut *cap. 5.* ostendimus.

Nihilo tamen minus quando sinus longiores valde fuerint, neque secari poterunt absque magna partium apertura, alterutra sequentium methodorum plerumque confert.

*Secunda* enim curandi ratio ea est, quod sinus aperiatur, ubi specillum desinit, quod fieri solet,

1. Quando sinus longus admodum, & carnibus insitus videatur.
2. Quando circa vasa, nervos, aut musculos transeat, qui rescindi nequeunt.
3. Quando extremitas altera sive fundus sinus prope cutim videatur, ut ejusdem apertura facilis cognoscatur.

Hæc aperitio lapide caustico, vel crebrius cultro instituitur, incisionem dirigendo versus specillum introductum; hac ratione facile evadit deterfio, atque consolidatio sinus, ut infra videbimus.

*Tertia* methodus est, ingressum sinus dilatare ut necessaria remedia ad fundum usque pertingant; eaque usuvenit,

1. Quando sinus declivis sit.
2. Quando ipse parum protendatur, ut nos lateat quo loco opposita apertura institui possit, vel nimia requiratur incisio, aut periculosa &c.

Hæc apertura in ore sinus multiplici ratione fieri potest, vel cultro dupliciter os incidendo, vel modicum lapidis caustici introducendo; vel tandem spongiam sub grandioris turundæ specie intromittendo, quæ prout dilatabitur, & ipsum finem extendet.

Modo ex opposita parte sinus apertus fuerit, aut dilatatus, injectiones intromittuntur detergentes ex decoctione hordei, & melle rosato confectæ, quæ efficaciores reddi possunt si opus videatur; injicitur etiam digestivum, aut balsamum Arcei semiliquatum, quando deterfio promoveri velit. Turundæ etiam intromitti possunt iis balsamis, aut unguentis imbutæ, sed filo colligari debent, ut facile extrahantur.

Tandem cum deterfio perfecta fuerit, quod cognosci poterit a paucis effluenti pure, curari oportet parietum cohesio, atque consolidatio.

Hac de causa juxta sinus longitudinem graduate turundæ, & compressæ admoventur idoneis fasciis circumvolutæ, ut parietes paulatim appropinquentur simulque coalescant.

Hac methodo plerumque cohesio partium obtinetur, quod nisi bene vertat, sibi relin-



relinquitur sinus usque dum sponte carne repleatur cavendo ne cito nimis sinus os cicatrizetur, ne cavum aliquod supersit in novum abscessum desitutum.

Quando in sinibus callositates habeantur, difficilior est eorum curatio; ac modo suppuratio ipsas non solvat, escharotica sunt adhibenda, qualia *cap. 5.* proposuimus.

Postquam sinus convaluerit ulcus superstes simplex erit, & vulgari methodo facile sanabitur.

## C A P U T S E P T I M U M.

### *De Ulcere ad os usque protenso.*

#### *Descriptio.*

I. **U**Lcera quandoque ad os usque protenduntur tribus diversis modis.  
I. Quando ulceris fundus os pertingit, quod plus minusve detectum conspicitur.

2. Quando ulcus quamvis ad os usque protendatur, ipsum tamen non apparet ob superimpositas fungosas carnes.

3. Quando non jam ulcus, sed sinus quidam ad os usque protrahitur.

II. Quando os jam in aperto est, quattuor modis diversis se ostendit.

Modo sanum, & integrum est, periostio obductum absque ulla labe, quod evenit, quando ulcus recens est, & nuper eo penetraverit.

Modo suo periostio obtectum se offert, sed hoc pluribus pertusum foraminibus apparet lividis, nigerrimis & semis putrefactis.

Modo periostio exuitur, sed album est, levigatum, solidum, & sine labe.

Modo tandem non solum ipsum periostio deficit, sed obscurum, nigrum, inæquale, pertusum, uno verbo cariatum apparet.

#### *Causæ.*

Generalior causa, quæ ossa in ulceribus detegit, est puris copia, & acrimonia, quod carnes consumendo paulatim ad ossa ipsa pertingit.

Quandoque vulnera, aut plagæ ad os usque penetrant, & tunc ulcera consecutura os ipsum pandunt.

Interdum abscessus circa ipsum periostium efformantur, ut cum aperiatur, nati subinde ulceris fundus os tangat.

Aliquando tandem tum vulnera cum abscessus, quamvis ab osse distent, ulcera tamen subsequentiâ pro puris acrimonia, aut ubertate ibi perveniunt, prius consumptis carnibus ad periostium usque, aut profundis sinibus eousque protensis.

#### *Symptomata.*

I. in *Ulceribus*, ubi os jam detectum est, carnes raro reproducuntur circa ossis superficiem, quia os a pure erosum, exsiccatumque veras carnes suppeditare nequit.

II. Proinde ulcera hujusmodi difficillime curantur, neque plerumque convalescunt, nisi per exfoliationem ossis superficies renovata fuerit.

III. Nihilominus os quandoque carnibus obduci videtur, sed hæc



carnes minime ossi adhærent; veniunt ipsæ ab interna ulceris superficie, fungosæ sunt & facile putrescunt.

IV. Quando os carie affectum fuerit, phenomena magis periculosa sunt, nulla est cohesionis in ulcere spes, nisi cariata ossis superficies abscindatur. Pus proinde erumpens serosum, foetens, nigerrimum, & corrodens est. Cavitas ulceris potius quam detergi, carnes fungosas uberius suppeditat, magis extenditur, & callosa evadit.

### Diagnos.

I. Quando os apparet, facile est nudis oculis, aut turundæ ope, si os periostio deficiat nec ne, si periostium integrum, aut labefactatum sit, vel si os levigatum, æquale, sanum, aut contra cariatum existat.

II. Suspiciari licebit os patere quamvis conspici nequeat, modo pus serosum, nigrum, acre, foetidumque erumpat; quando carnes, quæ illud obtegunt, molles, spongiosæ sint, & facile putrescant; quando denique ulceris fundus detergi nequeat.

III. Suspiciones certiores fiunt, quando specillo intromisso os inæquale, & scabrum reperitur.

IV. Eadem signa indicant sinus ad os usque protendi, quæ omnia certiora evadunt specilli indagine.

V. De majori vel minori ossium carie judicatur pro vario tempore deteriorationis ejusdem, prout ipsum magis, vel minus spongiosum erit, vel pus effluens plus, minusve male oleat. At specilli ope omnis suspicio veritatis naturam sumit.

VI. In ulceribus valdè confert ubi os detectum, cariatumque est, investigare, si æger lue venerea, scorbuto, aut strumis laboraverit, quod signis his morbis propriis se manifestabit.

### Prognosis.

I. Ulcera, in quibus ossa deteguntur, aut cariantur, periculosa sunt, difficulter curantur, & diutinum tempus postulant, quia ossis exfoliatio curari debet, quæ difficulter obtinetur.

II. Quando os detectum sanum & sine labe est, minus periculi habetur, quia frequenter carnes reproducentur, vel ad summum exfoliatio facile citoque perficitur.

III. Morbus gravior est, quando caries vetustior, & profundior erit, quando os cariatum suapte natura spongiosum sit, quando caries a morbofo fomite dependeat, quo sanguis infectus sit.

### Cûratiô.

Quando os detectum in ulcere se offert, causam producentem statim perscrutari oportet: si vulnus recens in causa fuerit, citra internam curationem parti affectæ mederi illico poterit. Sed si ulcus, apostema, aut abscessum subsequatur, quod simul causam internam recognoscat, si ulcus diu perduret, difficulter admodum convalescat, internam causam investigare etiam necessum erit.

Si aliqua habeatur suspicio luis venereæ, frictiones mercuriales post vulgarem præ-



præparationem erunt præscribendæ, itemque antiscorbutica, vel antistrumosa opportuna sunt, quando scorbutus, aut strumæ ulcus detineant.

Tandem si æger nullo eorum corripitur vitio, sed tantum obvia sanguinis acrimonia, remedia humectantia, diluentia, & lac sufficient.

Dum intus idonea exhibentur remedia, extrinsecus ea non sunt contemnenda, quæ varia ossis constitutio postulat.

I. Si os adhuc cooperiatur periostio & hoc satis solidum sit, ut facile servari possit; postquam blande detersum fuerit, erit supra ipsum imponendus pulvis spiritu vini imbutus, qui puris actionem eludat, postquam ulcus vulgari methodo pertractabitur, minusque tunc solliciti erimus de carniū reproductione, nisi prius periostium restitutum fuerit: si hac ratione per aliquot dies continuata periostium jam carnibus obducatur, ita cunctari necessum erit usque dum carnes satis solidæ appareant, ut adnota remedia pro ulcere curando sustinere valeant. Postquam quod ulcus simplici ratione curando, ejusdem valetudo quam maxime erit promovenda.

II. Si periostium jam labefactatum sit, aut jam labefactari incipiat invitis cautelis omnibus, in hoc casu pulvis spiritu vini imbuti applicabuntur, ut supra diximus. Quando os recenter detectum fuerit, & superficies non multa labe deturpetur, quandoque ex singulis ejusdem superficiei punctis carnes exurgunt granulosa, solida, rubro pallentes, quæ cum fundo ulceris coalescunt, in quo casu simplex medendi methodus opportunissima erit.

III. Si os detectum inæquale, spongiosum, cariatumque sit, nullamque carnem suppeditet atque ejusdem superficies exsicceetur, in hoc casu exfoliatio, sive separatio lamellarum ossearum labefactarum erit fovenda, ut inferiores laminae valeant carnes pro ulceris cicatrizatione suppeditare. Multiplex est exfoliationis methodus.

1. Quando caries levior sit, vel sine carie hoc simpliciter exsiccatum videatur, sat erit ærugine ejusdem superficiem fricare, usque dum per plura punctula sanguis exeat, quod ostendit defectuosam lamellam omnino sublatam fuisse. Verum pulvis applicatur spiritu vini imbutus, & vulgari ratione progreditur, usque dum carnes reproducantur.

Hæc praxis alias frequenter usuveniebat, neque adhuc omnino obsolevit, quando ossis labefactatio recens, & superficialis videatur, sed duplex plerumque habet incommodum: primum diutina, & molesta est; alterum pluries plerumque reiterari oportet, quia raro a prima vice caries omnis abraditur.

2. Absquequo os eradatur, sat erit remedia exsiccantia super imponere, quæ exfoliationem, quam *carmaticam* appellant, valeant inducere. Hujusmodi sunt pulvis aloe, myrrha, thus, sarcocola, radix Aristolochiæ rotundæ, iridis florentinæ, bryoniæ, aut foliorum Sabinæ.

Pariter juxta communem praxim usuveniunt tincturæ myrrhæ, aloes, aut euphorbiæ.

Ulceris margines cooperiuntur pulvis ficcis ne præpostere carnes reproducantur, similem pulvinum aliquo ex his pulveribus aut liquoribus saturatum ossi superimponendo, donec superficies omnino exfolietur; at si applicatio pulvinorum exsiccantium ulceris limbos nimis areseat, & callosos faciat, pars affecta cooperiatur digestivo mitiore pauco oleo hyperici consociato.

3. Horum remediorum exsiccantium applicatio plerumque sufficit, quando tenuis ossis lamella tantum laboret, minime tamen valet, quando labe profunda admodum sit. Olim in his casibus cultro, & plumbo, maleo os cariatum scindebatur,



batur, ut remedia facilius agerent, at nunc hæc medendi ratio penitus obsolet.

4. Cauterium actuale itaque nunc tantum adhibetur quod remedium est tutum, atque efficax in omni cariei genere, si morbus levis sit; parumque profundus, cauterium calefactum sufficiet, sed comburens esse debet in profundiori carie: variae habentur species instrumentorum causticorum, tum magnitudinis, cum configurationis ergo pro varia morbi extensione, aut ossis comburendi qualitate.

Quando cauterium hujusmodi adhibetur, sedulo ulceris parietes sunt defendendi; quando ulceris apertura grandior fuerit, sat erit, pulvinis siccis ulcus obducere; at in angusto ulcere tubus ferreus adhibetur, ut per ipsum ferrum candens ad os usque perducatur.

Post ossis combustionem exfoliatio erit expectanda, impediendo tunc carniū reproductionem, siccos pulvinos applicando, vel leviora etiam escharotica.

Exfoliatione peracta, & cariata lamella abrafa caro jam supra os reproducitur alba primum, paulatim vero rubescens, quæ cum ulceris carnibus postea coalescit, tunc carniū incrementum fovere oportet, atque cicatrizationem ulceris, quo citius fieri potest; at in ossium exfoliatione cicatrix semper cava supererit pro magna substantiæ jactura.

Hæc ossis cariati exfoliatio mirabile est naturæ opus citra quod ulcera, quæ cariem comitem habent, nunquam convalescerent, ipsa fit per simplicem suppressionem omnis nutritionis in parte ossis affecta. Quandoque sola caries, aut ossis exsiccatio sufficit ad effectum producendum, & tunc exfoliatio spontanea erit, plerumque tamen remedia sunt adhibenda quæ catagmatica dicuntur, vel citius causticum actuale, quod validius agit. Hac methodo ossis portio his remediis subjecta omnem nutritionem amittit, exsiccaturque, ac proinde ossæ lamellæ sponte separantur. Prout hæc separatio evenit, carnes inferius nascentes cariata lamellam sublevant, & exfoliationem promovent. Simili de causa arborum folia, quæ autumnali tempore nutritionem amplius non recipiunt, prout pediculi exsiccantur, solo decidunt.

## C A P U T O C T A V U M.

### *De Ulcere cum carniū incremento, sive Hypersarcosi.*

#### *Descriptio.*

**Q**uandoque in ulceribus post deterfionem, ac suppurationem evenit, carnes tam vehementer, atque abundanter promoveri, ut supra ulceris margines protendantur, quod cicatrizationem impedit. Hæc ulcera Latine dicuntur *Ulceræ cum hypersarcosi*, Græce vero ἑλκὺς ὑπερσαρκώδης.

Communiter hæc carniū incrementa totam tenent ulceris faciem; verum quandoque eam solum occupant per quamdam pediculi speciem satis angustam, ultra quam non protenduntur. Tunc hujusmodi excreſcentiæ a Græcis appellantur *μύκητες* a Latinis *fungi*, & a Gallis *champignons* pro earum cum fungis maxima similitudine.

#### *Causæ.*

Observavimus jam superius lib. 6. cap. 2. carniū regenerationem per sim-  
pli-



plicem explicationem vasorum capillarium, filamentorum nerveorum, atque tendineorum produci partium vicinarum, sed *duæ* conditiones requiruntur, ut hæc evolutio solidas, & granulofas carnes suppeditet: *prior*, quod hæc explicatio lente, æqualiter, & una ratione in omnibus ulceris partibus contingat; *altera*, quod prout evolutio contingit, membranæ, vasa, nervi & filamenta tendinea nutriantur, inspissanturque, absquequo a nimia serofitate emolliantur.

Ex converfo enim consequitur carnum fungosarum regenerationem a tribus potissimum causis oriri.

1. A nimis celeri expansione, atque productione vasorum, nervorum, fibrarumque, ut necessariam firmitatem adipisci nequeant.

2. Ab inæquali harum partium dilatatione.

3. Ab irroratione, aut relaxatione eorundem partium ob feri nimiam copiam. Patet enim in his casibus carnes uberrimas esse parumque consistentiæ habere, ac proinde molles, ac fungosas se offerre.

Alicui enim trium classium referri debent causæ procathartica, quæ solent carnum fungosarum generationem producere.

1. Usus medicamentorum farcoticorum nimis calefacientium, quæ sanguinem circulantem nimis rarefaciendo fovet vasorum circa ulcus intumescantiam.

2. Unguentorum usus nimis relaxantium, pinguium, aut oleosorum, quæ vasa nimis emolliendo nimiam eorum dilatationem fovent.

3. Nimia ægrotantis nutritio vel admodum spiritiuosa, quæ sanguinem auget, atque rarefacit, ut carnum, minutalium comestio, & vini potus.

4. Febris, aut animi pathemata, quæ sanguinem commovendo intumescantiam vasorum locum præbent, eorum ulceris præsertim.

5. Prava sanguinis indoles, quæ puri communicatur, quod ob maximam acrimoniam nimis erodit, destruitque elaterium vasorum, aut fibrarum, & hæc disponit ad facilem extensionem.

6. Callositates, quæ vasa lympharica circa ulcus comprimunt, & lympham detinent oedematofum tumorem producentem.

7. Oedema ulceris, quod margines ejusdem relaxando facilem, atque promptam nimis partium explicationem fovet.

### *Symptomata.*

1. Quando hujusmodi causæ cum reliqua ulceris facie communes sunt, & æquabiliter agant excrescentiam producant, quæ omnem ulceris cavitatem occupat, plus minusve excedentem pro varia causarum actione.

2. Quando causæ contra, aliquam portionem ulceris tantum lædunt, ad hanc partem caro deformiter ita increfcit, & in extremitatibus expanditur, ut fungi speciem referat.

3. Observationes nos docuerunt fungos frequentes esse in cranii terebratione, ex eo fortasse, quod cerebri substantia, quæ mollior est, facilius intumescat.

4. Carnes fungosæ, sive fungi necessaria deficiunt firmitate, ut cicatricem gignant, idcirco in serofum pus convertuntur, quod continuam putredinem parit.



*Diagnos.*

I. Carnes fungosæ ex eo cognoscuntur, quod molles, spongiosæ sint, nimis albæ, aut rubræ, nimis levigatæ, pellucidæ, & facile putrescentes.

II. Quando carnes fungosæ ulceris margines excedunt, quod frequenter evenit, earum deleteria indoles facilius innotescit.

III. Fungi vero cum carnibus spumosis facile confundi possunt, quæ sola conformatione differunt; sed hæc disquisitio parvi facienda videtur.

IV. Quoad morbi causas facile deducitur ab antecedentium examine quæ fungosarum carniū generationi ansam dederunt.

*Prognosis.*

Nimium in ulceribus carniū incrementum semper periculosum est, quia valetudinem retardat.

Plus minusve periculi facit pro varia earum copia, mollitie aut causa producente. Tandem pro varia partis affectæ natura, atque ejusdem positu.

*Curatio.*

I. Ad ulcera curanda ubi carnes fungosæ confertissimæ sunt, harum carniū consumptio potissima est; hac de causa innumera remedia inter se diversa adhiberi solent, quæ a mitioribus incipiendo infra exponemus.

1. Remedia exsiccantia simplicia, videlicet splenia sicca, aut vino rubro tepenti saturata, tum splenia rasa ulceri applicata ad molles carnes exsiccandas, atque cohibendas.

2. Remedia exsiccantia stiptica, aut leviter caustica, ut pulvis nucum, gallarum, balaustrorum, corticis granatorum, spongiæ combustæ, tutiæ, mastice, myrrhæ, & aloes &c. quibus ulceris superficies inspergitur.

3. Mundificantia, quæ mitiori eorum caustica virtute etiam detergant, ut balsamum viride, unguentum apostolorum, unguentum ægyptiacum sola, vel digestivo commixta, quibus splenia, aut turundæ imbuuntur.

4. Cathæretica efficaciora quæ revera caustica sunt, videlicet lapis infernalis, lapis causticus in pulverem redactus, præcipitatum rubrum, balsamum fuscum, & ipsum cauterium actuale.

5. Quandoque etiam culter, aut forcipes ad fungos rescindendos adhibentur, circa basim ipsos erodendo insuper causticum, aut cauterium actuale admovento, quod omnes nexus destruat.

II. Externo huic operi interna remedia addi debent, quæ carniū nimiam reproductionem simul compescant.

1. Ægrum lenientibus purgare sæpe iteratis, ut stomachus a saburris liberetur.

2. Sub hoc adspectu corticem peruvianum, amarotica, & stomachica exhibere, ut est elixir proprietatis, sive *Garus*.

3. Quotidie ptisanæ cyathum propinare ex radice chinæ, sarsaparilla confectæ, aut decoctionem diureticam exhibere, ex asellis, chærophyllo, arcano duplicato &c. paratam cum oedema fungosarum carniū reproductionem inducat.

4. Tenuem diætam præscribere solo potu, oryxis, ceterisque farinaceis constitutam, carnes, atque vinum proscribendo, ne nimius sanguis producat.

5. Fe-



5. Febrem cito compescere, si qua adsit, ægrum phlebotomizando, purgando, ipsique apozeinata diluentia, aut febrifuga exhibendo.

6. Tandem animi tranquillitatem commendare, damna ostendendo quibus fiunt obnoxii ii, qui pathematibus laborant.

## CAPUT NONUM.

*De Ulceribus, quæ carnibus non replentur, sed in eodem statu persistunt.*

*Descriptio.*

**S**UB hac ulcerum specie omnia comprehenduntur ulcera inveterata, quæ absque vitio apparent, nec phagedenica sunt, nec valde callosa, nec sinuosa, nec fistulosa, nec ossis cariei commixta, ichorosum pus emittunt, non detergantur, nec carnes gignunt, aut solum spongiosas, quæ cito putrescunt, uno verbo eodem statu persistunt sine augmento, aut valetudine.

Medici Græci hujusmodi ulcera *chironia* ἑλκὺς χειρόνια appellarunt, quia centaurus Chiron (a) pede vulneratus a sagitta Herculis hydræ lernæ sanguine intrisa, hanc ulceris speciem diu passus est, a qua tandem convaluit usu plantæ cujusdam, quæ in posterum *centaurea* dicta fuit.

Eadem ulcera apud Medicos Græcos *telephentia* ἑλκὺς τηλεντία, etiam dicuntur quia putant *Telephum* (b) Herculis filium ab Achille vulneratum hoc ulcus diu passum esse, a quo Achillis ipsius ope convaluit.

Inter Medicos Latinos Celsus *chironia* pariter ipsa appellavit; nullum tamen apud nos speciale nomen habent, modo tamen crura non lædant ubi frequentiora sunt, & a Latinis luparum nomine insigniuntur.

*Causæ.*

Pertinacia horum ulcerum dependet vel ab alterutra sequentium causarum, videlicet a sanguinis vitio, qui pus suppeditat, aut a natura affectæ partis, vel ab ambabus hujusmodi causis simul junctis.

I. Sanguis hujusmodi ulcera multiplici ratione detinere poterit.

1. Quando acer, salitus, & ammoniacalis sit, quia tunc pus ejusdem vitii particeps fit, carnes erodit prout nascuntur; quare hujusmodi ulcera iis obvia sunt, qui lue venerea, scorbuto, aut strumis inficiuntur; iis vero, qui sanguine donantur ob hepatis obstructions multa bile onusto, iis denique, qui ob ciborum abusum acri, & salito sanguine pollent.

2. Quando sanguis spissus, viscosus, & resinofus est, nam pus in ulcere pari ratione viciatum arcte parietibus ulceris ita adhæret ut distrahi nequeat, quod carnum regenerationem impedit.

3. Verum etiam si serofus, & pituitofus nimis fuerit, ut serofum pus reproductas carnes nimis emolliat, citoque putrefaciat.

II. Natura affectæ partis simul concurrat ad hujusmodi ulcera confirmanda,

O 2

quan-

(a) Plinius Histor. natur. lib. 25. cap. 6.

(b) Plinius hist. nat. lib. 25. cap. 5. Ovid. lib. 1. de remediis amorum.



quando ipsa soleat corporis humoribus valde saturari; crura enim exemplum præbent in plethoricis præsertim, in quibus frequenter tument.

Putant nonnulli hujusmodi ulcera calidis regionibus frequentiora esse, ut in Provincia, & Aquitania, quam in septentrionalibus regni ditionibus, si hoc verum sit,tribuendum videtur falsedini, & acrimoniæ sanguinis, quæ lymphæ communicatur.

III. Pertinacia horum ulcerum ab alterutra causa derivare poterit, quæ si ab ambabus procedat, tunc ulcera eo deteriora evadent.

### *Symptomata.*

I. In hujusmodi ulceribus carnes minime reproduuntur ob deleteriam sanguinis indolem, vel si unquam renascantur, statim ab acri pure destruuntur, atque corrumpuntur, quia spongiosæ sunt.

II. Quare hujusmodi ulcera neque detergi, neque carnibus repleri nec proinde convalescere possunt.

III. Si pus acre erodendo ulceris cavitatem dilataverit, hoc boni ominis erit, sed plerumque hæc dilatatio vix sensibilis fit, quia vel pus necessaria acrimonia deficit, vel substantiæ deperditio a reproductis carnibus facile reparatur.

IV. Quandoque ulceris margines dum libero aeri subjiciuntur, callosi fiunt; sed hæc callositas exigua est, ut ipsi tribuatur ulcerum pertinacia.

V. Facile apparet hujusmodi ulcera plerumque sibi esse relinquenda, præsertim dum crura occupant, quia cauterii speciem constituunt, quæ salubriter prævos humores separant.

### *Diagnosis.*

Facile est addiscere naturam, statum & magnitudinem horum ulcerum, ipsa perpendendo, eorum duritiem vero ab ægrotis percontando; at difficilius morbi causa specialis detegitur: attamen si crura lædant, ut frequenter accidit, haud dubitaverimus naturam partis affectæ, & sanguinis deleteriam facultatem ipsa producere.

### *Prognosis.*

Ulcera chironia, sive telephentia, incommoda, molesta, curatu difficillima, & frequenter incurabilia sunt, graviori tamen periculo plerumque vacant.

Periculosa admodum esse possunt, si extendantur, excaventur, atque ad os usque pertingant; si sedem habeant in partibus oedemate, aut alio tumore affectis, quod gangrenam minatur, si a sanguinis vitio vetustiori, & pertinaciori detineantur.

Nihilo tamen minus convenit ipsa potius derelinquere ne penitus profligata impediant salubrem vitiatorum humorum effusionem, & pejora proinde symptomata inducant,

Idcirco juvat nunquam hujusmodi ulcera curare in subjectis cacheticis, senibus, aut in his, qui graviorem morbum pertimescunt, videlicet apoplexiam, paralytiam, guttam, asthmam, hydropisiam timent.



## Curatio.

Ulcerum veteratorum curatio non est suscipienda, nisi prius sanguinis vitia subacta fuerint, ipsum ab extraneis fermentis liberando, & continuo lactis usu dulcificando, ceterisque similibus edulcorantibus remediis.

I. Hac de causa specialibus sanguinis vitiis recognitis remedia erunt adhibenda singulis propria; quare

1. Si æger lue venerea, scorbuto, aut strumis laboret, frictiones mercuriales, remedia antiscorbutica, & antistrumosa prudenter erunt exhibenda.

2. Si sanguis bile oneretur ob hepatis obstructions, quæ ejusdem secretionem impediunt, remedia solventia, & aperientia opportuna erunt, diuretica præsertim, quæ bilem per urinas, aut purgantia, quæ per alvum ipsam divertant.

3. Si sanguis acer, & salitus sit, bile tamen non infectus, apozemata plantarum refrigerantium, & diluentium idonea erunt, jura pullorum cum iisdem plantis, & cancris fluviatilibus parata, aquæ minerales, si tempestas sinat, serum lactis depuratum, lac asininum, aut vaccinum simplex, vel decoctioni hordei, aut chinæ radici confociatum.

4. Si sanguis peccet ob nimiam spissitudinem, aut viscositatem, dilui poterit usu aquarum mineralium ferruginearum, ptisanæ sudoriferæ, decoctionum asellorum, aut viperarum, tum usu aperientium martialium, mercurialium, aut antimonialium, ex quibus boli, aut opiata confici poterunt aliquo etiam catartico idonea dosi addito.

5. Si sanguis serofus nimis videatur, exuberans serum, aut per urinas evacuabitur diureticorum ope; qualia sunt enula campana, pareira brava, pulvis asellorum &c. ex his opiata, aut bolos cum aliquo hydragogo simul conficiendo; vel ejusdem generis decoctiones asellorum, ptisana sudorifera, & decoctio Herniariæ &c. aut per anum evacuatur, bolos opiata, aut pillulas perscribendo confectas ex dyagridio, jalapa, mechoacana, gumi gutta, pulvere de tribus, quæ juxta ætatem, & ægri constitutionem moderabuntur.

6. Generice in omnibus casibus alvum ciere oportet modice tamen, ægris pariter quotidie exhibendo corticem peruvianum, & exactum regimen præscribendo cum qualitatibus, tum quantitatis ciborum respectu.

II. Si de remediis externis loquamur infra efficaciora magisque commendata concinna methodo enuntiabimus.

1. Digestivum vulgare plus, minusve ad suppurationem inducendam idoneum, ulceris conditioni appropriatum.

2. Ipsum subsequetur balsamum Arcei, unguento ægyptiaco, apostolorum, aut viridi confociatum, prout deterfio magis necessaria videbitur.

3. Cataplasma vero affectæ parti applicabitur ex foliis paratum cardui benedicti cum vino ebullitis, & adipe suillo, atque farina subactum.

4. Pariter tentari poterit unguentum nicotianæ Laurentii Jubertii in pharmacopœa Amburgensi descriptum, quod excellenter detergit, vel saltem ulcus identidem pulvere nicotianæ inspergi poterit.

5. Ulcus erit abluendum solutione lapidis medicamentosi, crolii, aut infusione globuli martis, vel decoctione scoriarum reguli antimonii.

6. Tangi poterunt etiam ulceris margines cum oleo expresso granorum



rum ricini vulgaris, quod adversus hujusmodi ulcera pro specifico habentur.

7. Generice raro his ulceribus mederi oportet, vel si unquam id cito fieri debet, ipsa nunquam perfecte exsiccando ne callosa fiant, sed linteis spiritu vini imbutis ea obducendo, idoneo modo locari debent ne nimis contrectentur.

8. Prout ulcus curatur, ex altera parte cauterium juvat aperire, ut pravi humores novam sibi pandant viam.

## CAPUT DECIMUM.

### *De Ulceribus, quæ difficulter cicatrizantur.*

#### *Descriptio.*

**D**antur ulcera nonnulla quæ promptam valetudinem promittunt, at nunquam convalescunt, licet simulent cute obduci. Quamvis suppuratio, deterfio, & carniū regeneratio satis feliciter progressa fuerit; cicatrizatio tamen nunquam perficitur, & ulcus semper detectum permanet, at si cute aliquantisper cooperitur, hæc leviter carnibus adhæret, & quamprimum evellitur.

Medici græci hujusmodi ulcera *dysaltica* appellarunt *Ελκιδυσπάλωτα* quod significat *curatu difficillima*.

#### *Causæ.*

Cum carnes, quæ ulcera replent, expansiones sint, aut evolutiones carniū cavitatis ejusdem ulceris, quæ per nutritionem crescunt, ita cicatrix sive cutis ulcera obtegens nil aliud erit, quam expansio cutis ab ulcerum marginibus productæ nutritionis pariter ope.

Attamen certum est in latis ulceribus frequenter post carniū reproductionem in medio ulceris punctula efformari insulata, quæ ab expansione filamentorum tendineorum, quæ ibi reperiuntur, dependent; hæc cicatrizantia puncta sensim increfcunt, veræ cicatrici, ut ita dicam, præcellunt, donec tandem cum ipsa coalescant.

Plures circumstantiæ simul concurrunt, ut circumpositæ cutis margines, & filamenta tendinea, aut membranacea mediastina extendantur, donec in cicatricem convertantur.

Itaque necessum erit 1. Quod carnes ulceris ad libellam sint cum propinqua circumposita cute.

2. Quod ipsæ levigatæ, complanatæ, & æquales sint.

3. Verum firmæ, solidæ, & roseo colore refertæ se offerant.

4. Denique quod circumposita cutis flexibilis, sana, & recens sit sine ulla callositate.

Ex conveſo igitur deducitur cicatricem impedire.

1. Carnes libellam excedentes vel contra, quæ imperfecte crescunt, ut cavum ulcus relinquant; in primo casu enim cicatrix ascendere, in altero vero descendere nunquam poterit.

2. Carnes nimis granulofas, & inæquales ut cicatrices omnes earum anfractus amplecti nequeat.

3. Car-



3. Carnes molles , & spongiosas , quia cicatrix nunquam ipsas obducere poterit , cum frequenter in pus revertantur .

4. Margines cutis corneos , & callosos , qui totidem obstacula constituunt producturæ cicatrici .

5. His addi poterit quinta causa , quæ cicatricis formationem difficiliorē reddit , nempe circularis vulneris figura : hanc veritatem Hippocrates ( a ) jam cognoscebat cum reliquis illius ævi Medicis . Hæc conformatio cicatrici nocet , quia puncta ipsi non suppeditat , quibus adhæreat , quare cicatrix se-  
gnius progreditur , faciliusque divellitur .

### Diagnosis .

Chirurgorum neminem latet propria experientia {maxima difficultatē ulcera cicatrizandi , vel saltem firmam cicatricem procreandi .

Facile recognosci poterit hæc difficultas modo animadvertatur quid ad cicatricis reproductionem requiratur . Quoad antecedentes , & remotas causas de-  
regendas pertinet , deduci possunt a temperamenti & regimine ipsius ægroti .

### Prognosis .

Molestum est haud posse cicatrice obducere ulcus jam diu pertractatum , sed hoc periculo vacat modo carnes molles , & spongiosæ aeri libero expositæ non putrescant , & ulcus reproducant .

### Curatio .

Ut cicatricis productio foveatur , causam valide hoc incommodum producentem oppugnare necessum est .

1. Si carnes excedant , lapide caustico , aut alumine usto erunt cohibendæ .

2. Si contra deficient , & ulcus cavum videatur , carniū reproductio erit expectanda , quæ haud infrequenter frustra desideratur , præsertim cum magna habeatur substantiæ jactura , aut alicujus ossis exfoliatio .

3. Si carnes inæquales , aut granulosa nimis appareant , lapis infernalis , aut alumen , ut de excedentibus diximus , convenient .

4. Si margines ulceris duri sint , cornei , aut callosi , renovabuntur ipsos lapide infernali , aut alumine usto , vel pulvere lapidis caustici tangendo , donec nova appareant cicatricis subcœrulea lineamenta .

5. Si carnes molles spongiosæ aut spumosa fuerint , lapide infernali , aut pulvinis unguento fusco imbutis consummentur , postquamquod firmior carniū reproductio erit promovenda , balsamum viride adhibendo .

6. Figuræ circularis respectu hæc plerumque tollitur difficultas longa cunctatione vel ad summum figuram mutando per incisionem aut lapidis caustici applicationem .

Generice cum agatur de acceleranda ulceris cicatrice , superficies exsiccari oportet ipsam cooperiendo spleniis spiritu vini imbutis , postea vero expressis , & exsiccatis inspergendo tutiam , cerusam , aut plumbum ustum sub-

( a ) Hippoc. lib. de Ulceribus .



tiliter pulverizatum, vel quod melius arridet terebinthinam in pulverem redactam, & aqua ebullienti induratum.

Raro hujusmodi ulcera contrectantur, ut prima cicatricis lineamenta firmari valeant. Utiliter usuevit lamina plumbea, admodum tenuis, atque pluribus pertusa foraminibus pro exitu puris, quo obducitur ulcus, & inservit carniū depressioni, ipsasque æquales reddit, atque ab aere tuetur.

Dum hujusmodi externa remedia impenduntur ad ulceris cicatrizationem fovendam, interna remedia non erunt contemnenda, quæ sanguinis vitia cohibeant, a quibus morbi pertinacia frequenter dependet.

Idcirco exactum regimen præscribere oportebit, ægrum lenientibus sæpe purgare necessum erit, ipsique lac exhibere si sanguis acer videatur, aut ptisana sudorifera si nimis pituitosus appareat. Demum animi, & corporis quies magnopere erit profutura.

En tandem ad finem operis nostri perducti, quod nisi pro rerum selectu legentium laudes mereri videatur, saltem pro horum morborum in Arte Elucubrationum inopia non erit profecto contemnendum.

F I N I S.



## EPISTOLA PRIMA,

*Circa compositionem quorundam remediorum, quorum utilitatem nonnulli  
jactant, sed compositionem abscondunt.*

**V**ir præstantissime, neque sollicitatione, neque auctoritate indigeo Medi-  
ci cujusdam Veteris, (a) qui quantumvis Idololatriæ tenebris obdu-  
ctus inhumanitatem eorum contemnebat, qui propria arcana recondita  
tenebant, ut remediorum Scorbuticorum D. Moreti præparationem patefaciam,  
aut Candelas D. Daran Chirurgi S. Cosmæ, vel emplastrum nigrum Abbatis  
Doyen tibi ostendam. Recognosce quæso necessitudinis jura; sat erit hoc te  
concupiscere, ut ego statim postulatus obsequar. Tu ipse, si lubeat, hanc  
elucubrationem publici juris facere poteris, quam si D. D. Abbas Doyen, Da-  
ran, & Moretus ipsi adhuc vigerent, mihi persuadeo haud contempturi essent.

Neque credideris præparationes remediorum infra allaturum a vera composi-  
tione admodum discrepare, ut suadere tentarunt ii, qui hujusmodi remedia  
arcana voluerunt; de eorum præparatione itaque certior factus sum a pluri-  
bus, qui mecum arctissimam tenent familiaritatem, & quoad emplastrum ni-  
grum attinet, ipsum mediate per amicum ab ipso Auctore obtinui. Præter-  
quamquod simile unguentum paravi, quod cum illo Abbatis Doyen compara-  
tum unum odorem, colorem, atque effectum præstabat.

Cum hæc remedia publici juris feceris medicinam nostram sapientissimam  
Artem tantummodo vindicabis; ad ipsam enim, ejusdemque opera hujusmodi  
remedia pertinent; ad hunc fontem plerumque Agyrtæ propria arcana solent  
haurire. Nolui omnes scorbuti tractatus pervolvere, ut remedia antiscorbutica  
invenirem; neque caruncularum uretræ opuscula, ab anno 1551. ad nos usque  
edita, ut candelas medicatas recognoscerem; neque in omnes Pharmacopeas  
inquirere ad detegendum emplastrum nigrum piceum; spero te aut majori pa-  
tientia, aut secunda fortuna præditum hoc facile inventurum esse.

Ceteroquin hujusmodi remedia quantumvis utilia, & efficacissima visa es-  
sent, id jugiter non præstaverint quod apud Medicos mirum profecto esset.  
Te non latet, Vir præstantissime, selectissimorum remediorum effectus a cir-  
cumstantiis plerumque pendere, in quibus exhibentur, quas recte cognoscere  
Medici potissimum est.

Oporteret enim hæc remedia patefaciendo circumstantias magis idoneas in-  
dicare, cautelas circa eorum exhibitionem magis necessarias enuntiare, ac uno  
verbo aliquid sapienter magis dicere, sed hæc perscrutari supervacaneum cen-  
sui, præsertim ubi tecum de ipsis agam, qui jamdiu mihi in hac arte præcel-  
lis, ut tuto asseri possit *Sapienti pauca*. Sed cum tu procul dubio eorum fa-  
cultates perscrutaturus fueris, rogo, obtestorque, ut circa hanc rem observa-  
tiones tuas ad me veniant, quibus rectum de ipsis judicium efformare valeam.

§. I.

---

(a) Scribonius Largus in *Prefat.* ad C. Julium Callistum.



## §. I.

*Remedia antiscorbutica D. Moreti.*

Ipse pluribus remediis in Scorbutii pertractatione est usus, quæ infra concinno ordine referam.

## I.

*Vinum Antiscorbuticum. (a)*

Hoc vinum potissimum erat remediorum D. Moreti, quod sæpius exhibebat, magisque commendabat, ipsumque sequenti ratione conficiebat.

℞. *Radicum Raphani rustic.* ℥ xii.  
           *Bardanæ* ℥ vi.  
       *Foliorum Cochleariæ*  
           *Nasturtii aq.*  
           *Becabungæ*  
           *Fumariæ aa.* m. ii.

Hujusmodi plantæ, atque radices probe abluuntur, postea conteruntur, atque in pulmentum rediguntur. Uno eodemque tempore uncia quinque seminum sinapis quassantur. Hæc omnia deinceps in cucurbitam intromittuntur cum decem, & quattuor lagenis optimi vini Burgundiæ; adduntur tres drachmæ salis ammoniaci, & cucurbita obtegatur frustulis quamplurimis papyraceis circa orificium ductis, & in balneo maris lento admoto igne per duodecim horas saltem relinquitur. Insuper cucurbita frigefacta liquor valide exprimitur, & probe obductis ampullis servatur per duplicis mensis spatium, si lubeat.

Dosis hujus remedii pro adultis est duplex cyathus, quotidie propinatus sex uncias complectens; prior mane sumitur decumbendo adhuc per bihorium, alter duabus horis a prandio confectis hauritur, ita proseguendo donec integra valetudo restituatur, optimum interdum regimen servando, ptisanam jugiter potando ex radice chinæ vulgari ratione confectam, raro vini parum hauriendo.

Minori dosi hujusmodi vinum infantibus, & junioribus exhibetur prout ætas, temperamentum, & vires postulaverint.

*Monita.*

Hoc vinum antiscorbuticum ex radicibus, atque plantis conficitur antiscorbuticis validioribus, sinapis semen, & sal ammoniacum largiori dosi impenditur, quæ omnia vino albo meraco infunduntur. Quamobrem hoc remedium tanta virtute pollere debet, quæ in antiscorbuticis vulgaribus remediis obvia minime est.

Nihilominus quamvis hoc remedium utile quidem evadat, in ejusdem tamen usu caute erit incedendum.

I. Vi-

(a) In quinta editione Pharmacopœe Parisiensis, anno 1758, pag. 23, observatur compositio vini cujusdam ab hoc haud absimilis.



1. Vinum hocce valde calefacit ac proinde modica dosi non modo adultis, verum infantibus, & junioribus erit propinandum. Identidem ab ejusdem usu erit abstinendum ut per intervalla exhiberi possint decocta humectantia, temperantia, & refrigerantia, deinceps ad vinum medicatum iterum confugiendo, si opus requirat.

2. Hoc monitum præsertim animadverti oportet in scorbuticis bilioso temperamento donatis, ubi per tussim molestumque scretum pulmo affectus cognoscitur, vel febris hæctica præsens, aut proxima sit. In hujusmodi circumstantiis sanum erit consilium vinum antiscorbuticum minime propinare, nisi assiduo lactis usu superindicata symptomata jam subacta videantur.

3. Tandem hoc vinum purgat, & valide quandoque, quod Medici attendere debent, qui norunt quantum detrimenti a crebra purgatione scorbuticis obveniat.

## II.

*Catarticum resolvens.*

D. Moretus antequam vinum propinaret, quotidie alvum movebat in hac methodo persistendo per octo subsequentes dies: hunc in finem sequentem bolum præscribere solebat.

R. *Trochiscorum Alahandal.*

*Scammon.*

*Mercur. dulc.*

*Extract. Aloes aa.*  $\mathfrak{z}$  iv.

*Diaphen.*  $\mathfrak{z}$  vii.

Terenda in pulverem redigantur & cum sufficienti copia syrupi absinthii simul subigantur, ut opiatum perficiatur, cujus dosi juxta vim, ætatem, & constitutionem ægroti a scrupulo ad drachmam erit moderanda.

*Monita.*

Fastidium sumpsit subducendi rationem simplicium, quæ hanc compositionem inurant. Singula enim drachma complectitur novem grana, &  $\frac{3}{4}$  trochiscorum alahandal, totidem scammonii, totidem mercur. dulc. totidemque aloes, cum decem novem &  $\frac{1}{2}$  diaphenici, reliquum est syrupus absinthii. Dummodo ad scrupulum exhibeatur, qui tertiam partem drachmæ comprehendit, periculo vacat, sed dosi illa largior ad drachmam usque producta nimia mihi videtur. Omnes Medici norunt in scorbuto purgantium acrium, & resinosorum usum magnopere nocere. In hoc morbo enim interna tubi intestinalis facies scissaris, vel ulceribus frequenter deturpatur, vel saltem varicibus refertur; ex his remediis itaque procedunt fluxus ventris colliquativi, dysenteriaë gangranosæ, & hamorrhagiæ intestinorum, quæ sæpe scorbutum comitantur, quare prudentis Medici erit superallata remedia provide, atque tempore in hoc effectu vitari.

Certum est, in scorbuto non esse infantibus alvum ciendum, nisi syrupo rosarum pallentium, cichorei composito, aut pomorum; & cum adoleverint, cochlea-



cochlearia infusionis fennæ, aut rhabarbari, cum syrupo purganti, aut manna; tandem in adultis vulgaris potio catartica exhiberi poterit ex infusione confecta rhabarbari, fennæ, & salis vegetabilis cum decoctione tamarindorum pauca addita manna: at minus laudo purgans D. Moreti modo intestino-  
rum constitutio sanissima non videatur.

## I I I.

*Remedium ad gingivas exulceratas.*

In scorbuticis gingivæ continuo scædantur, emolliuntur, spongiosæ fiunt, aut exulcerantur, obvertuntur dentes insulatos relinquendo, putrescunt, atque male olent, quod postremum dentium casum prænuntiant.

His phenomenis D. Moretus duplex afferebat auxilium. *Alterum* cum morbus ultimum perniciæ gradum attingebat; *alterum* initio aut leviori morbi gradu.

En vobis præparationem prioris.

℞. *Salis ammoniac.* ℥ ii.  
*Camphoræ s. p.* ℥ i.  
*Spiritus vini* ℥ vi.  
 M. pro usu.

Hac mistura gossypium imbuitur, quo gingivæ putrefactæ detergantur, fricantur, atque humectantur terque, quaterve in die pro ægri statu & morbi gradu.

Cum gingivæ mundificatæ apparebant, D. Moretus sequens remedium exhibebat quod alterum sistit arcanum.

℞. *Foliorum cochleariæ* m. ii.

Terantur probe, atque in cucurbitam reponantur cum triplici aquæ vitæ lagena: apparatus per duplicem diem in balneum maris relinquatur. Deinceps materia ad duas tertias partes distilletur.

Cum hoc liquore D. Moretus gingivas abluebat, atque fricabat, & morbo urgente pluries in die opus iterabat, frequenter etiam sal ammoniacum affundebat ad scrupulum pro singulis sex uncis.

*Monita.*

Hujusmodi remedia nihil mirabilis habent, ut quamplurimis decoctionibus præcellant, quæ adversus gingivarum erosionem commendantur, idcirco ut libuerit, inter Moreti arcana & reliqua auctorum obvia magis idonea eligi poterunt.

Sed quodcumque remedium adhibeatur, potissimum convenit quidquid in gingivis putridi extat primum evellere; postea remedia propius agendo tutiorem effectum præstabunt.



## I V.

*Linimentum antiscorbuticum.*

In scorbuto inveterato crura, fœmora, & aliæ partes quandoque rubris maculis fœdantur, lividis, & nigerrimis, plus minusve extensis, aut confertis; Interdum etiam digito premendo durities, aut callositates indolentes observantur. His maculis D. Moretus medebatur ope linimenti sequenti modo parati.

℞. Saponis nigri ℥ vi.  
 Camphoræ rasæ ℥ ii.  
 Salis ammoniaci s.p. ℥ iii.  
 Aquæ vitæ unam lagenam  
 Misce diu succutiendo.

Cum hoc remedium adhiberi vult, ejusdem duo vel tria cochlearia leviter calefacta sumuntur, quibus maculæ, aut durities fricantur, usque dum liquor omnis evanescat. Hæc frictionis species pluries iterari poterit.

*Monita.*

Hoc remedium haud inutile est, & impendi potest modo sapo niger, qui causticus est in fricatis partibus bullas non elevet, quod in scorbuticis facile evenire posset ob cutis tenuitatem, sed saponis dosim imminuendo hoc vitabitur incommodum.

## §. I I.

*Candela cereæ D. Daran.*

Dominus Daran duas potissimum Candelarum species adhibebat: aliæ resolventes dictæ, quæ revera catharticæ nonnihil erant; aliæ dulcificantes.

## I.

*Candela resolventes.*

℞. Olei olivarum ℔ i.  
 Vini rubri ℔ s.  
 Columbi vivi, sive pulli n. i.

Ponantur omnia in vase fictili, & bulliant ad vini consumptionem. Removeatur tunc animal, & in reliquo liquore solvantur.

Ceræ flavæ  
 Picis Burgundiæ aa. ℥ iv.  
 Spermatis Ceti ℥ ii.  
 Diabetani ℥ i.

Adda.



Addatur tunc pulvis solearum combustarum a drachmis duabus ad uncias duas, prout cathæreticam candelarum virtutem intendere volueritis. Commisceantur omnia, usque dum unguenti formam suscipiant, quod cognoscitur linteum immergendo ipsumque postea frigefaciendo. Deinceps plura fragmenta veteris linteoli erunt hoc linimento obducenda, quæ cum frigefacta fuerint, in totidem frustula pedem oblonga plus minusve lata secari poterunt. Animadvertendo, ut alterum extremum angustius sit. Denique ipsa manibus contractantur, & supra levigatum marmor expoliuntur, donec necessariam durtiem, & nonnihil pyramidalem formam adipiscantur.

## I I.

*Candelæ dulcificantes.*

℞. Cere virginis ℥ viii.  
 Spermat. ceti ℥ iii.  
 Unguenti ros. ℥ ii.  
 Unguent. cerus. ℥ ii.

Omnibus simul solutis parum olei amygdalarum dulcium affunditur, modo solidum nimis videatur emplastrum. Deinceps candelæ cereæ super relata ratione conficiuntur.

*Monita.*

Priores Candelæ revera cathæreticæ sunt relate ad combustas soleas. Ipsæ enim valent internam canalis faciem leviter rodere, præsertim ubi arctæ magis adhæreant, ibique solutionem, & suppurationem promovent, & cavitationem extendunt. Animadvertendum tamen est, ne ipsæ nimis cathæreticæ sint, quæ profundiores scissuras producant, nam supervenientes cicatrices magis magisque canalem coarctarent.

Quo ad alias candelas dulcificantes pertinet, ipsæ periculo vacant; pro crassitie enim canalem dilatant, & pro oleis quibus saturantur, ipsum emolliunt, & nisi frequenter adhibeantur, vix conferre poterunt, quia uretra semper constringitur.

Similes Candelæ confici possunt ex cera virgine, spermate ceti, & oleo amygdalarum dulcium, vel ex cera virgine, butyro, cacai, & unguento bisimalvæ, hæc idonea dosi simul subigendo, ut necessariam consistentiam Candelæ adipiscantur.

## §. I I I.

℞. Emplastrum D. Ab. Doyen  
 ℞. Foliorum Bugulæ  
     Saniculæ  
     Pimpinellæ  
     Verbenæ  
     Agrimonie  
     Anagalidis  
     Chelidonii aa. m. ii.



Quæ simul pendebunt tres vel quatuor libras.

Deinceps abluantur ac mundificentur hujusmodi plantæ, vase fictili repontanur, tres lagenas vini albi Campaniæ affundendo, obducatur vas, & probe lutetur, ebullitio lento igne protrahatur donec omne consummetur vinum. Vase frigefacto per validam expressionem extrahatur decoctio.

Succus hicce expressus fictili vase ponatur supra lentum ignem identidem in fragmenta immergendo.

*Picis albæ* ℥. i. ℥. iii.

*Ceræ virginis* ℥. iii.

Subigantur omnia ligneo baculo, verum addatur.

*Masticis triti* ℥. i.

Quo fuso vas ab igne removeatur superaffundendo

*Terebintbinæ venetæ* ℥. i.

Omnia iterum subigendo usquedum frigefacta materies in rotulas compingi possit.

Hoc emplastrum adhibetur ad solvendas glandulas duras, & scirrhas, callositates, lupas, ulcera inveterata & carcinomata mammarum profliganda.

Prædicatur ipsum speciatim adversus fistulas, & tumores ani, tum hæmorrhoides internas cum induruerint. Ipsum super alutam extensum affectæ parti emplastrorum more applicatur.

Sed si agatur de hæmorrhoidibus, aut fistulis internis, sub suppositorii forma tres lineas crassi, & pollicem oblongi filo nexi intromittitur.

En Tibi, præstantissime Vir, remedia, quæ cognoscere optabas. In hac mea ipforum ostensione obsequium erga te meum habet, & vale.



## EPISTOLA SECUNDA.

*Circa naturam, & exitum novorum remediorum, quæ ad morborum venereorum medelam proponuntur.*

**N**OVUM itaque onus, & quidem primo gravius, ac difficilius mihi imponis, cum me postules quid de recentiorum remediorum, quæ ad lues venereas proponuntur, natura, ac exitu sentiendum sit. At quod mihi est gratius, hoc me flagitas firma amicitiae confusione suafus, me tibi esse satisfacturum. Tibi obediam, eoque animi candore, quem in me semper commendavisti, tuæ huic cupiditati serviam.

Quæ paucis abhinc annis recenter proponuntur ad medendas lues venereas, possunt ad duo capita reduci.

1. Ad media, quæ tutiorem, ac faciliorem reddant communem methodum, mercurium facultate spoliando, qua ipsum pollere contenditur, salivationem excitandi.

2. Ad remedia secreta, quæ loco frictionum maxime commendari curantur. Curatio, ut vides, lucrosa induci sub aliquo prætextu vellet. De primo breviter agam; at de altero, quod magis interest, majora verba faciam.

†. Tibi compertum est, plerumque salivationem esse vitandam; ministrando frictiones; quinimmo fere semper est vitanda, eo magis, quod est certum prudenti frictionum administratione morbum radicaliter sanari posse, quin ægrotus ulli fastidio, aut salivationis incommodo subjiciatur. At infeliciter sæpe falluntur, cum aut prudentia, aut attentio deficit, & salivatio supervenit, quoties minus esset producenda, aut omnino evitanda. Utilissimum itaque videretur, iis potissimum, qui in hujus remedii ministratione satis experti non sunt, quantum fieri posset, tuto mercurium impedire ne salivationem produceret, quæ semper incommoda est, & nunquam absolute necessaria.

Non multo abhinc tempore plures hoc secretum invenisse jactarunt, & omnia diaria de merito hujus inventi locuta sunt. Imo cum ab ipsis hujus inventi rationes postulaverint, audacter promiserunt; At de his nullo modo solliciti fuerunt, cum secretum innotuit, compertumque fuit (a) in eo situm esse, quod camphora cum unguento mercuriali misceretur, simulque subigeretur.

Tunc facile fuit judicium de hoc invento efformare; ac experimentis iteratis apertissime fuit demonstratum, camphoram unguento mercuriali conjunctam nihil qualitatum mercurii adimere; unguentum ita dispositum, non secus ac commune salivationem gignere, & esse solum impensam, ac prorsus inutile camphoram in hujus unguenti compositione adhiberi. Hoc inventum uno verbo sic proclamatum a se ipso cecidit, ac ab iisdem hodie relictum, qui tanto animi ardore promulgarunt. Fortassis hujus erroris causam non vides: quæ utpote peculiaris animadversionem meretur. Neminen latet mercurium tanquam venenum frigidum ab omnibus semper consideratum fuisse, & cum

---

(a) Dicitur D. Dupou Chirurgum, ex eorum unum, qui idem secretum habere contendebant, nihil unguento adjungere; at ad agendum uti mercurio revivificato, æthiope antimonii loto, ac in aceto destillato ebullito. At tanto studio, nihilominus salivatio ab ejus unguento, ut a communi excitabatur, nec magis valebat.



cum ejus usus in unguento pro morbis venereis invalere cœpit, ad hanc frigiditatem corrigendam multum calidarum drogatum impendi solebat; hujusmodi erant oleum lauri, anethorum, rutæ, lumbricorum, pulveres radicum zidoariæ, aristolochiæ, enulæ campanæ, bryoniæ, pyrethri, gingiberis, euphorbii, gummi ammoniaci, aloes &c. Hic timor post longum tempus evanuit; & unguentum mercuriale solum simplici mercurio extincto, & adipe porcino dulci preparatur. Interim quodam hujus erroris effectum, Paulus Hermanus Leydenensis Professor in tractatu ceteroquin æstimabili, *Cynosura materiæ medicæ* inscripto dixit, pro corrigendo mercurio nonnihil camphoræ mercuriali unguento esse adjungendum; pro correctorio, inquit, (a) adde aliquid camphoræ.

En erroris principium; hoc verbum plures decepit, qui ignorantes aliud in mercurio præter qualitatem salivationem promovendi corrigi posse, de hujus correctione solliciti crediderunt, maximumque secretum in celebri Auctore invenisse, quod omnium visum effugerat, gavisique sunt. Pleni hujus inventi utilitate, de qua ipsis nullum erat dubium, ea fiducia promulgarunt, quæ profecto non obscure ostendit ipsos potissimum summa insipientia pollere.

II. Quod autem ab aliquibus susceptum est, qui usui certo & efficaci mercurialium frictionum remedia inefficacia, incerta, perniciose substituere volunt, hoc multo majorem vituperationem meretur.

Quantumvis modice luis venereæ historiam scienti compertum erit, in hujus morbi initio quinquaginta fere annorum cursu nil aliud in usu fuisse, quam simplex mercurium in unguentum conversum, quod quisque suo judicio faciebat; at quoties chymica vigere cœpit, chymici omnes mercurium propria peculiari methodo parare conati sunt, ut ipsius virtutes, ajebant ipsi, adaugerent, malisque ipsum proprietatibus privarent. Hinc venit præcipitatum rubrum, turbitum minerale, præcipitatum viride, præcipitatum solare, Hercule Bovii, arcanum corallinum &c. quæ nonnullis abhinc annis pro lue venerea tuto adhibentur, audacterque frictionibus mercurialibus anteponuntur. At tandem inutilitas horum remediorum, perniciesque patefacta est, & tandem proscripta sunt. Ex his omnibus præparationibus sic commendatis in usu interno adhibentur solum mercurium dulce, panacea mercurialis, & plures æthiops species, quæ a medicis practicis adhibitæ aliquam fortasse possunt utilitatem præferre; nunquam tamen inveteratum morbum radicaliter sanabunt.

Hisce remediis tanquam perniciosis rejectis sublimatum corrosivum substitui contenditur, venenum omnium actuosissimum, ac violentissimum. Vides quousque præoccupatio quoad hoc caput pervenerit, quod maximam tibi admirationem allaturum credo.

I. Paulus Hermanus Leydenensis professor (b) in materia medica jam dicta proposuit in gonorrhœa duo grana esse interne sumenda sublimati corrosivi cum sufficienti quantitate jusculi glycyrrizæ siliquosæ copulata; ad faciendum bolum; R. Mercurii sublimati gr. ii. includ. succ. glycyrr. q. s. f. pilul. involvendæ auro foliato, deglutiantur. Addit autem hoc ægrotis nisi valde robustis non esse exhibendum: hoc tantum robustissimis esse exhibendum. Monitum est quidem opportunissimum, quamvis dubitem homines dari ita fortes, ut absque periculo

*Asiuc de Tumoribus.*

P

duo

(a) In verbo *Mercurius vivus* p. 95.

(b) In verbo *Mercurius sublimatus* pag. 87.



duo grana sublimati corrosivi suscipere possint, & sim certus D. Hermanum ulli unquam præbuisse, nam ab adverso exitu edoctus ipse fuisset.

II. Ante ipsum remedium hujusmodi, prout dicit D. Turner (a) in usu esse coeperat; At Empiricum, quod adhibebatur, hac majori circumspectione fiebat. Fundebatur drachma sublimati corrosivi in uncia una s. spiritus vini, qualibet die decem aut duodecim, aut etiam quindecim hujus solutionis guttarum in cyatho ptisanæ avenæ sumebantur, quod qualibet haustione facit ferme quintam partem grani sublimati corrosivi. D. Turner jure hanc methodum arguit; At Vviseman Chirurgus Anglicus qui multo ante simile factum tulerat (b) (anno 1670.) eandem attentionem non habuerat.

III. Dom. Boerhaave hunc sublimati corrosivi usum cognovit, atque approbavit. (c) "Granum unum, inquit (d) sublimati corrosivi aquæ unciam dilutum, dat remedium cosmeticum prudenter usurpantibus . . . si drachma talis mixturæ syrupo violaceo mitigata potetur bis terve in die, mira præstat in multis morbis incurabilibus.

Juxta hanc methodum, quælibet drachma hujus mixturæ continere debet octavam partem grani sublimati corrosivi; sic hanc drachmam duabus, aut tribus vicibus in die exhibendo, ægrotus quotidie duas aut tres octavas partes sumet unius grani sublimati. Hæc dosis, ut patet, illa Empirici Londinensis fortior est. Ita D. Boerhaave advertit hoc remedium esse usurpandum: at prudenter a prudente medico. Abstine, si methodum nescis. D. Boerhaave melius se gessisset si remedium tam suspectum nullo modo proposuisset, aut saltem ejus adhibendi methodum, præcautionesque necessarias docuisset, quibus malis effectibus occurrendum aut medendum est.

IV. D. Van-Svieten, celeberrimus D. Boerhaavii discipulus, & primus Imperatricis medicus post aliquot annos modum proposuit præparandi, atque ministrandi remedium quod a Boerhaave tantummodo indicatum fuit. En descriptio, quam D. Astruc typis edere fecit, quam a Medico magnæ notæ origine Germano habuisse testatur.

„ Ponuntur in vitreo excipulo duodecim grana sublimati corrosivi fideliter parati; desuper funduntur duæ libræ ptisanæ, aut decoctionis glycyrrizæ, aut racemorum siccorum. Ponitur excipulus supra calefcentem cinerem, quandoque remiscetur, donec sublimatum sit perfecte fusum, nec ullus atomus appareat.

Qualibet mane 25. aut 30. dierum spatio juxta effectum ægroto jejuno cochleare exhibetur hujus solutionis in cyatho ptisanæ, aut decoctionis glycyrrizæ, aut racemorum siccorum, cujus aliquis alius cyathus intra mane erit ab ægroto hauriendus.

D. Astrucius asserit animadvertisse ad calcem hujus dissertationis „ Dominum Van-Svietenium hoc remedio 128. ægrotos sanasse citra ullum incommodum. Ac inter illos duos, vel tres tantummodo levi salivatione correptos fuisse.

Hoc remedium paratur solvendo duodecim grana sublimati corrosivi in libras

(a) Syphilis. *A practical dissertation on the venereal disease* pag. 99.

(b) *Several Chirurgical Treatises*, in Fol. London. 1676. cap. 2.

(c) Chem, part. iii. *Process. excusii*.

(d) In monito tertiæ editioni addito de Morb. Mul. p. 113.



bras duas, aut triginta duas uncias ptisanæ, vel quod idem est, sex grana sublimati in sexdecim uncias liquoris.

Idcirco pro singulis quattuor unciis ptisanæ habetur granum unum, & semis sublimati corrosivi, vel quod idem significat, duodecim octava, ex quo consequitur singulam unciam tria grani octava complecti, & singulam semiunciam tria sexdecesima grani sublimati comprehendere. Exhibetur enim singulis diebus cochlear, aut uncia semis hujus ptisanæ præparatæ, videlicet quotidie exhibentur tria sexdecesima, vel quod idem sonat, unum octavum cum dimidio grani sublimati corrosivi, quod æquat dimidiam dosim celeberrimi Boerhaavii; sed hæc dosis perfecte cum Boerhaavio conveniret, si bis in die exhiberetur, ut Van-Svvietenius admonet in epistola ad D. Morandum missa Secretarium Academiæ Chirurgicæ. (a)

V. D. Astrucius fatetur usum sublimati corrosivi adversus luem veneream Lutetiæ Parisiorum jamdiu invaluisse, distributumque olim fuisse domi Celsissimi Ducis de Antino sequenti modo paratum.

„ Solvebatur uncia una sublimati corrosivi in lagenâ aquæ fontanæ, quod  
„ duas circiter libras æquat; Quotidie tres cyathi infusionis sennæ præparaban-  
„ tur, & singulis affundebatur gutta una hujus solutionis, verum per aqua  
„ intervalla tres infusionis cyathi hauriebantur, postea obvium regimen pro-  
„ sequebantur.

„ In progressu singulis diebus dosis solutionis ad guttam augebatur, &  
„ pari ratione in primo cyatho infusionis sennæ mane propinabatur, reliqui  
„ duo cyathos paulo post exhibendo. In hac methodo erat persistendum quo-  
„ tidie guttam solutionis addendo, donec nausæ excitarentur, & tunc  
„ retrogrado cursu imminuebatur solutionis dosis, donec ad unicam guttam  
„ reduceretur.

Hac ratione curatio triginta, vel quadraginta diebus plerumque perdurabat; si enim supposuerimus trigintaquattuor dies, æger in curationis cursu sumpsisset 306. guttas hujus solutionis, sive quattuor drachmas cum quadrante, quod æquabat paulo ultra octavum drachmæ, vel decem aut undecim grana sublimati corrosivi pro integra curatione. Hæc quantitas in 34. dies subdivisa tertium grani pro singulo die suppeditat, quæ dosis parum superat illam Boerhaavii. Sed in hac methodo quotidie purgabatur æger, ac proinde facultas sublimati corrosivi imminuebatur.

VI. Eodem circiter tempore Chirurgus quidam militum prætorianorum Petrus dictus apud nos sublimati corrosivi pilulas exhibuit sequenti ratione.

P. 2.

R. Su-

(a) Specimen epistolæ D. Van-Svvieten ad Morandum missæ die 5, Aprilis 1755.  
En tibi methodum, qua luem veneream vindobonæ curavi.

R. Mercurii sublim. corros. g. xii.  
Spiritus frument. semel rectif. lib. ii.  
m.

Mane, & vespere cochlear unum hujus liquoris exhibebam affatim propinando ptisanam confectam ex hordeo, radicibus Althææ, glycyrrizæ convalebant absque salivatione ventris fluxu vel alio incommodo, nonnulli sudabant, alii copiose mingebant; superiori anno tercentum convalescerunt, hoc anno usque adhuc ducentum. Sunt & alii tercentum paucis abhinc diebus nosocomium ingressi ad eandem curationis methodum subeundam. Medicus Regiæ Hispaniarum per litteras mihi retulit idem expertum esse feliciter.



B. *Sublimat. corrosiv.* ℥ i.

*Aquila albæ*

*Antimon. Diaphoret.*

*Antihæctici Poterii a.* ℥ ii.

*Micæ panis f. p.* ℥ iii.

m. & cum *Gummi tragacanthæ f. q.* fiant pilulæ ponderis unius grani.

Per dies triginta decem, duodecim, aut quindecim harum pilularum quotidie exhibebat, immediate cibum potumque aqueo-vinosum exhibendo.

Massa totalis harum pilularum comprehensa solutione gummi tragacanthæ æquabat triginta sex drachmas, quarum una sive 72. grana erant sublimati corrosivi, videlicet duo grana pro singula drachma, quod æquat trigesimam sextam partem grani sublimati pro singulo grano massæ pilularum. Idcirco duodecim grana harum pilularum, quæ singulis diebus ingurgitabantur, completebantur duodecim trigesimas sextas partes grani sublimati, vel quod idem sonat, tertiam partem unius grani sublimati corrosivi, quod cum præcedentibus dosibus omnino convenit.

VII. D. Keyserus nuper Parisiis sibi proposuit morbos venereos profligare; diaria jugiter prædicant ejusdem remedii eximiam facultatem, & felices eventus, & ipse nihil derelinquit, ut hanc medicinæ provinciam sibi comparare possit; itaque maximi interest hoc remedium investigare, prout permiserit hoc remedium celandi Auctoris cura, ut optimum de ipso judicium ferre valeamus.

Priorem præparationem hujus remedii arcanam faciunt; intra cubiculum enim Dominus Keyserus occlusus aromata molebat, ut ferunt sui remedii basim constituentia. Hinc enim materies mollis, & grumosa obtinebatur, quæ intra cubiculum minus reconditum posteriores præparationes suscipiebat. Deinceps bajulo committebatur, qui post longam triturationem supra porphiritem ipsam moleret, quod opus ad intimiorem subactionem tantum inservire videtur. Bajulus iste prout materiam molebat, identidem guttas aliquot aceti fundebat ad acrimoniam fortassis hujus materiæ obtundendam. Trituratio producebatur, usque dum materies satis inspissata videretur; tunc bajulus alter supra marmoream tabulam stultuli ope materiem in bractæ speciem extendebat. Stultulus ille in extremis parumper ita obversos ostendebat margines, ut bracteam uniformiter per omnem latitudinem ad lineæ profunditatem crassam relinqueret.

Sumebatur tunc conus excavatus ad apicem exiguo foramine circulari, & circa limbos incidente instructus. Admoto pluries hoc foramine bractæ, ut ostendimus, uniformiter crassæ totidem portiones separabantur perfecte æquales, ita perdurabat labor, donec conus bractæ portionibus repleretur. Verum hujusmodi portiunculæ saccharo albo subtiliter contrito obducebantur, & si earum quæpiam imperfectam rotunditatem ostenderent, ipsas manibus contrectando ad perfectam sphericam figuram redigebantur; reliquum totius bractæ novæ massæ extendendæ permiscebatur, iterumque opus inibatur.

Hujusmodi sunt rotulæ, sive Trochisci D. Keyseri, quarum magis obviæ quinque grana æquabant, exiliores hujus ponderis  $\frac{1}{2}$  attingebant, sed aliæ crassiores quindecim grana pendebant. Pro variis Trochiscorum magnitudinibus perficiendis conos adhibebat in iis rationibus diversimode perforatos.

Hujus-



Hujusmodi *rotulæ* tantummodo Keyseri arcanum constituebant. Postquam per venæ sectionem, purgationem, & aliquot balnea ægrum præparaverit, prima die unicam rotulam hujus remedii exhibebat, altera die duplum, tertia triplum ita dosim juxta arithmeticam seriem quotidie increcendo, donec ab adventu alicujus nocui symptomatis desistere coactus esset.

Hæc symptomata plerumque solent esse vomendi conatus, intestinorum tormina cum tenesmo, cordis anxietates, cardialgias, atque salivationem, in hoc tamen ab illa frictionum mercurialium diversam, quod buccæ interior majori inflammatione, atque dolore afficeretur, minus tamen salivæ funderet.

D. Keyserus eandem methodum non semper prosequitur.

Modo curationem incipit ab exiguis rotulis unius grani cum semisse, sed frequentius quinque granorum.

Modo quotidie dosim auget unius rotulæ, & si ab aliquo symptomate superveniente coactus desistat, medelam resumit ab eadem dosi, sub qua destiterat, quotidie iterum unam remedii rotulam addendo.

Modo postquam certa ratione dosim auxerit, retrogreditur, demum intendendo rotularum dosim, prout ipse crediderit.

Modo tandem, quando morbus huic arcano valde obsistat, quod frequenter accidit, mercurialibus suffumigiis ægrotum subjicit, quibus totum corpus exponit capite excepto. Dicunt etiam quandoque frictionibus usum esse.

Hujusmodi Keyseri pertractatio plerumque duplicem mensem perdurat, sed interdum ad quinque, vel sex protrahitur, sub integra curatione centum, & triginta, vel centum & quadraginta rotulæ sumuntur, haud infrequenter tamen quadringentæ, aut quingentæ earum ingurgitantur.

Ex his facile deduci potest, hujusmodi arcanum importare compositionem pulmenti grumosi, quod Auctor clam patrat, & terendum bajulo suppeditat. Non abs re fortasse mihi suspicari licebit hoc pulmentum ex manna communi conflari, & pulvere quodam albo, qui a D. Keysero paratus certa quadam ratione cum reliqua massa commiscetur.

Quoad mannâ attinet, certum est ingredientia hujus remedii satis abluta, atque exuberanti Sacchari portione spoliata, gustum mannæ ore detenta sensibilibiter præbere; deinceps eadem ingredientia flammæ admota neque indurescunt, ut pulmentum, neque inflammantur, ut cera, aut resina, sed funduntur, ebulliuntque, ut mannæ mos est.

Tandem aliunde scimus cubiculum D. Keyseri magnam quantitatem mannæ ingredi, quæ nunquam revertitur, quod confirmat, hanc materiam basim constituere enunciati remedii, quod defensores Keyseri negare non audebunt.

Pulveris vero albi respectu, qui a Keysero reconditus magis tenetur, ipse porro mercurialis præparatio videtur, quia venereos morbos sanat, & salivationem movet, quinimo suspicari licebit sublimatum corrosivum esse.

D. Keyserus exiguam copiam hujus pulveris erudito cuidam Medico largitus est, qui sequens experimentum instituit. Calefecit enim, absquequo exscanderet cochlear metallicum supradictum pulverem affundendo, cum æquali simul quantitate præcipitati tum albi cum rubri; pulvis Keyseri avolvit omnis, & præcipitata citra sensibilem jacturam superfuerunt.

Hæc experientia quantumvis simplex videatur, tamen ostendit pulverem Keyseri minime præcipitatum mercurii esse, quod fixitate pollet, sed sublimatum quodpiam mercuriale facilis sublimationis ergo. Neque sublimatum dulce videtur, quia Auctoris doses exiguæ sunt, ergo sublimatum corrosivum esse debuerit.



Insuper ex eo suspicio nostra confirmatur, quod remedium Keyseri nauseam moveat, & vomitum frequenter, tormina, tenesmum, languorem, atque cordis anxietates, quod ostendit hujusmodi arcanum stomachum, & intestina ilacessere, ac proinde corrosivum esse; hac enim de causa D. Keyserus, qui satis indolem, & qualitatem sui remedii novit, ipsum vespere post coenam tantum exhibet, ut alimenta ipsum implicando, ejusdem efficaciam imminuant, atque stomachum tueantur. Eos enim qui ab hac methodo recesserunt, poenituit, prioremque sumendi rationem statim receperunt.

Deiideratur enim dosim sublimati corrosivi statuere, quæ singulas rotulas intrat, ut appareat quantitas ingurgitati sublimati pro integra curatione; sed hoc ignorare fateor, quod ipse Keyserus fortasse ignoravit. At exigua videtur pro singula rotula sublimati copia, nam quidam ægri interdum earum viginti quinque intra diem ingurgitarunt. Modo vigesima quinta grani portio singulam pillulam, sive rotulam intraret, tali pacto pro singula die granum sublimati exhiberetur, quare dubito D. Keyserum satis imprudentem esse, si similem dosim per plures dies exhibeat, ipsamque repetat citra gravis nocuementi periculum.

VIII. Nuper opusculum apparuit sub titulo, *Essai sur les Maladies vénériennes, ou l'on expose la methode de feu M. Petit, Chirurgien*. Hoc opus optime quidem elaboratum est a D. Fabri, uno ex ejus discipulis. In hoc statuuntur certiora horum morborum principia, eorumque solidior praxis, reperi pag. 131. pilulas antivenereas cum sublimato corrosivo confectas, quarum compositio non erit reticenda.

R. Mercurii sublim. corros. ℥ v.

dulcis. ℥ i. 5.

Quibus in mortario vitreo probe tritis adde

Gummi ammoniac.

Guajaci a. ℥ i.

Pyrethri

Senn. orient. s. p. a. ℥ ii.

m. & cum

Syrup. ramn. s. q.

f. massa pilularum, quarum singulare pondus sex grana æquet.

Earum pilularum quattuor exhibentur jejuno stomacho, totidem in decubitu vespere propinantur, quæ dosis imminuitur, si aliquod symptoma exigit; methodus vero istiusmodi per novem, aut decem dies continuari solet.

Hoc remedium mirum effectum præstat; Auctor asserit, in his casibus superius allatis, videlicet quando frictiones inutiles evaserint, genericè in inveterata lue venerea præsertim cum ægri pluries his morbis affecti fuerint, & organa jam nimis labefactata habuerint remediorum farragine absque methodo, aut profectu absumptorum.

Sed illi, qui easdem pilulas in vulgaribus casibus ingurgitarunt præsertim in lue venerea recenti, ubi infideles, & nocuæ evaserunt, quod moneo, Auctor ait, ut caute exhibeantur.

Hoc monitum profecto prudens est, sed insufficiens. Melius arrideret nunquam



quam ipsas commendare, nam suspicor vix unquam exhiberi posse citra gravem noxam, ut infra ostendam.

Ingredientia harum pilularum simul sumpta unciam æquant, si duplex drachma syrupi ramni compositionem ingrediatur, integra massa decem drachmas equabit, quod est 720 grana. Hujus massæ drachma semis, sive 36 grana sublimati portionem faciunt, idcirco pro singulo grano harum pilularum habebitur  $\frac{3}{720}$  sive  $\frac{1}{240}$  sive  $\frac{1}{240}$  grani sublimati corrosivi, quare in singula pilula sex granorum erit  $\frac{6}{240}$  sublimati corrosivi, & in quattuor pilulis mane sumendis  $\frac{24}{240}$  unius grani  $\frac{1}{10}$ .

Æqualis dosis portio est vespere sumenda: & sic qualibet die duo grana, &  $\frac{2}{3}$  sublimati corrosivi accipientur, quod quidem vix, ac ne vix quidem fieri potest, absquequo veneno inficiatur, & ideo dubito, quidquid Auctor dicitur, nunquam ad talem dosim exhibitum fuisse.

Quidam offenderint semis drachmam sublimati corrosivi cum drachma una, & semis mercurii dulcis intime permisceri, quod efficaciam sublimati valde imminuit. At sublimatum corrosivum simplici trituratione commiscetur, quæ propriam figuram, ac actionem proinde sublimati relinquit; fortassis hæc compositio compesceretur, si partes sublimati per sublimationem confusæ essent, atque commixtæ, sed hic effectus haud sperandus videtur per simplicem subactionem.

Insuper opposuerint purgantia, quæ pilulas intrant, sublimatum corrosivum præcipitare ejusdemque actionem obtundere, at non qualibet pilula nisi  $\frac{4}{240}$  grani sennæ complectitur, & dosis matutina  $\frac{1}{240}$  grani tantum respectu mercurii dulcis pro singula pilula  $\frac{3}{240}$  grani tantum habetur, &  $\frac{12}{240}$  grani pro singula dosi. Qualis itaque evacuatio erit expectanda ab hac dosi? Auctor ipse asserit hæc pilulas in supradicta dosi bis, terve tantummodo alvum movisse; æger igitur intra diem detinuit grana quattuor &  $\frac{4}{3}$  sublimati corrosivi, & in triplici die septem integra grana, quæ citra gravem noxam sumi posse haud putarem.

Judica nunc, vir præstantissime, quanti fieri debeant hujusmodi nova remedia, quæ audacter commendant, cui melius erit fidendum judicium, ipse ad sequentes animadversiones, quæ a re ipsa derivant, me convertito.

I. Nova remedia, quæ pro specificis adversus luem veneream prædicantur, omnia a sublimato corrosivo originem habent, quod multiplici ratione moderari tentant.

II. Dosis quam præscribunt, non semper eadem est. Empiricus Londinensis  $\frac{1}{3}$  grani præscribit. D. Boerhaavius  $\frac{3}{4}$  grani exhibet videlicet paulo magis  $\frac{1}{3}$  quod cum Van-Svietenio convenit. D. Antinus & ipse Petitus  $\frac{1}{3}$  grani proponunt. D. Fabrus granum unum &  $\frac{1}{3}$  intra diem bis tuto exhiberi posse aumat. Me latet dosis Keyseri, quam a supradictis non admodum distare crederem.

III. Sublimatum corrosivum potentissimum est venenum, quod nunquam præscribere auderem per 30 aut 35 dies ad dosim  $\frac{1}{3}$  aut  $\frac{1}{4}$  multo minus  $\frac{1}{3}$  grani pro singula die; quantumvis modica videatur dosis, timerem profecto ne pluries sumpta in stomacho, aut intestinorum plicis collecta letalia phenomena facile producerent.

IV. Multo magis de hoc remedio suspicarer dum sub solida forma exhiberetur. Etenim ex una parte triturationis vix potis erit sublimatum corrosivum in minimas portiunculas ita dividere, quale in fluida solutione evaderet; idcirco sublimatum tantummodo tritum crassioribus particulis præditum erit, quantum singulæ majorem actionem præferent, quam in menstruo solutæ; ex al-



tera vero parte haud poterit sublimatum mica panis, aut manna intime permisceri, ut in confectis pilulis æquabiliter distribuatur. Quare haud difficulter ab hac methodo sublimatum ingurgitando quodpiam letale phenomenon oriri posse videbitur.

V. Usqueadhuc tamen ab his dosibus letalia admodum phenomena orta esse non intellexi, nihilominus stomachum lædit, nauseam, vomitumque movet, intestina irritat, & tormina parit. At quis inficiabitur hoc venenum quamvis statim letales effectus non producat, non posse tamen aliquam erosionem in pulmone, stomacho, vesica, utero, atque cerebro excitare, ut tandem letalem morbum sine causa manifesta inducat, quis ignorat lente venena post longum tempus propriam actionem edere?

VI. Hæc suspicio experientia non destituitur, ut apud nos jampridem compertum est. Erat enim quidam Empiricus, qui pilulas, aut rotulas febrifugas venundabat, quæ prompte febres intermittentes rebelles compescebant absque ulla prava consecutione; arsenicum hæc pilulas intrare plures suspicati sunt, quod eventus facile confirmavit. Plerique, qui ipsis usi sunt, post aliquod tempus in maximum languorem incidebant, cujus causam ignorabant; nonnulli tussiebant, cum puris creatu, & lenta febre; alii icteritia pertinaciori cum dolore circa regionem hepatis laborabant: alii per consumptionem interibant. Post hujusmodi calamitates venenosam remedii hujus qualitatem tueri minime potuerunt, idcirco arcanum publico jussu proscriptum fuit.

VII. Demum quod magis infirmat hæc remedia nocua ita quæ dum maximum detrimentum afferunt, tamen sanare nequeunt, illud est, quod in integra curatione decem ad summum sublimati corrosivi grana exhibeantur, ut ex subductione apparet; sed hæc decem grana sublimati vix quinque mercurii fluentis complectitur: qua ratione igitur exigua hæc mercurii dosis, quæ adversus levem scabiem impar est, inveteratum & gravem lues venereæ affectum obtundere valebit?

VIII. Quapropter adversus hunc morbum hæc remedia inutilia videntur; nam illud Empirici Londinensis nullum effectum edidit, ut refert D. Turner; arcanum quoque D. de Antino, & illud Petiti majorem utilitatem non præstiterunt, neque melius effectus expectationi responderunt D. Vansvietenii; tandem illud Keyseri nihil ipsis præstantius est: hoc certissimum est, & ipse expertus sum, hoc anno supra duodecim ægros post hujus remedii assumptionem per tres, quattuorve menses luem tamen sæviorem passos esse.

IX. Nihilominus non inficiabor pilulas Keyseri quandoque morbum imminuere, aut leviora symptomata per aliquot tempus compescere, quod fortasse sectatores suos deceperit; sed lues statim revertitur, sævior plerumque, & curatu difficilior, hoc est, quod fateri possum.

X. Denique si quis velit tantum morbum apparenter obtundere, cur suffumigiis non utuntur, quæ plura luis phenomena prompte tollunt, nullumque habent detrimentum consecuturum; modo rite administrantur. Sed merito volunt omnino luem profligare; at suffumigia ista minas faverent iis, qui hæc remedia venundant, si palliativa tantum cognoscerentur.

XI. En Tibi ratio judicandi de virtute horum remediorum adversus luem veneream, absquequo meis monitis indigeas, sed sanum erit consilium neutrum judicare. Respublica igitur judicium proferat, quæ maximam partem habet; facile apparebit non esse remedium præponendum, siue melius, venenum, quod nunquam morbum tollit, alteri innocuo, atque tuto, quod communi opinione, atque consensu morbum tollit citra regressus suspicionem modo rite administratur.



## I N D E X

## R E R U M L O C U P L E T I S S I M U S.

## A

**A**bscessus quid sit, p. 10. qua ratione perficiatur. 11. signa quæ ipsum prænuntiant. 13. quæ ipsum perfectum ostendunt. ib. quomodo aperiatur. 14. methodus qua pertractatur sub primo apparatu. 15. quando aperiiri debeat ante perfectam suppurationem. ibid. regulæ pro aperitione diversorum abscessuum. ibid.

*Acrimonia sanguinis* ab herpetibus orta. 73. remedia quæ ipsam corrigunt. 75.

*Adeps* inspissatur in tumoribus præternaturalibus 2. est causa materialis sarcomatum. 177. qua ratione congeratur. ibid.

*Aetius*, ejusdem descriptio hydropis uteri cum hydatidibus. 122

*Aer* causa materialis emphysematis 1. producit tumores flatulentos 180 v. *Emphysema*.

*Alimentum crassum* inspissant lympham. 126

*Amputatio* in sphacelo opportuna. 20

*Anasarca* sive hydrops universalis. 114

*Anodyna*, eorum usus internus, atque externus in tumoribus inflammatoriis. 9

*Anthrax*, ejusdem descriptio. 38. differentia. ibid. sedes. 39. causa. ib. symptomata. 40. est effectus vulgaris causa febris malignæ, aut pestilentialis. 41. ejusdem prognosis. ibid. curatio. ib. cordialia, & refrigerantia postulat. ib. curatio externa. 42. v. *Carbo*.

*Antiscorbutica* remedia in gangræna sicca conveniunt. 23. remedia id genus D. Moreti. 218

*Apothelema*. v. *abscessus*.

*Areteus* describit hydropem uteri cum hydatidibus. 121

*Aronica* idonea in curatione externa

gangræna sicca

23

*Arteriæ* capillares sanguine dilatatae phlogosin faciunt. 4

*Atheroma* est lupæ species. 156

## B

**B***Alnea domestica* utilia in herpete. 75. idonea in scabie. 80. fabulosa conveniunt in oedemate. 120

*Balsamus Chalybis*, ejusdem compositio, ac virtutes adversus cancerum. 140

*Barreges* (aqua de) juvant magnopere in strumis. 154

*Bilis* in sanguine detenta ob hepatis infartum pene semper guttam rosaceam parit. 92

*Bronchoceles* descriptio. 164. causa. 165. symptomata. 166. prognosis. 167. curatio. 168

*Bubones*, eorum descriptio. 47. differentia. ib. causa. 48. symptomata. 51. diagnosi. 52. prognosis. ibid. curatio. 53. ante perfectam suppurationem minime operari debent. 54. conveniunt cum strumis. 150

## C

**C***ancer*, ejusdem descriptio. 132. differentia. 123. causa. ib. causa formalis scirrhi expansio. ib. quomodo hæc expansio perficiatur. 134. symptomata. ibid. diagnosi. 136. prognosis. 137. curatio. ibid. quando extirpari possit. 138. cura palliativa. 139. comparatio expansionis materiæ cancræ cum expansione fructus *momordicæ*. 141

*Candele* pro morbis uretræ. 221

*Capsulæ Ouales* ad radicem capillorum. 64. sunt sedes tineæ. 101

*Caries ossium* in panaritio. 46. quomodo curetur. 176

Cata-



- Cataplasmata* emollientia, & relaxantia in panaritio. 46. in bubonibus, & parotidibus. 53  
*Causica*, eorum usus adversus lupas capitis. 164. aut tumores gummosos. 176  
*Cauterium* potentiale idoneum in aperitione glandularum tumefactarum, & parotidum præsertim. 54. quomodo applicetur in lupis. 161  
*Calor* partis inflammatae quâ de causa. 6. Topicorum utilis in gangrœna. 20. in scirrho auctus carcinoma producit. 134. causa caloris adaucti. ib.  
*Carnium reproductio* in ulceribus quid postulet. 187  
*Carbo*, v. *anthrax*.  
*China china* adversus gangrœnam. 19  
*Cicatrix ulceris* quomodo promoveatur. 190  
*Cicatrizatio*, quid importet. 186  
*Circulus lymphæ* quomodo fiat. 48  
*Cistis* quomodo in tumoribus producantur. 157. v. *tumores cistici*.  
*Clavi pedum*, eorum descriptio. 146. causæ, & symptomata. ib. diagnosi. 147. prognos. & curatio. ib.  
*Contagium animalium emortuorum* vecum præsertim. 39. quomodo scabiem producat. 78  
*Cordialia* in gangrœnam. 19. utilia in gangrœnam siccam. 23. in carbunculum. 41. in parotides, atque bubones. 59  
*Crustæ lacteæ* descriptio. 93. causæ. 94. symptomata. ib. diagnosi. 95. prognos. ib. curatio. 96  
*Cutis descriptio* anatomica. 63. proprie dicta, ejus structura. ibid.

## D

- D***Ecocta* ad corrigendum sanguinem in scâbie idonea. 80  
*Dentitio* serotina, & difficilis in infantibus crustis lacteis laborantibus. 95  
*Derergentia* in ulcerum curatione idonea. 190

- Deterfio* in ulceribus quid importet. 185. quomodo absolvatur. 189  
*Dieta stricta* in erysipelate. 66  
*Digerentia* ulcerum suppurationem fovet. 15  
*Diluentia* in interna inflammationum curatione. 8  
*Dolor pulsatilis* signum pathognomonicum phlegmones. 4. quid ipsum producat. ib. explicatio hujus symptomatis. 6. perterebrans est symptoma paronychii. 45. lancinans est symptoma canceri. 135  
*Dracunculus* quid sit. 32. ejusdem descriptio. ibid. medici qui de eo locuti sunt. 33. natura, & causæ. 34. symptomata. 36. diagnosi. 37. prognos. ib. curatio. ib.

## E

- E***Cchymoses*, descriptio. 58. definitio. ibid. experientia, quæ ostendit in hoc morbo sanguinis resolutionem. 10. ejusdem causæ. 59. symptomata. ibid. diagnosi. ibid. prognos. 60. curatio. ibid.  
*Emetica* utilia in pluribus morbis inflammatoriis. 8  
*Emollientia* usuveniunt in tumoribus inflammatoriis. 9  
*Emphysema*. descriptio. 180. causæ. ib. & 181. quomodo occurrat adventu ulceris meatus auditorii. 181. ejusdem symptomata. ibid. diagnosi. 182. prognos. ibid. curatio. ibid.  
*Epidermis*. 63  
*Epulotica*, sive Cicatrizantia. 190  
*Erysipelas*, descriptio. 62. differentia. ibid. sedes in cute. 63. causæ. 65. compressio venarum prima causa generalis. ibid. constriictio spasmodica fibrarum tendinearum secunda causa generalis. ibid. magis frequens æstate, quam Autumno, & Meridionali plaga, quam boreali. 66. symptomata ejusdem. ibid. diagnosi. 68. prognos. ibid. curatio. 69

Escar-



*Escharotica* in partibus gangrænatis  
usum habent. 20. in carbuncu-  
lo. 20

*Esseræ* describuntur. 83. dependent ab  
obstructione glandularum miliarium.  
ibid. symptomata. 84. diagno-  
sis. ibid. prognosis. 85. cura-  
tio. ibid.

*Evacuantia* validiora suppurationis hu-  
mores resolvunt. 192

*Excrecentiæ* adiposæ. 178. earum per-  
tractatio. 179

*Exfoliatio* ossis contusi quomodo pro-  
moveatur. 61. quomodo perficia-  
tur. 208

*Exostoses* effectus contusionis ossium. 58

*Extirpatio* canceri quomodo perficiatur.  
138. quomodo obtineatur ope corro-  
dentium. 139. extirpatio verruca-  
rum quatuor diversis modis obtine-  
tur. 144. extirpatio luparum quo-  
modo instituatur. 171. quomodo ob-  
servatur ipsa in lupis capitis cultri  
ope. 169. caustici ope. ibid.

## F

**F***abri* ( D. ) Judicium ejusdem tra-  
ctatus de morbis Venereis. 230. pro-  
ponit sublimatum corrosivum; ar-  
guitur ejusdem usus. 231

*Febris* in phlegmone essentialis seu sym-  
ptomata. 3. utraque est in Erysi-  
pelate. 68. maligna frequenter in-  
ducit obstructionem glandularum pa-  
rotidarum. 50. mesenterica a stru-  
mis derivat. 149

*Fistulae* Ani; pro ipsis Emplastrum po-  
lychrestum. 222

*Fomenta* spirituosia utilia in Gangræna  
sicca. 20

*Frictiones* utiles in Gangræna sicca.  
ib. mercuriales in tumoribus gum-  
mosis. 176

*Frigus* externum Gangrænam producit.  
17. inspissat lympham. 126

*Furunculus*; ejusdem descriptio. 23.  
differentiæ. 84. sedes. ibid. causæ.  
ibid. symptomata. 25. explicatio dif-

ferentiarum. 25. diagnosi. ibid.  
pognosis. 27. curatio. ibid. quando  
aperiri debeat. ibid.

## G

**G***Anglii* descriptio. 142. causæ.  
ibid. symptomata. ibid. dia-  
gnosis. 143. prognosis. ibid. cu-  
ratio. ibid.

*Gangrænæ* descriptio. 16. causæ. 17.  
sphaceli. ibid. symptomata. ibid.  
signa quæ ipsum a gangræna distin-  
guunt. 18. prognosis. ibid. curatio.  
19. Gangrænæ siccæ, descriptio, &  
causæ. 521. symptomata. ibid. dia-  
gnosis. 22. prognosis. ibid. cura-  
tio. ibid. Gangræna finis carbuncu-  
li quomodo curanda sit. 42. gan-  
græna nunquam supervenit scir-  
rho. 318

*Gingivarum* ulcera quæ remedia postu-  
lent. 220

*Glacies* quid agat in humores in vasis  
circulantes. 17

*Glandulæ* cutis, earum structura, &  
usus. 63. *Miliares* carbunculi sedes. 39.

earum obstructio prima causa gene-  
ralis erysipelatis. 65. nullo pacto  
existimandæ sunt sedes Herpetis. 72.  
extrema canalium excretoriorum ha-  
rum glandularum sunt sedes scabiei.  
77. sunt sedes papularum. 80. ex-  
trema canalium excretoriorum earum  
glandularum sunt sedes sudaminū. 86.  
cur obstructionem miliares patiantur.  
84. *Sebaceæ* sedes furunculorum, seu cla-  
vorum. 24. fabrica & usus glandularum  
sebacearum. 64. in facie sunt sedes  
guttæ rosæ. 91. sedes pariter crusta-  
rum lactearum. 94. & varorum. 98.

magis scirrho subjacent, quam ceteræ  
partes. 125. *Conglobatæ*, seu lym-  
phaticæ sedes sunt strumarum. 148.

*Arythenoides* aliquando sunt sedes  
bronchoceles. 165. *Thyroides*, earum  
fabrica. 165. sunt ordinariæ sedes  
bronchoceles. ibid. harum glandula-  
rum usus. ibid.

Gum



*Gumma* seu Tumores gummosi: descriptio . 171. sedes . 172. erant veteribus ignotæ . ib. effectus myasmatidis Gallici . 173. symptomata . ibid. diagnosis . 174. prognos . ibid. curatio . 175

*Graviditas* ruboris faciei causa propter catamenia suppressa . 88

*Gutta rosacea* . descriptio . 90. differentia . ibid. causæ . 91. sedes in glandulis sebaceis faciei . ibid. symptomata . 92. diagnosis . ibid. prognos . ibid. curatio per diætam & pharmaca . 92. per topica . 93

## H

**H**æmorrhagia in Cancris apertis . 141

*Hæmorrhoides* . earum remedium . 223

*Herpetes* descriptio . 71  
differentia . 72. sedes . ibid. causæ . ibid. symptomata . 73. propagatio . 79. diagnosis . ibid. prognos . ibid. detrimenta ab indiligenti medela . 74. curatio per remedia interna . 75. per remedia externa . 76  
cautelæ necessariæ . ibid.

*Hordeolum* Tumor palpebrarum; descriptio . 28. sedes . 29. causæ . ibid. symptomata . 30. diagnosis , & prognos . 31. curatio . ibid.

*Humor mucosus* acer producit herpetes . 73. causæ hujus acrimoniæ . ibid.

*Humor hujusmodi* causa est materialis ruboris . 86. fecernitur in membrana reticulari . 63. parit ignem volaticum . 97. *Sebaceus* palpebrarum ejusque usus 28. usus genericus hujus humoris . 64. vitia ejusdem . 91. causæ vitiorum . ibid. *recrementitius* & *excrementitius* producitur in tumoribus scirrhis glandularum . 116. acer , & corrodens cancri falso putatur . 141

*Hydatides* . Descriptio . 120. producuntur in corporis cavitatibus . 121. ab Hippocrate cognoscebantur . ibid. quid *Galenus* , & *Paulus Aegineta* pro ipsis

intellexerint . ibid. quod *retæus* . ibid. quidque *Ætius* . 122. sunt in causa hydropis ascitis juxta *Formellium* . ibid. sunt dilatationes varices venarum lymphaticarum . 123. symptomata . ibid. diagnosis . 124. prognos . ibid. curatio . ibid. in quo differant a lupis . 157

*Hydrocephalus* effectus est infartus strumosi plexus choroidei cerebri . 149

*Hydrops* universalis . 114. Ascitis ab Hydatidibus orta 122. pectoris ab infartu strumoso Thymi . 149

*Hypersarchoxis* , sive excrescentia carnea ulcerum . 208

## I

**I**cterus , quando scirrhum hepatis committetur . 26

*Inflammati*o , quid sit , ejusque variæ periodi . 3. sedes . 4. ipsam pariunt vitia solidorum compressorum , aut contusorum . 5. fluida qualitate , spissitudine aut rarefcentia vitiata . ibid. cutis est sedes inflammationis , quæ Erysipelas vocatur . 63

*Induratio Phlegmones* . 7

*Ignis volaticus* descriptio . 96. sedes in membrana reticulari ob vitium humoris mucosi . 97. causæ . ib. symptomata . ibid. diagnosis . ibid. prognos . ibid. curatio . 98

## K

**K**eyseri Remedium contra morbos venereos . 228. ejusdem periculosi effectus 229. exhibendi methodus . ibid. analysis . ib. ipsum palliativum evadit . ibid.

## L

**L**apis Causticus cultro præponitur in tumoribus duris aperiendis . 131

*Lentigo Cutis* vitium ab insolatione . 88  
producitur ob arefcentiam humoris mucosi cutis . 89



*Leucophlegmatia*, quid sit. 114  
*Lupæ* descriptio. 156. causæ. ibid.  
 symptomata. 159. diagnosi. 160.  
 prognos. ibid. curatio per resolu-  
 tionem perdifficilis. ibid. per ca-  
 thartica. 161. per suppurantia. ib.  
 per amputationem. ibid. capitis lu-  
 pæ. 162. causæ. ibid. symptoma-  
 ta. 163. diagnosi. ibid. prognos-  
 is. ibid. curatio cultri, & cau-  
 stici ope. 164.  
*Lympha* quomodo circumducatur. 48.  
 causæ motus progressivi. 49. causæ  
 spissitudinis generales. 50. causæ e-  
 jusdem spissitudinis speciales in glan-  
 dulis ceterisque partibus. ibid. spif-  
 situdo lymphæ a frigore perniones  
 facit. 55. lymphæ acris & corro-  
 dens tineam parit. 101. causæ ho-  
 rum vitiorum. ibid. lymphæ retar-  
 data oedema inducit. 114. expe-  
 rientia circa lympham, quæ hydati-  
 des producit. 120. quomodo lym-  
 pha hydatides faciat. 123. quomo-  
 do in scirrho indurescat. 126. lym-  
 pha nutriens exuberans ganglia ex-  
 citat. 142. elasticitas lymphæ sive  
 ejusdem in cancri rarefcentia. 141.  
 causæ generales spissitudinis lymphæ  
 in strumis. 150. causæ ejusdem spe-  
 ciales. ibid. quomodo lymphæ in  
 quibusdam tumoribus collecta modo  
 sebum, modo juscula, modo mel  
 æmuletur. 156. ejusdem spissitudo  
 ab ipsa sanguinis derivat. 166

## M

**M** *Alum-mortuum* realis morbus, esto  
 Neoterici fileant. 106. descri-  
 ptio & differentiæ. ibid. sedes &  
 causæ. ibid. symptomata. 108. dia-  
 gnosis. ibid. prognos. 109. cu-  
 ratio. ibid.  
*Mammæ* structura. 136. cancer; expe-  
 rimento chymico attenditur indoles  
 contenti humoris. 141  
*Matrix*, ejus hydrops ab hydatidibus  
 producta. 122

*Maturantia*; eorum usus pro suppuratione  
 promovenda. 14. juvant in pa-  
 rotidibus, & bubonibus. 53  
*Melliceris* lupæ species. 156  
*Menstrua* cum primo apparent, sæpissi-  
 me strumas dissipant. 152  
*Membrana reticularis*, ejus structura. 73.  
 est sedes herpetis. 72. argumenta  
 quæ huic favent sententiæ. ibid. est  
 sedes macularum rubrarum. 88  
*Morsus venenatus* causa erysipelatis. 92  
*Mundificatio ulcerum* quid sit. 185

## N

**N** *Arcotica* utilia in dolorosis paro-  
 nychiis. 46  
*Noli me tangere* faciei tumor sive gut-  
 ta rosea gangrænosa. 91  
*Nutrices*; pro morbis infantum suppe-  
 ditantur ipsis remedia idonea. 87.  
 qualitas lactis nutrimentum in causa est  
 crustarum lactearum puerorum. 94

## O

**O** *Observatio* specialis supra jecoris  
 hydatidibus. 122. observatio cu-  
 riosa super gummoso orbitæ tumo-  
 re. 171. observatio singularis de  
 emphysemate cutis faciei ab aere  
 per meatum auditorium modulis exe-  
 unte. 181  
*Oedema*. descriptio. 114. differentiæ.  
 ibid. causæ. ibid. symptomata. 116.  
 diagnosi. 117. prognos. ibid. cu-  
 ratio. 118  
*Opium* topicis mixtum maximopere in-  
 servit pro palliativa cancerorum me-  
 dela. 140  
*Oreillons* tumores oedematosi parotidum  
 47. causæ. 48. curatio. 59  
*Os*, ejus contusio, & legitima cura-  
 tio. 61

## P

**P** *Apulæ* descriptio. 81. sedes. ibid.  
 causæ. 82. diagnosi. ibid. pro-  
 gno-



gnosis. *ibid.* curatio. *ibid.*  
*Papillæ nervæ*: artis earum structura & usus. 64  
*Paronychium*, descriptio. 42. differentia. 43. sedes genuina paucis cognita. *ibid.* hoc evincitur methodo Fabritii Hildani. 43. provenit ab expansione guttarum lymphæ sub radicibus unguium. *ibid.* causæ. 44. symptomata. *ibid.* dolor paronychii intensus. 45. diagnosi. *ibid.* prognosis. *ibid.* curatio difficilis. *ib.*  
*Parotides* descriptio. 47. salutares & criticae. 52. delitescentiæ metastasim minantur. 53. aperiendæ sunt ante perfectam maturationem. 54. lapis causticus perutilis. *ibid.*  
*Periostium* sedes tumorum gummosorum qui exostoses creduntur. 171  
*Perriones* descriptio. 54. sedes. 55. causæ. *ib.* biliosi, & bibitores raro sunt ipsis obnoxii. *ib.* symptomata. *ib.* diagnosi. 56. prognosis. *ib.* curatio. *ib.*  
*Pertractatio* magis idonea abscessu aperto. 15. ulcerum consequentium. 190.  
*Pestis* carbunculos creat. 41  
*Phlegmones* descriptio. 3. differentia. 4. causæ. *ib.* symptomata. 6. multiplex desinentia. 7. curatio. 8  
*Phlogosis* quid sit. 4  
*Phthisis* tubercularis effectus strumarum. 149  
*Pneumatocele* morbus idealis. 182  
*Punctio* quando adhibenda fit in curatione bronchoceles. 169  
*Putrefactio* ulcerum mediaque illa profligandi. 197  
*Pubertas* hac ætate pueri a strumis convalescunt. 152  
*Purgantia* usus in cancris incipientibus. 138. in curatione inflammationum. 8. in curatione speciatim erysipelatis. 69. in gangræna. 19. in gangræna sicca. 23. in carbunculis. 42. in bubonibus, & parotidibus. 53  
*Pus* laudabile. 187. quomodo produca-

tur. 11. ejus attributa sanguinis attributis comparata. *ibid.* causæ harum qualitatum. 11. malæ indolis. *ibid.*

## R

**R** *Efrigerantia* eorum usus in carbunculorum curatione. 142  
*Regeneratio carnum* in ulceribus. 185. quomodo obtineatur. 190  
*Regimen* in gangræna sicca. 20  
*Repellentia* in tumoribus glandulosis periculosa. 53. in erysipelate. 70 perniciosus eorum effectibus in cutis morbis opitulandum est applicatione vesicatorii indolentis. 97  
*Resolventia* adhibentur in tumoribus inflammatoriis 9. immatura administratio nocet in infartu glandularum. 53. usuveniunt in ecchymosi tendinum. 61. quando usurpanda in erysipelate. 70. interna, & externa in tumores scirrhosos. 130. temere usurpata nocent. 134. externa in nodorum curatione. 143. in strumis. 154. in lupis. 160  
*Resolutio*, signa ejusdem in phlegmonibus. 7. quomodo in morbis inflammatoriis perficiatur. 9. nunquam finis est scirrhi perfecti. 129. prudenter tentari debet. 130. luparum difficilis. 160  
*Rubores* faciei. 88. causæ. *ib.* diagnosi. 189. prognosis. *ib.* curatio. *ib.*

## S

**S** *Sanguis* producit tumorem inflammatorium per stagnationem, devolutionem, & extravasationem. 4. ejusdem irruptio in vasa lymphatica phlegmonem facit. *ib.* extravasatio phlegmonem systrophicam parit. *ib.* sanguis copiosus nimis phlegmonem producit vel nimis spissus. 5. vel nimis rarefactus. *ib.* quibus partibus conflatur. 11. quomodo in pus convertatur. 12. quomodo ejusdem sal-



falsedo aut acrimonia corrigatur in scabie. 80  
*Sarcomata*, descriptio. 177. causæ. ib. symptomata. 178. diagnosi. 179. prognos. ib. curatio. ib.  
*Scabies*, descriptio. 77. differentiæ. ib. sedes. ib. causæ. ib. symptomata. 78. diagnosi. 79. prognos. ibid. periculosum est ipsi præpostere tutius mederi. 80. curatio methodica. ib.  
*Scarificationes* utiles in gangrænis. 19. in carbunculis. 42. in ecchymosis. 59. quando convenient in erysipellate. 71  
*Scirrhus*, descriptio. 125. differentiæ. ib. causæ. 126. symptomata. 127. diagnosi. 129. prognos. ib. periculum carcinomatis a tentatis solventibus. ib. curatio caute instituenda. 130. quomodo scirrhus in cancrum convertatur. 134. lymphaticus hepatis icterum non parit. 126  
*Setacea* in Bronchocele. 169  
*Solis ardor* causa erysipelatis. 66  
*Solventia* interna suspecta in sanguine vitiato. 131. quando contemni debeant. 132. illa D. De Routrou in strumis prædicata. 154. interna adversus lupas. 160  
*Sordities* producit scabiem. 78. atque tineam. 102  
*Sphacelus* V. Gangræna.  
*Spirituosa* remedia utilia in ecchymosi. 60  
*Splenia* caustica de-Vigo. 161  
*Steatoma*, est species lupæ. 156  
*Strumæ* descriptio. 198. etymologia. 149. differentiæ. ib. causæ. ib. analogia, & differentia inter strumas, & bubones. 150. symptomata. 151. diagnosi. 152. prognos. 153. curatio. ib.  
*Sublimatum corrosivum* adversus luem veneream proponitur. 228. supponitur remedium Keyseri. 225. circa ipsam institutæ experientiæ. ibid. iudicium de hoc veneno. 229  
*Sudoruna*, descriptio. 85. causæ. 86. differentiæ a scabie. ibid. sympto-

mata. ibid.  
*Sudorifera*, ptisana diluit, & edulcorat sanguinem. 75  
*Sudorifera* nocent in quibusdam cutaneis morbis. 85  
*Sudor* deturpatus carbonem facit. 39. causæ huius vitii. ib. spissitudo sudoris gignit erysipelas. 65. effectus huius acrimoniæ. ib. causæ spissitudinis sudoris. ib. causa acrimoniæ est vitium in scabie. 78. producit efferas obstruendo glandulas cutis. 84  
*Suppurantia*, v. *Maturantia*.  
*Suppuratio* prænuntiatur in phlegmone speciali modo. 7. est primus status ulcerum. 185. duplex indicatio suppurationis. 189

## T

**T** *Hymus*. 419  
*Tibialia* ex corio canis in oedemate crurum. 120  
*Tinea*, etymologia. 100. descriptio. ibid. differentiæ. ibid. sedes, in radicibus capillorum. 101. argumenta hoc demonstrantia. ibid. causæ. ibid. explicatio differentiarum. 102. symptomata. ibid. diagnosi. ibid. prognos. ibid. curatio. 104.  
*Topica* in scabie. 80. in maculis rubris. 89  
*Transpiratio* insensibilis distinguenda a sudore. 64  
*Tumores naturales*; quid sit tumor naturalis. ibid. contra naturam. ibid.

## V

**V** *Ari*, descriptio. 98. sedes, & causæ. ibid. symptomata. 99. diagnosi, & prognos. ib. curatio ope diætæ, & remediorum diluentium, & refrigerantium. ib. usu solventium internorum. ib. topicorum. ib. & 100.  
*Vasa*, eorum vitia phlogosim produciunt, com-



- compressione, constrictione, & contusione. 5. cessatio motus vasorum causa gangrœnæ. 17. *Lymphatica*, eorum structura. 49. fere nihil in lympham agunt. ib. eorum descriptio & historia per ipsa circulationis lymphæ. 48
- Vene lymphaticæ* dilatatae hydatides efficiunt. 123
- Vene sectio* in inflammationibus utilis. 14. in gangrœnis. 16. in gangrœnis ficcis. 21. in carbunculis. 38. in paronychiis. 45. in bubonibus, & parotidibus. 53. in ecchymosis. 60. in erysipellate. 69. in scabie. 80
- Veneri*, ( morbi ) remedia recenter detecta procuratione, & epicrifi. 223
- Verruca*, descriptio, & differentia, 144. causæ, & symptomata. ib. diagnosis, & prognosis. 145. curatio. ib.
- Vita* partium in quo consistat. 16. causæ illam destruentes. 17
- Vinum* affatim haustum guttam roseam facit. 92
- Ulcus*, quid sit; descriptio generica, & differentia. 183. sedes. ib. causæ. 184. diagnosis, & prognosis. ib. curatio. 185
- Ulcus benignum* descriptio. 186. causæ. ib. symptomata. 188. diagnosis, & prognosis. ib. curatio. ib. remedia interna adnotata. 189
- Ulcus siccum* non suppurans, aut parum suppurans, descriptio. 192. causæ. ib. symptomata. 193. diagnosis. ib. prognosis. 194. curatio. ib.
- Ulcus putridum* nimis suppurans, descriptio. 195. causæ. ib. symptomata. 196. diagnosis, & prognosis. ib. curatio. 197
- Ulcus callosum*, descriptio, & differentia. 198. causæ. ib. symptomata. 199. diagnosis, & prognosis. ibid. curatio. 200
- Ulcus fistulosum*, descriptio. 202. causæ. ib. symptomata. 205. diagnosis, & prognosis. ib. curatio. 204
- Ulcus ossa penetrans*, descriptio. 205. causæ, & symptomata. ib. diagnosis, & prognosis. 206. curatio. ib.
- Ulcus cum hypersarcofi*, descriptio. 208. causæ. ib. symptomata. 209. diagnosis, & prognosis. 210. curatio. ib.
- Ulcus in eodem statu permanens*, descriptio. 211. causæ. ib. symptomata. 212. diagnosis, & prognosis. ibid. curatio. 213
- Ulcus difficulter cicatrizandum*, descriptio. 214. causæ. ib. diagnosis, & prognosis. 215. curatio. ib.
- Ulceræ* a pernionibus producta, quomodo pertractanda. 57